

8(05)
მ 80

მ მ ა მ ბ ე

თვეური კურნალი

7014

წელიწადი მეთორმეტი

№ 11

№ 6

აპრილი, 1905.

სპ 8 P - 133965



ფილია

საქართველოს ბიბლიოთეკის ფილიალი

1905



Дозволено цензурою. 3 іюня, 1905 г. Тифлисъ.

შინაარსი

<p>I—ზანაუზული და სასჯელი.—რომანი ექვს ნაწილად თ. მ. დოსტოევსკისა, ნაწილი მეორე, თავი I—II. თარგმანი ინ-ანისა</p>	<p>33 1</p>
<p>II—პართველი ხალხის სიბრძნის ნიშნუხები.—უბის წიგნიდან.—დუერთთან სხივადი.—სასოუბაძისა</p>	<p>69</p>
<p>III—უსინათლო ჯერონიმო და მისი ძმა.—არტურ შნიტლეკისა.—თარგ. იგ. ზუკრაბაშვილასა</p>	<p>72</p>
<p>IV—საქართველოს ეკლესია და მისი დასაწყისი— თავი III. შემდეგი—ს. გორგაძისა</p>	<p>1</p>
<p>V—ახალი მცენიერული გამოკვლევისანი სოლერის მასახე.—ექიმას ბადრიძისა</p>	<p>25</p>
<p>VI—პარეზი.—1) ბაქტერიოლოგია სკოლაში.—2) ახალი ბაქ- თიანი მცენარე.—3) ნერვების აშლა.—4) საიდან მიეცეს კლებ-კაცს მისთვის საჭირო მიწა?—5) ხალხის განვითარება და ხარჯის სამართლიანობა.—6) ინგლისური საწვლქწიფო სწყოობილება.—7) ალექსანდრე პირველის კონსტიტუცია.— შილოერის სახსოვრად</p>	<p>33</p>

(იხილე მე-2 გვერდი)

VII — შინაური მიმოხილვა. — ნაციონალური პროგრესიული პარტია რუსეთში. — რეფორმი შინაგან საქმეთა სამინისტროში. — სარწმუნოებრივი თავისუფლება. 49

VIII — უცხოეთის მიმოხილვა — რუსეთ-იაპონიის ომი 62

დამატება:

IX — მინერალური ძივია. — ა. კლდიაშვილისა 81 — 96

დანაშაული და სასჯელი

ექვს ნაწილად თ. მ. დოსტოევსკისა

ნაწილი მორაი*)

V

ეს იყო შუა ხნის, მაღალ-მაღალი, პრუწია, რაღაცა ფრ-
თხილისა და მოთაკილე გამომეტყველების კაცი, რომელიც
შემოსვლისათანავე კარებში შედგა განცვიფრებული, თითქოს
იწყინა და კითხულობდა: „აქ სად მოგზადიო?“ უნდობლადა
და როგორღაც შეშინებული, თითქმის ნაწყენი, ათვლიერებ-
და რასკოლნიკოვის ვიწროსა და დაბალ ჭერიანს. „საზღვაო
ხუხულასა“ („морская каюта“). ასრევე განცვიფრებულმა
გადაჰხედა შემდეგ თვითონ რასკოლნიკოვსაც, რომელიც ტანთ
გახდილი, დაუბანელი და თმა აბურძღნული იწვა თავისს ჭუჭ-
ყიანსა და ვიწრო დივანზედ და უძრავად შეჰყურებდა და ჰსინ-
ჯავდა შემოსულსა. ისრევე მძიმედ დაუწყო მერე თვლიერე-
ბა და სინჯვა დაუვარცხნელსა, გაუპარსველსა და თმა აწე-
წილს რაზუმიხინსაც, რომელიც თავისს მხრივ უძრავად იდგა
ერთს ადგილასა და კადნიერთა და კითხვით შეჰყურებდა პირ-
დაპირ თვალგზითა. ასე დაძაბულად დუმილმა სულ რაღაცა
ერთი წამი გასტანა, მერე-კი, როგორც მოსალოდნელიც იყო,
გამოიცვალა სანახაობა. მოისაზრა, რასაკერელია, უთუოდ
რაიმე საგულისხმო ანგარიშითა და მოფიქრებით, რომ აქ,

*) იხ. „მოამბე“ № 3—1905 წ.

ამ „სახლგაო ხუხულაში“, გაზვიადებულის სასტიკ გამომეტყველებით სრულიად ვერას გახდებოდა და შემოსული უნებურად მორბილდა ცოტად, გათავაზიანდა და მცირედის რამ სისასტიკით დაეკითხა ზოსიმოვსა, თანა სცდილობდა თვითოეული სიტყვა საგანგებოდ გარკვევით ეთქვა:

— როდიონ რომანიჩი რასკოლნიკოვი, ბატონი სტუდენტი თუ ნასტუდენტარი აქ სცხოვრობს?

მძიმედ შეირბა უკვე ზოსიმოვი და უნდოდა ეპასუხნა, რომ რაზუმინინმა აღარ აცალა:

— აგერა არის, დივანზე წევს! რა გნებავთ?

მოურიდებელმა „რა გნებავთ“-მა მთლად კბილი მოსჭრა პრუწია ვაჟბატონსა. ცოტას გასწყდა კიდევაც არ იბრუნა პირი რაზუმინინსაკენ, მაგრამ თავი შეიმაგრა და საჩქაროდ ისევ ზოსიმოვს მიჰმართა.

— აი, რასკოლნიკოვი! — წაიდუღუნა ზოსიმოვმა, დაამთქნარა და როგორღაც არაჩვეულებრივ დიდ-ხანსა ჰქონდა უზომოდ დიდად პირი დაღებული. აიღო მერე და მძიმედ ჩაიყო ხელი ჟილეტის ჯიბეში, რომ ვეება დახურული ოქროს საათი ამოეღო. ამოიღო გახსნა, გასინჯა და ისევ მძიმედ და ზარმაცად გააბრუნა უკან ჯიბეში ჩასადებად.

თვითონ რასკოლნიკოვი-კი იყო გაჩუმებული და გულთაღმა გადაწოლილი უაზროდ მისჩერებოდა შემოსულსა. მოეშორებინა თვალი წედანდელ ყვავილისათვის კედლის შვალერზედ და რაღაცა მკრთალად და ტანჯულის სახით გამოიყურებოდა, თითქოს ეს არის საშინელი ოპერაცია გაუკეთებიათ და სატანჯველიდამ გაუნთავისუფლებიათო. მაგრამ შემოსულმა თან-და-თან მეტის ყურადღებით მიიზიდა, მერმე გააკვირა, უნდობლობა აგრძნობინა და ბოლოს-კი თითქოს შეაშინა კიდევ. ზოსიმოვის სიტყვებს შემდეგ-კი: „აი, რასკოლნიკოვიო“, უცბად წამოიწია, თითქოს წამოხტაო, დაჯდა ლოგინზედა და სუსტისა, მაგრამ მკვახე-ხმით, სწრაფად მიადახა:

— დიახ! მე ვარ რასკოლნიკოვი! რა გინდათ?

სტუმარმა ყურადღებით გადაჰხედა.

— პეტრ პეტროვიჩ ლუჩინი. იმედი მაქვს იცნობთ ჩემს სახელს.

მაგრამ სხვას მოელოდა სრულიად რასკოლნიკოვი. ამიტომაც ჩაფიქრებულმა დაუწყო უაზროდ ყურება, თითქოს ეს არის პირველად გაიგონა პეტრ პეტროვიჩის სახელიო.

— როგორ, ნუ-თუ აქამდის არავითარი ცნობა არ მიგილიათ შინიღამა? დაეკითხა პეტრ პეტროვიჩი ცოტათი აფხვერილი.

რასკოლნიკოვს პასუხი არ მიუცია. დაეშვა მძიმედ ბალიშზედა, ხელები უკან გადაიწყო და ჰერს მიაშტერდა. ლუჩინს სახეზედ წყენა აღებეჭდა. ზოსიმოვიც და რაზუმიხინიც უფრო მეტად გაიტაცა ცნობის მოყვარეობამა. შეჭრცხვა ბოლოს ლუჩინსა.

— მე-კი მეგონა და ვფიქრობდი, — წაიდუღუნა ლუჩინმა, — რომ თითქმის ორის კვირის წინად გამოგზავნილი წერილი უკვე...

— სუ ხომ აგრე არ იდგებით კარებში? — გააწყვეტინა უცბად რაზუმიხინმა. — თუ სათქმელი და ასახსნელი გაქვთ რამე, დაჯექით, თორემ ნასტასია და თქვენ ორთავე ვიწროდ რქნებით მანდა. ნასტასუშკა, მოეცა, გეთაყვა, გამოატარე! აგერა სკამი, შემოდით აქეთ!

რაზუმიხინმა სკამს ცოტა იქით გასწია, მუხლებსა და მაგიდას შუა პატარა ადგილი უყო და უცდიდა ასე, რომ სტუმარი ამ ვიწროში „გამძვრალიყო“. ისე მოხერხებულად იყო ეს წამი შერჩეული, რომ უარი ვეღარ აწამა და იძულებული გახდა, რის ვაი-ვაგლახითა და წვალებით გამძვრალიყო საჩქაროდ. მიადწია, როგორც იყო, მაგიდასა, ჩაჯდა და რაზუმიხინს როგორღაც ექვის თვალით გადაჰხედა.

— ნუ გვერიდებით, — წამოაყრანტალა კვალად რაზუმიხინმა, — მეხუთე დღეა, როდიონი ავად არის, ჰბოდავდა სულა. ახლა-კი გონს მოვიდა, მადიანათაცა სკამა. აის ექიმი, ეს ეს არის ავადმყოფი გასინჯა; მეც ამხანავი ვარ როდიონისა,

გვარად რაზუმინი, მასავით ნასტუდენტარი; აგერა არის, ახლა ავადმყოფს ვუვლი; ასე რომ უცხოებათ ნუ ჩაგვთვლით, ნუ მოგვერიდებით, საქმე განაგრძეთ.

— გმადლობთ, იქნება ჩემის აქ ყოფნით ან ლაპარაკით შეევაწუხო როგორმე ავადმყოფი? მიჰმართა პეტრ პეტროვიჩმა ზოსიმოვსა.

— ა-რა, — წაიღუდუნა ზოსიმოვმა, — პირ-იქით გაართობთ კიდევ, — მიუგო ზოსიმოვმა და კიდევ დაამთქნარა.

— კარგა ხანია გონს მოვიდა, დილიდამე კარგად არის! — განაგრძობდა ისევ რაზუმინი. ამ უბრალო თავაზიანობამ რაზუმინის მხრივ თითქოს გაამხნევა პეტრ პეტროვიჩი; იქნება იმიტომაც, ვინ იცის, რომ ამ დაგლეჯილმა და თავხედმა უკვე სტუდენტთა გაცნო თავი.

— დედა თქვენმა... — დაიწყო ლუეინმა.

— ჰმ! შეიხშიანა ხმა შალლა რაზუმინიმა.

ლუეინმა კითხვითის გამომეტყველებით გადაჰხედა.

— არაფერი, ისე მომივიდა. სთქვით, სთქვით...

ლუეინმა მხრები შეიშმუშნა.

— ... დედა თქვენმა ჯერ ჩემს იქ ყოფნობისასვე დაიწყო თქვენთან წერილის წერა. რომ ჩამოვედი, რამდენსამე დღეს განგებ შევიგვიანე და არ მოვედი, რომ დარწმუნებული ვყოფილიყავი, წერილი უთუოდ მიღებული გექმნებოდათ. მაგრამ ახლა, ცოტა არ იყოს, გაკვირვებული ვარ...

— ვიცი, ვიცი! წამოიძახა უცბად რასკოლნიკოვმა და თან რაღაცა მოუთმენარობა და ჯავრი აღებეჭდა სახეზედ. — თქვენა ხართ საქმრო? ვიცი, ვიცი!.. კმარა!

იწყინა პირდაპირ პეტრ პეტროვიჩმა, მაგრამ გაჩუმება არჩია. სცდილობდა მოესაზრა როგორმე საჩქაროდ, ყოველივე ეს რასა ჰნიშნავდა. ერთს წამს ასე გაჩუმებულები იყვნენ. რასკოლნიკოვმაც პირი იბრუნა ცოტათი ლუეინისაკენ და დაუწყა უცბად რაღაცა განსაკუთრებულის ცნობის მოყვარობითა და ყურადღებით სინჯვა, თითქოს წელან ვერ მოესწრო მთლად დათვალიერება. ახალმა რაღამაც მიიპყრა უნებურად

მისი ყურადღება: ბალიშიდამაც-კი წამოიწია საგანგებოდ ამისათვისა. თითქოს-და მართლაც ეტყობოდა ის განსაკუთრებული იერი, რომელიც მისს „საქმროობას“ ამხელდა. ჯერ ერთი, ეტყობოდა აშკარად, რომ სატახტო ქალაქში ნაადრევად ჩამოსვლით სავსებით ესარგებლა და საპატარძლოს მოლოდინში, რაც-კი შეიძლებოდა, გაკობტავებულიყო და გალამაზებულიყო, რაიცა არც საიმისოდ გასაკიცხი და დასაძრახია, რასაკვრელია. თვითონ საკუთარი კმაყოფილება და შეგნება სასიამოვნო ცვლილებისაც-კი ეპატიებოდა უთუოდ, რაკი საქმროს სახელს ატარებდა იმ ჟამადა. თავით ფეხთამდე ყველაფერი ახლად შეკერილი და შნოიანად ეცვა, მაგრამ ამხელდა აშკარად, რომ ყველაფერი ეს გარკვეულის აზრით შეეძინა. კობტა, ახალთ-ახალი, რგვალი შლაპაც-კი ამას ჰმოწმობდა: როგორღაც მეტად პატივით ეპყრობოდა და ფრთხილად ეჭირა ხელში. წყვილი იასამანის ფერი მშვენიერი ხელთათმანიც-კი ამასვე ამტკიცებდა, — სხვა არა იყოს-რა, თუნდ მარტო იმითი, რომ ხელში ტყუილად ეჭირა გამოსაჩენადა და არ იკეთებდა-კი. ტანისამოსის მხიარული ფერიც ასრევე ჰქონდა განგებ ახალგაზღობის შესაფერად შერჩეული. ტანთ ეცვა მშვენიერი, ბაცი ყავის ფერი საზაფხულო პიჟაკი, მხიარული სუბუქი შარვალი, ასეთივე ჟილეტი, ახლად ნაყიდი წმინდა ტილოს საცვლები, ბატისტის ვარდის ფერ ზოლებიანი ჰაეროვანი ყელსახვევი და სხ. ყველაფერი ისე ჰქონდა შეხამებული, რომ უხდებოდა კიდევ პეტრ პეტროვიჩსა. საიმისოდაც საკმაოდ შენახული ლამაზი სახე ახლა სულ ორმოც-და-ხუთი წლისაზედ ნაკლებს აჩენდა. ორად გაყოფილი მოშავო წვერები კატლეტებივითა ჰქონდა ჩამოკიდული და სუფთად გაპარსულს ნიკაპზედ ლამაზად და ხშირად დასხმული. ოდნავ შექალარავეებული და პარიკმახერთაჲ დახუჭუჭებულ-დავარცხნილი თმაც-კი სრულიად სასაცილოდ და ტუტუცად არ აჩენდა, როგორაც ეს საზოგადოდ: საქორწინოდ გამზადებულ, თმა დახუჭუჭებულ ნემცებს ემჩნევათ ხოლმე. თუ მის ლამაზსა და დარბაისლურს სახეს უსიამოვნო და შემაზიზღებელი რამ ემჩნეოდა, ეს ისევ სხვა მიზეზებით

იყო სულ გამოწვეული. გესლიანად ჩაიციანა რასკოლნიკოვმა, მორჩა თუ არა მოურიდებლად ბატონის ლუჟინის სინჯვასა, დაეშვა ისევ ბალიშზედა და წინანდებურად ისევე ჭერში დაიწყო ყურება.

მაგრამ არად მიიჩნია ლუჟინმა რასკოლნიკოვის ასეთი უცნაური ქცევა და გარდასწყვიტა, ჯერ ხნობით სრულიად არაფითარი ყურადღება არ მიექცია, ვითომ არც-კი რამ შეემჩნია.

— ვსწუხებარ ძალიან, რომ ასრე დამიხვდით,— დაიწყო კვალად ლუჟინმა მცირე სიჩუმის შემდეგ. რომ მცოდნოდა, ხომ აღრეც შემოგვილიდით. მაგრამ, იცით, რა არის? საშინელი ბევრი საქმეები მაქვს!.. ერთი იმათგანი მაინც მეტად მნიშვნელოვანია, სენატში მაქვს. იმისას ხომ, რასაკვრელია, არას ვამბობ, რის შესახებაც თქვენც მიხვედრილი იქმნებით. თქვენებს, დედა თქვენსა და თქვენს დას, მუდამ ჟამსველი.

შეირხა რასკოლნიკოვი და უნდოდა რაღაცა ეთქვა; სახეზედ მღელვარება დაეტყო. ლუჟინიც შედგა და დაუცადა, მაგრამ, რაკი აღარა სთქვა-რა, განაგრძო ისევ:

— ... დიახ, მუდამ ჟამსველი... სახელდახელოდ ბინაც მოვუძებნე.

— სადა?— ჩაეკითხა სუსტის ხმით რასკოლნიკოვი.

— აქადამ შორს არ არის, ბაკალევეის სახლში...

— ვოზნესენსკი პროსპექტზედ უთუოდ, არა,— გააწყვეტინა რაზუმინმა, — ორ-სართულიანი სახლია ნომრებათ. ვაჭარს უშინსა აქვს აღებული. ვყოფილვარ.

— დიახ, ნომრებია...

— საძაგლობა რამ არის, ქუჩყიანი, ტალახიანი და მასთან საექვო ადგილიც: ოინები იციან. და მეორეც, ვინ იცის, ვინ არა დვას იქა... თვითონ მეც რაღაცა სახათაბალო და საოხრო საქმისათვის ვიყავი ერთხელ. ეს-კია ჰო, იაფობაა.

— მე, რასაკვრელია, მაგდენ ცნობებს ვერ შეეკრებავდი, როგორც ახალი კაცი, — მიუგო ცოტა წყენით პეტრ პეტრო-

ვიჩმა.—მაგრამ ოთახი ორია, სუფთა და პატარა, მასთან მოკლე ხნითა მაქვს დაქირავებული... რადგან ნამდვილი ბინა ჩვენთვის,—მიუბრუნდა რასკოლნიკოვსა,—უკვე მოძებნილი მაქვს და აკეთებენ კიდევ; მინამდის-კი თვითონ მეც ნომრებში ვარ ვიწროთ, ქ-ნ ლიპვევხელისას, ჩემის ახალგაზრდა მეგობრის, ანდრეი სემონიჩ ლებეზიატნიკოვის ბინაში. ბაკალევეის სახლიც იმან მიიჩნია...

— ლებეზიატნიკოვისა?—გაიმეორა მძიმედ რასკოლნიკოვმა, თითქოს იგონებს რასმეო.

— დიახ, ანდრეი სემონიჩ ლებეზიატნიკოვისა, სამინისტროში მსახურობს. იქნება იცნობთ?

— დიახ... არა... მიუგო რასკოლნიკოვმა.

— უკაცრაოდ, ისე როგორღაც იკითხეთ თქვენა, რომ მეგონა. ოდესმე მისი მზრუნველი ვიყავი... მშვენიერი ახალგაზრდაა... თან ყველაფერს თვალს ადევნებს... ქვეყანაზედ რა ხდება... მე-კი მუდამ მოხარული ვარ ახალგაზრდობისა: თუ-კი რამ ახალია ქვეყნად, არ გამოეპარებათ.

და პეტრ პეტროვიჩმა სამთავეს როგორღაც იმედინად გადაჰხედა.

— ვითომ რა მხრივა?—ჩაეკითხა რაზუმინი.

— რა მხრივა და გონებრივად, არსებითად,—უპასუხა პეტრ პეტროვიჩმა ცოცხლად,—თითქოს გაეხარდა, რომ ჩაეკითხნენო.—ათი წელიწადია აგერ თითქმის, პეტერბურგში აღარა ვყოფილვარ. ყველა ეს ჩვენი ახალი ამბები, რეფორმები, იდეები და სხ. პროვინციამდეც მოაღწევს ხოლმე. მაგრამ აღამიანმა რომ ყველაფერი თავისის თვალთა ნახოს და თავისის ყურით გაიგონოს, პეტერბურგში უნდა იყოს უთუოდ. დიახ, და ჩემი აზრიც ის გახლავთ, რომ ყველაზედ მეტს ახალგაზრდობისაგან, ახალ თაობისაგან გაიგებ, თუ, რასაკვირელია შეგიძლიან ჩააკვირდეთ ახალგაზრდობასა. გამოგიტყდებით: გავიხარე, როდესაც...

— რა გაიხარეთ?

— თქვენი კითხვა ვრცელია ერთობ. რასაკვრელია, შეიძლება ვცდებოდეთ, მაგრამ მგონია მაინც, ახალსთაობას უფრო ნათელი შეხედულობა აქვს, უფრო მეტი კრიტიკა და საქმიანობა შეუძლიან...

— ეგ მართალია, — ჩაილაპარაკა კბილის მოკერით ზოსიმოვმა.

— სტყუი, საქმიანობა ტყუილია, — მიესია რაზუმინი. საქმიანობა ადვილი შესაძენი როდია, ციღამ როდი ვისმე უვარდება პირში. ჩვენ-კი აგერა, ორასი წელიწადია თითქმის, ყოველგვარ საქმეს გადაჩვეულნი ვართ... იდეები იქნებ მართლაც არის სადმე აქა-იქ გაფანტული, — მიჰმართა პეტრ პეტროვიჩსა, — კეთილის სურვილიც, თუნდაც ბავშვურისა, მოიძებნება სადმე. იქნება პატიოსნებაც მოიძებნება სადმე, თუმცა ყოველ მხრივ ურიცხვი გაიძვერა გვახვევია, მაგრამ საქმიანობა-კი მაინც არ არის არსად! საქმიანობა ფეხით გავთელეთ.

— არ გეთანხმებით, — მიუგო როგორღაც კმაყოფილებით პეტრ პეტროვიჩმა. — რასაკვრელია, გატაცება და შეცდომები მუდამ იქმნება. მაგრამ არც აგრე სასტიკად უნდა მოვეპყრათ. გატაცება საქმის მხურვალე სიყვარულს მოასწავებს და გვიჩვენებს, რამდენად შეუფერებელს გარემოებაში იმყოფება საქმე. თუ დღემდის ცოტა გაკეთებულა, იმიტომ, რომ დროც დიდი არა გვქონია. რაც შეეხება საშუალებას, ეს ხომ სახსენებელი არც-კია. ჩემის აზრით, პირ-იქით, ზოგიერთა რამ კიდევც გაკეთდა: გავრცელდა, მაგალითად, ახალი, სასარგებლო აზრები, გავრცელდა წინანდელ საოცნებო, რომანტიულ თხზულებათა ნაცვლად ახალი და სასარგებლო თხზულებანი; მწერლობა თან-და-თან წელში მაგრდება, ვითარდება; ბევრი მანე და სამარცხვინო ცრუ რწმენა ძირიანად აღმოიფხვრა... ერთი სიტყვით, თითქმის რომ სამუდამოდ ჩამოვცილდით წარსულსა, რაც, ჩემის აზრით, მცირედი საქმე არ არის...

— გაუზებპირებია! თავს გვაცნობს, — წარმოსთქვა უცბად რასკოლნიკოვმა.

— რა არის?—დაეკითხა პეტრ პეტროვიჩი, მაგრამ რას-კოლნიკოვმა აღარა უპასუხა-რა.

— ყველა ეს მართალი არის,—დასძინა საჩქაროდ ზოსიმოვმა.

— ხომ მართალია?—განაგრძობდა პეტრ პეტროვიჩი და თან სიამოვნებით გადაჰხედა ზოსიმოვსა.—დამეთანხმეთ,—მიჰმართა ახლა რაზუმიხინსა, მაგრამ რალაცა გამარჯვებისა და უპირატესობის გრძნობით უკვე; და კინალამ არ დასძინა კიდევ: „ახალგაზრდა კაცო“,—გამარჯვება, ანუ როგორც ამბობენ, პროგრესი, თუნდაც იმავე მეცნიერებისა და ეკონომიურ სიმართლის სახელით, ექვს გარეშეა...

— ზოგადი ადგილია...

— არა, ბატონო, არა, ზოგადი ადგილი არ გახლავთ! დღემდის თუ მეუბნებოდნენ: „გიყვარდესო“ და მეც მიყვარდა, რა გამოდიოდა აქედან?—განაგრძობდა პეტრ პეტროვიჩი ცოტათი აჩქარებული.—გამოდიოდა ის, რომ ტანისამოსს შუაზედ ვხევედი და მოყვასს ვუზიარებდი და ანდაზისა არ იყოს: „ორი კურდღლის მღვეარი ვერც ერას ვერ დაიქვრსო“, ორივე ნახევრად შიშველები ვრჩებოდით. მეცნიერება კი ამბობს: უპირველესად ყოვლისა შეიყვარე თავი შენი, რადგან ქვეყნიერებაზედ ყველაფერი კერძო ინტერესზეა დამყარებულიო. თუ თავს არ დაივიწყებ, საქმესაც რიგზედ მოაგვარებ და ტანისამოსიც მთელი შეგრჩებაო. ეკონომიური სიმართლე კი დასძინს: რამდენადაც მეტია საზოგადოებაში რიგზედ მოწყობილი კერძო საქმე და რამდენადაც მეტი ტანისამოსია მთელი, იმდენად თვით საზოგადოებაცა და საზოგადო საქმეც მტკიცეთა და უკედ არის მოწყობილიო. მაშასადამე, როდესაც მხოლოდ და მარტო ჩემთვის ვიძენ რასმე, ამითი ვზრუნავ უთუოდ სხვებისათვისაც და ვცდილობ, მოყვასმა ჩემმა დაგლეჯილ ტანისამოსზედ ცოტა რამ უკეთესი მიიღოს, მაგრამ კერძო თანაგრძნობითა და მზრუნველობით-კი არ მომდის ესა, საყოველთაო სიკეთაზეა ეს ჩემი მისწრაფება დამყარებული. უბრალო და მარტივი აზრია, მაგრამ, საუბედუროდ, დიდხანს არავის მოსდიოდა. ფიქრადა, რალაცა აღტაცებითა და

ოცნებობით იყო დაჩრდილული, თუმცა მისს აღმოჩენას, ექვი არ არის, დიდი მახვილი გონება არ უნდოდა...

— ბოდიშს-კი ვიხდი, მაგრამ, იცით, რა არის,—გააწყვეტინა მოურიდებლად რაზუმინმა,—მეც დიდი მახვილი გონების პატრონი არა ვარ. სჯობს, მაშ, თავი დავანებოთ. განგებ დავიწყე ლაპარაკი, თორემ მთელი ეს ყბედობა და თავის მოტყუება, ეს დაუსრულებელი ზოგადი ადგილები და სამის წლის განმავლობაში ურიცხვად გამეორებული ერთი და იგივე საბუთები და მოსაზრებანი, გარწმუნებთ, მხოლოდ მძულან და მეზიზღებიან; თითქმის მაშინაც კი, როცა სხვები ლაპარაკობენ. თქვენ, რასაკერეღია, სცდილობდით თავი გაგეცხოთ როგორმე ჩვენთვისა; მისატყვევებელიც-კია ესა და არც თუ გაგკიცხავთ. მე-კი მინდოდა მხოლოდ გამეგო,—ვინ იყავით. იმიტომ, რომ გესმისთ, საზოგადო საქმეს მეტად მრავლად მიესია ამ ბოლო დროს სხვა და სხვა ჯურის მოხერხებული მწარმოებელი და მთელი საქმეგაასაძაგლეს თითქმის. გვეყოფა, მაშა!

— მოწყალეო ხელმწიფეო,—დაიწყო ბატონმა ლუჩინმა წყენითა და საკუთარის ღირსებით ვითომ,—იქნება გნებავთ განმარტოთ მოურიდებლათა, რომ მეც...

— ოჰ, რასა ბრძანებთ, რას ბრძანებთ... შემძლიან, განა!.. მაგრამ, კმარა!—მოუჭრა მოკლედ რაზუმინმა და ზოსიმოვთან შეწყვეტილ ლაპარაკის განგრძობას შეუდგა.

იქამდის გონიერი გამოდგა პეტრ პეტროვიჩი, რომ განმარტება მაშინვე დაიჯერა. მაინც ორის წამის შემდეგ წასვლა არჩია ისევა.

— იმედი მაქვს, დაწყებული ნაცნობობა,—მიჰმართა რასკოლნიკოვსა,—თქვენის მოკეთების შემდეგ, უკვე თქვენ მიერ ცნობილ გარემოებათა წყალობით, შემდეგში უფრო განმტკიცდება... განსაკუთრებით გისურვებთ ჯანმრთელობასა...

თავი არც კი მოუბრუნებია რასკოლნიკოვსა. პეტრ პეტროვიჩი სკამიდან წამოდგა, გამოეთხოვა.

— უთუოდ დამგირავებელმა ვინმემ მოჰკლა!—ამტკიცებდა ზოსიმოვი.

— უთუოდ, უთუოდ! — დაემოწმა რაზუმინინი. — პორფირი თავის აზრს არავის უმჟღავნებს, მაგრამ დამგირავებლებს მაინც იწვევს და ეკითხება...

— დამგირავებლებს ეკითხება? — ჩაეკითხა ხმა-მალლა რასკოლნიკოვი.

— ჰო, რა არის?

— არაფერი.

— მერე, საიღამა პოულობს ამ დამგირავებლებსა? — ჩაეკითხა ზოსიმოვი.

— ზოგი კონმა უჩვენა; სხვების სახელი და გვარი ნივთების გასახვევ ქალაქებზედ ეწერა. ზოგი კი თვითონაც გამოცხადდა, რაკი გაეგო...

— ეტყობა, ძან გაქნილი და გამოცდილი რამა ყოფილა! რა გამბედავობაა! რა მოხერხებაა!

— საქმეც ეგ არის, რომ არა ყოფილა გამოცდილი და! — გააწყვეტინა რაზუმინინმა. კიდეც ეგ გიბნევთ გზა-კვალს ყველასა. მე კი ვამბობ: მოუხერხებელი და გამოუცდელი ყოფილა, პირველი ნაბიჯი იყო უთუოდ! თუ გაქნილსა და მოხერხებულს ადამიანსა და მასთან ანგარიშიანობასაც ვიგულისხმებთ, დაუჯერებელი რამ გამოვა. აქ-კი, ეტყობა, გამოუცდელი ყოფილა, მაგრამ შემთხვევას უხსნია. შემთხვევა-კი, ვინ იცის, რას არ იზამს ხოლმე! მოითმინე და, დაბრკოლება-კი გათვალისწინებული არა ჰქონია! მერე, როგორ მოიქცა? რა-ღაცა თუმნიანი და ორ-თუმნიანი ნივთები წაიღო, ჯიბეები იმითი გამოიტენა, ბებრუხანას ყუთი და მჩვრები ამოუქოთა და იქვე-კი, კამოდის ზედა უჯრაში რომ ნაღდი ფული იყო ას ორმოც-და-ათ თუმანზედ მეტი და ბილეთები კიდეც სხვა, ეს-კი ვერ შეჰნიშნა! გეუბნები, პირველი ნაბიჯი ყოფილა-მეთქი, პირველი! მოუკლავს მარტო, თორემ გაძარცვა ვერ მოუხერხებია! დაბნეულა! და თავიც შემთხვევით დაუღწევია და არა ანგარიშითა!

— თქვენ უთუოდ ამ დღეებში მოკლულ ქვრივ ბებრუფანაზედ ჰბრძანებთ, არა? — ჩაეკითხა ზოსიმოვს პეტრ პეტრო-

ვიჩი, რომელიც ფეხზედ იდგა უკვე შლაპითა და ხელთათმნებით ხელში და უნდოდა წასვლის დროს კიდევ ეთქვა რამდენიმე ჰკვიანი სიტყვა.

ეტყობოდა, სცდილობდა ძაან კარგი შთაბეჭდილება მოეხდინა და ამიტომაც თავმოყვარეობამ გონიერებასა სძლია.

— დიახ. თქვენც შეიტყუებით?

— როგორ არა, მეზობლათ მოხდა...

— მერე, დაწვრილებით იცით?

— არა, არ ვიცი; მაგრამ აქ სრულიად სხვა ვარემოება ანუ სხვა კითხვა იზიდავს მთლად ჩემს ყურადღებასა. არას ვიტყვი იმის შესახებ, რომ ამ ბოლოს წლებში დაბალი წრის ხალხში დანაშაულობათა რაოდენობა თან-და-თან მატულობს; არას ვიტყვი არც იმის შესახებ, რომ ყველგან თითქმის რბევისა და გადაწვის ხმები ისმის მხოლოდ. ყველაზედ უცნაური ჩემთვის აქ ის არის მხოლოდ, რომ ასევე მატულობს დანაშაულობათა და ავკაცობათა რიცხვი მაღალს წრეებშიაცა, თითქმის იმავე თან-და-თანობითა და სისწრაფითა. იქ ნასტუდენტარმა გასტეხა შარა გზაზედ ფოსტაო; აქ დაწინაურებული ხალხი ყალბს ფულსა სჭრისო; მოსკოვში მთელი ამხანაგობა აღმოაჩინეს, რომელიც უკანასკნელ სესხის ყალბს ბილეთებს თურმე ამზადებდა და მონაწილეთა შორის მათში იყო, მაგალითად, ერთი მსოფლიო ისტორიის ლექტორიც. იქ ფულის გულისთვისა და რაღაცა საიდუმლო განზრახვით ჩვენს უცხოელს მდივანსა ჰკლავენ... ხოლო თუ აქაც ბებრუხანა-მევახშე რომელისამე მაღალი წრის წარმომადგენლისაგან არის მოკლული, ვინაიდგან გლეხებს არცა აქვთ ოქროს ნივთები და არც დაგირავება შეუძლიანთ, მაშასადამე, რითი აიხსნება ყველა ეს მაგალითები, თუ არ იმითი, რომ ჩვენის საზოგადოების განათლებული ნაწილი თავგასული და ზნეობა შერყეულია?

— ვინ იცის!.. ეკონომიური ცვლილება მრავალია, — შეჰნიშნა ზოსიმოვმა.

— რით აიხსნება? — დაეკითხა რაზუმინინი. — რითი და აი, სწორედ ამ ჩვენის უსაქმურობით.

— ესე იგი, როგორ?

— არ გახსოვთ, რა უპასუხა თქვენმა ლექტორმა მოსკოვში მოსამართლეებსა: „ყველა რამ სხვა-და-სხვა საშუალებითა მდიდრდება და მეც ასრევე მოვინდომე საჩქაროდ გამდიდრებაო.“ მისი სიტყვები დაწვრილებით ვერ მომიგონია, მაგრამ აზრი-კი ეს იყო, — მინდოდა უშრომლად და შალე გავმდიდრებულიყავიო! სხვისა ხარჯზედა და სხვისა მზარუნველობის ქვეშ ცხოვრებას ერთობ მივეჩვიეთ. გვინდა, რომ მუდამ მზად დაღეჭილს ლუკმას გვიდებდნენ პირში. საჭიროების დროს-კი ყველა იმ აზრით მართლულობს თავსა, ვინ როგორ უყურებს საქმესა...

— ეგ კარგი, მაგრამ ზნეობა მერე? წესიერება და რიგინობა...

— რისთვისა ჰზრუნავეთ ნეტა? ჩაერია შოულოდნელად რასკოლნიკოვი. — ყველა ეს თქვენს ტეორიას ეთანხმება!

— როგორ, თუ ჩემს ტეორიასა?

— როგორა და ისე: განაგრძეთ, აბა, წელანდელი თქვენი მოძღვრება და ჰნახავთ, რომ ხალხის ხოცვა-ც შესაძლებელი შეიქმნება...

— მოითმინეთ! შეჰყვირა ლუჩინმა.

— არა, არა, აგრე არ არის! გამოელაპარაკა ზოსიმოვი. იწვა რასკოლნიკოვი გაფითრებული, ზედა ტუჩი საშინლად უცახცახებდა, ძლივს-და ჰსუნთქავდა.

— ყველას თავისი ზომიერება აქვს, — განაგრძობდა მედიდურად ლუჩინი, — ეკონომიური იდეა მკვლევლობას როდი ვისმე აკისრებს, ხოლო თუ წარმოვიდგენთ, რომ...

— მართალია, — გააწყვეტინა უცბად სიბრაზისაგან მთლად აცახცახებულმა რასკოლნიკოვმა, — უთხარით, თქვენს საპატარძლოსა... იმ დროს სწორედ, თანხმობა რომ გამოუცხადებია, ვითომ ყველაზედ მეტად მოხარული ხართ იმის სიღარიბისა... იმიტომ, რომ უკეთესია ღარიბი შეირთოს

ადამიანმა, რომ შემდეგში სრული უფალი შეიქმნეს ცოლისა და საბუთიც ჰქონდეს დააყვედროს ხოლმე, რომ ქმრისაგან არის გაბედნიერებული?..

— მოწყალეო ხელმწიფეო! შეჰყვირა გაბორბლებულმა და აღელვებულმა ლუჩინმა და მთლად აენტო, დაიბნა თითქმის, — მოწყალეო ხელმწიფეო... აზრის აგრე დამახინჯება! მაპატიეთ, მაგრამ მოგახსენებთ, რომ თქვენამდე მოღწეული, ანუ უკეთ ვსთქვათ, განგებ მოტანილი ხმა სრული უგუნურებაა... და ექვიცა მაქვს მიტანილი, ვინც... ერთი სიტყვით... დედას... უხარებია... თუმცა წინადვე ვხედავდი, რომ ყველა სხვა ღირსებასთან, ცოტა არ იყოს, აღტაცებული და გრძობების ამყოლი ადამიანი უნდა ყოფილიყო... ყოველს შემთხვევაში ვერ წარმოვიდგენდი მაინც, თუ ასე დამახინჯებდა ფაქტსა და ოცნებით შექმნილს ამბავს გაცნობებდათ... დასასრულ... დასასრულ...

— იცით, რა არის? შეჰყვირა რასკოლნიკოვმა და ბალიშზედ წამოიწია, თან ელვასავით აღზნებული თვალი მრისხანედ თვალში გაუყარა. — იცით, რა არის?

— რა არის?

შედგა ლუჩინი და შეურაცყოფილი და გულმოსული უცდიდა, რა იქნებოდა. რამდენსამე წამს ასე იყვნენ გაჩუმებულნი.

— რა და ის, რომ თუ კიდევ... გაჰბედავთ და... აწამებთ რასმე... დედიჩემის შესახებ... იცოდეთ, კიბილამ პანლურის კვრით ჩავიძახებთ!

— რა დაგემაართა? — შეჰყვირა რაზუმიხინმა.

— ჰხედავთ, თურმე როგორ ყოფილა საქმე! გაფითრდა ლუჩინი და ტუჩზედ იკბინა. — ყური დამიგდეთ, ბატონო, — დაიწყო თავდაჭერითა და წყნარად ვითომ; მაგრამ სულს მაინც ძლივს იბრუნებდა, ბრაზი ახრჩობდა, — წელანვე, პირველ შემოსვლისათანავე, შეგნიშნეთ, რომ როგორღაც მტრულად შემეგებეთ, მაგრამ დავრჩი განგებ, რომ უკეთ გამეგო საქმე. როგორც ავადმყოფსა და ნათესავს, ბევრს გაპატიებდით, მაგრამ ახლა-კი... არასოდეს... არასოდეს...

— მე ავად არა ვარ! შეჭყვირა რასკოლნიკოვმა.

— მით უარესი, მაშ...

— დამეკარგეთ აქედამა!

მაგრამ უამისოდაც უკვე მიდიოდა ლუჟინი, მაგიდასა და სკამს შუა ვიწრო საძვრომში გადიოდა. წამოდგა რაზუმინიცი, რომ გაეტარებინა როგორმე. აღარ შეუხედნია აღარავისთვის, ზოსიმოვისთვისაც-კი, რომელიც ერთ-თავად თავს უქნევდა, რომ ავადმყოფისათვის თავი დაენებებინა, ისე გავიდა შლაპით ხელში მხარ-აწეული. ოდნავად წახრილს წელზედაც-კი ნათლად ეტყობოდა, რომ თან რაღაცა საზარელი შეურაცხყოფა მიჰქონდა.

— ასეც შეიძლება, განა? იმეორებდა გაკვირვებული რაზუმინიცი და თავს აქნევდა.

— თავი დამანებეთ, გეთაყვათ, დამანებეთ ყველამა! შეჭყვირა გაბრაზებულმა რასკოლნიკოვმა.

— რა გინდათ, არ დამეხსნებით? მე თქვენი არ შეშინიან! არავისიც არ მეშინიან! გამშორდით ყველა! მინდა მარტოდ-მარტო ვიყო, მარტო!

— წავიდეთ! უთხრა ზოსიმოვმა და რაზუმინის თავით ანიშნა.

— როგორ? მერე? ასე უნდა დავტოვოთ, განა?

— წავიდეთ! გაუმეორა ბეჯითად ზოსიმოვმა და გარეთ გავიდა.

იფიქრა პატარა ხანს რაზუმინიმა და თითონაც დაედევნა.

— უარესი იყო, რომ არ გაგვეგონა, — ეუბნებოდა კიბეზედ ზოსიმოვი რაზუმინისა.

— ცუდია ასეთ დროს ავადმყოფის გაბრაზება...

— რა დაჰმართვინა?

— გარემოებას რომ ხელი შეეწყო, მეტი არა უნდოდა-რა! შეეძლო წელან... იცი, რა არის? რაღაც რამ ფიქრი აწუხებს! მძიმედა სტანჯავს... ცოტა არ იყოს, მეშინიან!

— იცი, რა არის, ეს ვიღაცა პეტრ პეტროვიჩია! ლაპარაკილამ ეტყობა, დას უნდა ირთავდეს ამისასა, რის შესახებ-

ბაც წერილი, სჩანს, სწორედ ავადმყოფობის წინად მიუღია როდიონსა...

— დიახ, დიახ; მაგრამ რაღა ახლა მოეხეტა? იქნება საქმეც ჩაგვიშალა სულ მთლად. არა, შეჰნიშნე, რომ ყველაფერს გულოგრძილად ეკიდება, ჩუმად არის, მაგრამ, როგორც კი მკვლელობას ახსენებენ, მაშინვე შფოთვის უმატებს ხოლმე...

— როგორ არა, როგორ არა, — უპასუხა რაზუმინინმა, — შეენიშნე და აგრე! საშინლად უნდა ყველაფერი გაიგოს, მაგრამ ეშინიან კიდევ. ეს უთუოდ იმის გამო, რომ ავადმყოფობის დღესვე შეეშინებინათ უბნის ზედამხედველის კანტორაში, პოლიციაში. გულიც შეჰლონებოდა.

— აბა, ერთი ამალამ დაწვრილებით მიაამბე ეგა და მერე მეც გეტყვი რასმე. დიდათ იზიდავს ჩემს ყურადღებასა. ნახევარ საათის შემდეგ კიდევ შემოვივლი, ვნახავ... ანთება მაინც არ ექნება, ვგონებ.

— გმადლობ! მე კიდევ პაშენკასთან მოვიციდი და ნასტასიას დახმარებით ვუგდებ ყურსა.

მოუთმენარად გადაჰხედა მარტოდ დარჩენილმა რასკოლნიკოვმა ნაღვლიანად ნასტასიასა, მაგრამ ნასტასია არა ჩქარობდა წასვლასა.

— ჩაის არ დაჰლევ? დაეკითხა იგი.

— მერე! მეძინება! თავი დამანებე...

მიუგო რასკოლნიკოვმა და ათრთოლებულმა კედლისაკენ იბრუნა პირი. ნასტასიაც მაშინვე გავიდა.

VI

მაგრამ გავიდა თუ არა ნასტასია, წამოდგა მაშინვე რასკოლნიკოვი, გადარაზა კარები, გახსნა რაზუმინინის მოტანილი ბოღჩა, ამოიღო ტანისამოსი და ჩაცმა დაიწყო. უცნაური იყო სწორედ: თითქოს უცბად მთლად დამშვიდდა; აღარც წელანდელივით ჰბოდავდა, აღარც შიში რისამე ჰქონდა, როგორც ეს ბოლოს დროს გამოიარა. ეს იყო პი-

რველი წამი რალაცა უცნაურისა და უცების დამშვიდებისა. ყოველივე მოძრაობა ნათლად გარკვეული და სწორეჲჰქონდა, მტკიცე განზრახვა ყველა მათგანს აშკარად ეტყობოდა. „დღესვე, დღესვე!...“ დუღუნებდა თავისთვის. თვითონაც ჰგონობდა, რომ ჯერ კიდევ სუსტად იყო, მაგრამ ძლიერმა სულიერმა მოძრაობამა და მძლავრმა აზრმა დროებით დაამშვიდა როგორღაც, ძალა და რწმენა შესძინა. იმედი ჰქონდა, რომ ქუჩაში მაინც არის არ დაეცემოდა, გულს არ შემოეყრებოდა. ჩაიცვა ახლები, გამოეწყო შთლადა და მაგიდაზედ მდებარე ფულს გადაჰხედა; პატარა ხანს იფიქრა რალაცა, აიღო მერე ფული და ჯიბეში ჩაიღო. სულ ოც-და-ხუთი მანეთი იყო. ჯიბეშივე ჩაიყარა რაზუმინის მოტანილი ხურდა შაურიანები. აჰხსნა მერე ფრთხილად რაზა, გამოვიდა ოთახიდანა, ჩამოვიდა კიბეზედა და სამზარეულოს ღია კარებს ჩუმად გაჰხედა: ნასტასიას ზურგი შეექცია და წაკუზული დიასახლისის სამოვარში ცეცხლს აღვივებდა. არა გაუგია-რა. მაგრამ ან-კი ვინ მოიფიქრებდა, თუ ავადმყოფი სადმე წავიდოდა? ერთის წამის შემდეგ რასკოლნიკოვი უკვე ქუჩაში იღგა.

საღამოს რვა საათი იყო, მზე ჩადიოდა. ჰაერი ისევ წინანდებურად შეხუთული იყო, მაგრამ ხარბად დაუწყო სუნთქვა რასკოლნიკოვმა ამ დანშულოსა და აყროლებულს ქალაქის ჰაერსა. ცოტა არ იყოს, თავს ბრუ დაეხვია; რალაცა რამ ველურმა ძალამა და მხნეობამ იჩინა უცბად თავი მისს ანთეზიანს, ცეცხლის მფრქვევს თვალებსა და გამხდარ-გადაფითრებულს, გაყვითლებულს სახეზედა. არ იცოდა და არცა ფიქრობდა, საით უნდა წასულიყო, მაგრამ ერთი რამ-კი: „რომ ყველაფერი ეს დღესვე უნდა გაეთავებინა, ერთადა და ახლავე; რომ უამისოდ არაფრის გულისათვის შინ აღარ დაბრუნდებოდა, იმიტომ, რომ ასე ცხადგება აღარ უნდოდა“, ეს-კი კარგად იცოდა. მაგრამ როგორ და რითი გაეთავებინა? ამისა-კი არა იცოდა-რა და არც თუ უნდოდა ეფიქრა. რამდენიც-კი გაუელვებდა ფიქრი, იმდენი სულ ახლოს არ იკარებდა, სდევნიდა: ფიქრი სტანჯავდა, არ ასვენებდა. ჰგონობდა და იცო-

და მხოლოდ ერთი რამ: რომ ასე იქნებოდა თუ ისე, უთუოდ უნდა ცვლილება მოეხდინა. „რაც უნდა მოხდესო“, იმეორებდა სასოწარკვეთილად და გარდაწყვეტილად.

ძველის ჩვეულებისამებრ სათივე მოედნისაკენ გასწია სასეირნოდა. მაგრამ ჯერ სათივეზე არ გასულიყო, რომ ქუჩის პირად, ფილაქანფენილზედ, უცბად შავ-თმა მეარლნე შემოაჭვდა. დამდგარიყო რომელიღაც დუქნის წინა და რალაცა მეტად საგრძნობელს რომანსს უკრავდა. წინ ედგა ფილაქანფენილზედ ასე თხუთმეტის წლის გამოკოპწიაგებული გასათხოვარი ქალი, ხელთათმნებითა და ჩალის შლაპით გამოწყობილი, რომელსაც ზედ ცეცხლის ფერად მოელვარე ფრთა ჰქონდა მიკერებული. რასაკვრელია, ყველა ეს უკვე ნახმარი და ნათრევი იყო. მედუქნისაგან რალაცა ორ-კაპიკიანის მოლოდინში ხმამალლა დაჰმდგროდა არლანზედ ჟღრიალა ხმით რალაცა რომანსსა, თუმცა ხმა საკმაოდ საამო და მძლავრი ჰქონდა. რასკოლნიკოვიც ორიოდ-სამიოდე ყურისმგდებელს ამოუდგა მხარში, პატარა ხანს დაუგდო ყური, ამოიღო მერე ჯიბიდან შაურიანი და ქალს ჩაუდო ხელში. იგრძნო თუ არა ფულის ჩადება ხელში, ქალმა იმავე წამს სიმღერა შესწყვიტა სულ მალალსა და საგრძნობელს ნოტაზედ, თითქოს უცბად გასხიპეს რამეო, შეუყვირა მეარლნეს: „კმარაო!“ და ახლა მეორე დუქნისაკენ გასწიეს.

— გიყვართ თქვენ ქუჩის სიმღერა? მიჰმართა რასკოლნიკოვმა იქვე, მის გვერდით, მეარლნესთან მდგომ ვილაცა ხნიერს გამვლელს, რომელსაც, ეტყობოდა, არავითარი საქმე არა ჰქონდა და ისე, მხოლოდ დროს გასატარებლად, დადიოდა ქუჩა-ქუჩა. გამვლელმა როგორღაც გაკვირვებულმა შეჰხედა.

— მე კი მიყვარს, — განაგრძობდა რასკოლნიკოვი, მაგრამ ისე დინჯადა და დარბაისლურად, გეგონებოდათ, ქუჩის სიმღერაზედ არა აქვს ლაპარაკიო. — მიყვარს არლანზედ რომ დაჰმდგრიან შემოდგომის ცივსა, ბნელსა და ნოტიო ღამეში, მაგრამ უთუოდ ნოტიო ღამეში, გამვლელ-გამომვლელს რომ

ყველას გაცრეცილი, მწვანე, სნეულებრივი სახე აქვს; ან კიდევ უქარო ღამეში რომ სველი თოვლი პირდაპირ ცვივა მიწაზედა, გესმისთ? და თოვლის ფიფქის კორიანტელში რომ ფარნები ოდნავ მობჟუტავენ...

— არ ვიცი... უკაცრავად... წაიბუტბუტა რასკოლნიკოვის უცნაურ შესახედავობითა და კითხვით გაკვირვებულმა გამვლელმა და ქუჩის მეორე მხარეს გადავიდა.

წავიდა პირდაპირ რასკოლნიკოვი და სათივის იმ კუთხეში გავიდა სწორედ, სადაც ცოლ-ქმარნი ელაპარაკებოდნენ მაშინ ლიზავეტასა; მაგრამ ცოლ-ქმარნი ახლა აღარსად სჩანდნენ. იცნო ადგილი, შედგა, მიიხედ-მოიხედა და პურის ღუქნის კარებში უსაქმურად მდგომს წითელ ხალათა ახალგაზრდას მიჰმართა.

— ვილაცა ცოლ-ქმარნი ვაქრობენ აქ, ამ კუთხეშია, არა?

— ყველაცა ზაქრობს, — მიუგო ახალგაზრდამ დაუდევრად და მედიდურად აათვალ-ჩაათვალიერა რასკოლნიკოვი.

— რა ჰქვიან სახელათა?

— ისევ ის, რაც დაუნათლებიათ.

— იქნება შენც ზარაისკიდამა ხარ? რომელი გუბერნიისა ხარ?

კიდევ გადაჰხედა და აათვალ-ჩაათვალიერა ახალგაზრდამა.

— ჩვენ, თქვენო ბრწყინვალეზავ, გუბერნიიდან-კი არა მაზრიდამა ვართ, აქეთ-იქით ძმა დადიოდა ხოლმე, მე-კი ერთ-თავად შინ ვიჯექი, ასე რომ არა ვიცი-რა... იხმარეთ ამიტომ დიდსულოვნობა, თქვენო ბრწყინვალეზავ, ღმაპატიეთ...

— ე მალლა რაღაა, „ხარშოვნა“?

— „ხარშოვნა“ კი არა „ტრახტირია“ და ბილიარდიცა აქეთ; „პრინციესებიცა“ ჰყავთ...

რასკოლნიკოვი მოედანს გადავიდა. იქ, კუთხეში, ხშირი ბრბო იდგა გლეხებისა. შევიდა შიგ შუა გულ ბრბოშია და დაუწყო ყველას პირდაპირ თვალებში ცქერა. უნდოდა როგორღაც ყველას გამოჰლაპარაკებოდა. მაგრამ გლეხები არა-

ვითარს ყურადღებას არ აქცევდნენ, ყველანი ერთმანეთს ელაპარაკებოდნენ აქა-იქ შეჯგუფულნი. იდგა პატარა ხანს ასე, იფიქრა, იფიქრა და პირდაპირ ქვაფენილს დაადგა, ვ — საკენ გასწია მარჯვნივა. მაგრამ გასცილდა თუ არა მოედანსა, მაშინვე ქუჩის შესახვევში მოჰხვდა...

წინადაც ბევრჯერ უვლია ამ მოკლე ქუჩის შესახვევითა, რომელიც ბაღების ქუჩაზედ გადის პირდაპირა. ამ ბოლოსა და ბოლოს დროს ხომ უხშირა კიდევ ამ ადგილებში სიარულსა, რომ გულ ამღვრეულსა და დაზიზღებულს „უფრო მეტად შეჰზიზღებოდა ყველაფერი“. მაგრამ ახლა-კი სულ არა უფიქრია-რა, ისე მოჰხვდა როგორღაც უნებურად ამ ქუჩაშია. აქ არის ვეება სახლი, რომელიც თითქმის მთლად სასმელ და სასაზრდოვო, სამხიარულო დუქნებითაა სავსე. ყოველს წამს დუქნებიდამ უბრალოდ — „სამეზობლოთ“ — ჩაცმული დედაკაცები გამორბოდნენ. ორ-სამ ადგილას-კი შეჯგუფულიყვენ კიდევ ფილაქანფენილზედა, განსაკუთრებით იმ ადგილას, საიდანაც სულ ორი-სამი საფეხურით სამხიარულო დუქნებში შეიძლება უცბად გაჩენა. ერთს იმათგანში იმ უამად სწორედ ყვირილი და ბრახუნი იყო საშინელი; ისმოდა, როგორ უკრავდნენ გიტარასა, დაჰმღეროდნენ ზედ და მხიარულობდნენ. ვეება ჯგუფი დედაკაცებისა ჩასავალთან შეკრებილიყო; ზოგნი კიბის საფეხურებზედ ისხდნენ, ზოგნი ქვაფენილზედ, სხვები ფეხზედ იდგნენ და ლაპარაკობდნენ. იქვე ფილაქანფენილზედ ვილაცა მთვრალი ჯარის-კაცი დახეტილობდა, პაპიროსს ეწეოდა, ხმა-მაღლა ილანძღებოდა. ეტყობოდა, სადღაცა უნდოდა, შესვლა, მაგრამ სად, ველარ გაეგნო, დაჰვიწყებოდა თითქოს. ერთი ვილაც დაფლეთილი მეორე დაფლეთილს ეჩხუბებოდა; ვილაცა გალექებული კიდევ მკვდარივით გაშხლართულიყო ქუჩის შუაგულ-რასკოლნიკოვიც ბლომად შეკრებილ დედაკაცებთან გაჩერდა. ყველა როგორღაც გახრინწიანებულის ხმით ლაპარაკობდა. ყველას ჩითის კაბები და უბრალო ფეხთსაცმელები ეცვათ, თმებიც უბრალოდ ჰქონდათ გადავარცხნილი. ზოგიერთა

ორმოცს წელსაც იყო გადაცილებული, მაგრამ იყვნენ მათ შორის ჩვიდმეტის წლის ახალგაზრდანიც. ყველას თითქმის თვალები ჰქონდათ დაღურჯებულ-დაკოყოყებული.

გაიტაცა როგორღაც რასკოლნიკოვი ამ სიმღერამა, ყვირილმა და ბრაზი-ბრუხმა. ისმოდა სიცილსა და წვილ-კივილში გიტარაზედ როგორ დაჰმღეროდა ვიღაცა წვრილის ხმითა და მისს ხმაზედ მოქეიფეთაგან ერთი როგორ ფიცხად უვლიდა ცეკვასა და ერთგულად უტყაპუნებდა ფეხთსაცმლის ქუსლებს იატაკსა. დაღვრემილი და დაფიქრებული უგდებდა ყურსა და ოდნავ წახრილი ცნობისმოყვარეობით ჩაიციკირებოდა ფილაქანფენილიდამ ჩასავალს კარებშია.

„Ты мой бутешникъ прекрасный,

„Ты не бей меня напрасно!“

გაჰკიოდს წვრილის ხმით მომღერალი. მოუნდა საშინლად რასკოლნიკოვს გაეგონა, რასა მღეროდნენ, თითქოს მეტი საქმე არა ჰქონდაო.

„მოდო, ჩავიდე,“ — გაიფიქრა რასკოლნიკოვმა. — „ხარხარებენ! მთვრალეები არიან. მერე, რა იქნება, რომ მეც დავითრო, ჰა?“

— არ ინებებთ, ჩამ ობრძანდით, საყვარელო ბატონო? დაეკითხა ერთი იქ მდგომ დედაკაცთაგანი, რომელსაც ჯერ კიდევ მთლად არ გაჰხრინწიანებოდა ხმა.

ეს იყო ჯერ სრულიად ახალგაზრდა და საკმაოდ სანდომიანიც — მთელის ჯგუფიდან საუკეთესო თითქმის.

— ჰხედავთ, რა ლამაზია! მიუგო რასკოლნიკოვმა და წელში გასწორდა, პირდაპირ შეჰხედა.

ქალმა გაიღიმა; აღერსი მოეწონა.

— თქვენ რაღა ნაკლები ხართ, — მიუგო ქალმა.

— რა გამხდარია! — შეჰნიშნა ბოხის ხმით მეორემა. — საავადმყოფოში ხომ არა წოლილხართ!

— გეგონებათ, გენერლის ქალები არიანო და ცხვირი კი ყველას პაჭუა აქვს! — გააწყვეტინა უცბად შესწრებულმა შეზარხოშებულმა და ჯუბ-გადახსნილმა, მაცდურად მომღიმარე გლეხმა. — ჰხედავთ, რა მხიარულობაა!

— მოსულხარ, გაიარე!

— გავივლი! თაფლო, გავივლი!

და უცბად ქვევით მოადინა ბლლადანი.

— გესმისთ, ბატონო! მიაყვირა ქალმა რასკოლნიკოვსა.

— რა იყო?

შეპრცხვა ქალსა.

— მე, კეთილო ბატონო, მოხარული ვარ მუდამ თქვენთან ვატარო დრო, მაგრამ მრცხვენია როგორღაც თითქოს. მაჩუქეთ, სასურველო, ექვსიოდ კაპიკი, რომ დავლიო რამე! ამოიღო ჯიბიდან რასკოლნიკოვმა, რაც-კი ამოჰყვა: სულ სამი შაურიანი იყო.

— ოჰ, რა კეთილი ბატონი ყოფილხართ!

— რა გქვიან სახელათა?

— დუკლიდა. ასე მიკითხეთ.

— არა, რასა ჰგავს ესა, — შეჰნიშნა უცბად ერთმა ჯგუფში მდგომთაგანმა და თან თავის ქნევა დაუწყო დუკლიდასა. — არ ვიცი სწორედ, როგორ უნდა გეპატიოს! მე, მგონი, სირცხვილი დამწვამდა მთლათა...

ცნობის მოყვარე თვალთ გადაჰხედა რასკოლნიკოვმა მოლაპარაკესა. ეს იყო მთლად დაკენკილი, ასე ოც და ათის წლის სახე დალურჯებული და ზედა ტუჩ შესიებული ქალი. ლაპარაკობდა სრულიად დამშვიდებული და დინჯად, დარბაისლურად.

„სად მახსოვს?“, ფიქრობდა რასკოლნიკოვი და თან მიდიოდა, — „სად წამიკითხნია, რომ სასიკვდილოდ დასჯილი ერთის საათის წინ დასჯამდე ასე ფიქრობს და ამბობს: სადმე თვალუწვდენს სიმაღლეზე, ფეხის დადგმა კლდეზედ ვარჩევდი მთელის საუკუნოების განმავლობაში განმარტოებულად ყოფნასა; თუნდ გარეშემო სამარადისო წყვდიადი, ქარი-შხალი და უფსკრულიც ყოფილიყო, ან მხოლოდ უძირო ოკეანეთი ყოფილიყო გარშემორტყმული, ოღონდ-კი სიცოცხლე შემრჩენოდა, არ მოემკვდარიყავ ახლავე! ოღონდ მე-ცოცხლა-კი, რა გვარიც უნდა ყოფილიყო ეს ჩემი სიცოცხ-“

ლეო!.. რა მართალია! რა ქეშმარიტებაა, ღმერთო ჩემო! ფლიდი და საძაგელი რამ არის ადამიანი!.. და ასრევე საძაგელია იგიც, ვინც მას ამ სახელს უწოდებს“-ო, დასძინა ორი წამის შემდეგ თვითონვე.

და მეორე ქუჩაზედ გავიდა: „ეჰე! „ბროლის სასახლე“! წელან არ იყო რაზუმინინი ლაპარაკობდა „ბროლის სასახლეზედა“. ჰო, მაგრამ მე რა მინდოდა აქა? ჰო, ჰო, უნდა წამეკითხა!.. ზოსიმოვმა სთქვა, გაზეთებში წავიკითხეო...

— გაზეთები ხო გაქვთ?—იკითხა რასკოლნიკოვმა, შევიდა თუ არა ხალვათსა და სუფთად მოწყობილს, რამდენსამე ოთახიანს ტრაქტირში. შიგ თითქმის არავინ სჩანდა. ორი თუ სამი კაცი ჩაისა ჰსვამდა და შორეულს ოთახში კიდევ ვილაცა ოთხი კაცი იჯდა, შამპანიურს შეექცეოდნენ. ეჩვენა რასკოლნიკოვსა, ვითომ მათ შორის ზამეტოვიც იყო. მაგრამ შორიდან გარჩევა ძნელი იყო.

„არის და იყოს, რა მენალვლება!“—გაიფიქრა თავისთვის.

— არაყს ინებებთ?—დაეკითხა შესვლისათანავე მსახური.

— არა, ჩაი მომიტა. და თან ამ ხუთიოდე დღის გაზეთები მოაყოლე, ფულს გაჩუქებ.

— ბატონი ბრძანდებით, ახლავ! აი, დღევანდლებიც. არაყსაც ხომ არ ინებებთ?

ძველი გაზეთებიც და ჩაიც ორივე მალე მოუტანა. ჩაუჯდა რასკოლნიკოვი და დაუწყო ძებნა: „იზლერი—იზლერი—აცტეკი—აცტეკი—იზლერი—ბარტოლა—მასსიმო—აცტეკი—იზლერი... ფუ, დალახვრა ეშმაკი! რა ცნობებია: კიბილამ გადმოიჩეხაო; იქ ვილაცა წვრილი მოქალაქე დამწვარაო—რიყეზედ, პეტერბურგის მხარეზე ცეცხლი გაჩნდაო, კიდევ ცეცხლია პეტერბურგის მხარეზე—კიდევ იზლერი—იზლერი—მასრიმო... ძლივს, ძლივს“...

იპოვნა ბოლოს, რასაც ეძებდა და კითხვა დაუწყო. სტრიქონები სულ ჭიკაყღებივით ერეოდნენ, მაგრამ მაინც ჩაიკითხა და ახლა გაზეთის სხვა ნომრებს დაუწყო ძებნა, რომ დამატებითი ცნობებიც შეეტყო. მოუთმენლობისაგან გულ გადა-

ლელს თითები მთლად უცახცახებდა, გაზეთებს რომა ჰფურცლავდა. უცბად ვილაცა მიუჯდა გვერდით. შეჭხედა—ზამეტოვია,—იგივე ზამეტოვი, ბექდებითა და ოქროს ძეწკვით გამოქიმილი, ხუჭუქ-თმიანი, პომადა-წასმული, მშვენიერს ჟილეტსა და ცოტა გახეხილს სერთუქში გამოწყობილი. მხიარულად არის; ღიმილით მაინც მხიარულადა და გულკეთილად უღიმოდა. შამპანიურისაგან ხორბლის ფერი პირისახე მთლად აწნებოდა, უხურდა.

— როგორ! აქა ხართ? დაეკითხა გაკვირვებული ისეთის კილოთი, გეგონებოდათ მთელი საუკუნეა ერთმანერთს იცნობენო.—გუშინ-კი იყო მეუბნებოდა რაზუმინინი, ჯერ კიდევ გონს არ მოსულაო. უცნაურია! ხომ თქვენსაც ვიყავი...

იკოდა რასკოლნიკოვმა, რომ მივიდოდა უთუოდ ზამეტოვი. გადააწყო გაზეთები და ზამეტოვს მიუბრუნდა. ტუჩებზედ დაცინვის ღიმი უქროდა; რაღაცა ახალი რამ მოუთმენლობის ღელვა ეტყობოდა.

— ვიცი, ვიცი, რომ იყავით,—უპასუხა,—გავიგე. წინდას თურმე მიძებნიდით... იცით, რა არის, რაზუმინინი თითქმის რომ გადარეულია თქვენთვის; ამბობს, ლავიზა ივანოვნასთან ერთათ ვიყავითო. გახსოვთ, მაშინ რომ თოფის წამალა-პორუჩიკს ანიშნებდით თვალითა და ის-კი, ვერ იქნა, დიდხანს ვერ მიგიხვდათ, გახსოვთ? არა, ან-კი როგორ არ უნდა მიხვედრილიყო—აშკარა საქმე იყო... არა?

— ო, რა კირვეული რამ არის!

— თოფის-წამალა?

— არა, თქვენი მეგობარი რაზუმინინი...

— კარგათა სცხოვრობთ, ბატონო ზამეტოვ, განა? რაკი რამ სასიამოვნო ადგილებია, ყველგან უბაჟოდ დაბრძანდებით, განა? ვინ იყო, ახლა რომ შამპანიურს გასმევდათ?

— ჰო, ეს ჩვენა... ვსვამდით... ჩამაცვივდა, აღარ მამეშვა!

— საგონორარო იყო, განა! ყველაფრით სარგებლობთ!—გაიციანა რასკოლნიკოვმა.—არა უშავს-რა, კეთილო ბიჭო, არა უშავს-რა!—დასძინა რასკოლნიკოვმა და ზამეტოვს მხარ-

ზედ ხელი დაჰკრა.—მე ხომ ისე სიბოროტით არ მომდის, „სიყვარულით, ხუმრობით“ გეუბნებით, ისე, როგორც თქვენი ხელოსანი მართლულობდა თავსა, მიტკას რომ გვერდებს უთქვეფაფდა; არ იცით, აიმ ბებრუხანას საქმისა გამო.

— მერე, თქვენ რა იცით, განა?

— ვინ იცის, იქნება თქვენზედ მეტიც ვიცოდე.

— რას ამბობთ, აბა, რა უცნაური ხართ... ეტყობა, ჯერ ავათა ხართ ისევა. ტყუილად გამოსულხართ გარეთა.

— როგორ, უცნაურათ გეჩვენებით?

— დიახ. რა იყო ეს, გაზეთებს კითხულობდით?

— დიახ.

— ბევრი სწერია ცეცხლზედა, სად ან ვის გასჩენია?

— არა, მე ცეცხლზედ არა ვკითხულობდი,—და როგორღაც მნიშვნელოვანად გადაჰხედა ზამეტოვსა. დაცინვის ღიმმა კვალად შეუთამაშა ტუჩებზედა.—არა, ცეცხლზედ არა ვკითხულობდი,—განაგრძობდა რასკოლნიკოვი და თან თვალს უშვრებოდა ზამეტოვსა.—არა, გამომიტყდით, საყვარელო, რომ გულით გენატრებათ გაიგოთ, რას ვკითხულობდი ახლა; ხომ აგრეა, ჰა?

— სრულიადაც არა; ისე ვკითხვით. ნუ თუ არ შეიძლებაოდა მეკითხა? როგორ ყველაფერს...

— მოითმინეთ, თქვენ ხომ განათლებული, ლიტერატურაზედ აღზრდილი კაცი ხართ, არა?

— გიმნაზიის მეექვსე კლასიდანა ვარ,—მიუგო ზამეტოვმა რაღაცა ღირსებით.

— მეექვსიდანა! ჩემო ბელურავ! თმა-ხუჭუჭო, ბექდებიანო მდიდარო კაცი! ოჰ, რა საუცხოვო ბიჭი ხართ.

და რასკოლნიკოვი ნერვებ-აშლილივით ჩაბეირდა. ზამეტოვმა უკან დაიხია უცბადა, მაგრამ წყენით არა სწყენია ისე, როგორც გაიკვირა ნათქვამი.

— ფუჰ, რა უცნაური რამა ხართ!—გაიმეორა ზამეტოვმა თითქმის გულმოსულმა.—მგონია, ჰბოლავთ ისევა.

— ვბოდავ? სტყუი, ბელურავ!.. აგრე, მაშ, უცნაური ვარ, ჰა? სხვა-კი არა გინდათ-რა გაიგოთ? ჰა? არ გინდათ გაიგოთ?

— გავიგო?

— ჰო, აი, თუნდ ისა, რას ვკითხულობდი ახლა, რას ვეძებდი? ჰხედავთ, რამდენი ნომერი მომიტაინებია ერთადა! საეჭვოა, არა, ჰა?

— აბა, რას ამბობთ.

— რასა და იმას, რომ გინდათ ხუთი ყური და თვალი გამოიბათ.

— არ მესმის სწორედ.

— არ გესმისთ და გაგაგებინებთ, მაგრამ შემდეგ, ახლა-კი, აი, ჩემო საყვარელო, რას გამოგიცხადებთ... მაგრამ, არა, გამოგიცხადებთ-კი არა, „გამოგიტყდებით“... არა, არა, არც ეს მინდა: „ჩვენებას მოგცემთ, თქვენ კიდევ ჩამომართმევთ“ — ჰხედავთ! გეტყვით, მაშ, რომ ვკითხულობდი... ჩემს ყურადღებას იბყრობდა, ვეძებდი... და დავეძებდი... რასკოლნიკოვმა თვალები მოჰჭუტა და პატარა ხანს შეიცადა.—ვეძებდი,—და იმიტომაც შემოველ აქა,—რომ მოხელის ქვრივ ბებრუხანას მკვლელობის შესახებ გამეგო რამე,—წარმოსთქვა რასკოლნიკოვმა თითქმის ჩურჩულითა და თან პირი მთლად სახეზედ მიადო ზამეტოვსა.

ზამეტოვიც პირდაპირ შეჰყურებდა უძრავად, გაშტერებული, სახეს არ აშორებდა. ყველაზედ უცნაურად-კი ის ეჩვენა ზამეტოვსა, რომ მთელი ერთი წამი ასე უცქეროდნენ ერთმანეთს გაჩუმებულნი.

— მერე, რა არის, რომ კითხულობდით?—შეჰყვირა უცბად მოთმინებიდან გამოსულმა და გაკვირვებულმა.—რა საქმე მაქვს! რა არის, თუ კითხულობდით?

— ეს ის ბებრუხანაა,—განაგრძობდა რასკოლნიკოვი ისევე ისე ჩურჩულითა და უძრავად,—რომლის შესახებაც, გახსოვთ, კანტორაში ლაპარაკობდნენ და მე გული შემიღონდა. ახლა ხომ გესმისთ?

— მერე, რა არის, რომა? რა... „რა მესმის?“ — წარმოსთქვა ზამეტოვმა თითქმის აღშფოთებულმა.

უძრავი და დაფიქრებული სახე უცბად ისევ შეეცვალა რასკოლნიკოვსა და წელანდელივით ჩაბჭირდა, თითქოს თავის შემაგრება ველარ შესძლოვო. და უცბად ნათლად გაახსენდა ის წამი, კარებს უკან რომ იდგა ცულითა და ჩანგალი სარეკლასავითა ხტოდა; ისინი გარედამ ილანძლებოდნენ და ამტვრევდნენ კარებს, ეს-კი შიგნიდან იდგა და უნდოდა გულით დაეყვირა, გაელანძლა, ენა გამოეყო, გაებრაზებინა, ეცინა და ეხარხარა, გულიანად ეხარხარა!

— ან გიჟი ხართ თქვენა, ან არა-და... — უთხრა ზამეტოვმა და შედგა, თითქოს უცბად რაღაც რამ აზრმა გაურბინაო თავში.

— ან არა და, რა? რა, ჰა? აბა, რა? მითხარით, რაღას უყურებთ!

— არასფერი! — უპასუხა გულმოსულად ზამეტოვმა. — სისულელეა.

ორივენი გაჩუმდნენ. უცებ ავარდნილის, ჩაბჭირებით სიცილის შემდეგ რასკოლნიკოვი უცბად ფიქრმა მოიცვა, ისევ დაიღვრიმა. დაიხარა მაგიდაზედა და თავით ხელს დაეყრდნო. ზამეტოვი თითქმის სულ დაავიწყდა. დიდ-ხანს იყვნენ ასრე გაჩუმებულნი.

— ჩაის რასათვის არა ჰსვამთ? გაგიცივდებათ, — გამოელაპარაკა ზამეტოვი.

— რაო? რა-ა? ჩაის?.. ჰო, მართლა...

მოსვა რასკოლნიკოვმა ჩაი, ჩაიდო პატარა ნაჭერი პური და უცბად, რომ შეჰხენდა ზამეტოვსა, თითქოს ყველა გაახსენდა, გამოფხიზლდა. სახეზე იმავ წამს წინანდებური დაცინვა აღებეჭდა ისევე. ჩაის სმას განაგრძობდა.

— გამრავლდა მეტად ამგვარი გაქნილობა და გაიძვერობა, — შეჰნიშნა ზამეტოვმა. — აი, დიდი ხანი არ არის „მოსკოვის უწყებებში“ იწერებოდნენ, მთელი გუნდი დაიჭირეს ყალბი ფულების მჭრელებისაო. მთელი საზოგადოება თურმე არსებობდა. ქალაქის ყალბს ფულს თურმე სჭრიდნენ.

— ო — ო, ეგ დიდი ხანია იყო! ერთი თვეც არის, მახსოვს, წავიკითხე, — უპასუხებდა მშვიდობიანად რასკოლნიკოვი.

— მაშ, თქვენის აზრით, გაიძვერები და გაქნილები არიან ყველა ისინი! დასძინა და გაბრუნდა.

— მაშ, რეები არიან თუ არ გაიძვერები?

— არა, არა! ტუტუცები არიან და არა გაიძვერები! ორმოცსა და სამოცს კაცს ამ აზრით, აბა, ვინ შეპყრის მაშა! განა, ეს შესაძლებელია? აქ სამიცი-კი ბევრი არის; ბიტიომ, რომ, როგორც თავისს თავს, ისე უნდა ენდობოდნენ ერთი მეორესა! თორემ საკმარისია ერთმა რომელმამე სიმთვრალით სადმე დაიყბედოს და მორჩა, გათავდა, დაღუპულია საქმე! ტუტუცები! ვილაც-ვილაცეებს ქირობენ, რომ კანტორებში ფული დაახურდავებინონ; ამისთანა საქმეს, განა, ადვილად ვისმეს ანდობენ? ვსთქვათ, მოახერხეს კიდეცა და თითო მილიონი ყველამ დაახურდავა. მერე, მერე? მერეც ხომ მთელი თავისი სიცოცხლე ერთი მეორისაგან უნდა იყვნენ დამოკიდებულნი?! არა სჯობიან ისევ თავი ჩამოიხრჩოს ყველამა! მაგრამ დახურდავებაც რომ ვერ მოახერხეს: დაახურდავეს კანტორაშია და როგორც-კი ხუთი ათასი მიიღეს, ხელები აუკანკალდათ. ოთხი ათასი დაითვალა, რომელიღაც იყო და მეხუთე-კი დაუთვლელად მიიღო, რომ საჩქაროდ როგორმე ჩაეჯიბა და მოეცოცხა. და ექვი ააღებინა. ამ რიგად ერთმა ყურყუტმა ყველა დაპლუბა. მერე, განა, შესაძლებელია ასე მოიქცეს ადამიანი?

— როგორაო, რა? ისა, რომ ხელი აუკანკალდა? — ჩაეკითხა ზამეტოვი. — არა, არა, შესაძლებელია. მაგაში-კი დარწმუნებული ვარ, რომ შესაძლებელია. ყოველთვის ვერ აიტან.

— რასა? ამასა?

— ჰო, მაგასა! მერე, რაო, თქვენ-კი შესძლებდით, განა და შეიმაგრებდით თავსა? მე-კი არ შემიძლო! ათი თუმნის გულისათვისა? ყალბი ფული და ისიც ბანკის კანტორაში მივიტანო! სადაც ვერაფერს რას გამოაპარებს ხალხსა, — არა, არა,

ვერ შევსძლებდი, გაეწითლდებოდი. მერე, თქვენ, თქვენ-კი შესძლებდით, განა?

საშინლად მოუნდა რასკოლნიკოს, „ენა გამოეყო“ კი-დევა. დრო-და-დრო ტანში მთლად ცივი ჟრუანტელი უვლი-და.

— მე აგრე როდი ვიზამდი, — დაიწყო რასკოლნიკოვმა შორილამ. — დაუწყებდი თუ არა დახურდავებასა; პირველს ათასსვე ერთი ოთხჯერ მანც გადავითვლიდი და ყველა ქა-ლალდს ცალკე დავაკვირდებოდი და გავსინჯავდი; მერე ახლა მეორე ათასს შევუდგებოდი. დაუწყებდი თვლასა და, რო-გორც-კი ნახევრამდის ჩავიდოდი, ამოვიღებდი ერთს რომელ-სამე ხუთ-თუმნიანსა და სინათლეზე დაუწყებდი სინჯვასა, რამდენჯერმე გადავაბრუნ-გადმოვაბრუნებდი და ახლა კიდევ გავხედავდი, ყალბი ხომ არ არის-მეთქი? „მეშინიან, — ვეტყო-დი, — ყალბი არ იყოს; ერთმა ჩემმა ნათესავმა ქალმაც აგრე დაკარგა ამ წინაზედ ოც და ხუთიანი“, მეთქი და თან ისტორიას ვუამბობდი, თუ როგორ მოხდა ესა. მაგრამ დაუწყებდი თუ არა შესამე ათასს თვლასა, ისევ მეორე ათასს მივუბრუნდე-ბოდი და ვეტყოდი: უკაცრაოდ, მგონი, მეშვიდე ათი თუმა-ნი კარგად არ დავითვალე, ეჭვი მაქვს-მეთქი და ისევ მეო-რე ათასის თვლას შევუდგებოდი. და ასე დავთვლიდი ყვე-ლა ხუთ ათასსა. მაგრამ გავათავებდი თუ არა თვლასა, მე-ხუთე და მეორე ათასილამ ისევ გამოვიღებდი თითო ქალა-ღსა და სინათლეზედ დაუწყებდი სინჯვასა, ვიფიქვიანებდი, — გამომიცვალეთ-მეთქი, გეააყვათ“, ვეტყოდი, — ასე რომ, სულ ოფლში გავაქანებდი კანტორის გამგესა და თვითონვე მოვ-ნატრებდი, რომ თავიდგან როგორმე მოვეშორებინე! გავა-თავებდი, მივიდოდი კარებთანა, მაგრამ არ გავიდოდი: შე-მოვბრუნდებოდი და ახლა სხვა რამ ცნობას მოვთხოვდი, — აი, როგორ მოვიქცეოდი!

— ფუჰ, რა საზარელს რამეებს ამბობთ, — შეჰნიშნა ზა-მეტოვმა სიცილით. — სიტყვით ამბობთ აგრე, თორემ აბა სა-მქეზედ მიდგეს, უეჭველია, თქვენც ისევ დაგემართებოდათ.

აქ, ჩემის აზრით, თავზედ ხელაღებულს, გამოჩრჩნილს კაც-საც-კი გაუჭირდებოდა თავის დაფარვა, არამც თუ მე და თქვენ. შორს სად მივდივართ, აი, მაგალითიც: ჩვენს უბანში რომ ბებრუხანა მოჰკლეს. ეტყობა პირდაპირ, რომ თავზედ ხელაღებული ვინმე ყოფილა, შუადღისას ასეთი საქმე ჩაიდინა და რალაცა სასწაულით გადარჩა, — თუმცა ხელი მაინც აჰკანკალებია: გაქურდვა ვეღარ მოუხერხებია, ვეღარ გაუბეღია; საქმიდამა სჩანს...

იწყინა თითქოს რასკოლნიკოვმა.

— ეტყობა, ეტყობა! მაგრამ, აბა, სცადეთ და დაიჭირეთ! — შეჰყვირა ნიშნ-მიგებით რასკოლნიკოვმა, თითქოს უნდა გული მოაყვანინოსო.

— რაო, მერე, არ დაიჭერენ, მაშა?

— ვინა? თქვენა? თქვენ დაიჭერთ? არ დაილალოთ-კია! ვიცი, როგორცა ჰფიქრობთ გაგებასა: ფულსა ჰხარჯავს კაცი, თუ არაო? აქამდის ფული არ ჰქონდა, ახლა-კი უცბად ფულსა ჰხარჯავსო, — მაშ ვინ არის, თუ არ ისაო? არ იცით, განა, რომ თითის ტელა ბალღიც-კი მოგატყუებთ ასე, თუ მოინდომებს!

— კიდევ ეგ არის, რომ თითქმის ყველანი აგრე შვრებთან, — შეჰნიშნა ზამეტოვმა, — თავს გამოიმეტებენ, ეშმაკურად მოჰკლავენ და მერე-კი დუქანში სადმე გააბამენ. იჭერენ იმ დროს, როცა განაძარცვს სჭამენ. ყველა ხომ თქვენსავით ეშმაკი და მოხერხებული არ არის. თქვენ, რასაკვირველია, დუქანში არ წახვიდოდით?

რასკოლნიკოვმა წარბები შეიკრა. ზამეტოვს გადაჰხედა.

— თქვენ, მგონი, მადა გაგეხსნათ და გინდათ გაიგოთ, ამ შემთხვევაშიაც როგორ მოვიქცეოდი პირადად მე, არა? — დაეკითხა უკმაყოფილოდ რასკოლნიკოვი.

— მართალია, მინდა, — მიუგო მტკიცედ და დინჯად ზამეტოვმა.

— ძალიან გინდათ?

— ძალიანა!

— კარგით, მაშ, რაკი აგრეა. იცით, როგორ მოვიქცეოდი, — დაიწყო რასკოლნიკოვმა ისევ ისრე ჩურჩულითა და პირი თითქმის პირზედ მიადო, ასე რომ შეკრთა კიდევაც ზამეტოვი. თან პირდაპირ თვალეზში მიჰშტერებოდა. — წავიღებდი ფულსა და ნივთებსა, არსად თითქმის არ შევუხვევდი, მოვძებნიდი სადმე მივარდნილსა და ყრუ ადგილს, სადაც სულ ფიცრული ღობეები; ან ბოსტანი, ან კიდევ სხვა რამ ამ გვარი იქმნებოდა. ამოვინიშნავდი რომელსამე დიდს, — ასე ფუთიანსა ან ფუთახვერიანს, — ქვასა, სადმე ფიცრულის ღობის კუთხეშია, ავწევდი ქვასა და ქვეშ, ამოღრმავებულში, ჩავალაგებდი მთლად ნივთებსაცა და ფულსაცა. ჩავალაგებდი და ქვას ისევ ისე მივაგორებდი, როგორც უწინ იყო, თან ფეხით მივატკეპნიდი, რომ არავის რა შეენიშნა და წავიდოდი. ასე შექმნებოდა შენახული წელიწადი, მეორე, მესამე, — სანამ ყველას მიავიწყდებოდა. ეძებეთ მერე, რამდენიც გინდოდეთ! იყო და აღარ გახლავთ, რას იპოვნიდით!

— გადარეულხართ, — უთხრა ასრევე ჩურჩულით ზამეტოვმა და უცბად რაღაცა მიზეზით უკან გაიწია.

რასკოლნიკოვმა თვალეზი გააკვესა; გაფითრდა. ზედა ტუჩი აუთრთოლდა, აუთამაშდა. მიიწია, რაც-კი შეიძლებოდა ახლოს ზამეტოვისაკენა და დაუწყო ტუჩებს ნძრევა, მაგრამ თავი ვერ შეემაგრებინა. მაშინდელ ჩანგალივით მძლავრად უხტოდა საზარელი სიტყვა ტუჩებზედა და საცა იყო, ჰლამობდა ამოთქმასა; აი, საცაა, თავს ველარ შეიმაგრებს და წარმოსთქვამს!

— მერე, ბებრუხანაცა და ლიზავეტაც, ორივე რომ ჩემი მოკლულები იყვნენ? — ჩაილაპარაკა უცბად და გონს მოვიდა.

შეშინებულმა შეჰხედა ზამეტოვმა, ნაცარივით გაფითრდა. სახე როგორღაც საღიმოდ დაეღრიჯა.

— მერე, განა, ეგ შესაძლებელია? — გაიმეორა მთლად დაბლა, ჩურჩულით.

გაბოროტებულმა რასკოლნიკოვმა მრისხანედ გადაჰხედა.

— გამოტყდით, რომ დაიჯერეთ?.. ხომ? დაიჯერეთ განა?

— სულაც არა! ახლა უფრო ნაკლებ, ვიდრე ოდესმე! — შესძახა საჩქაროდ ზამეტოვმა.

— ეჰე, ხომ დაგიჭირეს! დაგიჭირეს ბელურავ, დაგიჭირეს! სჩანს, მაშ, წინად დარწმუნებული ყოფილხართ, რომ ახლა აღარა გჯერათ, ხომ?“

— აბა, რას ამბობთ, სულაც არა! — უარობდა დარცხვენილი ზამეტოვი. — ამიტომ მაშინებდით, განა?

— არა გჯერათ, მაშა? რაზედა გქონდათ ლაპარაკი მაშინ, კანტორიდამ რომ გამოვედი? რათ მგკითხებოდა, მაშ, თოფის წამალა-პორუჩიკი ისე ექვით გულშეღონების შემდეგა, ჰა? შენ ეი, — დაუძახა ლაქიასა და ქუდს დაავლო ხელი, წამოდგა, — რამდენი გერგება?

— ექვსი შაური, — უპასუხა ლაქიამ.

— აჰა, ეს აბაზიცი შენი იყოს, არაყი გადაჰკარ. — ჰხედავთ, რამდენი ფული მაქვს და აკანკალებული ხელი, რომელშიაც ლურჯი და წითელი ქალღმრთის ფული ექირა, ზამეტოვს გაუწოდა, — ჰხედავთ, ოც-და-ხუთი მანეთია. მერე საი-ღამა? ჰა? ან ეს ახალი ტანისამოსი საიღამ გამიჩნდა? ხომ იცით, კაპიკი ფული არა მქონდა? იმედია, დიასახლისს დაეკითხებოდით კიდევაცა... მაგრამ კმარა! *Assez cause!* ნახვამდის!.. მშვიდობით!..

რომ გამოვიდა, რაღაცა ბრაზისა და თავდაუქერელ სიამოვნებისაგან მთლად კანკალებდა, მაგრამ დაღვრება და საშინელი დაღლილობა მაინც ეტყობოდა: სახეც როგორღაც დაჰკრეფოდა, თითქოს ეს არის ბნედა ჰქონიაო. დაღლილობა და დაქანცულობა თან-და-თან უფრო ერეოდა. საკმარისი იყო, სულ უბრალო რამ ამადღეღებელ შეგრძნებისა და მიზვნის აჩენა, რომ ძალა უცბად გაორკეცებოდა, მაგრამ მიეღეოდა თუ არა შეგრძნება, მაშინვე თვითონ ძალაც მიუსუსტდებოდა.

ზამეტოვიც დიდ-ხანს იჯდა იმავე ადგილას დაფიქრებული: მთლად შეუცვალა რასკოლნიკოვმა შეხედულება იმ ერთის მუხლის შესახება და საბოლოოვო აზრი შეადგენინა.

„ჩუროჩუტია ილია პეტროვიჩი!“ გარდასწყევტა ბოლოს ზამეტოვმა.

ის-კი იყო ქუჩაში გასავალი კარი გამოაღო რასკოლნიკოვმა, რომ უცბად წინ რაზუმინინი შეეხება. ისე მოულოდნელი იყო ეს მათი შეხვედრა, რომ კინალამ თავები არ შეარტყეს ერთმანერთსა. რამდენსამე ხანს ერთმანერთს ასე ჰზომავდნენ თვალითა. გაკვირვებული იყო ამ მოულოდნელ შეხვედრით რაზუმინინი, მაგრამ უცბად ნამდვილი რისხვა აღებეჭდა თვალეში.

— აი, თურმე სადა ხარ! დაიღრიალა რაზუმინინმა. — ლოგინილამ გამოგვექცა, ბატონო, და მე-კი იქ დივან ქვეშაც-კი ვეძებდი! ჩარდანშიაც-კი ავედით. კინალამ ნასტასიაც შემომელახა შენის გულისათვისა... ამას-კი, ჰყურობთ, სად არის? როდიონ! რას ჰნიშნავს ესა? მითხარი! მართალი მიფხარ! გესმის!

— რასა-და იმას, რომ თავი მომაბეზრეთ ყველამა და მინდა მარტოდ ვიყო, — მიუგო დამშვიდებულმა რასკოლნიკოვმა.

— მარტოდ? როცა ჯერ კიდევ სიარული არ შეგიძლიან და ნაცრის ფერი გდევს, სულს ძლივას ითქვამ! ტუტუცო! მითხარ ახლავე, „ბოროლის სასახლეში“ რას აკეთებდი?

— გამიშვი! შესძახა რასკოლნიკოვმა და მოინდომა მხარი აექცია, გაეარა.

მაგრამ გააბრაზა ამაღ რაზუმინინი და მაგრა ჩასჭიდა მხარში ხელი.

— გამიშვიო? შენ მიბედავ „გამიშვიო?“ იცი, მერე, რას გიზამ ახლავ? დაგავლებ ხელსა, ამოგიდებ ილიაშია და ისე წაგიყვან შინა და დაგამწყვდევ, გესმის!

— ყური დამიგდე, რაზუმინინ, დაიწყო სრულიად მშვიდად და წყნარად რასკოლნიკოვმა, — ნუ-თუ ვერ ჰხედავ, რომ შენს კეთილს ზრუნვას არ ვსაჭიროებ? ან რათ გწადია კეთილის მყოფელობა გაუწიო იმათ, ვინც... არად აგდებს ამ შენს სიკეთესა? დასასრულ იმათ, ვისაც საშინლად ემძიმება

ამ კეთილისმყოფელობის ატანა? მითხარ, რათ მიპოვნე თუნდ პირველ ავადმყოფობის დროსა? იქნება მოხარულიც-კი ვყოფილიყავ სიკვდილისა! ან იქნება საკმაოდ ნათლად არ გამოგიტყდრი დღესა, რომ მტანჯავ, მაწვალებ... საშინლად შემადიულე თავი! მითხარ, რა სიამოვნებასა ჰგრძნობ, რომ ასრე მტანჯავ? გარწმუნებ, ყველა ეს მხოლოდ ხელს უშლის ჩემს გამოკეთებასა, იმიტომ რომ საშინლად მალეღვებს. აკი ზოსიმოვიც ამიტომ წავიდა წელან; გაიგო, რომ ტყუილად ამადეღვებდა! ღვთის გულისათვის, მომშორდი შენცა! ან რა უფლება გაქვს, რომ ძალათი მიჭერ? ან იქნება ვერა ჰხედავ, რომ სრულიად საღს ჭკვაზედა ვარ და ისე გელაპარაკები? მასწავლე, გეთაყვა, რითი შეიძლება შენი დაყოლიება, რომ თავი დამანებო და ჩემს ზრუნვაზუდ ხელი აიღო? დეე, უმადური ვიყო, სულდაბალი, უბედური, ოღონდ თავი დამანებეთ, გვედრებით! მომშორდით, ღვთის გულისათვის!

დაიწყო სრულიად წყნარად და დამშვიდებულმა, თითქმის სიხარულით, რომ ბრაზები გახეთქა, მაგრამ ბოლოს მაინც თავი ველარ შეიმაგრა, მთლად აენტო, გადირია, სულს ძლივსლა იბრუნებდა. გაიმეორა იგივე, რაც ლუჩინთანა ჰქმნა წელანა.

შედგა ერთს წამს რაზუმინინი, ჩაფიქრდა და ხელი გაუშვა.

— დამეკარგე, მაშა, დამეკარგე! უპასუხა წყნარად დაფიქრებულმა. — მაგრამ, მაიცა! შეჭლირიალა უცბად რაზუმინინმა, როგორც-კი რასკოლნიკოვი დაიძრა, — ყური დამიგდე. გეუბნები პირდაპირ, რომ ყბედები და ტუტუცები ხართ ყველანი! თუ-კი რამ გტანჯავთ, კვერცხ დასადებ ქათამივით მთლად გზა-კვალი გებნევათ! აქაც-კი უცხო ავტორებს სძარცვავთ. არავითარი დამოუკიდებლობა თქვენს ცხოვრებას არ ეტყობა! რალაც მალამოსაგანა ხართ შემდგარი თითქოს, სისხლის მაგივრად შრატო გიდგიათ ძარღვებში! არავის თქვენგანს არ ვენდობი! უპირველესად ყოვლისა, სკდილობთ, რომ არასფერში ადამიანს არა ჰგავდეთ. მო-ი-ცა! — დაუყვირა უარესად

გაბრაზებულმა, რომ ნახა კიდევ დააპირა წასვლა, — ბოლომდის მომისმინე! იცი, რომ დღეს ახალს ბინაზედ გადასვლას ვდღესასწაულობ? შინ ბიძაჩემი დავტოვე, — იქნება კიდევაც მოვიდნენ, ვინ იცის, — რომ იმას მიელო სტუმრები. გესმის მაშ, როდინ! შენ რომ აგრეთი ტუტუცი, რაღაცა საძაგელი და გამოჩერჩეტებული, უცხოეთიდან ნათარგმნი არ იყო... ჰხედავ, ვალიარებ, რომ ჭკვიან ახალგაზრდათა გცნობ, მაგრამ მოიტუტუცებ! გესმის, ტუტუცი რომ არ იყო, შემოხვიდოდი ჩემსასა და იმის მაგივრად, რომ ტყუილად წაღები არა გლიჯო, სალამოს ლამაზად სიამოვნებით გავატარებდით. ორივე ერთია, რაკი გამოხველ გარეთა, გამოხველ! ლამაზს რბილს სავარძელს გამოგიტრევიდი, დიასახლისსა აქვს... ჩაის დავლევდით, ვისაუბრებდით... არა-და, ტახტზე წამოგაწვენდი. სხვა არა იყოს-რა, ჩვენთან იქნებოდი... ზოსიმოვიც მოვა. შემოვივლი?

— არა.

— მიჰქა-რ-რ-ავ! შეუყვირა მოუთმენარად რაზუმინმა. რა იცი, მერე? ხომ აღარა გაგეგება-რა! აღარც რა გესმის... მეც ბევრჯელ მიმიფურთხებია და გავბუტულვარ აგრე, მაგრამ მერე ისევ უკანვე მიმირბენია... შეგრცხვება და უკანვე დაბრუნდები! დაიხსომე მაშა: პოჩინკოვის სახლი, მესამე სართული... გესმის?

— აგრე ხომ, კეთილისშყოფელობით, იქნება ცემის ნებაც მისცეთ ვისმე, ბატონო რაზუმინ!

— ვისი ცემისა? ჩემი! მარტო ოცნებისთვისაც-კი ცხვირს მოვაჭამდი უთუოდ! დაიხსომე მაშა: პოჩინკოვის სახლი, № 47, მოხელის ბაბუშკინის ბინა...

— არ მოვალ, რაზუმინ, არა!

შემობრუნდა რასკოლნიკოვი და წავიდა.

— დავნაძლევდეთ, მაშა, რომ მოხვალ! მიაძახა მიმავალს რაზუმინმა. არ იზამ აგრე-და... იცოდე, ძაღლათაც აღარ ჩავაგდებ. მოიცა, შენ ეი, ზამეტოვი აქ არის?

— მანდ არის.

— ნახე?

— ვნახე.

— ელაპარაკე?

— ველაპარაკე.

— რაზედა? მაგრამ, ეშმაკმა იცის შენი თავი, რა საჭიროა, ნუ მეტყვი. პოჩინკოვის სახლი, 47, ბაბუშკინის ბინა. არ დაივიწყო!

მივიდა რასკოლნიკოვი ბაღების ქუჩამდისა და კუთხეში შეეხვია. დაფიქრებული გაჰყურებდა რაზუმინინი. გაიქნია ბოლოს ხელი, შევიდა სახლში; მაგრამ შუა კიბეზედ შედგა.

„ეშმაკმა იცის!“ განაგრძობდა თითქმის ხმა-მალლა, — თითქოს დალაგებითა ლაპარაკობს და ასე-კი... არა, მეც რომ ტუტუცი ვარ! განა, შეშლილები-კი არა ლაპარაკობენ ხოლმე გონივრულათა? ზოსიმოვს-კი, ვგონებ, ამისი ეშინიან სწორედ!“ და შუბლზედ თითი დაიკრა. — „მერე, რო... არა, მარტო როგორ გავუში ახლა? ვინ იცის, თავიც დაიხრჩოს... ეჰ, შევცდი! არ შეიძლება!“ და უკანვე გაქანდა, გამოეკიდა, მაგრამ რასკოლნიკოვი უკვე სადღაც მიმალულიყო. მიაფურთხა რაზუმინინმა და ჩქარის ნაბიჯით ისევ „ბროლის სასახლისაკენ“ გასწია, რომ ზამეტოვისათვის მაინც გამოეკითხა ყველაფერი.

რასკოლნიკოვმა პირდაპირ — სკის ხიდისაკენ გასწია, შედგა შუა ხიდზედ მოაჯირთანა, დაეყრდნო ორთავე ხელზედა და დაუწყო შორს გადაშლილს სანახაობას ცქერა. რაზუმინინთან გამომშვიდობების შემდეგ ისეთი საშინელი სისუსტე იგრძნო, რომ ძლივს-ღა მოაღწია აქამდისა. მოუნდა საშინლად ქუჩაში საღმე დამჯდარიყო ან დაწოლილიყო. წყალზედ გადაყუდებული გაჰყურებდა მზის დასვლასა და წინ გადაშლილს სახლებს, რომლებსაც თან-და-თან ჩრდილი ჰფარავდა, ბინდ-ბუნდი ეხვეოდა. მოსჩანდა შორს სადღაცა მხოლოდ-ღა ერთი ფანჯარა მალლა, რომელიც ჩამავალ მზის სხივებით ცეცხლივით გაელვარებული ძირს, არხში, გამომკრთალიყო. ყურადღებით აკვირდებოდა ყველაფერს ამას რასკოლნიკოვი. მაგრამ აგერა, ბოლოს თვალებში რაღაცა წითელი წრეები

აებნა, სახლები, გამვლელ-გამომვლელნი, წყლის პირის ქუჩები და ეტლები, ყველაფერი აერივ-დაერია, ამოძრავდა, აუთამაშდა. შეხტა შემკრთალი უცხად და რალაცა საძაგელმა, ველურმა სანახაობამ გამოარკვია თითქოს. იგრძნო რასკოლნიკოვმა, რომ გვერდით, მარჯვნივ, ვილაცა დაუდგა; შეჰხედა: დედაკაცია, მალალ-მალალი, თავშალიანი, გაყვითლებული; მოგრძო სახე და სმისაგან დაწითლებული, დასიებული თვალები აქვს. ეტყობოდა პირდაპირ უცქეროდა რასკოლნიკოვსა, მაგრამ ველარას არჩევდა, ველარას ჰხედავდა. დედაკაცი უცხად მარცხენა ხელით მოაჯირს დაეყრდნო, აიწია მარჯვენა ფეხი, გადასდო მოაჯირზედა, მერე მარცხენა და არხში გადაეშვა. შეშხაპუნდა ტუჩკიანი წყალი და ჩაიძირა მსხვერპლი, მაგრამ ერთის წამის შემდეგ დამხრჩვალის ისევ ზემოდ ამოაგდო და წყნარად წაიღო ქვეითკენ; თავი და ფეხები წყალში ჰქონდა დამალული, წელი მოტივტივებული, ქვედა ტანი და კაბა კიდევ ბალიშისაგით წყალ ზემოთ ამობერილი.

— დაიხრჩო! დაიხრჩო! ყვიროდნენ აქეთ-იქიდანა; ყველა მხრიდგან ხალხი მორბოდა, წყლის პირის ქუჩები მაყურებლებით ივსებოდა, რასკოლნიკოვს გარშემოც. ხიდზედ ხალხი მოგროვდა, უკანიდამ აწვებოდნენ.

— უი, ჩემს თვალებს, ეს ხომ ჩვენი აფროსინუშკაა! გაისმა სადღაც შორი-ახლოს ქალის ხმა წუწუნითა. — მამავ, უშველეთ! გამოიყვანეთ!

— ნავი! ნავი! ყვიროდნენ ხალხში.

მაგრამ აღარც-კი იყო საჭირო: ვილაცა პოლიციელს არხის პირად ჩაერბინა კიბით, ჩასულიყო, გაეძრო ტანთა, წაღები და შევარდნილიყო. დიდი შრომაც არ დასჭირებია: დამხრჩვალის სულ ორიოდ ნაბიჯზედ მიჰქონდა წყალსა. სწვდა პოლიციელი მარჯვენა ხელით კაბაში, მარცხენა ამხანაგისაგან ნაპირიდამ მიწოდებულს სარს მოჰკიდა და გამოათრის. დედაკაცი წყლის პირად ქივს ფილაქანზედ დასდეს. მალე გონსაც მოვიდა, წამოიწია, დაჯდა და ფრუტუნსა და ცვირცემინებას მოჰყვა; თან უაზროდ სველს კაბას უსვამდა ხელსა. მაგრამ არას ამბობდა.

— გამომთვრალა და გახეთქილა, მამავ, გამომთვრალა! გასწიოდა ისევ ის დედაკაცის ხმა და თან აფროსინუშკასკენ მიიწევდა. — წელანაც თავის ჩამოხრჩობა უნდოდა, თოკიდან ჩამოვხსენით. მე ლუქანში წავედი, მაგას-კი გოგო დავუყენე, ყური ეგდო, — და უყურეთ, რა საცოდავობა ჩაუდენია! მუშა დედაკაცია, ჩვენსავით უბრალო, მეზობლათ ვდგევართ, ბოლოდამ მეორე სახლია, აი, აქვე...

ხალხი ნელ-ნელა იშლებოდა, პოლიცია-კი ისევ დედაკაცს ეხვეოდა. ვიღამაც კანტორა წამოიყვირა... რასკოლნიკოვი-კი ყველა ამას გულგრილად უყურებდა. უცბად შეეზიზლა კიდეცა თითქოს. — „არა, არა, საძაგლობაა... წყალში... არა ღირს“, ღუღუნებდა თავისთვისა. „არა იქნება რა“, — დასძინა, — „რას ვუცდი, ნეტა! რაო, კანტორაო?... მერე, ზამეტოვი რატომ კანტორაში არ არის? მეთე საათზედ კანტორა ღიაა ხოლმე“... ზურგი მოაჯირს მიჰყუდა და გარშემო მიიხედ-მოიხედა.

„მერე, რაო რომ! იქნება აგრეც იყოს!“ წარმოსთქვა გადაწყვეტით, დაიძრა ხიდიდამა და პირდაპირ კანტორისაკენ გასწია. გული სულ არას უგრძნობდა, დაჰხშობოდა, გასციებოდა; ფიქრი-კი სულ არ უნდოდა. დაღვრემილებაც-კი აღარ ეტყობოდა; წელანდელ მხნეობისა, შინიდან რომ გამოჰყვა, ნიშნებიც-კი აღარ უჩანდა, თუმცა გარდაწყვეტილი ჰქონდა „ყველაფერი გაეთავებინა!“ მისი ადგილი სრულმა გულგრილობამა და დაუდევრობამ დაიჭირა.

„მერე, რაო, ეს არის, განა, ხსნა!“ ფიქრობდა და წყნარად, ნელ-ნელა, ზლოზნით არხის პირად მიდიოდა. — „გავათავებ მაინც, იმიტომ, რომ ასე მინდა... მაგრამ ხსნა არის ესა, განა? ეჰ, სულ ერთია! ადლი მანძილი იქნება, — ხე, ხე! მაგრამ რის ბოლო არის ესა! ნუ-თუ ბოლოა ესა? ვეტყვი ნეტავი, თუ არა? ეჰ... ეშმაკო! დავიღალე კიდეცა, მალე მაინც დავჯდე სადმე ან მივწვე! ყველაზედ სამარცხვინო-კი ის არის, რომ საშინელი სისულელეა ესა. მაგრამ ან ეს რა საწუხარია. ფუჰ, რა სისულელე არ მომდის თავში...“

ასე უნდა ევლო პირდაპირა და მხოლოდ მეორე შესახვევში შებრუნებულიყო მარცხნივ კანტორისაკენ: აქედამკი სულ რაღაცა ორიოდ ნაბიჯი-ლა იყო, მეტი არა. მაგრამ მივიდა თუ არა პირველ შესახვევთანა, შედგა, იფიქრა პატარა ხანსა და უცბად სხვა მხარეს შეუხვია, რომ ორის ქუჩით შემოევლო, — იქნება სრულიად უმიზნოაა, მაგრამ იქნება იმიტომაცა, რომ რამდენისამე წამით კიდევ შეეგვიანებინა საქმე და დრო მოეგო. მიდიოდა და დედამიწას თვალს არ აშორებდა. უცბად თითქოს ყურში ვინმე ჩასჩურჩულო, თავი აიღო მალა და დაინახა, რომ სწორედ ამ სახლის ეზოს კარებთანა სდგას. ამ საღამოს შემდეგ ჯერ აქეთ აღარსად გაევლო.

რაღაც რამ უძლეველი და გაუგებარი სურვილი მძლავრად იტაცებდა იქით. შევიდა სახლში, გაიარა მთელი ეზოს შესავალი, მოუხვია მარჯვნივ და დაიწყო ნაცნობის კიბით მეოთხე სართულში ასვლა. ვიწროსა და დაქანებულს კიბეზედ საშინლად ბნელოდა. კიბის ყველა შემოსახვევზედ დგებოდა უთუოდ და ყურადღებით ათვალთვრებდა იქაურობასა. პირველი სართულის დერეფანში ფანჯრის ჩარჩოები მთლად ჩამოეხსნათ. „მაშინ ასე არ იყო,“ გაიფიქრა რასკოლნიკოვმა. აი, თვითონ მეორე სართულის ბინაც, სადაც მაშინ ნიკოლაშკა და მიტკა მუშაობდნენ: „დაკეტილია; კარებიც ახლად შეუღებიათ; ეტყობა აქირაგებენ“ აი, მესამე სართულიც... აგერ მეოთხეც... „აქ იყო!“ აღარ იცოდა, რა ექმნა: კარები მთლად ყურთამდე ღია იყო, შიგნიდამ ხალხის ხმა ისმოდა. ამას-კი სწორედ არ მოელოდა. პატარა ხანს შეყოყმანდა, მაგრამ აიარა უკანასკნელი საფეხურებიცა და ბინაში შევიდა.

აქაც აახლებდნენ ბინასა; მუშაობდნენ. ცოტა არ იყოს არ იამა თითქოს. ეგონა როგორღაც, ვითომ ყველაფერს იმავე რიგადა ჰნახავდა, როგორც მაშინ დასტოვა იქაურობა; თვითონ მოკლულებიც-კი იქვე ეგულებოდა იატაკზედა. ახლა-კი: კედლები დაეშიშვლებინათ, აღარავითარი ავეჯი აღარ მოსჩანდა. ეუცნაურა თითქოს! მივიდა ფანჯარასთანა და ფანჯრის ფიცარზედ ჩამოჯდა.

სულ ორი კაცი მუშაობდა, ორივე ახალგაზრდა, რომელთაგანაც ერთი მთლად ახალგაზრდა იყო. ძველის, ყვითელ, დაგლეჯილ შპალერის მაგივრად კედელს ახალს, ლურჯ ყვავილებიანს თეთრს შპალერებს აკრავდნენ. არ მოეწონა როგორღაც ეს რასკოლნიკოვსა და მტრულად დაუწყო ყურება, თითქოს ჰნანობსო, რომ ყველაფერი შეუცვლიათო.

ეტყობოდა დაჰგვიანებოდათ მუშებსა და საჩქაროდ ახვევდნენ ქალღმსა, საშინაოდ ემზადებოდნენ. რასკოლნიკოვის შემოსვლას თითქმის სრულიად ყურადღება არ მიაქციეს. რაღაზედაც ლაპარაკობდნენ. დაიკრიფა რასკოლნიკოვმა გულ-ხელი და დაუწყო ყურის გდება.

— მოვიდა დილა ადრიან ჩემთანა, — ეუბნებოდა უფროსი მუშა უმცროსსა, — სისხამ დილითა, მორთული. „რა თავს მევლები-მეთქი, ვუთხარი; რას მეხრუკები-მეთქი?“ — „მეო, ტიტ ვასილიჩ, მინდა დღეიდგან შენი სურვილის მონა ვიყოვო“, მითხრა. ჰხედავ, როგორ იყო საქმე! ახლა ჩაცმული როგორ იყო, რომ იცოდე: ჟურნალი იყო, რაღა, ჟურნალი!

— მერე, რა არი, ე ჟურნალია, თუ რაღაცა? ჰა, ძია? დაეკითხა უმცროსი მუშა.

ეტყობოდა „ძია“ იყო იმისი ხელმძღვანელი და მასწავლებელი.

— ჟურნალი, ჩემო ძმაო, ფერადი ნახატებია, აქაურ მკერვალებს მოსდით ყოველ შაბათობით „გრანიციდამა“, ფოსტით მოსდით, სადაც ნაჩვენებია ან კაცებს ან ქალებს როგორ უნდა ეცვათ. ჟურნალი, მაშ, ნახატი ყოფილა. კაცებს სულ პალტოებითა და სერთუკებითა ჰხატამენ, ქალებსკი ისე აჭრელებენ, ძმაო, რომ თუნდ ქვეყნის სიმდიდრე გაიღო, მაინც ცოტაა!

— ჰეი, დედი ჩემის ღმერთსა, რა არ არი ამ პიტერში (პეტერბურგში)! შესძახა გატაცებით უმცროსმა მუშამ. — დედამამის მეტი ყველაფერია!

— მაგის მეტი, ჩემო ძმაო, ყველაფერია, — დაუდასტურა ცოდნის კილოთი უფროსმა.

წამოდგა რასკოლნიკოვი და მეორე ოთახში გავიდა, სადაც წინად ყუთი, ლოგინი და კამოდი ედგა ბებრუხანასა. მომცროთ ეჩვენა ოთახი უავეჯოთა. შპალერები-კი ჯერ ისევ ძველი ეკრა. ეტყობოდა კუთხეში, ხატები სად ესვენა. მიათვალ-მოათვალიერა და ისევ ფანჯარასთან მივიდა, ჩამოჯდა. უფროსმა მუშამ ახლა-კი როგორღაც გვერდზედ გადაჰხედა.

— რაო, რა გინდათ? დაეკითხა უცბად რასკოლნიკოვსა.

პასუხის მაგივრად რასკოლნიკოვი დერეფანში გავიდა, წაავლო ზარს ხელი და ჩამოაწყარუნა. ისევ ის ზარი და იგივე ხმა იყო! ჩამოჰკრა მეორედ, მესამედ; თან ყურს უგდებდა, რაღასაც იგონებდა. საზარელი მტანჯველი გრძობა წარსულისა თან-და-თან ცოცხლად აგონდებოდა და რამდენიც ჩამოჰკრავდა, იმდენი შეშინებული ხტოდა, მაგრამ მაინც სიამოვნებდა.

— მაინც, რა გინდათ? ვინა ხართ? შეუყვირა მუშამა და დერეფანში გავიდა.

რასკოლნიკოვი ისევ შიგნით შემოვიდა.

— ბინა მინდა ვიქირავო,—უპასუხა,—ვისინჯავ.

— ბინას ღამე ვინა ქირაობს; და მეორეც, შეეზოვე უნდა ამოგეყვანათ.

— იატაკი კარგად გარეცხეთ? შეჰღებავთ, არა? განაგრძობდა რასკოლნიკოვი.—სისხლი ხომ არსად ატყვია?

— რა სისხლი?

— აი, ბებრუხანა და იმისი და რომ დახოცეს. მთელი გუბე იდგა აქა.

— მერე, რაო, შენ ვინა ხარ?—დაუყვირა გულმოსულმა მუშამა.

— მე?

— ჰო, შენა.

— გინდა გაიგო?.. კანტორაში წავიდეთ და იქ გეტყვი, ვინცა ვარ.

გაშტერებული უყურებდნენ მუშები.

— დროა წავიდეთ, დავგვიანდი. წავიდეთ, ალოშკა, კარები უნდა დავეკეტო,—უთხრა უფროსმა მუშამა.

— წავიდეთ, — უპასუხა გულგრილად რასკოლნიკოვმა და წინ გავიდა, კიბეზედ მძიმ-მძიმედ დაეშვა. — ეი, მეეზოვე! გაპყვირა ეზოს კარების შესავლიდამა.

ეზოს კარებთან, გარეთ, რამდენიმე კაცი იდგა და გამვლელ-გამომვლელს უყურებდა. ესენი იყვნენ: მეეზოვეები, ვილაცა დედაკაცი, ხალათიანი წვრილი მოქალაქე და კიდევ ორიოდვე ვილაცა. რასკოლნიკოვმა პირდაპირ ამათკენ გასწია.

— რა გინდათ? გამოეხმაურა ერთი მეეზოვეთაგანი.

— კანტორაში იყავი?

— ეს არის, ახლა. რა გინდათ?

— არის ვინმე იქა?

— არიან.

— თანაშემწეც იქ არის?

— იყო. მერე, რა გინდათ?

აღარა უთქვამს-რა რასკოლნიკოვსა, იდგა იმათ გვერდითა და რალასაც ფიქრობდა.

— ბინის სანახავად იყო, — მიუგო უფროსმა მუშამ, რომელიც ის-ის იყო ეზოდამ გამოვიდა.

— რომელი ბინისა?

— აი, ჩვენ რომ ვმუშაობთ, იმისა. „სისხლი რათ გადარეცხეთო? აქ ხალხი დახოცესო და მოველ, რომ ვიქირავოო.“ ზარსაც დაუწყო რეკვა, კინალამ ჩამოწყვიტა. „კანტორაში წავიდეთ, ყველაფერს დაგიმტკიცებთო. ჩამოგვეკიდა!“

გაკვირვებული შეჰყურებდა და თან უბღვეროდა რასკოლნიკოვს მეეზოვე.

— მერე, ვინა ხართ, არ იტყვით? — შეუყვირა გაჯავრებულმა.

— მე ვარ როდიონ რომანიჩი რასკოლნიკოვი, ნასტუდენტარი, შილის სახლში ვცხოვრობ, ქუჩის შესახვევში, აქედამ შორს არ არის, № ბინისა 14. მეეზოვესა ჰკითხე... მიცნობს.

ყველაფერი ეს რასკოლნიკოვმა როგორღაც ზარმაცად წარმოსთქვა, დაფიქრებულმა, არც კი შეუხედნია, ისე გაჰყურებდა ჩამობნელებულს ქუჩასა.

— მერე, ი ბინაში რა გინდოდათ?

— გავსინჯევი.

— რა იყო გასასინჯი?

— წაიყვა და კანტორაში წარადგინე! — ჩაერია ლაპარაკში მოქალაქე და გაჩუმდა.

რასკოლნიკოვმა როგორღაც გვერდზედ გადუბღვირა მთქმელსა, შეჰხედა ყურადღებითა და ისევე ისრე ზარმაცადა და წყნარად წარმოსთქვა:

— წავიდეთ!

— წაიყვა, რაღა! — გაუმეორა გამხნევებულმა მოქალაქემ. — რათა და წასთვის მოვიდა, ან ფიქრათ რა აქვს, გაიგებთ.

— მთვრალია, მთვრალი არ არის, ღმერთმა იცის, — წაილულუნა მუშამა.

— მაინც რა გინდათ? — დაუყვირა კვალად გულმოსულმა მეეზოვემა. — რას ჩამოგვეკიდებიხარ?

— შეგეშინდა, განა, კანტორა რომ გაგიხსენე? — უპასუხა დაცინვით რასკოლნიკოვმა.

— რისა შეგეშინდა? რას ჩამციებიხარ?

— გაიძვერაა! — შეჰნიშნა დედაკაცმა.

— რას ელაპარაკები, — დაუყვირა მეორე მეეზოვემ, ზორბატანის გლეხმა, რომელსაც ჯუბა მთლად გადაეღელა და გასაღებები ქამარზედ ჩამოეკიდა. — წაეთრიე!.. მართლაც რომ გაიძვერაა... წაეთრიე!

და მხარში ხელი ჩაავლო, ქუჩაში გაუძახა. წაიფარფატა რასკოლნიკოვმა, მაგრამ არ წაქცეულა, გასწორდა; ჩუმად გადმოჰხედა მაყურებლებსა და გასწია.

— უცნაურია ვიღაცა! — ჩაილაპარაკა მუშამა.

— სწორეთ რომ ველარ იცნობ ხალხსა, ისე გაუცნაურდა, — დაუდასტურა დედაკაცმა.

— ურიგო არ იქნებოდა. მაინც, კანტორაში წაგეყვანათ, — დასძინა მოქალაქემ.

— არა ღირდა, ჩამოგვეკიდებოდა, — გადასწყვეტა ზორბა მეფეზოვემა. — არ ეტყობა, გაიძვერაა! თვითონვე აგვეკვიატებია, ექვი არ არის, თავი დამ ველარ მოვიშორებლით... ვიცნობთ, რა შვილებიც არიან!

„წავიდე მაშა, თუ არა?“ ფიქრობდა რასკოლნიკოვი, ჯვარედინ მოსახვევთან შუა-გულ ქუჩაში მდგომი და თან გარშემო იხედებოდა, თითქოს გადამწყვეტ სიტყვას მოელის საიდამლაცაო. მაგრამ არსაიღამ არაფერს პასუხი არ გასცა. მისთვის ყოველივე უტყვი და ჰკვდარი იყო, იმ ქვებივით, რომლებზედაც იგი იდგა ახლა... უცბად, ასიოდე ნაბიჯზედ იმ ადგილიდან, სადაც რასკოლნიკოვი იდგა, ქუჩის ბოლოში, ბრნდუნდში ბრბო შეჭნიშნა; ხმაურობა და ყვირილი მოესმა... ბრბოს შუა-გულ რაღაცა ეტლიც იდგა... ქუჩის შუაგულ სინათლე გამოკრთა. „რა უნდა იყოს?“... რასკოლნიკოვმა მარჯვნივ შეუჩვია და ბრბოსაკენ გასწია. მაგრამ გაეცინდა, რომ თითქოს მიზეზებს იღებდა, თუმცა გარდაწყვეტილი ჰქონდა ნამდვილად, რომ ახლანჯ კანტორაში მივიდოდა და ყველაფერს გაათავებდა.

VII

ქუჩის შუა-გულ ვილასიც საკუთარი, მდიდრული ეტლი იდგა, რომელშიაც წყვილი, ყომრალი ფიცხი ცხენი ება; შიგ არაფერს სჩანდა მჯდომი, თვითონ შეეტლევს კოფოდან ჩამოსულიყო და გვერდით უდგა. ცხენები სადავეთი ეჭირათ... გარშემო მრავალს ხალხს მოეყარა-თავი, ყველაზედ წინ პოლიციელები იდგნენ. ერთს იმათგანს ხელში პატარა ფარანი ეჭირა ანთებული, რომლითაც ძირს დახრილი რაღასაც ანათებდა ქვაფენილზედ, იმ ადგილას სწორედ, სადაც ეტლის თვლები იყო. ყველა ლაპარაკობდა, ყვიროდა, ოხრავდა; შეეტლევ-კი გაშტერებული იდგა და დრო-და-დრო იმეორებდა:

— რა უბედურობაა! ღმერთო, რა საცოდავობა მოხდა!

როგორც იყო, გაძვრა ხალხში რასკოლნიკოვი და დანახა, რას შეეშფოთებინა და აელღეღებინა ასე ხალხი. ძირს ეგდო ცხენებისაგან გათელილი, გრძობა-დაკარგული, გარეგნობით ღარიბულად, მაგრამ „კეთილშობილურად“ ჩაცმული ადამიანი და სისხლში სცურავდა. პირისახეზედ და თავიდან სისხლი სდიოდა. სახე მთლად დაჭეჭილი, დაგლეჯილი და დამახინჯებული ჰქონდა. ეტყობოდა, სახუმაროდ არ იყო დაშავებული.

— რა მექნა უბედურსა! — მოსთქვამდა მეეტლე, — როგორ დამენახა! როგამომერეკა, ან არ დამეყვირა, კიდევ ჰო, თორემ სულ ნელა მომყავდა. ყველა ჰხედავდა, თორემ აი, ხალხი; გამამტყუვონ, თუ ვსტყუი. ეჭვი არ არის, მთვრალი სანთელს არ აინთებს!.. ვხედავ, ქუჩაზედ გადადის, ბარბაცებს, ლამის არის დაეცეს. დაუყვირე ერთხელ, მეორეთ, მესამეთა და ცხენებიც შევაყენე; მაგრამ არ მოჰშორდა და პირდაპირ ფეხებში ჩაუვარდა! განგება ქნა, თუ ძალიან იყო მთვრალი, არ ვიცი... ახალი ცხენებია, მფრთხალები არიან, — გაიწიეს; გაიწიეს და დაიყვირა. დაიყვირა და უარესად შეფრთხნენ... და ასეთი უბედურობა-კი დატრიალდა.

— აგრე იყო, მართალია! — გაისმა ვილაცა მოწმის ხმა ბრბოში.

— მართალია, უყვიროდა, სამჯერ დაუყვირა, — დაემოწმა მეორე.

— სამჯერ დაუყვირა სწორედ, ყველამ გავიგონეთ! — დაიძახა მესამემ.

მაგრამ არც ძალიან იყო ქედმოხრილი და შეშინებული მეეტლე. ეტყობოდა, ეტლი ვისიმე შეძლებულ კაცისა იყო და უთუოდ დაბარებული ჰყავდა, უცდიდა სადმე. რასაკვირლია, პოლიციელებიც ძაან სცდილობდნენ გამოერკვიათ როგორმე საქმე. გასრესილი პოლიციის ნაწილსა და საავადმყოფოში უნდა წაეყვანათ. მაგრამ სახელი და ვინაობა არავინ იცოდა.

სწორედ ამ დროს რასკოლნიკოვი უფრო ახლოს მივიდა. ფარანმა უცბად მთლად გააშუქა დაშავებულის სახე: იცნო, ვინც იყო.

— მე ვიცნობ, მე ვიცნობ! — შეჰყვირა რასკოლნიკოვმა და წინ წაიწია. — სამსახურს გარეშე მყოფი მოხელეა, ტიტულიარნი სოვეტნიკი მარმელადოვი! აქვე სცხოვრობს, მახლობლად, კოზელის სახლში... ჩქარათ, ექიმი! ფულს მე გადავიხდი!

ამოაღო ჯიბიდან ფული და პოლიციელს დაანახვა. საშინლად აღელდა უცბად რასკოლნიკოვი.

გაუხარდათ პოლიციელებსა, რომ დაშავებულის ვინაობა შეიტყეს. რასკოლნიკოვმა მაშინვე თავისი ვინაობაც აცნობა, ადრესი მისცა და სკდილობდა ყოველის ღონისძიებითა, — თითქოს მშობელი მამა ყოფილიყოსო, — რომ გრძნობა დაკარგული მარმელადოვი საჩქაროდ სახლში წაეყვანათ.

— აი, აქვეა, მესამე სახლია, ცოდვილობდა და ჰზრუნავდა რასკოლნიკოვი, — კოზელის სახლში სდგას, მდიდარი ნემეცის სახლში... უთუოდ მთვრალი იყო და სახლში მიდიოდა. ვიცნობ... ლოთია... ოჯახობა ჰყავს, ცოლი, შვილები, ქალიცა ჰყავს ერთი. საავადმყოფოში წაყვანას შინა სჯობიან, აქვეა და ექიმსაც მალე ვიშოვით! მე მივცემ ფულსა, მე გადავიხდი!.. რაც უნდა იყოს, სხვა არის, შინაურები მოუფლიან. მალე უშველიან; საავადმყოფომდის კი, ვინ იცის, კიდევ მოკვდეს...

შეუმჩნევლად ხელშიც კი ჩაუღო ფული პოლიციელსა. მაინც აშკარა იყო და კანონიერიც: უფრო მალე დაეხმარებოდნენ. ასწიეს დაშავებული და წაიღეს. მალე თანაშემწეები და თანამგრძნობნი სხვებიც გაუჩნდნენ. სულ რაღაცა ოც-და-ათის ნაბიჯით იყო კოზელის სახლი დაშორებული. რასკოლნიკოვი უკან მისდევდა, თავში წაეწლო ხელი ფრთხილად და გზას უჩვენებდა.

— აქეთ მოიყვათ, აქეთ! კიბეზედ უნდა თავით ავიყვანოთ, მობრუნდით... ჰო, აგრე, ფულს მე მოგცემთ, მე გადავიხდით მადლობასა, — დუდუნებდა რასკოლნიკოვი.

ჩვეულებისამებრ, როგორც კი თავისუფლებას იგდებდა ერთის წამით ხელთა, მაშინვე თავისს ვიწრო ოთახში იწყებდა ხოლმე წინ და უკან, ფანჯრიდან ღუმელამდე, გულხელდაკრეფილი სიარულსა კატერინა ივანოვნა; დადიოდა ხოლმე ასე და თან თავისს თავს ელაპარაკებოდა, ახველებდა. ბოლოსა და ბოლოს დროს-კი უხშირა აგრეთვე ელაპარაკს თავისს უფროს, ათის წლის ქალ პოლინკასთანა. მართალია, ბევრი რამ ჯერ კიდევ არ ესმოდა პოლინკასა, მაგრამ შეიგნო კარგად, რომ დედისათვის საჭირო იყო იგი და თავისს გონიერ ვეება თვალებს ერთგულად ადევნებდა ხოლმე დედასა და თავს უჩვენებდა ეშმაკურად, ვითომ ყველაფერი ესმოდა. პოლინკა ამ ჟამად თავისს უქეიფოდ მყოფს უმცროსს ძმას ჰხდიდა ტანთა, რომ დაეძინებინა. მოლოდინში, სანამ პერანგს გამოუცვლიდნენ, რომელიც იმ დამესვე უნდა გაერეცხათ და გაეშროთ, იჯდა პატარა სკამზედ ჩუმათა და უძრავათა და წყვილად შეტყუებული შიშველი ფეხი წინ გაეშვირა. გაებერა ტუჩები, დაეჭყიტა თვალები და უძრავად უგდებდა ჭკვიანად ყურს დედის ლაპარაკს პოლინკასთანა, ისე სწორედ, როგორც ჭკვიანმა ბავშვებმა იციან ხოლმე, სანამ ტანთ გაჰხდიდნენ და საძილოდ დააწვენდნენ. უფრო პატარა, ძონძებში გამოხვეული გოგო კიდევ ფარდასთან იდგა და რიგს უტდიდა, რომ იმასაც დააწვენდნენ. კიბეზედ გამოსასვლელი კარი ღია იყო, რომ სხვა მდგმურების ოთახებიდამ გამომავალი სქელი თამბაქოს ბოლი ცოტაც არის გაფანტულიყო და საბრალო ქლექი ადამიანი ხშირსა და მძიმე ხველას ისრე არ ეტანჯნა. თითქოს უარესად გამხდარიყო კატერინა ივანოვნა ამ რაღაცა ერთის კვირის განმავლობაში, წინანდელთან შედარებით ლოყებზედ აქა-იქ წითელი ლაქები მოჰმატებოდა თითქოსა.

— არც დაიჯერებ და ვერც წარმოიდგენ, პოლენკა, — ეუბნებოდა კატერინა ივანოვნა და თან ოთახში გადი-გამოდიოდა, — როგორ მხიარულათა და კმაყოფილათა ვცხოვრობდით მამასთანა; ამ ლოთმა-კი როგორ დაგვღუპა ყველა, მეცა და თქვენცა! მამაჩემი უკვე საერო პოლკოვნიკი იყო და

თითქმის გუბერნატორიც; სულ რაღაცა ერთი ნაბიჯი-ღა უკლდა, ასე რომ ყველანი დაიარებოდნენ და ეუბნებოდნენ: „ისე გთვლით უკვე, ივან მიხეილიჩ, როგორც ჩვენს გუბერნატორსაო.“ როგორ... ეხ! ხე! ეხ! როდესაც... ჰხე-ჰხე-ჰხე!.. ო, დაწყევლილო სიცოცხლე! შეჰყვირა კატერინა ივანოვ-ნამა და გადააფურთხა, გულზედ ხელი იტაცა.— როდესაც... ეჰ, უკანასკნელ ბალზედ... თავად-აზნაურთა წინამძღოლისას... დამინახა კნენა ბეზზემელნაიამ,— რომელმაც შემდეგ დამ-ლოცა, მამაშენზედ რომ ვთხოვდებოდი, პოლ,— მაშინვე იკითხა: „ის ხომ არ არის ეს მშვენიერი გოგონა, კურსის დასრულებისას რომ შალიანი სცეკვავდაო?..“ ე გახეული რატომ არ დაგიკერებია. აიღებდი ნემსსა და ახლავე ამოჰბლანდავდი, როგორც გასწავლე, თორემ ხვალ... ჰხე-ჰხე! ხვალ... ჰხე-ჰხე-ჰხე! უარესად გაგეხვევა! დაჰყვირა გულ ამოვარდნილ-მა.— ის-ის იყო მაშინ ჩამოვიდა პეტერბურგიდამ კამერ-იუნკერი თავადი შჩეგოლსკოიც... იცეკვა ჩემთან მაზურკა და უნდოდა თურმე მეორე დღესვე წინადადება გაეკეთებინა, მაგრამ მევე დაეასწარ, მადლობა ვუთხარ და გამოვუცხადე, რომ დიდი ხანია სხვას ეკუთვნოდა ჩემი გული. ეს სხვა-კი მამაშენი იყო, პოლია. საშინლად ჯავრობდა მამა... მერე, წყალი-კი მზათა გაქვს? აბა, მოიტა პერანგი; ჩულქები სად-ლაა?.. ლიდა, მიუბრუნდა პაწიასა, ამაღამ აგრე უპერანგოთ გეძინოს, როგორც იყოს... ჩულქებიც მანდვე დააწყე... ერთად დავრეცხამ ბარემ... ი დაბრანძული ლოთი რატომ აღარ მოდის, ნეტა? ლამის არის პერანგი დასტამლათ ექცეს, მთლად შემოეხვევა... სჯობდა ერთად დამერეცხა, რომ ორს ღამეს არ მეწვალა! ღმერთო! ჰხე-ჰხე-ჰხე-ჰხე! კიდევ ამივარდა ე ხველა! რა ამბავია? შეჰყვირა უცბად და დერეფანში გამოჩენილს ხალხს გაჰხედა, რომელსაც თან რაღაცა მოჰქონდა ოთახისაკენ.

— რა არის? რა მოაქვთ? ღმერთო!

— სად დავაწვინოთ? კითხულობდა პოლიციელი და თან გარშემო იყურებოდა, რომ გრძობა დაკარგული და გასისხლიანებული მარმელადოვი დაეწვინათ.

— დივანზედ! დივანზედ დააწვინეთ! აი ასე, თავი აქეთ უყავით, — უჩვენებდა რასკოლნიკოვი.

— ქუჩაში გასრისეს მთვრალი! — დაიძახა ვილამაც დერეფნიღამა.

იღვა გაფითრებული კატერინა ივანოვნა და ძლივს-ღა ჰსუნთქავდა. ბავშვებიც შეშინებულიყვნენ. პატარა ლიდოჩკამ მაშინვე ყვირილით პოლინკას მიაშურა, მოჰხვია ხელები და მთლად კანკალმა აიტანა.

დააწვინეს თუ არა მარმელადოვი, რასკოლნიკოვი მაშინვე კატერინა ივანოვნას ეცა.

— ღვთის გულისათვის, დამშვიდდით, ნუ შეშინდებით! ეუბნებოდა სხაპა-სხუპით. — ქუჩაში თურმე გადადიოდა და ეტლმა გადუარა; ნუ სწუხართ, მობრუნდება, მე ვუბრძანე აქ მოეყვანათ... გახსოვთ, ვიყავი ერთხელ თქვენსა... მობრუნდება; ფულს მე გადვიხდი.

— ხომ აგიტანა წერამა! შეჰყვირა სასოწარკვეთილებით კატერინა ივანოვნამა და ქმრისაკენ გაქანდა.

შეჰნიშნა მაშინვე რასკოლნიკოვმა, რომ კატერინა ივანოვნა სხვა სუსტ დედაკაცებს არაფრით ჰგავდა და მაშინვე გულს არ შეეულონდებოდა. უცბად თავ ქვეშ ბალიში გაუჩნდა უბედურსა, რაც სხვას არავის მოჰგონებია და გახდაც დაუწყო კატერინა ივანოვნამა. თანა ჰსინჯავდა და გაფაციცებით ჰზრუნავდა, გულიდან ამოსახეთქად გამზადებულს ტირილსა და აცახცახებულს ტუჩებს ძალით იმაგრებდა. თავი მთლად დაჰვიწყებოდა.

რასკოლნიკოვმა-კი ამ დროს ექიმზედაც გაგზავნა კაცი, რომელიც იქვე მეორე სახლში მდგარიყო.

— ექიმსაც დაუძახებენ, — უმეორებდა რასკოლნიკოვი, — ნუ სწუხართ, ფულს მე გადვიხდი. წყალი არ არის?... ხელსაწმენდი ან პირსახოცი იქნება, მამეცით ჩქარა; არავინ იცის, როგორ არის დაშავებული... დაშავებულია და არა მკვდარი, მერწმუნეთ... ვნახოთ, ექიმი რას იტყვის!

კატერინა ივანოვნა მაშინვე ფანჯარისაკენ გაქანდა. აქ, კუთხეში, დაძველებულ სკამზედ, თიხის ტაშტით წყალი ედგა, რომ ბავშვებისა და ქმრის საცვალი ღამე დაერეცხა. იქამდის მიაღწია ბოლოს დროს იმათმა გაჭირვებამა, რომ ოჯახის ყოველ წევრს მხოლოდ თითო ხელი საცვალი-ღა ჰქონდა და თუ არ ღამ-ღამობით, სხვაფრივ მათი რეცხვა არ მოხერხდებოდა. და რაკი თვითონ დიდი მოყვარული იყო სისუფთავისა, ისევ ღამ-ღამობით არჩევდა ქმარ-შვილის საცვლების რეცხვასა და ჭუჭყიანათ-კი არ ატარებდა. ამიტომაც კვირაში ერთჯერ, ზოგჯერ-კი უფრო ხშირადაც, უთუოდ სარეცხი ჰქონდა ხოლმე და სველს საცვლებს ღამევე უშრობდა მან გაბმულს თოკზედა, რომ დილით სუფთა საცვალი ჩეცვათ. წავლო ხელი ტაშტსა და უნდოდა რასკოლნიკოვისათვის მიეტანა, მაგრამ კინალამ იქვე დაეცა, ველარ შესძლო. რასკოლნიკოვმა-კი უკვე იპოვნა პირსახოცი, დასველა წყლითა და დაუწყო მარმელადოვს გასისხლიანებულ სახის წმენდა. კატერინა ივანოვნაც იქვე იდგა და გულობელ დაკრეფილი ძლივსა ჰსუნთქავდა; გული სტკიოდა. ახლა-ღა მიჰხვდა რასკოლნიკოვი რომ არ უნდა ამოეყვანინებინა სახლში მარმელადოვი. პოლიციელიც გაშტერებული იდგა და შეჰყურებდა.

— პოლიციელი დაუძახა კატერინა ივანოვნამა. — ჩქარა, სონასთან მიიბრუნე! მუშ უნდა არ დაგხედეს, უახარი, მამა ცხენებმა გაიტანს, და რაოფორც-კი მოვიდეს, მაშინვე წამოვიდეს. ახლა, ჩქარა! ახლა, ახლა მოიხვიე!

— ლაც სეგიძლიან, გაიქე! მიაძახა უცბად სკამზედ მჯდომმა პატარა ბიჭმა და ისევე ისე გაჩუმდა; მხოლოდ ფეხები წამოეყო წინა და თვალები დაეჭიბა.

— ოთახი მთლად ხალობით გაივსო. პოლიციელები წავიდნენ; დარჩა-ღა მხოლოდ ერთი, რომელიც კიბიღვან მოგროვილს ხაობს უკანვე ერეებოდა. სამაგიეროდ ლაპპევებსელის შიდა ოთახებიდან თითქმის ყველა მდგმურებმა აქ მოიყარეს თავი, პირველად ჯერ კარებში შემოიყურებოდნენ.

ნენ, მერე კი იხუვლეს უცბადა და ოთახში შემოიტანეს გრილი. გაბრაზდა კატერინა ივანოვნა.

— ნეტავი, სიკვდილს მაინც არის აღირსებდეთ მოსვენებით ადამიანსა! დაჰყვირა ოთახში შემოსულთ, — წარმოდგენა, თუ რა არის? პაპიროსებიც რომ ხელში უჭირავთ! ჰხე-ჰხე-ჰხე! არა, ქუდებითაც შემობრძანდი ბარემ... აგერა, აკი ჰხურავს კიდეცა ერთსა!.. მკვდრის პატივისცემა მაინცა გქონდეთ!

ხველამ კინალამ დააღრჩო, მაგრამ გაჯავრებამ-კი გასჭრა. ეტყობოდა, ეშინოდათ კიდეც კატერინა ივანოვნასი; მდგმურები ნელ-ნელა უკანვე გავიდნენ იმ უცნაურის შინაგან კმაყოფილებით, რომელიც თვით უახლოეს ხალხშიაც-კი იჩენს ხოლმე თავსა მოყვასთა მოულოდნელ უბედურობის დროსა და რომელიც უნებურად ყველას თანა სდევს მუდამ, თუნდაც გულწრფელად თანაუგრძნობდნენ და ებრალებოდეთ კიდეც უბედურობის მსხვერპლი.

კარებს უკანიდამ საავადმყოფოს ახსენებდნენ, თან იძახოდნენ; არ უნდა მოეყვანათ შინა და ხალხი არ შეეწუხებინათო.

— როგორ, სიკვდილიც-კი არ შეუძლიან შინა! შეჰყვირა კატერინა ივანოვნამა და ის იყო კარებს უნდა სცემოდა და გამოეღო, რომ ამ დროს სწორედ თვითონ ქალბატონს ლიპპევებზელისას შეეფეთა წინა. ის იყო გაეგო დიასახლისს, რომ უბედურობა დატრიალდაო და მოდიოდა, რომ წესი და რიგი აღედგინა.

საშინელი უგულო და ჭინჭელიანი დედაკაცი იყო ქნილიპპევებზელი.

— ოჰ, ღმერთო ჩემო! — გაჰკრა ხელი. — თქვენი ქმარი ცხენმა გათელა! საავადმყოფოში ჩქარა! დიასახლისი ვარ!

— ამალია ლუდვიგოვნა! გთხოვთ გაიხსენოთ, რას ამბობთ, — დაუწყო კატერინა ივანოვნამ მედიდურათა (დიასახლისს მუდამ ამ კილოთი ელაპარაკებოდა, რომ თავისი ვინაო-

ბა არ დაჰვიწყებოდა, ამიტომაც არც ახლა უნდოდა მოჰკლებოდა ამ სიამოვნებასა),—ამალია ლუდვიგოვნა...

— წინათაც რამდენჯერ გითხარი, ამალია ლუდვიგოვნა აღარ დამიძახო-მეთქი; ამალია ივანოვნა და არა ლუდვიგოვნა.

— ამალია ლუდვიგოვნა ხართ და არა ამალია ივანოვნა, და მეორეც, რაკი იმ გაიძვერა მლიქვნელებს არა ვგევარ, როგორიც ბატონი ლებეზიატიკოვია, რომელიც ახლა უთუოდ კარებს უკანიდამ დაგცინის (მართლაც ამ დროს კარებს უკან სიცილი და შენიშვნა გაისმა: „ეცნენო!“), მუდამ ამალია ლუდვიგოვნას დაგიძახებთ უთუოდ, თუმცა ვერ გამიგია სწორედ, რად არ მოგწონთ ეს სახელი. ხომ ჰხედავთ, რა დაეშართა სემონ ზახარჩსა; კვდება. გთხოვთ ახლავე დაკეტოთ ე კარი და აღარავინ შემოუშვათ. სიკვდილი მაინც არის შეაძლებინეთ მშვიდობიანათა! გარწმუნებთ, უამისოდ ხვალვე თქვენს საქციელს გენერალ-გუბერნატორს ვაცნობებ. თავადი მიცნობდა ჯერ ისევ ქალობისასა და სემონ ზახარჩსაც მოწყალედ ებყრობოდა. ყველამ იცის კარგათა, რომ სემონ ზახარჩს მრავალი მეგობარი და მფარველი ჰყავს, მაგრამ თავისს სისუსტისა და კეთილშობილურ სიამაყისა გამო თვითონვე ყველას ჩამოჰშორდა, მაგრამ ახლაც აი, (რასკოლნიკოვზედ მიუთითა) ეს დიდსულოვანი ახალგაზრდა გვშველის, რომელსაც სემონ ზახარჩი პატარაობიდანვე იცნობდა. მერწმუნეთ, ამალია ლუდვიგოვნა...

ყველაფერი ეს სხაპა-სხუპით წარმოსთქვა კატერინა ივანოვნამა. მაგრამ ხველამ შეაყენა. სწორედ ამ დროს მომაკვდავი გონს მოვიდა, ამოიკვნესა და კატერინა ივანოვნაც მაშინვე ქმრისკენ გაქანდა. გაახილა ავადმყოფმა თვალები და თავით მდგომს რასკოლნიკოვს დაუწყო ცქერა, მაგრამ ვერას არჩევდა, გაბრუებული იყო, ვერავის სცნობდა. იშვიათად და ღრმათა ჰსუნთქავდა. ტუჩის პირად სისხლი სდიოდა. ოფლი მოჰსვლოდა. რასკოლნიკოვი რომ ვერ იცნო, შეშფოთებულმა ახლა სხვა მხარეს დაიწყო ცქერა. დაღვრემილი

შესცქეროდა კატერინა ივანოვნა სასტიკად და თვალებიდამ
ლაპა-ლუპით ცრემლები სცვიოდა.

— ღმერთო ჩემო! გულ-მკერდი მთლად ჩანგრეული
ჰქონია! როგორ სდის სისხლი! ჩაილაპარაკა სასოწარკვეთილ-
მა.— ეს ზედა ტანისამოსი მაინც გაეხადოთ! სემონ ზახარჩი,
მობრუნდი, აბა, თუ შეგიძლიან, დაუყვირა კატერინა ივანოვნამა.

იცნო მარმელადოვმა.

— ღვდელი!— წაიდუღუნა ხრინწიანის ხმით.

კატერინა ივანოვნა ფანჯრისაკენ მიდგა, შუბლი ჩარ-
ჩოს მიჰყუდა და სასოწარკვეთილმა შეჰყვირა:

— ო, დაწყევლილო სიცოცხლევ!

— ღვდელი!— გაიმეორა მკირე სიჩუმის შემდეგ მომაკვ-
დავმა.

— წავიდნენ! დაუყვირა კატერინა ივანოვნამა. გაიგონა
მარმელადოვმა ყვირილი და გაჩუმდა. მოკრძალებით და ნაღვ-
ლიანად ეძებდა ცოლს თვალითა. დაბრუნდა ისევ კატერინა
ივანოვნა და თავით დაუდგა ქმარსა. ცოტათი არ იყოს, და-
მშვიდდა მომაკვდავი, მაგრამ მკირე ხნობით.

მალე პატარა ლიდოჩკას მოჰკრა თვალი (უყვარდა ძან),
რომელიც კუთხეში ატუხულიყო და აცახცახებული გაჰყუ-
რებდა ბავშვურად შეშინებული.

— ე... ე.. უჩვენებდა შეშფოთებული მარმელადოვი
ლიდოჩკაზედა.

უნდოდა რაღაცა ეთქვა.

— რა იყო, რა გინდა? შეუყვირა კატერინა ივანოვნამა.

— ფეხშიშველა! ფეხშიშველა! დუღუნებდა გონება-და-
ბნეული და ლიდოჩკას შიშველა ფეხებზედ უჩვენებდა.

— გაჩ-უმ-დი! დაუყვირა გაბრაზებულმა კატერინა ივანოვნამა.— კარგათ იცი, რათაც არის ფეხშიშველა!

— მადლობა ღმერთს, ექიმი მოვიდა! შეჰყვირა გახარე-
ბულმა რასკოლნიკოვმა.

შემოვიდა ექიმი, დარბაისელი მოხუცი ნემეცი და გარ-
შემო უნდობლად მიმოიხედა. მივიდა მერე ავადმყოფთანა,
მაჯა და თავი გაუსინჯა და კატერინა ივანოვნას დანმარებით
სისხლში გათხვრილი პერანგი გადაუწია გულიდამა. გულ-
მკერდი მთლად ჩარეგვილი ჰქონდა, მარჯვენა გვერდის რა-
მდენიმე ძვალი ჩამტვრეული. მარცხნივ, ზედ გულზედ, ვეება
ბედითი შავი, ჩაყვითლებული ლაქა ჰქონდა: ფეხი ჩაეკრა
ცხენსა. ექიმი მოიდრუბლა. უამბო პოლიციელმა, რომ დაშა-
ვებული თვალმა ჩაითრია და ასე ოც-და-ათ ნაბიჯამდე ათრია
ქვაფენილზედა.

— საკვირველია, ან-კი როგორ-ღა მოვიდა გონსა,--ჩა-
სჩურჩულა ჩუმად რასკოლნიკოსა.

— მაინც, რას იტყვით? დაეკითხა რასკოლნიკოვი.

— ახლავ მოკვდება.

— არავითარი იმედი არ არის, მაშა?

— არავითარი! სულსა ჰღევეს... თავიც საშინლათა აქვს
დაზიანებული... ჰმ!.. შეიძლებოდა სისხლი გამოგვეშვა... მა-
გრამ... უსარგებლოა. ხუთისა ან ათის წამის შემდეგ მაინც
უთუოდ მოკვდება.

— სჯობს, მაშ, ისევ გამოუშვათ!

— შეიძლება... მაგრამ გაფრთხილებთ-კი, რომ უსარგე-
ბლო იქნება სრულიად.

ამ დროს სწორედ დერეფანში ფეხის ხმა გაისმა, ხალხი
გაირღვა და გამოჩნდა მოხუცი მღვდელი. ქუჩიდანვე წასუ-
ლიყო ვიღაცა პოლიციელი დასაძახებლად. ექიმმა მაშინვე
ადგილი დაუთმო, თან მნიშვნელოვანად გადაჰხედა. სთხოვა
რასკოლნიკოვმა ექიმსა, ცოტა ხანს კიდევ დარჩენილიყო.
ექიმმა მხრები შეიშმუშნა, მაგრამ დარჩა.

ავადმყოფს ყველა მოჰმორდა, ანდერძმა ცოტა ხანს გა-
სტანა. მომაკვდავს თითქმის არა ესმოდა-რა. ნაწყვეტ-ნაწყვე-
ტად შეეძლო მხოლოდ რაღაც უაზრო წამოყვირება. აიყვა-
ნა კატერინა ივანოვნამ ლიდოჩკა, პატარა ბიჭიც სკამიდან
ჩამოსვა, მიიყვანა კუთხეში, ღუმელთანა, დაიჩოქა და ბა-

ვშვებიც წინ დააჩოქა. ლიდოჩკა სულ კანკალებდა; პატარა ბიჭს კიდევ დაეჩოქნა. შიშველა მუხლის თავებზედ, მძიმედ იწერდა პირჯვარსა, იყრიდა მუხლსა და თავს მიწაზედ ახეთქებდა თითქმის, რაიცა, ეტყობოდა, ძალიან ესიამოვნებოდა. კატერინა ივანოვნა კიდევ ტუჩებს იკვნეტდა და ტირილს ძალით იმაგრებდა. ლოცულობდა თითონაცა და თან იშვიბოდა ბავშვს უსწორებდა პერანგსა; პატარა გოგოს კიდევ დაჩოქილმა თხელი ქალაღია ამოულო კამოდიდამა და შიშველა მხრებზედ წამოასხა. ცნობის მოყვარებებმა კარებს ისევ გამოღება დაუწყეს, რომ შიგნითა ოთახებიდამ გამოეხედნათ. დერეფანშიაც თან-და-თან უფრო მატულობდა მაყურებლების რიცხვი, ყველა კიბეებიდამ იკრიბებოდნენ, მაგრამ კარებს აქვთ არ გადმოდიოდნენ, გარეთ იდგნენ. მთელს ოთახსა და დერეფანს პატარა ნამწვი სანთელი ანათებდა.

უცბად ბრბოდამ საჩქაროდ გამოძვრა პოლინკა, რომელიც დის დასაძახებლად იყო წასული; მოიხადა დაღალუღმა თავშალი, მოსძებნა დედა, მივიდა და უთხრა: „მოდის! ქუჩაში შემომხვედა!“ დედამ ესაც მაშინვე თავისს გვერდით დააჩოქა. ბრბოდამ წყნარად და მოკრძალებით გამოაღწია ახალ, გაზრდა ქალმა, რომლის მოულოდნელი გაჩენაც ამ სიღარიბისა, ძონძებისა, სიკვდილისა და სასოწარკვეთილების შორის უცნაურად ეჩვენა ყველას. მართალია, უბრალო მჩვრები ეცვა, გროშის ფასისა ყველაფერი, მაგრამ ქუჩის გემოზედ იყო აჭრელებული, რომელიც სამარცხვინო განზრახვას მოწონებისას აშკარად ჰხდიდა. სონა იქვე კარებთან შედგა დაბნეული, თითქოს აღარა ეყურებარა და დაავიწყდა, რომ მეოთხე ადამიანისაგან ნახმარად ნასყიდი, დროისა და გარემოების შეუსაბამო, ყვავილებიანი, გრძელ შლიეფიანი სასაცილო კაბა ეცვა, გაბუებული წამოსასხამი ეგდო და მხიარული ბათინკები ეცვა; თავზედ კიდევ არა ნაკლებ სასაცილო ჩალის რგვალი შლაპა ეხურა, რომელსაც ცეცხლის ფერი ფრთა უმკობდა. ბიჭურად გვერდზედ მოგდებულ შლაპიდანამ გამოიყურებოდა გამხდარ-გამხდარი, ფერმკრთალი, შეშინებული, ნახევრად პირ-ლია,

თვალეზ დაჭყეტილი სახე. სოინა იყო ტანით მომცრო, თვრამეტის წლის გამხდარ-გამხდარი, მაგრამ საკმაოდ ლამაზი, ლურჯ თვალეზა ქერა ქალი. ყურადღებით უყურებდა ლოგინსა და ღვდელსა. დაღალულიყო. ესაც ძლივას-ღა ჰსუნთქავდა. გაისმა ბოლოს რაღაცა ჩურჩული ბრბოში და ზოგიერთა სიტყვამ მის ყურამდეც მიაღწია. დაჰლუნა თავი, გადადგა ფეხი კარებს შიგნითა, მაგრამ იქვე შედგა.

ანდერძი და ზიარებაც დასრულდა. კატერინა ივანოვნა ისევ ქმართან მივიდა. გადგა უკან ღვდელი, ჩამოეცალა და რამდენიმე სანუგეშო სიტყვა უთხრა.

— ჰო, მაგრამ, ამათ რა ვუყო? — მიუთითა გაბრაზებულმა ბავშვებზედ.

— ღმერთია მოწყალე! უზენაესი არავის დაივიწყებს, — დაიწყო მღვდელმა, მაგრამ მალე ისევ გააწყვეტინა კატერინა ივანოვნამა:

— ჰმ! მოწყალე-კი მოწყალეა, მაგრამ ჩვენთვის როდია!

— ცოდვაა, შეილო, მაგისი თქმა, ცოდვაა, — შეჰნიშნა მღვდელმა თავის ქნევითა-

— ესა, ეს-კი არ არის ცოდვა? დაიყვირა კატერინა ივანოვნამა და მომაკვდავზედ მიუთითა.

— ვინ იცის, იქნება დაგთანხმდეთ კიდევ, ვინც უნებლიეთ მიზეზი გახდა თქვენის უბედურებისა და ზარალი გიზღათ, ნივთიერად მაინც...

— ჩემი აზრი ვერ გაიგევით! შეჰყვირა აღელვებულმა კატერინა ივანოვნამა და ხელი გააქნია. — რის ზარალი, რა უნდა მიზღონ? თვითონ არ ჩაუვარდა მთვრალი ცხენებსა! რის ნივთიერი ზარალი?... სარგებლობა და დახმარება-კი არა, ტანჯვა მქონდა ამისაგან მხოლოდ. ლოთი იყო, სჭამდა ყველაფერს! სახლსა ჰპარავდა და ღუქანში მიჰქონდა! ჩემი თუ ბავშვების სიცოცხლე, ყველა სმაზედ შეილია! მადლობა ღმერთსა, რომ კვდება! ნაკლები ზარალი გვექნება.

— სიკვდილის წინ უნდა ყველაფერი აპატიოთ, შეილო, შურის გება ცოდვაა!

კატერინა ივანოვნა ავადმყოფს დასტრიალებდა: ხან წყალს ასმევდა, ხან ოფლსა და სისხლსა სწმენდავდა, ხან ბალიშს უსწორებდა და თან ღვედელს ელაპარაკებოდა. ახლა-კი გულმოსული მიუბრუნდა უცბად.

— ეჰ, მამაო! სიტყვებია და სიტყვები მხოლოდ! აპატიოთო! იცით, მერე, რომ, არ გაესრისათ, მოვიდოდა გალექებული და ჭუჭყისაგან მთლად შექმული და დაძინძილი ერთად-ერთი პერანგი ძალით უნდა გამეხადა და გათენებამდე შისი და ბავშვების საცვლები მექექჟა; მერე გამეშრო და, ინათებდა თუ არა, დავმჯდარიყავი ახლა და მეკერებინა, რომ დილით სუფთა ჩამეცმია? აი, როგორ ვატარებ ღამეს!.. მაშ, რომელ პატიებაზედ-ღა შეიძლება აქ ლაპარაკი! მაგრამ დეე, მიპატიებია!

საშინელმა ხველამ ლაპარაკი გააწყვეტინა. მიიშველა ცხვირსახოცი და ამონახველი განგებ ღვედელს გაუწოდა საჩვენებლათა; თან მეორე ხელით გული ეჭირა ისევა. ცხვირსახოცი მთლად სისხლით იყო მოთხვრილი...

ღვედელმა თავი დაჰლუნა, აღარა უთხრა-რა.

მარმელადოვი სულს ებრძოდა, კატერინა ივანოვნას თვალს არ აშორებდა. უნდოდა სულ რაღაცა ეთქვა; ერთხელ კიდევაც სცადა და დაიწყო ენის ცოდვილობა, მაგრამ მიუხვდა კატერინა ივანოვნა, რომ პატიება უნდოდა ეთხოვა და მაშინვე ბრძანების კილოთი შეუყვირა:

— გაჩ-უმ-დი! არ მინდა!.. ვიცი, რაც გინდა სთქვა!..

და ავადმყოფიც გაჩუმდა. მაგრამ თვალი მოჰკრა უცბად, რომ კარებში სონა იდგა.

იმ დრომდის არ შეუნიშნავს: კუთხეში იდგა მოფარებით.

— ვინ არის ესა? ვინ არის? დაიყვირა უცბად ხრინწიანის ხმით შეშფოთებულმა და თან შეშინებული კარებს გაჰყურებდა, სადაც სონა იდგა; ადგომას სცდილობდა.

— იწ-ეჰ! ი-ი-წ-ეჰ! დაჰყვირა კატერინა ივანოვნამა.

მაგრამ იხმარა მთლად თავისი ძალ-ღონე და ცალს ხელზედ დაეხინა, წამოიწია. ერთ ხანად როგორღაც უძრავადა

და ველურად შეჰყურებდა, თითქოს ვერ სცნობსო თავის ქალსა. არც თუ ენახა სადმე ასრე ჩაცმული. მაგრამ აგერა, იცნო უცბად მოპრანჭული, დამდაბლებული, მკვდარი და შერცხვენილი, მომაკვდავ მამასთან უკანასკნელად გამოთხოვების თავდაბლად მომლოდინე. უსაზღვრო ტანჯვა აღებექდა უცბად სახეზედ.

— სონა! შეილო! მაპატიე! დაუყვირა და უნდოდა ხელი გაეწოდა, მაგრამ თავი ველარ შეიმაგრა, გადმოიწია და დივანიდამ ძირს ბრავგანი მოილო, პირქვე დაეცა. ეცნენ მაშინვე და დააწინეს ისევ, მაგრამ სულს ჰლევდა უკვე. ოდნავ შეჰყვირა სონამ, მიჰვარდა მამასა, მოეხვია და ისე დარჩა დიდხანსა; სონას ხელში დალია სული მომაკვდავმა.

— ძლივს! შეჰყვირა კატერინა ივანოვნამა. — რა ვუყო ახლა? რითი დავმარხო! ან ესენი ხვალ რით დავაძლო?

რასკოლნიკოვი კატერინა ივანოვნასთან მივიდა.

— კატერინა ივანოვნა, — დაიწყო რასკოლნიკოვმა, — წარსულს კვირას თქვენმა ქმარმა მთელი თავისი ცხოვრება და გარემოება ამიწერა და მიამბო... დარწმუნებულნი ბრძანდებოდეთ, სრულის პატივისცემით გიხსენიებდათ. იმ ღამედამ იყო, რომ მე და ის მეგობრები შევიქმენით; მაშინვე შევიტყე, როგორ ერთგული და მოყვარული იყო იგი, განსაკუთრებით თქვენი, თუმცა ისეთი უბედური ზნე სჭირდა... ნება მიბოძეთ, მაშ... დაგეხმაროთ... ჩემის განსვენებულ მეგობრისადმი უკანასკნელ მოვალეობის მოხდით. აი, აქ... ორი თუმანია, ვგონებ, — თუ რასმე დაგეხმარებათ... ერთი სიტყვით, შემოვივლი, — შემოვივლი უთუოდ... იქნება ხვალაც შემოვიარო... მშვიდობით!

და ოთახიდან საჩქაროდ გარეთ გავიდა, ხალხი გაარღვია და კიბეზედ დაეშვა. მაგრამ აქ უცბად წინ ნიკოდიმ ფომიჩი შემოეყარა, რომელსაც გაეგო უბედურების ამბავი და შოენდომებინა პირადად თვითონ მოეხდინა საჭირო განკარგულება. მართალია კანტორაში ნახვის შემდეგ აღარსად ერთმანეთს არ შეჰხვედრიან, მაგრამ შეჰხვდა თუ არა ნიკოდიმ ფომიჩმა, მაშინვე იცნო.

— ოჰო, თქვენა ხართ? ჩაეკითხა რასკოლნიკოვსა.

— მიიცვალა საწყალი, — უპასუხა რასკოლნიკოვმა. — ექიმიც იყო, მღვდელიც, ყველაფერი რიგზეა. საბრალო დედაკაცს ტყუილად ნურასფერზედ შეაწუხებთ, ისედაც ქლექიანია. თუ რითიმე შეგიძლიანთ, ანუგეშეთ... კეთილი ადამიანი ხართ ხომა, ვიცი... დასძინა სიცილითა და თან პირდაპირ თვალი თვალში გაუყარა.

— ე სისხლით როგორ მოსვრილხართ, შეჰნიშნა ნიკოდიმ ფომიჩმა, ფარნის ზინათლებზედ რომ ჟილეტზედ რამდენიმე ახალი ლაქა დაუნახა სისხლისა.

— დიახ, მოვისვარე... მთლად სისხლში ვარ! უპასუხა როგორღაც განსაკუთრებულის კილოთი რასკოლნიკოვმა, გაიღიმა, დაუქნია თავი და კიბეზედ დაეშვა ქვევით.

კიბე სულ ნელ-ნელა ჩაიარა, მძიმედ და აუჩქარებლივ, მაგრამ სიცხისაგან გავარვარებულს აღარა ესმოდა-რა თითქმის. ჰგრძნობდა მხოლოდ, რომ რაღაცა რამ ახალი ძალა მოაწვა ტალღასავით, ისე სწორედ, როგორც სასიკვდილოდ დასჯილს აგრძნობინებს ხოლმე მოულოდნელი და უცეხი პატიება სიცოცხლისა შეღავათსა. შუა კიბეზედ ღვდელი წამოეწია. ჩუმად დაუკრა თავი რასკოლნიკოვმა და გაატარა ღვდელი. კიბის ბოლოში იყო უკვე ჩასული რასკოლნიკოვი, რომ უცხად ზემოდამ აჩქარებული ფეხის ხმა შემოესმა. ვილაცა უკან მოსდევდა. ეს იყო პოლინკა.

— არ გესმისთ? გამიგონეთ! — ეძახდა ზემოდამა.

მიბრუნდა რასკოლნიკოვი. ჩამოირბინა პოლინკამა. ეზოდამ სუსტი სინათლე შემოდიოდა. შეჰნიშნა რასკოლნიკოვმა, რომ მის წინ, ერთი საფეხურით მაღლა, იდგა გამხდარ-გამხდარი, მშვენიერი გოგონა და ბავშვურის აღტაცებითა და სიხარულით შეჰყურებდა პირდაპირა. სჩანდა, რაღაცა დაევალებინათ, მაგრამ, ეტყობოდა, თვითონაც აღტაცებული იყო ამ დავალებითა.

— მითხარით, რა გქვიანთ სახელათა? ან სადა სცხოვრობთ? დაეკითხა აჩქარებულის ხმით პოლინკა.

რასკოლნიკოვმა ორივე ხელი მხარზედ დაადო და როგორღაც ბედნიერად დაუწყო ცქერა. არ იცოდა, რათა, მაგრამ საშინლად იამებოდა მისი ყურება.

— მაინც, ვინ გამოგგზავნათ?

— ვინა და ჩემმა დამ, სონამ, — უპასუხა უფრო მხიარულად გოგონამა.

— აგრე ვფიქრობდი მეცა, რომ უთუოდ სონა გამოგგზავნიდათ.

— დედამაც მთხოვა, დედამაცა. დამ რომ გამოგგზავნა, დედაც მოვიდა და მითხრა: „ჩქარა გაიქე, პოლინკაო!“

— მერე, გიყვართ თქვენი და სონა?

— ყველაზედ ძალიან! — უპასუხა რაღაცა შესანიშნავის სიმტკიცითა და ღიმილი უცბად დაუდინჯდა.

— მე, მეც გეყვარებით?

პასუხის მაგივრად ბავშვი მთლად რასკოლნიკოვისაკენ დაიხარა და ფუნჩულა ტუჩებით საკოცნელად მიიწია. ასანთის ჩხირებივით გამხმარი მკლავები უცბად მაგრა შემოჰხვია პატარამა, თავი მხარზედ დაადო და ნელა ატირდა; თან თან-და-თან მაგრა და მაგრა ეკვროდა რასკოლნიკოვსა.

— მამა მებრალემა! — წამოიძახა პატარა ხანს უკან პოლინკამა და ნამტირალევი თვალები ჩამოიწმინდა. — ასე შემოგვეჩვია უბედურობა, — დასძინა მოულოდნელად და ამ თავისს ნათქვამს რაღაცა დარბაისლური ხასიათი მისცა, როგორც ეს ბავშვებს სჩვევიათ ხოლმე, „დიდებისავით“ რომ მოინდომებენ ლაპარაკსა.

— მამას, მამასაც უყვარდით?

— ყველაზედ მეტად ლიდოჩკა უყვარდა, — განაგრძობდა ისევ დარბაისლურად პოლინკა, — იმიტომ, რომ ყველაზე პატარა იყო და იმიტომ კიდევ, რომ ავადმყოფი იყო; იმას ხილს მოუტანდა ხოლმე, ჩვენ კი წერა-კითხვასა და საღმრთო სჯულის გვასწავლიდა, — დაამატა კვლად, — დედა კი არას გვეუბნებოდა, ვიცოდით მხოლოდ, რომ დედასაც ვუყვარდით, მამამაც იცოდა. დედამ უნდა ფრანგული მასწავლოს, იმიტომ, რომ დრო არის უკვე სწავლისა.

— ლოცვა, ლოცვაც ხომ შეგიძლიანთ?

— როგორ არა, ყველამ ვიცით! დიდი ხანია; მე, როგორც დიდი, ცალკე ვლოცულობ ხოლმე, კოლა და ლიდოჩკა კი დედასთან ერთად ლოცულობენ ხმა-მალლა. ჯერ „ღვთის მშობელო“-ს წაიკითხავენ ხოლმე, მერე კიდევ ერთს ლოცვასა: „ღმერთო, შეუნდე სონასა“, მერე კიდევ სხვასა: „ღმერთო, შეუნდე ჩვენს მეორე მამასაცა“. იმიტომ, რომ მეორე, უფროსი მამა, მკვდარი გვყავს; ეს-კი სხვა არის; იმისთვისაცა ვლოცულობთ.

— პოლიჩკა, მე როდიონს მეძახიან. ოდესმე ჩემთვისაც ილოცეთ, მაშა. მეტი არა მინდა-რა.

— მთელი ჩემი სიცოცხლე თქვენთვის ვილოცავ სულა, — წარმოსთქვა მხურვალედ პოლიჩკამა და კვალად გაიღიმა, მოჰხვია ხელები და მაგრა აკოცა.

უთხრა თავისი სახელი და გვარი, მისცა ადრესი და დაჰპირდა, ხვალ უთუოდ შემოვივლიო. პატარა გოგონა მთლად აღტაცებული გაჰშორდა. მეთერთმეტე საათი იყო უკვე, ქუჩაში რომ გამოვიდა. ხუთის წამის შემდეგ ხიდზედ იდგა ისევ, იმ ადგილას სწორედ, საიდანაც წელან დედაკაცი გადავარდა წყალში.

„კმარა!“ წარმოსთქვა გარდაწყვეტილად, — „შორს ჩემგან მოჩვენებავ, შიშო!.. მინდა ვიცოცხლო! განა, აი, ახლა კი არა ვცოცხლობდი? ბებრუხანასთან ერთად ჯერ ხომ სიცოცხლე არ დამიკარგავს! ღმერთმა შეუნდოს, დროც იყო მოესვენა! ახლა-კი დროა გონიერება და სინათლე მოვიკრიბო! შემოვიკრიბო... ძალაც... ნებაც... და ვნახოთ მაშინ, რა იქმნება! ვინ ვის აჯობებს!“ დასძინა დიდგულად, თითქოს რომელსამე ბნელეთის ძალს მიჰმართავს და იწვევს საბრძოლველადაო. „მე არ ვიყავი, რომ ფეხის დადგმა მიწაზედ ცხოვრების თანხმობას ვაცხადებდი!“

„... ვგრძნობ, სუსტათა ვარ ამ ჟამიდა, მაგრამ... ავადმყოფობამ, ვგონებ, გამიარა. წელანვე ვიცოდდი, რომ გამიწვლიდა, სახლიდან რომ გამოვედი. მართლა: პოჩინკოვის სახლი

აქედან სულ ორ ნაბიჯზეა. უთუოდ წავალ რაზუმინინისას. დეე, რაც უნდა იყოს... დეე, თუნდ სანაძლეოც მომიგოს... ისიამოვნოს იმანაც, არა უშავს-რა!.. საქმე ძალაა, ძალა, უმისოდ ვერას გახდები. ძალა-კი ძალითვე შეიძინება; აი, ეს არის სწორედ, რომ არ იციან იმათა“. დასძინა ამაყად და რწმენით და გასწია. ფეხებს ძლივს მიათრევდა. სიამაყე და თავისის თავის რწმენა თან-და-თან ემატებოდა. თვითოეული შემდეგი წამი ახალსა და ახალს ცვლილებას ახდენდა მისს არსებაში. მაგრამ რა მოხდა, განა, ისეთი, რომ ასე ღრმად შესცვალა იგი? თვითონაც არ იცოდა, რა. წყალ წალღებულისით ეჩვენა უცბად, ვითომ მასაც შეეძლო კვალად ეცოცხლა, რომ ბებრუხანასთან ერთად არ დაემარხა ჯერ თავისი სიცოცხლე“. იქნება აჩქარებულიც იყო ეს მისი დასკვნა, მაგრამ ამაზედ ჯერ არ ეფიქრა.

„არა, რომ ვსთხოვე, ლოცვის დროს მომიგონე ხოლმემეთქი“, გაიფიქრა უცბად.—„ჰო, მაგრამ... ისე... შემთხვევაა, ვინ იცის!“ დასძინა და თავისს ბავშვურს საქციელზედ თვითონვე გაეცინა. თავს მშვენივრად ჰგრძნობდა.

აღვილად მიაგნო რაზუმინინის ბინასა. პოჩინკოვის სახლში ახალს მდგმურს თითქმის უკვე ყველა იცნობდა. შუა კიბეზედვე საშინელი ხმაურობა და ლაპარაკი მოესმა. კიბეზედ გამომავალი კარი ყურთამდე ღაა იყო. ყვირილი და კამათი ისმოდა. ოთახი საკმაოდ დიდი ჰქონდა, თხუთმეტამდე სული ჰყავდა სტუმრად. რასკოლნიკოვი შესავალთან შედგა. ფიცრულ გადაღობილთან, იქვე, დიასახლისის ორი მოსამსახურე გოგო ცოდვილობდა: სამოვრებს სდგამდნენ, თეფშებსა და ბოთლებს ალაგებდნენ, დიასახლისის სამზარეულოდამ გამოტანილს პიროგისა და საუზმეულობის თეფშებს აწყობდნენ. რასკოლნიკოვმა რაზუმინინის დასაძახებლად გაგზავნა, რომელიც იმავე წამს აღტაცებით გამოეგება. პირველ შეხედვაზედვე შეატყობდა ადამიანი, რომ უზომოდ ბლომად დაელია და ცოტა დაძალულოყო კიდევც, თუმცა არასოდეს დათრობას ვერ შეატყობდა ადამიანი.

— გამიგონე, — დაუწყო საჩქაროდ რასკოლნიკოვმა, — მოვედი მხოლოდ გითხრა, რომ სანაძლეო მოიგევი და არაფერი იცის მართლაც, ვის რა შეემთხვევა. მაგრამ შემოსვლა არ შემიძლიან: სუსტათა ვარ, ფეხზედ ძლივს ვდგევარ. მშვიდობით, მაშა! ხვალ კი შემომიარე...

— იცი, რას გეტყვი? გაგაცილებ, მაშა! ეჭვი არ არის, ცუდად არის, მაშ, საქმე, თუ შენვე არ ჰმალავ, რომ სუსტათა ხარ...

— სტუმრები მერე? აის ხუჭუჭ-თმა ვინ არის, აქეთ რომ გამოიხედა?

— ისა? ეშმაკმა იცის! ბიძაჩემის ნაცნობია უთუოდ, ან იქნება თავისითაც მოვიდა, რა ვიცი... სტუმრებთან ბიძას დავტოვებ. ოჰ, რომ იცოდე, რა ძვირფასი კაცია. ვსწუხვარ, რომ ვერ გაიცნობ ახლა. მაგრამ, ჯანაბამდის გზაცა ჰქონიათ! ჩემი დარდი არა აქეთ ახლა და მეც მინდა გავიარო, ცოტა გავგრილდე. კაი დროს მოხვედი სწორედ. ერთი ორი წამი რომ კიდევ დავრჩენილიყავ, უთუოდ ჩხუბს ავეუტეხდი ვისმე. ღმერთმანი! უცბად... ასეთი სისულელე... გესმის? ვერ წარმოიდგენ, რა რიგ შეუძლიან ადამიანს იცრუოს! მაგრამ როგორ ვერ წარმოიდგენ? ჩვენ-კი არ ვცრუობთ, განა? დეე, იცრუონ: მერე მაინც აღარ იცრუებენ... პატარა ხანს დაჯექ, ზოსიმოვს დავუძახებ.

რალაცა სიხარბით ეცა მაშინვე ზოსიმოვი. ეტყობოდა, რალაცა საგანგებო ცნობის-მოყვარეობით ებყრობოდა. სახე უცბად გაუნათლდა.

— ახლავ დაიძინეთ, — გარდასწყვიტა გასინჯვის უმაღლ, — მაგრამ დაძინებამდე ერთი რამ უნდა დალიოთ. ხომ დალევთ? წელანვე მოგიზადეთ... ფხენილია უბრალო.

— ერთს კი არა, თუნდ ორს დავლევ, — უპასუხა რასკოლნიკოვმა.

ფხენილი იქვე დაალევინეს.

— ეგ კარგია, რომ შენ გააცილებ, — შეჰნიშნა ზოსიმოვმა რაზუმხინსა. — ხვალ რა იქნება, ვნახავთ, მაგრამ დღეს-

კი კარგად არის საქმე: წელანდელს აქეთ დიდი ცვლილება ეტყობა. კაცს სიბერემდე სწავლა არ მოსწყინდებაო, ტყუილად კი არ არის ნათქვამი...

— იცი, რა მიჩურჩულა ზოსიმოვმა, სახლიდამ რომ გამოვდიოდით, — წამოროშა რაზუმინინმა, როგორც კი ქუჩაში გავიღწენ.

— მე შენ, ძმაო, ყველაფერს პირდაპირ არ გეტყვი, იმიტომ, რომ ტუტუცები არიან. მიბრძანა ზოსიმოვმა, რომ გზა-გზა გეყბედო და შენც გაყბედო, მერე-კი ყველაფერი ვუამბო, იმიტომ რომ აზრი აქვს რალაცა... ვითომ... შეშლილი იყო, ან არა-და, მალე შეიშლებოდე კკუიდამა. წარმოიდგინე, აბა, ჯერ ერთი, ძმაო, შენ იმათზედ კკვიანი ხარ და მეორეც, თუ მართლა შეშლილისა არა გაქვს-რა, შენთვის ერთია ორივე, რა აზრიც უნდა ჰქონდეთ შენზედა, და მესამეც, რალაცა ერთი მუჟა ხორცია, — ხელობით დოსტაქარი — სულით ავადმყოფობაზედ გადარეულა: შენ შესახებ-კი დღევანდელმა შენმა ზამეტოვთან ლაპარაკმა შეადგენინა ეს აზრი.

— როგორ, გიამბო, მაშ, ზამეტოვმა? ყველაფერი გიამბო?

— ყველაფერი და მშვენივრადაც ჰქმნა. ახლა ყველაფერი გავიგე და ზამეტოვმაც გაიგო... ასე, მაშ, ერთი სიტყვით, როდიონ... საქმე ის არის, რომ... მე ცოტა გადაკრულში ვარ... მაგრამ ეს... არასფერია... საქმე ის არის, რომ ეს აზრი... გესმის? მართლაც დაებადათ... გესმის? ესე იგი აზრის ხმა-მალღა თქმას ვერა ჰბედავდა; იმიტომ, რომ მტკნარი სისულელეა, განსაკუთრებით-კი ი მხატვარი რომ დაიჭირეს, იმის შემდეგ გამოეცალათ ფეხ ქვეშ ნიადაგი. მაგრამ რათ არიან სულელები? მაშინ ცოტა არ იყოს არ მეცემინა კიდევცა ზამეტოვი, — ჩვენ შორის-კი დარჩეს, ძმაო; ან-დეც-კი არ ააღებინო, რომ იცი რამე. როგორც შევატყე, წყენა ძან იცის. ლავიზასთან იყო, — მაგრამ დღეს, დღეს ყველაფერი გემოიკვება. უმთავრესი კი ეს ილია პეტროვიჩია!

მაშინ თურმე ისარგებლა შენის გულშეღონებით კანტორა-ში და მერე კი თვითონვე შერცხვა; ვიცი...

ყველაფერს ამას რასკოლნიკოვი ხარბად უგდებდა ყურსა. ნასვამბოით დაფქვა რაზუმინმა.

— გული იმიტომ შემიღონდა, რომ ჰაერი იყო შეხუ-თული, წამლების სუნი იდგა საშინელი, — შეჭნიშნა რასკო-ლნიკოვმა.

— რომ მიხსნის კიდეცა! მარტო წამლის სუნი როდი იყო მიხეზი: მთელი თვე ნიადაგი უმზადდებოდა ანთებასა. თორემ ზოსიმოვი აქ არ არის! მაგრამ უნდა იცოდე, რო-გორ არის ე ბიჭი მოკლოლი, ვერ წარმოიდგენ! „ამბობს, მაგ კაცის ნეკა თითათ არა ვლირვარო!“ ესე იგი, შენი ვი-თომ. ხან-და-ხან მართლაც კეთილი გრძნობები აქვს, ძმაო. მაგრამ დღევანდელი „ბროლის სასახლის“ ამბავი არასოდეს არ დაავიწყდება. მშვენიერება თურმე იყო! პირველად თურ-მე საშინლად შეაშინე, თავს ზარი დაეცა, ცახცახი დააწყე-ბინა! დარწმუნდა თურმე თითქმის, რომ რაღაცა საზიზღარი სისულელე ედო თავში, მართალი იყო, მაგრამ აკი უცბად ენა თურმე გამოუყავი: „აჰა, რა მიირთვი? როგორიაო!“ მშვე-ნიერებაა! მთლად თურმე ჩაითუთქა, მოკვდა! მართლაც რომ დიდი ოსტატი ხარ, ო ღმერთმანი! აგრე უნდა! ეჰ, იქ არ ვიყავ, თორემ! ახლაც საშინლად მიგელოდა. პორფირისაც უნდა შენთან გაცნობა...

— ოჰო... იმასაცა?... მერე, შეშლილად რაღასთვის მიცნეს.

— ესე იგი შეშლილად-კი არ გიცნეს. მე, ძმაო, ვგონებ, გადავაჭარბე... საშინლად თურმე გააკვირვა წელან იმ გარე-მოებაში, რომ მხოლოდ ერთად-ერთი მუხლი იზიდავს შენს ყურადღებასა. მაგრამ ახლა ხომ აშკარაა, რად იზიდავს შენს ყურადღებასა: თუ ყველა გარემოებას გავითვალისწინებთ... აგრეთვე იმას, რომ ავადმყოფი ისე საშინლად ავადეღვეს მა-შინ... ეჭვი არ არის, მაშინ... მაგრამ, ძმაო, მთვრალი ვარ ცოტა. ეშმაკმა იცის; იცი, რა არის, რაღაცა აზრი აქვს აკ-ვიატებულო: სულით ავადმყოფებზეა გადარეული. მაგრამ ღირს, ვანა, ყურადღებათა...

ერთ ნახევარს წამს ორივე გაჩუმებული იყო.

— ყური დამიგდე, რაზუმინინ, — დაიწყო რასკოლნიკოვმა, — მინდა პირდაპირ გამოგიტყდე: ეს არის, ძმაო, მკედრი-დამ მოვდივარ, მოხელე გარდაიცვალა ერთი... მთელი ჩემი ფული იქ მივეცი... და გარდა ამისა, ისეთმა არსებამ მაკოცა სულ ამ რამდენისამე წამის წინადა, რომ თუნდაც მართლა მომეკლას ვინმე, მაინც... ერთი სიტყვით, იქვე ვნახე მეორე არსება... ცეცხლივით ეღვარე ფრთიანი... მაგრამ რას ვბოლავ, ნეტა... სუსტათა ვარ მეტად, მომეხმარე... აქვე კიბეა, ვგონებ...

— რა დაგემართა? რა იყო? ეკითხებოდა შეშფოთებული რაზუმინინი.

— თავი მიბრუნე ცოტათი, მაგრამ საქმე ეს როდია; მოწყენილი ვარ როგორღაც, გული მიკვნესის! თითქოს დედაკაცი ვიყო... მართლა! მაგრამ უყურე, აბა, რა არის ესა? უყურე! უყურე!

— რა არის?

— ვერ ჰხედავ, განა? ჩემს ოთახში სინათლე მოჩანს, ჰხედავ? ჯუჯრუტანაში....

კიბის უკანასკნელ საფეხურთან იდგნენ უკვე, დიასახლისის კარებთან. სჩანდა მართლა ქვევიდგანვე, რომ რასკოლნიკოვის ხუხულაში სინათლე მოსჩანდა.

— უცნაურია! იქნება ნასტასიაა, — შეჰნიშნა რაზუმინინმა.

— არასოდეს ამ დროს არა ყოფილა ჩემსასა, რა უნდა. და მეორეც, დიდი ხანია უთუოდ სძინავს კიდეცა, მაგრამ... ერთია ჩემთვის! მშვიდობით!

— რას ამბობ, რაო? შეგაცვილებ, ერთად შევიდეთ!

— ვიცი, ჰო, ერთად შევალთ, მაგრამ მინდა ხელი აქვე ჩამოგართო, აქვე გამოგეთხოვო. მოიტა ხელი, ჰა, მშვიდობით!

— რა დაგემართა, როდიონ, რა იყო?

— არასფერი... წავიდეთ... მოწმეთ იყავი...

და კიბეს შეუდგნენ ისევა. გაიფიქრა უცბად რაზუმინინმა, რომ იქნება ზოსამოვი არა სტყუოდა მართლაც. „ეჰ გადავრიე მთლად ჩემის ყბედობითა!“ წაიღუდუნა თავისთვის. უცბად შიგნიდამ ხმა შემოესმათ.

— რას ჰნიშნავს ესა? შეჰყვირა რაზუმინინმა.

რასკოლნიკოვმა პირველმა წაავლო კარებს ხელი, გამოალო ყურთამდე და ელდა ნაკრავივით შედგა.

დედა და და ჩამოჰსვლოდნენ, ისხდნენ დივანზედა და საათ-ნახევარია თურმე, აგერ, უცდიდნენ. რად მოხდა ასე, რომ სულ არ მოელოდა მათს ჩამოსვლასა, თუმცა დღესაც კი გაუმეორეს, რომ მოდიან და დღეს არა ხვალ, ჩამოვლენო? მთელი საათ-ნახევარია აგერ, ჰაი-ჰარა ეკითხებოდნენ ნასტიას ყველაფერს და ესეც უამბობდა ყველაფერს, ასე რომ უთქმელი თითქმის აღარც კი რამ დაჰრჩა. აღარ იცოდნენ, რა ექმნათ შიშისაგანა, რომ გაიგეს „გაგვექცა დღესაო“ და ისიც ავადმყოფი, სიცხიანიო! „ღმერთო, რა მოჰსვლია!“ გაიძახოდნენ ორივენი შეშინებულნი და იტანჯებოდნენ, სტიროდნენ. დედა და და მაშინვე გახარებულები ეცნენ რასკოლნიკოვსა. მაგრამ თვითონ მკვლარივით იდგა უძრავადა. რაღაც რამ მძიმე აზრმა მეხივით დაჰკრა, გააშეშა. ხელი ველარ აეწია, ვერ მოჰხვევოდა. გაშრა. დედა და და სჯიჯგინდნენ, ეხვეოდნენ, ჰკოცნიდნენ, იცინოდნენ, სიხარულისაგან სტიროდნენ... ის-კი იდგა ისე უძრავადა. გადადგა ბოლოს ნაბიჯი, მაგრამ წაიფარფატა და ძირს, იატაკზედ, რახვანი მოსძვრა. გულს შეუღონდა. მაშინვე ერთი წივილი და ვაი-ვაგლახი შეუდგათ... შემოვარდა უცბად გარედ დარჩენილი რაზუმინინი, დაავლო ხელი და თვალის დახამხამებაზედ დივანზედ დააწვინა.

— არა უშავს-რა! არა უშავს-რა! უყვიროდა დედასა და დასა,—გული შეუღონდა, უბრალო რამ არის! ეს-კია ექიმმა უთხრა, კარგათა ხარ, არა გიჭირს-რაო! წყალი მომაწოდეთ!.. აგერა, საცაა მობრუნდება კიდევცა; აი, მობრუნდა კიდევცა!

და ისე მაგრა მოუჭირა მკლავზედ „ხელი საჩვენებლად
 დუნეჩკასა, რომ კინალამ ამოაგდებინა. თან დაახედა, რომ
 მართლა „ბრუნდებოდა.“ დედაც და დაც, ორივენი რაღაცა
 მოწიწებითა და მადლობის გრძობით 'მეჭყურებდნენ რაზუ-
 მიხინსა, როგორც განგებისაგან მოვლენილსა. გაგებული ჰქო-
 ნდათ უკვე ნასტასიასაგან, თუ რა დიდი სიკეთე მიუძღვოდა
 მას იროდიონის წინაშე ავადმყოფობის დროს მოვლაში.

ან-ანა.

ქართული ხალხის სიზრპნის ნიმუშები

(უბის წიგნიდან)

ღმერთთან საჩივარი¹⁾

შესანიშნავი ძველი სოფლის ერედვის²⁾ ახლო მთის ფერდობზედ არის სამი პატარა სოფელი შეფენილი: დიცი, ფრისი და არგვიცი. ძველს დროში, როდესაც ჯერ რუ დი-ცურა არ იყო გაყვანილი, უწყალოობამ მეტად ძალიან შე-აწუხა თურმე ამ სოფლის მცხოვრებლები და მათი საქონელი. ბევრი ივაგლახეს, ბევრს ეცადნენ გლეხები, მაგრამ ბატონე-ბი ნებას არ აძლევდნენ. პატარა ლიახვიდან რუ გაეყვანათ. დარჩნენ წყაროს ანაბარა. სასამართლოს კარზეც ბევრი ია-რეს, მიწა სტკეპნეს, ხარჯიც დიდი გასწიეს, მაგრამ საწყ-ლებს არა ეშველათ-რა. მაშინ სოფლელები ქუღზედ კაცი შეიკრიბნენ მარხვა ჭამია ხატის³⁾ საყდრის გალავანში და

1) ჩაწერილია ქვემო ნიქოზში.

2) ერედვი—სოფელია ცხინვალის ახლო გორის მაზრაში. ამ სა-ხელწოდებით ჩვენ წინაპართ ჰქონდათ გაშენებული დიდი ქალაქი შუა-მდინარეში (მესობოტამიაში), სადაც იგინი ძველად ბინადრობდნენ. ერე-დუში იყო სალოცავი ღმერთი ესი.

3) მარხვა ჭამია ხატი არის კოხის ჯგერის საყდარში, რომლის დღეობა აღდგომის მესამე პარასკევს მოდის. წინათ ამ ხატის დღეობაში მლოცველები კობჩხილას სჭამდნენ. ერთ მლოცავს კობჩხილა ყელზედ დაადგა და დაიხრჩო. ამ შემთხვევის შემდეგ ხალხმა დღეობას გაანსწილა და ხატს კი მარხვა ჭამია დაარქვა. საინტერესოა გამოიკვევს, ამ პარასკევის დღესასწაულს ხომ არა აქვს კავშირი რამ იმ აპოკრიფთან, რომლის თქმით ღმთისმშობელს უნახავს სიზმარი, რომ, თუ ქრისტიანე ათ პარასკევს შეი-ნახავს აღდგომის შემდეგ, უთუოდ ცხონდებაო.

გამართეს თათბირი თავის შევიწროებაზედ და შეწუხებაზედ უწყლოობის გამო. ზოგი რას ამბობდა ამ ყრილობაზედ და ზოგი რას. დილიდან დაწყებული თითქმის ხართ გამოშვებამდინ გასტანა მათმა ყაყანამ, მაგრამ თავის გაქირვებულ მდგომარეობას წამალი ვერ გამოუნახეს. ამ დროს ერთი მოხუცებული გლეხი წამოდგა წინ და ყრილობას შემდეგი რჩევა მისცა: „ხალხო, ჩვენ ხომ უპატრონოები არა ვართ, რომ ეგრე გვჩაგრამენ, ღმერთი თავის გაჩენილს არ დააგდებსო — ნათქვამია, ჩვენც მივმართოთ ცა და ქვეყნის გამჩენელს ღმერთს და ის, იმის მადლის ჭირიმე, არ დაგვტოვებს უნუგეშოთ.“ ხალხმა დაიგრიალა: აი შენ კი გადღეგრძელოს ღმერთმა კარგი სიტყვისთვის, — ეგრე იყოს, ძალიან კარგი იქნებაო. ამოირჩიეს სოფლიდგან თითო სიტყვა-პასუხის მცოდნე კაცი და გაგზავნეს ღმერთთან საჩივრის მოსახსენებლად. ბევრი იარეს, ცოტა იარეს, და როგორც იქნა კითხვა-კითხვით მივიდნენ ესენი მამა ღმერთთან და წარუდგნენ მას. სწორეთ ისეთი ღრმათ მოხუცებული იყო მამა ღმერთი, როგორსაც ეკლესიებში ხატავენ ხოლმე მას. ჰკითხა მათ ტკბილად მამა ღმერთმა: სადაურები ხართო? გლეხებმა მოწიწებით მოახსენეს: დედა მიწიდგან გაახელით საჩივლელათა, შენი ჭირიმეო. მერე სად არის ეგ დედა მიწა, ან რა ქვეყანააო, ჰკითხა მათ ღმერთმა. გლეხებმა ერთბაშათ ვერ მოახერხეს, როგორ ენიშნებინათ. მერე ერთს მათგანს მოაგონდა და მოახსენა მამა ღმერთს: ჩვენ ქრისტიანები ვართო და იმ ქვეყნიდან გახლავართ, შენი ჭირიმე, სადაც ქრისტე ღმერთი უჩიებმა ჯვარს აწამესო. — ჰო ვიცეო, ეგ ჩემი შვილის სამფლობელოა, წადით იმასთან და მას მოახსენეთ თქვენი საჩივარიო.

გაუდგნენ გზას, დაიქანცნენ ძებნით საწყალი გლეხები, ძლივს-ძლივობით მიაგნეს იესო ქრისტეს საბძანებელს და მიჰმართეს მას შემდეგის უმდაბლესის თხოვნით: „ჩვენო მხსნელო, მაცხოვარო, ჩვენთვის ჯვარცმულო, გვედრებით შეისმინო ჩვენი საჩივარი, უწყლოთა ვართ, ლამის ამოწყდეს

სამი სოფლის მცხოვრებლები და მათი საქონელი წყურვილით; ჩვენც ღვთის გაჩენილნი ვართ და უნუგეშოთ ნუ დაგვტოვებთო.“ ეს საჩივარი იესო ქრისტემ რომ მოისმინა, ჰკითხა მათ: რა სოფლებია, თქვენი სოფლებიო? იმათ მოახსენეს: დიცი, ფრისი და არგვიციო. მაშინ ქრისტე ღმერთმა უბრძანა მათ:

დიცი, ფრისი არგვიცი,
არც გამიჩენია, არც ვიცი,
რატორც გაჩნდნენ,
ისრე დარჩნენ.

სასოებაჲ

უსინათლო ჯერონიმო და მისი ძმა

ანტურ შნიგუკრასა

უსინათლო ჯერონიმო ადგა სკამიდან და აიღო გიტარა, რომელიც იქვე ედო მაგიდაზე ღვინით სავსე ჭიქის გვერდით. შორიდანვე მოესმა მომავალ ეტლების ხმა.

ხელების ქნევით ჩვეულის გზით მივიდა ღია კარამდის, შემდეგ ჩაიარა ხის ვიწრო საფეხურები და ჩავიდა ეზოში. ძმაც ჩაყვა და ორივენი იქვე კიბესთან აეყუდნენ კედელს, რათა თავი დაეფარათ ცივ და სუსხიან ქარისაგან, რომელიც ღია ალაყათის კარებში მოჰქროდა. ყველა შტილფიერიონში მიმავალ ეტლს ამ ძველ ბნელ თალიან ღუქანზე ჰქონდა გზა. იტალიიდან ტიროლში მიმავალ მგზავრისათვის აქ იყო უკანასკნელი დასასვენებელი ადგილი შეღმართამდე. ეს ღუქანი არავის არ უძრავდა ღიძის ხნით დარჩენის სურვილს. სწორედ ამ ადგილას გზა ხაზსავით სწორი იყო და ლამაზს სანახავებს მოკლებული. უსინათლო იტალიელი და მისი ძმა კარლო ზაფხულობით აქ იყვნენ ხოლმე და ისე გრძობდნენ აქ თავიანთ თავს, როგორც საკუთარს სახლში.

მოვიდა ფოსტა, ცოტა ხანს უკან სხვა ეტლებიც მოვიდნენ. პლედებში და მოსასხამებში გახვეული მგზავრები მეტ ნაწილად ეტლებში რჩებოდნენ. ზოგი ჩამოვიდა და მოუთმენლად დადიოდა წინ და უკან. ავდარს უმატებდა, კოკიპურულად სწვიმდა. ღიძის ხნის კარგს ამინდს ხითქოს ერთბაშად და მეტად ნაადრევად მოჰყვა შემოდგომა. უსი-

ნათლო მღეროდა და თან გიტარას უკრავდა. ხმა ვერ ჰქონდა წმინდა, ხანდახან სიმღერის მაგიერ ყვირილის ხმა ისმოდა, მეტადრე როდესაც მეტს დაღევდა. დროგამოშვებით თავს მალლა იღებდა და ამ დროს შეუსმენელი ვედრება ეხატებოდა სახეზე. მაგრამ სახე, მისის შეკრეჭილის წვერით და გალუ-რჯებულის ტუჩებით უძრავი იყო, უფროსი ძმა თითქმის უძრავად იდგა მის გვერდით და თუ ვინმე ჩაუგდებდა ქუდში ფულს, უკრავდა თავს და ფულის მომცემს ერთს წამს შეა-ჩერებდა თვალს, შემდეგ ერთბაშად მოარიდებდა, თითქო ეშინიანო, და ძმასავით იყურებოდა წინ. მის თვალებს თი-თქო სცხვენოდა იმ სინათლისა, რომელიც მათთვის მიენი-ჭებინათ და რომლის ვერც ერთის სხივის გაზიარება ვერ შეეძლოთ უსინათლო ძმისათვის.

— მომიტანე ღვინო, — სთქვა ჯერონიმომ და მუდამ მორჩილი კარლო წავიდა.

მინამ ის კიბეზე აღიოდა, ჯერონიმომ ისევ დაიწყო სიმღერა. დიდი ხანია ჯერონიმო იმდენად შეეჩვია თავის სიმღერის ხმას, რომ ეხლა აღარც კი ესმის და ამიტომ შეუძლია კიდევ იმღეროს და ყურიც უგდოს ყველაფერს გარშემო. აი, ეხლაც ესმის ორის ადამიანის ლაპარაკი, — ახალგაზდა ქა-ლი და ახალგაზდა კაცი რომ დაბალის ხმით ლაპარაკობენ. რამდენჯერ ჩაუვლიათ და ჩამოუვლიათ ამ გზაზე ამათაო, ფიქრობს ეხლა. უსინათლობისა და მუდმივ სმისაგან ხანდახან ისე ჰგონია, რომ ყოველ დღე ერთნი და იგივენი მიდიან და მოდიან, ჩრდილოეთიდან სამხრეთისაკენ და სამხრეთიდან ჩრდილოეთისაკენ. ამ ახალგაზდებსაც სწორედ ამნაირად იცნობდა დიდი ხანია. მოვიდა კარლო და ღვინით ქიქა მისცა ჯერონიმოს. უსინათლომ აიღო ქიქა, ახალგაზდებისაკენ გაი-წოდა და სთქვა:

— თქვენი სადღეგრძელო იყოს, თქვენო წყალობავ!

— გმადლობ, — უპასუხა ახალგაზდა კაცმა; ახალგაზდა ქალმა კი საჩქაროდ მოაშორა, რადგან უსინათლო შიშსა ჰგვრიდა.

ეხლა მოვიდა ეტლი, რომელშიაც მხიარული საზოგადოება იჯდა, — მამა, დედა, სამი ბავშვი და გუვერნანტკა.

— გერმანელების ოჯახი, — უთხრა ჯერონიმომ ჩუმად კარლოს.

მამამ სამსავე ბავშვს მისცა ფული და ყოველ მათგანს ნება ჰქონდა თავისი ფული მათხოვრის ქულში ჩაეგდო. უფროსი ყმაწვილი ცნობისმოყვარეობით და თანაც შიშით მისჩერებოდა უსინათლოს სახეს. კარლო ყმაწვილს უყურებდა. ამის მსგავს ბავშვების დანახვაზე უნებლიედ აგონდებოდა, რომ ჯერონიმო სწორედ ამ ხნისა იყო, როდესაც მოუვიდა ის უბედურება, რომელმაც თვალთა ხედვა წაართვა.

დღემდის, აგერ ოცი წელიწადია, ახსოვს ის დღე ისე, თითქო გუშინ ყოფილიყოს. ეხლაც ყურში უდგას საშინელი ბავშვის შეკივლება, პატარა ჯერონიმომ რომ იკივლა და ბალახში ჩაგორდა. ეხლაც ხედავს მზის სხივებით განათებულს ბალის თეთრს მოაჯირს, ისევ ესმის კვირა დღის ზარების რეკა, სწორედ იმ წამს რომ რეკავდნენ. შვილდი გაისროლა, რომელსაც მოაჯირთან მდგომ ხეს უმიზნებდა; ამას ხშირად შვრებოდა; ამ დროს ყვირილი მოესმა და იმ წამსვე გაუეღვა თავში, ალბად, ჩემს პატარა ძმას მოხვდა, რომელმაც ეს-ეს არის გაირბინაო. შვილდი გაუვარდა ხელიდგან, გადახტა ფანჯარაში და მივარდა პატარა ძმას, რომელიც პირქვე ეგდო ბალახში სახეზე ხელებ აფარებული და სტიროდა. მარჯვენა ლოყაზე და კისერზე სისხლი ჩამოსდიოდა. ამ დროს მამაც დაბრუნდა ყანიდგან; ჭისკარში შემოსულიყო და აი ორივენი დაჩოქებულიყვნენ მტირალ ბავშვის გვერდით და არ იცოდნენ, რა ექნათ. მოგროვდნენ მეზობლებიც. მოხუცებულმა დედაკაცმა ვანეტიმ ძლივს მოაშორებინა ბავშვს ხელები სახისაგან. შემდეგ მოვიდა მქედელიც, რომელთანაც კარლო ხელობას სწავლობდა და რომელმაც წამლობაც იცოდა. მქედელმა მაშინვე დაამოწმა, მარჯვენა თვალს აღარა ეშველება რაო. ვერც პოეჩივოდამ მოსულმა ექიმმა უშველა რა. ეს კი არა, მეორე თვალსაც გაუფრთხილდითო, ისიც არ დაემსოსო. მარ-

თალი გამოდგა. ერთის წლის შემდეგ მთელი ქვეყანა ბნელით მოიცო ჯერონიმოსათვის. პირველში არწმუნებდნენ, არა გიშავს რაო, სინათლე დაგიბრუნდებაო და თითქო სჯეროდა კიდევ. კარლო კი, რომელმაც იცოდა ნამდვილი, დაძრწოდა ამ დროს მთელის დღეობით და ღამობით გზებზე, ვენახებში, ტყეებში და თავის მოკვლას ღამობდა. მაგრამ მღვდელმა, რომელსაც მოუთხო თავისი დანაშაული, აუხსნა, შენი მოვალეობაა იცოცხლო და შენი სიცოცხლე ძმას შესწიროვო. კარლომ დაიჯერა. საშინელმა სიბრალულმა აიტანა. მხოლოდ მაშინ სცხრებოდა მისი წამება, როდესაც უსინათლო ბავშვს უჯდა გვერდით, ხელს უსობდა თმაზე, კოცნიდა შუბლზე და ზღაპრებს უამბობდა ან ასეირნებდა ვენახში, სახლს მახლობლად. პირველშივე დაანება თავი მჭედელთან სწავლას, რადგან არ უნდოდა ძმას მოშორებოდა, შემდეგ კი ველარ მოჰკიდა თავის საქმეს ხელი, თუმცა მამა უსაყვედურებდა. ერთხელ კარლომ შენიშნა, რომ ჯერონიმო აღარას ამბობდა თავის უბედურებისას. ცოტა ხანს უკან ამის მიზეზსაც მიხვდა: უსინათლო დარწმუნდა, რომ ველარასოდეს ველარ დაინახავდა ცას, მთებს, ქუჩებს, ხალხს, სინათლეს. ეხლა უწინდელზე უფრო იტანჯებოდა კარლო, თუმცა ძლიერ ცდილობდა თავის თავის დამშვიდებას იმ მოსაზრებით, რომ უბედურება მისდა უნებურად მოხდა. და ხან და ხან, დილა აღრიან დაინახავდა თუ არა მის გვერდით მწოლარე ძმას, ისეთი საშინელი შიში აიტანდა ხოლმე, რომ გარედ გარბოდა; აშინებდა და საზარელი სანახავი ის იყო, რომ უსიცოცხლო თვალეები ყოველ დღე თითქო ეძებდნენ სინათლეს, მათთვის სამუდამოდ დამქვრალს. კარლოს აზრად მოუვიდა ჯერონიმოსათვის, რომელსაც სასიამოვნო ხმა ჰქონდა, მუსიკის სწავლება. ტოლელი სკოლის მასწავლებელი მოდიოდა ხან და ხან კვირაობით და გიტარაზე დაკვრას ასწავლიდა. უსინათლოს აზრდაც არ მოდიოდა, რომ ეს ხელოვნება ერთ დროს თავშესაჩინებლობად გადაეჭკვეოდა.

იმ უბედურ ზაფხულის დღიდან ჭირ-ვარამი თითქო სამუდამოდ დაბინავდა მოხუც ლაგარის სახლში. რამოდენსამე

წელს ზედიზედ მოუსვლელიობა; ორიოდ შენახული გროში მოტყვილებით მიისაკუთრა ვილაც ნათესავმა და ერთ ღღეს, შუა ზაფხულში დამბლა რომ მოუვიდა და მოკვდა, ვალების მეტი არა დარჩა-რა. პატარა ეზო ვალებში გაიყიდა, ორივე ძმა უსახლკარონი დარჩნენ და გაშორდნენ სოფელს. კარლო ოცის წლისა იყო მაშინ, ჯერონიმო—თხუთმეტისა. მაშინ დაიწყო მათთვის იმ მათხოვრობისა და მაწანწალობის ხანა, რომელსაც ღღესაც ვერ გადარჩენოდნენ. პირველად კარლო სცდილობდა სამუშაოვო რამ ეპოვნა თავის ძმისა და თავის თავის შესანახად, მაგრამ არა გამოდიოდა-რა. ვერც ჯერონიმო გაჩერდა ერთ ადგილს, სულ ახალსა და ახალ ადგილს მიისწრაფებოდა. აი ოცი წელიწადია, რაც დადიან ხან მთაში და ხან ბარში, ჩრდილო იტალიაში, სამხრეთ ტიროლში, ერთის სიტყვით იქ, სადაც უფრო ხშირია გამვლელ-გამოვლელი მოგზაური.

დიდი ხანია, მართალია, აღარა გრძნობს კარლო იმ საშინელს გულის ტკივილს, რომელსაც უღძრავდა უწინ მზის ყოველი შუქი, ყოველი ლამაზი სანახავი, მაგრამ მის გულში სამუდამოდ დაებუნდა მღრღნელს სიბრაღეულს; კარლო თითქმის ვეღარც კი გრძნობდა მას, ის კი გულის ცემასავით, სუნთქვასავით მასში იყო მუდამ. ამიტომ კარლოს ძლიერ უხაროდა, როდესაც ჯერონიმო თვრებოდა.

გერმანელების ეტლი წავიდა.

კარლო ჩვეულებრივ ჩამოჯდა კიბის ქვედა საფეხურზე. ჯერონიმო იდგა ხელებ ჩამოშვებული და თავ მაღლა აწეული.

დუქნიდან გამოვიდა მოსამსახურე ქალი მარიაში.

— ბევრი იზოვეთ ღღეს?—გადმოსძახა მაღლიდან.

კარლომ არც კი მიიხედა. უსინათლომ ჭიქის ასაღებად დაიღუნა, აიღო და მარიამის სადღეგრძელო დალია. მარიამი ხან და ხან საღამოობით მიუჯდებოდა ხოლმე გვერდით და ელაპარაკებოდა. ჯერონიმომ იცოდა, რომ მარიამი ლამაზი იყო.

კარლომ ქუჩაში გაიხედა. ქარი ჰქროდა და ისეთს წვიმდა, რომ ხმაურობაში აღარ ისმოდა მომავალ ეტლის ხმა.

კარლო ადგა და თავის ადგილას, ძმას გვერდში ამოუდგა.

ჯერონიმო მოჰყვა თავის სიმღერას, როდესაც ეტლი ეზოში შემოვიდა. ეტლში მხოლოდ ერთი მგზავრი იჯდა. მეეტლემ საჩქაროდ გამოაბა ცხენები და ღუქანში შევიდა. მოსასხამში გახვეული მგზავრი ერთ ხანს იჯდა ეტლის კუთხეში; ეტყობოდა სიმღერას არ უსმენდა. მაგრამ ცოტა ხანს უკან გადმოხტა ეტლიდან და დაიწყო იქვე ეტლთან ჩქარისიარული წინ და უკან. სულ ხელებს იფშენებდა, რათა გამთბარიყო. მხოლოდ ეხლა დაინახა მათხოვრები. მგზავრი შეჩერდა მათ პირდაპირ და დიდხანს უყურებდა. კარლომ თავი დაუკრა. მგზავრი სრულებით ახალგაზდა ყმაწვილი იყო, უწვერო, ლამაზის სახისა და თვალმოუსვენარი. ასე იდგა ერთ ხანს, შემდეგ გაეშურა ალაყაფის კარებისაკენ, გაიხედა ქუჩაში და დაინახა, რა რომ გარშემო ნისლი იდგა და წვიმა უწინდებურად ასხამდა, გაჯავრებულმა თავი გაიქნია.

— აბა? — იკითხა ჯერონიმომ.

— ჯერ არაფერი მოუცია, — უპასუხა კარლომ. — წასვლისას მოგვცემს, ალბად.

მგზავრი გამობრუნდა და ისევ ეტლთან დადგა. უსინათლომ დაიწყო მღერა. ყმაწვილმა ყური დაუგდო და ეტყობოდა ეხლა დიდის ყურადღებით უსმენდა. გამოვიდა მეეტლე და ცხენები შეაბა. მხოლოდ ეხლა, თითქო გაახსენდაო, ყმაწვილმა კაცმა ჩაიყო ხელი ჯიბეში და ერთი ფრანკი მისცა კარლოს.

— ო, გმადლობთ, — სთქვა ამან. მგზავრი ჩაჯდა ეტლში და ისევ გაეხვია მოსასხამში. კარლომ აიღო ნიწილამ ჭიქა და კიბეზე ავიდა.

ჯერონიმო ისევ მღეროდა. მგზავრი გადმოიწია ეტლიდან და თავი გაიქნია, ამ დროს სახეზე გამოეხატა დაცინვაც

და სვედაც. ერთბაშად, თითქო რაღაც აზრმა გაურბინა თავშიო, გაიღიმა. შემდეგ მიჰმართა იქვე მდგომ უსინათლოს:

— რა გქვია?

— ჯერონიმო.

— მაშ, ჯერონიმო, თავი არ დააჩაგვრინო...

— როგორ თუ დავაჩაგვრინო, თქვენო მოწყალებავ.

— ოც ფრანკიანი მივეცი შენს ამხანაგს.

— ო, გმადლობ, ბატონო, გმადლობ!

— მაშ ეგრე, იცოდე.

— ძმა არის ჩემი, ბატონო, არ დამჩაგვრავს.

ყმაწვილი კაცი დაფიქრდა ერთ წამს, მაგრამ ამ დროს მეეტლემ გარეკა ცხენები. ყმაწვილი კაცი დაჯდა და მის მოძრაობაში თითქო გამოიხატა: „რაც გინდა, ის ქენ, ბედო“. ეტლი წავიდა.

უსინათლომ ხელების ქნევით გააცილა ეტლი და ამ რიგად უხდიდა თავის მადლობას. ეხლა კარლოს ხმა მოესმა, რომელიც დუქნიდამ მოდიოდა.

კარლომ ზემოდამ გადმოსძახა!

— ამოდი აქ, ჯერონიმო, აქ თბილა, მარიამმა უცეცხლი დაანთო.

ჯერონიმომ თავი დაუქნია, ამოიღლიაეა გიტარა და ხელების ფათურით ავიდა კიბეზე. შუა კიბეზე შესძახა:

— აბა, მომეცი, ხელით გავსინჯო! დიდი ხანია ოქროს ფული არ მქერია ხელში.

— რაო? — ჰკითხა კარლომ. — რას ამბობ?

ჯერონიმო ავიდა კიდევ ზემოდ და ორივე ხელი მოხვია ძმას თავზე, რასაც სინარულისა და სინაზის გამოსახატავად შევბოდა ხოლმე.

— კარლო, ჩემო ძვარფასო ძმაო, ჯერ კიდე მოიბოვე-ბიან გულკეთილი არსებანი ამ ქვეყნად.

— რასაკვირველია, — ამბობდა კარლო.

— ეხლა ორი ლირა*) და ოცდა ათი სანტიმი გვაქვს; აი კიდე ავსტრიის ფულიც, ნახევარ ფრანკამდი!

*) იგივე ფრანკია იტალიაში.

— და ოცი ფრანკი, ოცი ფრანკი კიდევ!— იძახდა ჯერონიმო. — მე ხომ ვიცი. — ბარბაცით შევიდა ლუქანში და მძიმედ დაეშვა სკამზე.

— რა იცი? — ჰკითხა კარლომ.

— რა დროს ხუმრობაა! მომეც. რამდენი ხანია ოქროს ფული არა მქონია.

— რა გინდა? საიდან გიშოვო ოქროს ფული? ორი თუ სამი ლირა მაქვს სულ.

უსინათლომ ხელი დაჰკრა მაგიდას.

— კმარა, გეყოფა ეხლა, მაშ, შენ გინდა დამიმალო.

კარლომ გაკვირვებით შეხედა ძმას. მიუჯდა, დაუქირა თითქო დასამშვიდებლად ხელი და უთხრა:

— არაფერს არ გიმალავ. ეგ როგორ მოგივიდა თავში? არავის აზრადაც არ მოსვლია ოქროს მოცემა.

— მაგრამ რომ მითხრა!

— ვინ?

— აი იმ ყმაწვილმა, წინ და უკან რომ დარბოდა.

— ვერაფერი გამიგია შენი,

— აი ამ სიტყვებით მელაპარაკა: „რა გქვიან?“ შემდეგ კი: „მაშ მარჯვედ იყავი, თავი არ მოატყუილებინო: ოქროს ფული მივეცი;“ არა, ასე სთქვა: „ოც ფრანკიანი მივეცი.“

შემოვიდა სახლის პატრონი.

— რა დაგმართნიათ? გაათავეთ განა საქმე? ეს-ეს არის ეტლი მოვიდა.

— წამო! — უთხრა კარლომ. — წამო! ჯერონიმო არც-კი გაინძრა.

— რისთვის? რისთვის წამოვიდე? რას გამოვრჩები? შენ იქვე არ იქნები...

კარლომ ხელი დაადო მხარზე.

— ჩუმაღ, ეხლა ქვეით ჩავიდეთ. ჯერონიმო ხმაამოუღებლივ გაჰყვა, მაგრამ კიბეზე უთხრა:

— მერე მოვილაპარაკებთ, ხომ? კარლომ ვერ გაიგო, რა მოხდა. ვაი თუ შეიშალა ჯერონიმო? გულფიცხი კი არის, მაგრამ ასეთის კილოთი ჯერ არასოდეს არ ულაპარაკნია.

ახალ მოსულ ეტლში იჯდა ორი ინგლისელი. კარლომ მოიხადა ქუდი, უსინათლომ კი სიმღერა დაიწყო. ერთ-ერთმა ინგლისელმა რამდენიმე წვრილი ფული ჩაუგდო კარლოს ქუდში. კარლომ მადლობა გადაუხადა, შემდეგ თითქო თავისთვის წაიჩურჩულა: „ოცი სანტიმი.“ ჯერონიმოს სახეზე არა ეტყობოდა რა; ახალი სიმღერა დაიწყო.

ორი ინგლისელი წავიდა. ძმები ხმაამოუღებლივ ავიდნენ ზემოდ. ჯერონიმო ჩამოჯდა სკამზე, კარლო ბუხარს აეყუდა.

— რას გაჩუმებულხარ? ჰკითხა ჯერონიმომ. — რაც გითხარი, ნამდვილია.

ხმა ცოტად უკანკალებდა.

— რა მითხარი? — ჰკითხა კარლომ. — იქნება შეშლილი იყო.

— შეშლილი? რა კარგია! თუ ამბობს ვინმე: „შენს ძმას ოცი ფრანკი მივეცი,“ შეშლილი ყოფილა! ის რილასთვის მითხრა! „თავი არ მოატყუილებინო“, აჰ?

— იქნება შეშლილი არ ყოფილიყოს... მაგრამ ხომ არიან იმისთანანი, რომელთაც უყვართ ჩვენისთანას დაცინვა...

— ეხლა ეს! — ჰყვიროდა ჯერონიმო.

— დაცინვა? ეს-ლა გაკლდა! მეც მაგას მოველოდი!

ჯერონიმომ დაავლო ჭიქას ხელი და ერთბაშად დასცალა.

— რას ამბობ, ჯერონიმო! — შესძახა კარლომ და თან გრძნობდა, რომ აღელვებისაგან ძლივს ახერხებს ლაპარაკს.

— რად დამჭირდებოდა... როგორ იფიქრე?

— ხმა რად გიკანკალებს... აჰ... რად?..

— გარწმუნებ, ჯერონიმო, რომ...

— მე კი არა მჯერა; შენ იცინი ეხლა... ვიცი, რომ იცინი ეხლა! ქვემოლამ ვილაშაც დაიძახა: — ეი, უსინათლო, ხალხია აქ.

— ორივენი სრულებით მაშინაღუტად წამოდგნენ და ჩავიდნენ კიბეზე. ორი ეტლი ერთად მოსულიყო; ერთში სამი კაცი იჯდა, მეორეში ცოლ-ქმარი. ჯერონიმო მღეროდა, კარლო გვერდით უდგა. უკანასკნელი ჯერ კიდევ ვერ დამშვიდებულიყო აღელვებისაგან. რა ქნას? ძმას აღარა სჯერა მისი! განა ეს შესაძლებელია? და განიღამ, მოშიშარის-ვალით უყურებდა ჯერონიმოს, რომელიც ჩახლენილია ხმით ზღეროდა თავის სიმღერას. ასე ეჩვენებოდა, ჯერონიმოს აზრები შუბლ გარედ უქრიალებს და ამ აზრებს თვალთ ხედავს, რაღაც ახალ აზრებს, რომელიც აქამდის იყენახა.

ეტლი წავიდა კიდევ, ჯერონიმოკი მღეროდა. კარლომ ვერ გაბედა შეეწყვეტინებინა. არ იცოდა, რა ეთქვა.

ეშინოდა, ისევ არ ამიკანკალდეს ხმაო. უეცრად ზემოღამ მარიამის სიცილი მოისმა,

— რაღა გამღერებს? ჩემგან ხომ ვერას მიწლებ! გადმო. სძახხა მოახლემ.

ჯერონიმომ შუაზე შესწყვიტა სიმღერა. თითქო სიმები და ხმა ერთად გასწყდნენო. შემდეგ ისევ ზემოდ ავიდა. კარლო მიჰყვა. ოთახში ისევ ძმას მიუჯდა. რა ქნას? სხვა არა დარჩენია, ერთხელ კიდევ ეცდება აუხსნას ძმას საქმე.

— ჯერონიმო, — დაიწყო მან, — გეფიცები... შენ თითონ განსაჯე, ჯერონიმო, როგორ გაივლე თავში, რომ მე...

ჯერონიმო ხმას არ იღებდა. თვალები ფანჯრისათვის მიეშტერებინა, თითქო გარედ ნისლს უყურებდა. კარლომ განაგრძო. — შეიძლება შეშლილი არ ყოფილიყო, მაგრამ იქნება შესცდა... კარლო გრძნობდა, რომ თითონაც არ სჯეროდა თავისი სიტყვები.

ჯერონიმომ მოუთმენლად მიიწია იქით. მაგრამ კარლო განაგრძობდა აღელვებულად: — რად დამკირდებოდა, — ხომ იცი, შენზე მეტს არცა ვჭამ და არც ვსვამ და თუ ტანისამოსს რასმე ვიყიდი ჩემთვის, ისიც ხომ იცი... მაშ რად მინდა ამდენი ფული? რა უნდა ვუყო?

კრიკა შეკრულმა ჯერონიმომ წაილულლულა: — „ნუ სტყუი, ხმაზე გატყობ, რომ სტყუი!“

— არა ვსტყუი, ჯერონიმო, არა! — გულწრფელად წარმოსთქვა კარლომ.

— ეჰე, მიეცი კიდევ, განა? ოუ მერე მისცემ? — ჰყვიროდა ჯერონიმო.

— მარიაშ?! —

— მაშ ვის, თუ არ მარიაშ? შენ კი ცრუ ხარ, ქურდი ხარ! — და თითქო მასთან ჯდომა არ უნდოდა, იდაყვი წაჰკრა გვერდში.

კარლო აღგა. ერთ ხანს დააცქერდა ძმას, შემდეგ გავიდა ოთახიდან და ჩავიდა კიბეზე. გაშტერებული უყურებდა ნისლით მოკულ ქუჩას, წვიმამ გადილო. კარლო ხელეზ ჯიბეში ჩაწყობილი გავიდა ქუჩაში. თავში ერთი აზრი უტრიალებდა, ძმამ გამაგდოვო. რა მოხდა?.. ჯერ კიდევ ვერ გაეგო. ვინ იყო ის ყმაწვილი? ერთ ფრანკს იძლევა და ოცი ფრანკი გაჩუქეო — ამბობს. რამე მიზეზი უნდა ჰქონოდა, ასე რომ ამბობდა. და კარლო ცდილობდა გახსენებას, ხომ არ გადამიტერებია ვინმე და იმის მოგზავნილი ხომ არ ყოფილა ის ახალგაზდა კაციო... მაგრამ ისეთი შემთხვევა არ ახსოვდა, რომ ვისმე წაკიდებოდეს, ან ეწყენინებინოს ვისმესთვის. ხომ აგერ ოცი წელიწადია, რაც გზა-გზა და ეზო-ეზო სიარულის მეტს არას აკეთებს.

იქნება ქალის გულისათვის იყვეს ვინმე გულმოსული მასზე?.. მაგრამ რამდენი ხანია არავისთან საქმე არა ჰქონია... უკანასკნელი „ლა-როზა“ გამყიდველი ქალი იყო; ეს შარშან შემოდგომას იყო... მაგრამ ის არავის არ შემუშრდებოდა... საკვირველია... მაშ ვინ უნდა ყოფილიყო ეს კაცი ისეთის წრისა, რომელსაც კარლო ვერ იცნობდა?..

ყოველგნით მოდიოდა ეს ხალხი... რა იცის მათი?.. იმ უცხოელისათვის რამე აზრი ჰქონდა, ალბად, ჯერონიმოსათვის ნათქვამს სიტყვებს: „შენს ძმას ოცი ფრანკი მივეციო“... ჰო, მაგრამ ეხლა რაღა ჰქნას? ჯერონიმოს აღარა სჯერა მისი

და ამას ვერ გადაიტანს! უნდა მოისაზროს რამ... და ერთ-ბაშად უკან გამობრუნდა.

როდესაც კარლო ოთახში შევიდა, ჯერონიმო სკამზე იწვა და თითქო მისი მოსვლა არ გაეგო, არც კი გაინძრა. მარიამმა მოუტანა ორთავეს საჭმელი. ქამის დროს ორივენი გაჩუმებულენი იყვნენ. მარიამი ქურჭელს რომ ალაგებდა, ჯერონიმომ უცბად გაიციინა და უთხრა:

— აბა, რას იყიდი იმ ფულით?

— რა ფულით?

— აბა, რასა? ახალ კაბას თუ საყურეს?

— რა უნდა ჩემგან?— მიუბრუნდა ქალი კარლოს,

ამ დროს ქვეით, ეზოში დატვირთულ ურმების ხმაურობა იდგა, ისმოდა ხმა მალლა ლაპარაკი და მარიამი იქით გაეშურა. ცოტა ხანს უკან შემოვიდა სამი მეურმე და მაგიდას მიუსხდნენ. მოვიდა დუქნის პატრონიც. მეურმეები ცუდ დარს უჩივოდნენ.

— ამაღამ ჩამოთოვს, — ამბობდა! ერთი; მეორე ამბობდა, ამ ათის წლის წინად მთაზე მომასწრო თოვლმა და კინაღამ გავიყინეო. მარიამი ამათ მიუჯდა. მოვიდა დუქნის ბიჭი და თავისიანები იკითხა, რომელნიც ბარად სცხოვრობდნენ, ბორმიოში.

აი მოვიდნენ ეტლით მგზავრები. ჯერონიმო და კარლო ჩავიდნენ ქვეით. ჯერონიმო მღეროდა, კარლოს ქუდი ეჭირა და მგზავრებმა ფული აჩუქეს. ჯერონიმო სრულებით დამშვიდებულსა ჰგავდა. რამდენიმეჯერ იკითხა, „რამდენი?“ და კარლოს პასუხზე თავს იქნევდა. ამ დროს თითონ კარლო სულ იმას სცდილობდა დაბნეული აზრი მოეკრიბა, მაგრამ რაღაც გამოურკვეველი გრძნობა მოსვენებას არ აძლევდა, — გრძნობდა, რომ მოხდა რაღაც საშინელი, რისი წინააღმდეგობა მას არ ძალუძს.

კიბზე რომ აღიოდნენ, ზემოდამ მოესმათ ხმამალალი ლაპარაკი და სიცილი. ყველაზე ყმაწვილმა მეურმემ დაუძახა ჯერონიმოს:

— მოდი ჩვენც გვიმღერე, ჩვენც ვაჩუქებთ.

— ხომ ვაჩუქებთ, მიუბრუნდა დანარჩენთ.

მარიამმა მოიტანა ბოთლით ღვინო და სთქვა:

— დაეხენით, ცუდ გუნებაზეა. პასუხის მაგიერ ჯერონიმო დადგა შუა ოთახში და დაიწყო მღერა. რო გაათავა, მეურმეებმა ტაში დაუკრეს.

— მოდი, კარლო!—დაუძახა ერთმა მათგანმა. ჩვენც ჩავიგდებთ ქუდში ფულს იმ ბატონებსავე, ქვემოდ რო იყვნენ!—აიღო წვრილი ფული და კარლოს ქუდში აპირებდა ჩაგდებას, მაგრამ უსინათლომ წაავლო მეურმეს ხელში და უთხრა:

— სჯობია მე მომეცი, მე, თორემ დავარდება.

— როგორ თუ დავარდება?

— გეუბნები დავარდება! მარიამს ჩაუვარდება ფეხებს შუა.

ყველამ გაიცინა, სახლის პატრონი და მარიამიც იცინოდნენ, მხოლოდ კარლო იდგა უძრავად, ჯერ არასოდეს არ უხუმრნია ჯერონიმოს ასე!..

— მოდი, დაჯექ ჩვენთან!—ჰყვიროდნენ მეურმეები.— დიდი ხუმარაც რომ ყოფილხარ!—მიიწიენ, რათა ჯერონიმოსათვის ადგილი დაეცალათ. ხმაურობა მატულობდა; ჯერონიმო დაჯდა მათთან, ჩვეულებრივზე მეტს ლაპარაკობდა, მასხრობდა და განუწყვეტლივ სვამდა. შემოვიდა მარიამი. ჯერონიმომ ხელი გაიწოდა და მისი მიზიდვა მოინდომა; მაშინ ერთმა მეურმემ სიცილით უთხრა!

— იქნება ლამაზი გგონია? ბებერია და ულამაზო.

მაგრამ უსინათლომ მიიზიდა მარიამი და მუხლებზე დაისვა:

— თქვენ ყველანი სულელები ხართ,—ამბობდა ჯერონიმო.—თქვენა გგონიათ, რაკი უსინათლო ვარ, აღარა ვიცი. მე ვიცი, მაგალითად, სად არის ეხლა კარლო?—აი რომ ვიცი,—ბუხართანა სდგას, ხელები ჯიბეში აქვს ჩაწყობილი და იცინის.

ყველამ კარლოსაკენ გაიხედა; კარლო კი პირდაღებული ბუხართან იდგა და ეხლა ძლივს მოახერხა გაღიმება, რათა ძმის სიტყვები გაემართლებინა.

შემოვიდა ბიჭი. მეურმეებს სალამომდის უნდოდათ ბორ-მიოში ჩასულიყვნენ და ამიტომ მეტი ცდა აღარ შეიძლებოდა, ადგნენ და გამოესალმნენ. ორი ძმა ისევ მარტონი დარჩნენ ოთახში. ამ დროს ჩვეულებრივად ძმები ისვენებდნენ, ჯერონიმომ მაგიდაზე დადო თავი და თითქო დაიძინა, კარლომ გაიარ-გამოიარა ოთახში და შემდეგ დაჯდა სკამზე. ძრიელ დაილალა. ათასნაირი ფიქრი აერია თავში ისე, რომ სიზმარში ეგონა თავისი თავი.

ჰფიქრობდა იმას, რაც მოხდა გუშინ, გუშინწინ, წინა დღეებში, საზოგადოდ უწინ; ჰფიქრობდა მხურვალე დღეებზე, და იმ გზებზე, რომლითაც უვლია ძმასთან ერთად, და ყველა ეს ისე გაუგებარი და ისე შორს იყო, რომ იმედი ეკარგებოდა, აწიაც ასე იქნებაო.

დაღამებისას მოვიდა ფოსტა ტიროლიდამ, ფოსტას თითქმის ზედი-ზედ მოჰყვა რამდენიმე სამხრეთისაკენ მიმავალი ეტლი. ბარე ოთხჯერ დასჭირდა ძმებს ქვეით ჩამოსვლა. უკანასკნელად რომ აღიოდნენ კიბეზე, სრულებით ბნელოდა და ქერზე ჩამოკიდებული კრაქი ხჩოლავდა. მოვიდნენ მუშები, რომელნიც აქვე მახლობლად ქვას სტებდნენ. ჯერონიმო მიუჯდა ამათ; კარლო მარტო დარჩა თავის მაგიდასთან და ისე გრძნობდა თავს, თითქოს დიდის ხნიდამ დაობლებულიყო. ესმოდა, ჯერონიმო რომ ხმა მალდა, თითქმის ყვირილით, უამბობდა მუშებს თავის ბავშვობაზე. ბევრი რამ მახსოვს ჯერ კიდე იმ დროიდგან, რაც ჩემის თვალით მენახაო, ამბობდა ჯერონიმო, ბაღში მოპუშავე მამა, მეწალის ორი პატარა გოგო, ეკლესიის უკან ვენახი, ჩემი საკუთარი სახეც კი ბავშვობისას, რომელიც ეშმაკურად გამომყურებდა სარკიდანაო. რამდენჯელ გაუგონია ყველა ეს კარლოს.

დღეს გულს უწვავდა ეს მოთხრობა. ამ ამბავს დღეს რაღაც სხვა ხასიათი ეძლეოდა. ჯერონიმოს ყოველ სიტყვას

სულ სხვა აზრი ეძლეოდა და თითქო მის წინააღმდეგ იყო წამოსროლილი. ჩუმად ვაჟიდა კარლო ოთახიდან და შარა გზას გაუდგა. წვიმას გადაელო, ჰაერში სცივოდა, მხოლოდ ნისლი იდგა. ჯერ ერთი სურვილი დაებადა კარლოს, ვიარ და ვიარ, გავეხვევი ამ ნისლშიო, შემდეგ — ჩაწვეები ამ თხრილში და დავიძინებ ისე, რომ აღარ გამომეღვიძოს არასოდეს. ერთბაშად ეტლის ხმა მოესმა და ეტლის სანთლების სინათლე დაინახა. ეტლში ორი კაცი იჯდა. ერთ მათგანს, უწვერო გძელსახიანს შეეშინდა კარლოს დანახვაზე. კარლო შეჩერდა და ქუდი მოიხადა. ეტლი წავიდა. კარლო ისევ ბნელაში დარჩა. უცბად რაღაც შიშმა აიტანა. პირველად მის სიცოცხლეში აშინებდა სიბნელე. ვერც ერთ წამს ველარ ავიტან ამ სიბნელესო, ჰფიქრობდა კარლო.

ამ შიშს შეუერთდა უსინათლო ძმისადმი სიბრალული და ამ ორმა შეერთებულმა გრძნობამ სახლისაკენ გამოაჩქარა. დუქანში რომ შევიდა, დაინახა ის ორი მგზავრი, ეტლით რომ ჩაუარეს ეს-ეს არის. მგზავრები მაგიდასათან ისხდნენ და წინ ბოთლით წითელი ღვინო ედგათ. კარლოს შემოსვლაზე არც კი მოუხედნიათ და თავიანთ ლაპარაკს განაგრძობდნენ. მეორე მაგიდასთან ისევ ჯერონიმო და მუშები ისხდნენ.

— სად დაიკარგე, კარლო, ძმას რად სტოვებ მარტო? — ჰკითხა მედუქნემ.

— რა მოხდა? — იკითხა შეშინებულმა კარლომ.

— ჯერონიმო გამასპინძლებია იმ ხალხს. მე რა მენადვლება, მაგრამ შენ კი უნდა განსოვდეს, რომ მალე ცოტა უარესი დღეები დაგიდგებათ.

კარლო საჩქაროდ მივიდა ძმასთან, ხელი მოჰკიდა და უთხრა.

— წამო!

— რა გინდა? — დაიყვირა ჯერონიმომ.

— წამო, ძილის დროა, — უთხრა კარლომ.

— დაშეხსენ, მომეშვი! მე ვმოვილობ ფულს და ნებაც მაქვს, როგორც მინდა, ისე დავხარჯო! ყველას ხომ შენ არ მოგაპარვინებ! თქვენა გგონიათ, ყველას მე მაძლევს!

არა! მე ხომ უსინათლო ვარ! მაგრამ არიან ისეთი, არის ისეთი კეთილი ხალხი, რომელიც მეუბნება; „ოცი ფრანკი მივეცი შენს ძმას“.

მუშებმა გადიხარხარეს.

— კმარა, წამოდი!—სთქვა კარლომ, მოჰკიდა ხელი და წაათრია ძმა, თითქმის ხელით აიტანა კიბეზე ზემოდ, სადაც სახურავ ქვეშ ლოგინი ჰქონდათ დამზადებული.

ჯერონიმო ამ დროს გაიძახოდა:

— ჰო, ეხლა გამომეღაენდა; ჰო, ეხლა ვიცი! ჯერ დაციადეთ. ის სადღაა? სადაა მარიამი? ან შესანახ კასაში თუ უნახავ ფულს? დიად, მე შენთვის ვმღერი, ვუკრავ გიტარას, ჩემის ფულით ინახავ თავს, ქურდი კი ხარ!—უსინათლო დავარდა თივაზე.

დერეფნიდამ ძლივს შემოდიოდა სანთლის მქრთალი სინათლე; პირდაპირ გაღებული იყო კარი ამ დუქნის ერთადერთ ნომრისა, რომელშიაც ამ დროს მარიამი ლოგინს აწყობდა. კარლო დამღვარიყო თავის ძმის წინ და დასჩერებოდა მის გასივებულ სახეს, მის გალურჯებულ ტუჩებს; თმა მიჰკროდა გაოფლიანებულ ტუჩებს; თმა მიჰკროდა გაოფლიანებულ შუბლს; უსინათლო თავის წლოვანებასთან შედარებით ბევრად უფრო ხნიერი სჩანდა. და კარლომ ცოტ-ცოტად იწყო მის გრძობის გაგება. უსინათლოს უნდობლობა დიდის ხნის ამბავი უნდა იყვეს, ალბად; დიდიხანია ამ უნდობლობასა გრძობს, მაგრამ შემთხვევა არა ჰქონია, ან კიდევ ვერ გაებდნა მისი გამოთქმა. და რაც კი უშრომნია მისთვის კარლოს, სულ ტყუილად. ამაო იყო მისი ბავშვური სინიღისის ქენჯნა, ამაო ყოფილა მთელის თავის სიცოცხლის მსხვერპლად შეწირვა. მაშ რაღა დარჩენია ეხლა? ნუ თუ ამნაირადვე იცოცხლოს აწიაც, ხვალ, ზევ, მთელ სიცოცხლეს. ღმერთმა იცის, რამდენ ხანს უნდა ატაროს ეს უსინათლო, ემსახუროს, იმათხოვროს მისთვის და სამაგიეროდ ლანძღვისა და უნდობლობის მეტს ვერაფერს ვერ ეღიროსო. ქურდად თუ სთვლის მისი ძმა, მაშინ ყოველი უცხო მოუვლის მასზე

უკეთესად თუ არა, მასავით მაინც. ყველას ემჯობინებოდა, რომ სამუდამოდ გამოეთხოვოს ძმას და მარტოდ დასტოვოს. მხოლოდ მაშინ გაიგებს ჯერონიმო მართალს, მხოლოდ მაშინ გაიგებს, რას ნიშნავს ქურდობა და დატყვილება, რას ნიშნავს უბედურება და მარტოობა. თითონ კი, თითონ რაღა ჰქნას? თითონ ჯერ არ მოხუცებულა და ღონე კიდევ შესწევს, მოსამსახურის ადგილს ყველგან იშოვის.

ამგვარი ფიქრები უტრიალებდნენ კარლოს თავში და ამავე დროს თვალები ვერ მოეშორებინა ძმისათვის. და აი წარმოუდგა ასეთი სურათი: მისი ძმა მარტოდ ზის მზით განათებულ გზის პირას ქვაზე, თავისის უსიცოცხლო განივრად გაღებულ თეთრის თვალებით მისჩერებია მისთვის უვნებელ ცას და ხელებით ებლაუჭება იმ სიბნელეს, რომლითაც მუდამ არის მოცული. კარლომ იგრძნო, რომ მას არ ჰყოლია ამ ქვეყნად ამ ძმის მეტი არავინ. როგორც მის მეტი არც მის ძმას.

გაიგო, რომ ამ ძმისადმი სიყვარული შინაარსია მთელის მისის სიცოცხლის და ენლა წარმოუდგა ნათლად, რომ ამ უბედურ ცხოვრებას ამდენ მოთმენას უადვილებდა მხოლოდ ის რწმენა, რომ ძმასაც აგრედვე უყვარდა. კარლო გრძნობდა, რომ ერთნაირად საჭირონი იყვნენ ერთმანერთისათვის, ძმა მისთვის და თითონ ძმისთვის. არ შეუძლია, არ უნდა დასტოვოს ძმა. ან უნდა გაუძლოს მის უნდობლობას ან როგორმე დაარწმუნოს უსინათლო, რომ მისი უნდობლობა უსაფუძვლოა... ჰო, როგორმე რომ იშოვიდეს ერთს ოქროს! რომ შეეძლოს ხვალ დილით უთხრას უსინათლოს: „მხოლოდ იმიტომ დაგიმალე, რომ ღვინოში არ დაგეხარჯა იმ მუშებთან, რომ არავის მოეპარნა შენთვის... ან რამე ამისთანა“... კიბეზე ფეხის ხმა მოისმა. მგზავრები ძილს აპირებდნენ. ერთბაშად გაიფიქრა, მივალ, ვუამბობ დღევანდელ ამბავს და ვსთხოვ ოც ფრანკსაო.

მაგრამ იმწამსვე მეორე ფიქრმა გაურბინა, არა გამოვა რაო, არც კი დაიჯერებენ ამ ამბავს. კარლოს გაახსენდა,

როგორ შეშინდა ერთი მათგანი, ერთბაშად სიბნელეში ეტლ-თან რომ გაჩნდა.

კარლოც დაწვა. ოთახში სრულებით ბნელოდა. ესმოდა მუშების ლაპარაკი, და მათი ფეხის ხმა კიბეზე, მერე ამოვიდა, შემდეგ ჩამოვარდა სიჩუმე.

უხლა ჯერონიმოს ხვრინვა-ლა ესმოდა. ჩქარა ძილი მოეკიდა და აზრები სრულებით აერია. როდესაც გამოეღვიძა, გარშემო კიდევ ბნელოდა. გაიხედა იქით, სადაც ფანჯარა ეგულებოდა, მაგრამ იქაც ბნელოდა.

ჯერონიმოს ისევ მაგრად ეძინა. კარლო კი ხვალინდელ დღეზე ჰფიქრობდა და ძრწოლამ აიტანა. ჰფიქრობდა იმ ღამეზე, რომელიც ხვალინდელ დღეს მოჰყვებოდა, შემდეგ დღეზე, იმ დღეს რომ ღამე მოჰყვებოდა კიდევ, მერმისზე, რომელიც წინ ედგა, და უფრო შეძრწუნდა იმ მარტოობის წარმოდგენაზე, რომელიც მას ელოდა. რად ვერ გაბედა საღამოს?.. რად არ მივიდა იმ უცხოელებთან და არ სთხოვა ოცი ფრანკი? იქნება შებრალებოდათ. მაგრამ იქნება ისა სჯობია, რომ არა სთხოვა. მაგრამ რადა სჯობია?.. უცბად წამოაჯდა და აჩქარებული გულის ცემა იგრძნო. იცოდა, რადა სჯობია: უარი რომ ეთქვათ, ექვი ექნებოდათ მაინც... ისევ ფანჯრისაკენ მიიხედა, რიჟრაჟი იწყებოდა. ხომ შეუძლებელია, შეუძლებელია ის, რაც მის გონებას მოსვენებას არ აძლევს... კარი დაკეტილა, — გარდა ამისა შეიძლება გაეღვიძოთ... თენდებოდა კიდევ.

კარლო აღგა. მივიდა ფანჯარასთან, თითქო სინათლე იზიდავდა, და შუბლით მიენდო ცივ მინას. რად აღგა? საცდელიად? მოსაფიქრებლად? მაშ?.. ეგ ხომ შეუძლებელია და ბოროტმოქმედებაა. ბოროტმოქმედება? რას ნიშნავს ოცი ფრანკი ისეთ ხალხისათვის, რომელიც მხოლოდ სიამოვნებისათვის უცხო ქვეყნებში დადის დროს გასატარებლად? ვერც კი გაიგებენ... მივიდა კართან და ჩუმად გააღო. სულ ორ ნაბიჯზე, პირდაპირ მეორე კარი იყო; დაკეტილ კართან, ლურსმანზე ტანისამოსი იყო ჩამოკიდებული. კარლომ გასინჯა

ტანისამოსი... ო, ფულს რომ ჯიბებში სტოვებდნენ, ცხოვრება გაადვილდებოდა, მათხოვრობა აღარავის დასჭირდებოდა... ჯიბეები ცარიელი იყო.

რალა დარჩენია? დაბრუნდეს ოთახში, იქნება სხვა საშუალება გამოსძებნოს ოცი ფრანკის საშოვნელად, უფრო კანონიერი და უხიფათო. მართლაც, ყოველ საშოვრიდამ რამდენიმე სანტიმი რომ გადასდოს, მინამ ოცი ფრანკი შეგროვდებოდეს და მაშინ ერთ ოქროში გასცვალოს... მაგრამ ამას რამდენსამე თვეს მოუწდება, თუ მთელ წელიწადს არა; ო, რო შესძლებდეს! ჯერ კიდე დერეფანში იდგა. შეხედა იმ კარს... ეგ რა ზოლია იატაკზე? შესაძლებელია განა? კარი მოხურული ყოფილა და არა დაკეტილი... რად ეუცხოვა ასე ეს გარემოება? რამდენიმე თვეა ეს კარი არ იკეტებოდა კარგად. ან კი რა საჭირო იყო? გაახსენდა, რომ ამ ზაფხულს მხოლოდ სამჯერ ეძინა აქ მოსულებს, ორჯელ ერთ ხელოსანს და ერთხელ მგზავრს, რომელმაც ფეხი გაიფუჭა გზაში. კარი ღიაა,—ეხლა საჭიროა მხოლოდ გაბედულება და ბედი. გაბედულება? ყველაზე უარესი, რაც შეიძლება მოუვიდეს, ფს იქნება, რომ გაეღვიძებათ; მაშინაც მოახერხებს რისამე მოგონებას თავის გასამართლებლად. შეიხედა ჭუჭრუტანაში, ჯერ კიდე ბნელა და ძლივს ხედავს ორ მწოლარე ადამიანს. ყური დაუგდო: მძინარის სუნთქვა ისმის. კარლომ ჩუმად შეაღო კარი და ჩუმადვე ფეხშიშველი შევიდა ოთახში. ორივე საწოლი ერთ და იმავე კედელთან დგას, ფანჯრის პირდაპირ. შუა ოთახში მაგიდაა, კარლო ჩუმად ეპარება. მოუსო ხელი; მაგიდაზე გასაღებებია, ჯიბის დანა, უბის წიგნი—მეტი არაფერი... რასაკერელია! ან როგორ წარმონიღვინა, რომ ფულს მაგიდაზე დასტოვებდნენ! შეუძლია ეხლავე გაბრუნდეს!.. მაგრამ შეიძლება ბედმა გაუღიმოს... ეპარება საწოლს, რომელიც უფრო ახლოა კართან; აქ სკამზე დევს, რაღაც, მოუსო ხელი—რევოლვერია... ერთხანტელმა დაუარა ტანში. იქნება სჯობდეს ეხლავე აიღოს? რად უნდოდა ამ კაცს რევოლვერი რომ დაუმზადებია? რომ გაიღვიძოს და დაინახოს...

მაგრამ რა უშავს, მაშინ ეტყვის: „სამი საათი გახდა, ბატონო, კიდეც, აბძანდით!..“

რევოლვერი თავის ადგილას რჩება. მიდის მეორე საწოლისკენ. აქ, მეორე სკამზე... ოჰ, ღმერთო! აი... აი პორტმონე ხელში უჭირავს!.. ამ დროს რაღაც ტკაცანი მოესმა უცბად იატაკზე დაეშვა... ისევ ტკაცანის ხმა—ვიღამაც მიმედ ამოისუნთქა, ჩაახველა—ისევ სიჩუმეა, სრული სიჩუმე. კარლო უძრავადაა იატაკზე, პორტმონე კი ხელში უჭირავს. სამარისებური სიჩუმეა. რიჟრაჟის მქრთაღმა სინათლემ შემოანათა. კარლო ვერ ბედავს ფეხზე ადგომას და ფორთხვით მიიპარება კარისაკენ. მხოლოდ დერეფანში ნელ-ნელა გაიმართა წელში და თავისუფლად ამოისუნთქა. გახსნა პორტმონე; პორტმონეს სამი განყოფილება აქვს; აქეთ-იქით ვერცხლის წვრილი ფულია. შუაში სამი ოცფრანკიანი ოქრო ერთი კი გაიფიქრა კარლომ, მოდი ორს ამოვიღებო, მაგრამ იმ წამსვე სძლია მაცთურს, ამოიღო ერთი ოქრო და დაკეცა პორტმონე. შემდეგ დაიჩოქა და იჭვრიტება ღია კარებში. ოთახში სიჩუმეა. მაშინ გააცურა პორტმონე ისე, რომ მეორე საწოლამდის მივიდა. სკამიდან ჩავარდნილაო, იფიქრებს მგზავრი რომ გამოიღვიძებს. კარლო ჩუმად წამოდგა. იატაკი წრიბინებს და ამ დროს ოთახიდან ხმა ესმის: „ვინ ხარ?“ კარლომ სუნთქვა შეიკავა და უცბად შევიდა თავის ოთახში. აქ უშიშრად არის, ყურს უგდებს. იმ ოთახში ერთხელ კიდეც გაისმა ტკაცანის ხმა და შემდეგ ისევ სიჩუმე გამეფდა. ოქრო თითებშია აქვს. მოახერხა, მოახერხა! ოცი ფრანკი იშოვნა, შეუძლია უთხრას ძმას: „ხედავ, ქურდი არა ვარ!“

ის და მისი ძმა დღესვე წავლენ აქედან—წავლენ სამხრეთისაკენ, ბორმიოში, შემდეგ უფრო შორს, გაივლიან ველტლინს, ტირანოს, ედოლს... ბრენოს... მივლენ იზეის ტბაზე, როგორც შარშან... ეგ არავის არ ეუცხოვება, რადგან გუშინწინაც უთხრა მედუქნეს: „ამ დღეებში სამხრეთისკენ გავწვეთ“. უფრო და უფრო თენდება და ოთახიც ნათლდება. ოღონდ ჯერონიმო გაიღვიძებდეს მალე! დილით ისე კარგია.

შეზავრობა! გათენებამდის წავლენ, გამოეთხოვებიან მედუქნეს, ბიქს, მარიამს და მერე წავლენ შორს, შორს აქედამ... და მხოლოდ ერთის-ორის საათის შემდეგ, ქვეით რომ ჩავლენ, ეტყვის ჯერონიმოს. ჯერონიმომ გაიზმორა. კარლომ დაუძახა!

— ჯერონიმო!

— რა იყო?—ჯერონიმო წამოჯდა.

— ავდგეთ, ჯერონიმო.

— რადა?—უსიცოცხლო თვალებს აშტერებს ძმას. კარლო მიმხვდარია, რომ ჯერონიმოს გაახსენდა გუშინდელი ამბავი, მაგრამ კარლომ ისიც იცის, რომ ჯერონიმო კრიტიკსაც არ დასძრავს, სანამ არ დათვრება.

— აცივდა, ჯერონიმო, წავიდეთ აქედამ. წელს აღარ გამოიღარებს; წავიდეთ სჯობია, სადილობისას ბოლადორაში ვიქნებით კიდევ.

— ჯერონიმო ადგა. სახლი ახმაურდა.—იღვიძებდნენ ქვეით, ეზოში მედუქნე ელაპარაკებოდა ბიქს. კარლო ადგა და ჩავიდა მათთან. კარლო ყოველთვის ადრე დგებოდა და ზშირად ალიონზე ქუჩაში გადიოდა.

მივიდა მედუქნესთან და უთხრა:

— გეთხოვებით.

— დღეს აპირებთ კიდევ წასვლას?—იკითხა მედუქნემ.

— მეტად აცივდა და ამ ქარში ძნელია დიდ ხანს გარედ დგომა.

— მაშ, ბორმიოში რომ მიხვალ, მომიკითხე ბალბეტტი, უთხარი კარაქის გამოგზავნა არ დაავიწყდეს.

— კარგი, მოვიკითხავ. აი ღამის გასათევი.—კარლომ ხელი ჩაიყო ჯიბეში.

— ნუ ირჯები, კარლო,—სთქვა მედუქნემ.—ეგ ოცი სანტიმი შენის ძმისთვის მიჩუქებია; მეც ხომ მისმენია მის სიმღერისთვის. მშვიდობით იყავი.

— გმადლობთ,—უთხრა კარლომ.—მაგრამ არც ისე გვეჩქარება, კიდევ ვნახავთ ერთმანეთს, აქ რომ მოჩჩები

საქმეს. ბორშიო ხომ თავის ადგილას დარჩება? გაიცინა კარლომ და ზემოდ ავიდა.

ჯერონიმო შუა ოთახში იდგა.

— მე მზადა ვარ, — სთქვა მან.

— ეხლავე. — უპასუხა კარლომ.

კუთხეში შველი ყუთი იდგა. კარლომ ამოალაგა ყუთიდან რამდენიმე ბარგი და შეჰკრა. შემდეგ მიუბრუნდა ძმას:

— მშვენიერი დღეა, მაგრამ ძლიერ სცივა.

— ვიცი, უპასუხა ჯერონიმომ და ორივენი გავიდნენ ოთახიდან.

— ჩუმად იარე, — სთქვა კარლომ, — აქ იმ ორ მგზავრს სძინავს, წუხელის რომ მოვიდნენ. — ფრთხილად ჩავიდნენ ქვეით. — მედუქნემ გზა დამილოცა, — ამბობდა კარლო, — ამაღამინდელი არაფერი გამოგვართვა. ეხლა ყანაშია და ორსა საათს უკან თუ დაბრუნდება. გაისათ ვნახავთ ხომ.

ჯერონიმომ არა უთხრა რა. გავიდნენ ქუჩაში. კარლომ მარცხენა ხელი დაუჭირა ძმას და ორივენი ჩუმად დაეშვენენ ქვეით. ჩქარა მივიდნენ იმ ადგილამდე, სადაც აღმართი იწყებოდა. ქვეიდან ნისლი მოდიოდა და მწვერვალებს ღრუბელი შემოხვეოდა. „ეხლა ვეტყვი,“ გაიფიქრა კარლომ.

კარლომ არა სთქვა არაფერი, ამოიღო ოქრო და მისცა ძმას. ჯერონიმომ გამოართვა ფული, მოისო ლოყაზე, შემდეგ შუბლზე და ბოლოს სთქვა:

— მე ხომ ვიცოდი.

— ჰო და, მიუგო კარლომ და გაკვირვებით შეხედა ჯერონიმოს.

— იმ კაცსაც რომ არა ეთქვა რა, მაინც მეცოდინებოდა.

— ჰო და, — განიმეორა უზროდ კარლომ.

— მაგრამ ხომ მიხვდი, რად არ... იქ, იმათთან, — მეშინოდა, რომ შენ ერთბაშად... და მერე ჯერონიმო, დრო არის, ვფიქრობდი მე, ვუყიდო ჩემს ძმას ტანისამოსი, ფესაცემელი და ამიტომ... უსინათლომ თავი გაიქნია.

— რა საქირაა?

ცალი ხელი ტანისამოსზე მოისვა.

— ჯერ კიდევ კარგია და თბილიც არის, ეხლა კი სამხრეთისკენ მივდივართ.

კარლოს ვერ გაეგო რად არ უხაროდა ჯერონიმოს, ზოდის არ იხდიდა, და განაგრძო:

— განა ცუდად მოვიქვეც, ჯერონიმო? მაშ რად არ გითხარია? ეხლა ხომ გვაქვს ფული? მერე ხელუხლებელი! იქ რომ მეთქვა ეგ შენთვის, ვინ იცის... ო, რა კარგი ვქენი, რომ არ გითხარი.

უეცრად ჯერონიმომ წამოიძახა;

— გეყოფა სიცრუე, კარლო, მომბეზრდა ეგა! კარლო შეჩერდა, ხელი გაუშვა ძმას.

— მე არა ვსტყუი.

— მე კი ვიცი, რომ სტყუი... შენ მუდამ სტყუი!.. აზასჯერ გითქვამს ტყუილი!.. ამის შერჩენაც გინდოდა, მაგრამ ვერ გაბედე, აი რა!

კარლომ ჩაღუნა თავი და არაფერი არ უპასუხა. ისევ მოჰკიდა ხელი უსინათლოს და გზას გაუდგა. ძმის სიტყვებმა გული დაუკოდა. მაგრამ უკვირდა კი, უფრო რად არ შეესწუხებო.

ნისლი გადიყარა. ხანგრძლივის სიჩუმის შემდეგ ჯერონიმომ სთქვა:

— დათბა.

ეს ისე გულცივად სთქვა, როგორც უწინაც ეთქვა და კარლომ იგრძნო, რომ ჯერონიმოსათვის არაფერი არ გამოცვლილიყო. ჯერონიმოს აზრით, ის ყოველთვის ქურდი ყოფილა.

— ხომ არა გშიან?— ჰკითხა მან. ჯერონიმომ თავით ანიშნა, მშიანო, ამოიღო ჯიბიდან პური და ყველი და შეჰკამა. შემდეგ გზას გაუდგნენ.

გზაზე ბორმიოდამ მომავალი ფოსტა შემოხვდათ.

— სამხრეთისაკენ კიდევ? შეეკითხათ მეეტლე.

შემდეგ კიდე შეხვდათ რამდენიმე ეტლი.

— სამხრეთის სუნსა ვგრძნობ, სთქვა ჯერონიმომ და მართლაც ცოტა ხანს უკან გამოჩნდა ქვეით ველტლინი.

„მართლაც არაფერი არა შეეცვლილა“, ჰფიქრობდა კარლო. — ქურდობაც კი ჩავიდინე მაგისტვის და სულ ტყუილად.“

ნისლი სულ გაიფანტა და მზემ შეითამაშა გარშემო ველებზე. კარლო კი ჰფიქრობდა: „იქნება ასე საჩქაროდ არ უნდა წამოვსულიყავით დუქნიდამ... პორტმონე საწოლ ქვეშა გდია, და ეს საექვოა, რაც უნდა იყოს.“ მაგრამ ეგ სრულეპბით სულ ერთია მისთვის! რაღა უნდა დამართნოდა კიდე? ძმას, რომელსაც მან დაუბნელა თვალი, ქურდად მიაჩნია, დიდი ხანია ქურდად სთვლის და ეს ყოველთვის ასე იქნება. ამაზე უარესი რაღა უნდა დაემართოს?

აგერ ქვეით დიდი სასტუმრო, მის ქვემოდ კიდე სოფელი. უხმოდ მიდიან ძმები და კარლოს ხელი ჯერ კიდე უსინათლოს ხელშია. ჩაიარეს სასტუმროს ბაღი. კარლომ დაინახა აივანზე ხალხი. ისინი, საზაფხულო ტანისამოსში გამოწყობილნი, საუბრობდნენ.

— სად გინდა დაისვენო? — ჰკითხა კარლომ.

„არწივში“, როგორც ყოველთვის.

გაიარეს სოფელი და იქ ბოლოში შევიდნენ ერთ პატარა დუქანში. მოიფხოვეს ღვინო.

— ასე ადრე რამ ჩამოგიყვანათ, იკითხა მელუქნემ.

კარლო შეკრთა ამ კითხვაზედ.

— განა ისე ადრეა? დღეს თერთმეტი თუ თორმეტი ენკენისთვეა.

— შარშან უფრო გვიან ჩამოხვედით.

— ზემოდ ძლიერ სცივა, — სთქვა კარლომ. — ამაღამ კინალამ გაგეყინა. ჰო, მართლა, იქაურმა მელუქნემ შემოგიფთვალა, კარაქის გამოგზავნა არ დაგავიწყდესო.

ოთახში შეხუთული და მიძიმე ჰაერი იყო. კარლო რაღაც მოუსვენრობამ აიტანა; ჰაერში გასვლა უნდოდა, ისევ

სიარული უნდოდა, ტირანოს და ედოლის გზით, საითკენმე შორს. ერთბაშად წამოდგა.

— მივდივართ კიდევ? იკითხა ჯერონიმომ.

— სადილობისას ბოლადორას მივალთ, იქ „ირმის“ სასტუმროში ამ დროს მოდიან ეტლები; კარგი ადგილია.

წავიდნენ. დალაქი ბეკოჩი თავის სადალაქოსთან იდგა და თუთუნსა სწევდა.

— გამარჯვება თქვენი, — დაუძახა მან. — რა ამბებია ზემოდ? წუხელ მოსთოვდა იქ ალბად?

— დიად, დიად, — უთხრა კარლომ და ფეხს გაუჩქარა.

გასცდნენ სოფელს, გზა ყანებსა და ვენახებს შუა იდო, განზე მდინარე მოჩუხჩუხებდა. ცა მოწმენდილი იყო.

რად ჩავიდინე ეგა? — ჰფიქრობდა კარლო. — განა ისეთივე სახე არა აქვს, როგორც ყოველთვის? — და განიდგან შეხედა ძმას. ჯერონიმო ყოველთვის ქურდად მთვლიდა და ყოველთვის ობოლი იყო სულით, — არასოდეს არ ვყვარებოვარ. — კარლო ისეთ გუნებაზე იყო, თითქო მძიმე ტვირთი ეკიდა ზურგზე და ვერ მოეშორებინა; თითქო ხედავდა იმ წყვილადს, რომელსაც ჯერონიმო მოეცვა, მაშინ როდესაც გარშემო ყველაფერი გაჩაღებული იყო მზის სინათლით.

ასე მიდიოდნენ, მიდიოდნენ რამდენსამე საათს. დროგამოშვებით ჯერონიმო ჩამოჯდებოდა ქვაზე, ან ორივენი მიეყრდნობოდნენ რომლისამე ხიდის მოაჯირს დასასვენებლად. კიდე გაიარეს რაღაც სოფელი, დუქნის წინ რაღაც ეტლები იდგა. მგზავრები გამოდიოდნენ დუქნიდამ და იქვე დასვირნობდნენ, მაგრამ ძმები არ შეჩერებულან. ისევ შარა გზაზე გავიდნენ. მზე მაღლა იდგა; ჩქარა სადილობაც მოაწევს! ისეთივე დღე იყო, როგორც ათასი სხვა.

— ბოლადორის კოშკი უნდა იყვეს, — სთქვა ჯერონიმომ. კარლომ მოიხედა. გაუკვირდა ჯერონიმოს, რომ ასე კარგად გამოეანგარიშნა განვლილი გზა. მართლაც მოშორებით გამოჩნდა ბოლადორის კოშკი. შორს ვილაც მათკენ მომავალი კაცი გამოჩნდა. კარლოს ეჩვენა, რომ ის კაცი

გზის პირას იჯდა და ერთბაშად წამოდგა. კაცი უახლოვდებოდათ. ეხლა კარლომ იცნო ჟანდარმი, რომელსაც ხშირად შეხვედრია ამ გზაზე. მაინცა-და-მაინც კარლო შეშინდა ცოტათი. მაგრამ სრულებით რომ მიუახლოვდნენ, კარლომ იცნო და დამშვიდდა.

პიეტრო ტენელი უფილყო; ჯერ კიდე გაზაფხულზე ორივე ძმა და ეს ჟანდარმი რაგაჩის დუქანში მოჩანია. ნეში ერთხელ ღვინოს სვამდნენ ერთად; ჟანდარმმა მაშინ ერთი საშინელი ამბავი უამბოთ, როგორ გამოასალმა კინალამ ერთმა ბოროტ მომქმედმა წუთი სოფელს.

— ვილაც გაჩერდა, — სთქვა ჯერონიმომ.

— ჟანდარმი ტენელია, — უპასუხა კარლომ. ძმები მიუახლოვდნენ.

— გამარჯვება, ბატონო ტენელი, — უთხრა კარლომ და გაჩერდა.

— მეტი გზა არ არის, — სთქვა ჟანდარმმა, — ორივენი ბოლადორაში უნდა წაგიყვანოთ, პოლიციაში.

— რას ამბობ! — წამოიძახა უსინათლომ.

კარლო გაფითრდა.

„შეუძლებელია? — გაიფიქრა მან. — იმის შესახებ არ იქნება: ჯერ ხომ ვერ გაიგებდნენ აქ.“

— ვგონებ გზაც იქითა გაქვთ, — სთქვა სიცილით ჟანდარმმა, — მე ხომ სიარულს არ შეგიშლით.

— რამ გაგაჩუმა, კარლო? — ჰკითხა ჟანდარმმა.

— ჰო, დიად. მე ვამბობ... მიბძანეთ, ბატონო ჟანდარმო, როგორ შეიძლება... რაში გვამ... ესე იგი რაში მამტყუნებენ... გაძლევთ სიტყვას, არ ვიცოდე...

— ერთი საქმეა, იქნება უდანაშაულოც იყვე, მე რა ვიცი, ყოველ შემთხვევაში ტელეგრამით მიბძანეს თქვენი შეპყრობა, რადგან იქვი აიღეს თქვენზე და დიდი იქვიც, ვი-

თომც თქვენ იქ, ზემოდ, ფული მოგეპაროსთ ვილაცისთვის. შეიძლება, რასაკვირველია, უდანაშაულონიც იყვეთ. აბა, გზას გავუდგეთ!

რად გაჩუმებულხარ, კარლო?—ჰკითხა ჯერონიმომ.

— მე ვამბობ... ჰო, მე ვამბობ...

— აბა, ჰე, წამოდით, წამოდით! რას გაეჩერებულვართ! მზე საშინლად გვაჭერს. ერთს საათში მივალთ კიდევ. აბა, გასწით!

— კარლომ ჩვეულებრივად მოჰკიდა ხელი ჯერონიმოს და ნელ-ნელა გაუდგნენ გზას, უკან ჟანდარმი მიჰყვებოდათ.

— კარლო, რად არ იტყვი არაფერს?—ჰკითხა ისევ ჯერონიმომ.

— რა უნდა გითხრა, ჯერონიმო? ყველაფერი გამოირკვევა; არც მე ვიცი...

კარლომ გაიფიქრა: „ებლავე ვუთხრა ყველაფერი, მინამ მოსამართლესთან მიგვიყვანენ? არა... ჟანდარმი გაიგონებს... რო გაიგონოს კიდევ, მერე რა? სასამართლოში ხომ სულ ყველაფერს ვიტყვი. „უფალო მოსამართლე, — ვიტყვი მე, — ეგ ხომ ისეთი ქურდობა არ არის, როგორც ყოველივე სხვა. საქმე ასე იყო...“ კარლო სცდილობდა მკაფიოდ გამოერკვია საქმე. „წუხელ ვილაც კაცი მოვიდა... შეიძლება შეშლილი ყოფილიყო ანა და შეცდომით მოსვლოდეს... იმ კაცმა...“

რა სისულელეა! ვინ დაიჯერებს? ან ვინ დააცლის ამდენ ლაპარაკს.

არავინ არ დაიჯერებს ასეთ სისულელეს... ჯერონიმოსაც რომ არა სჯერა... და კარლომ განიდგან შეჰხედა ძმას. უსინათლო ჩვეულებრივად ყოველ ფეხის გადადგმაზე თავს იქნევდა აქეთ იქით, ხოლო მისი სახე არაფერს არ გამოსთ-

ქვამდა, უსიცოცხლო თვალები კი სივრცეში მიეშტერებინა. და კარლო უცბად მიხვდა, რასაც ფიქრებდა ეხლა მისი ძმა.

„მაშ ასე ყოფილა, ჰფიქრობდა, ალბად, ჯერონიმო. კარლო ჩემს გარდა სხვებსაც ჰქურდავს... მისთვის ხომ ადვილია ეს, თვალები აქვს და სარგებლობს ამით.“ რასაკვირვლია ასე ჰფიქრობს ჯერონიმო...

„მართალია მე ვერ მინახვენ ფულს, მაგრამ ეს ვერ მიშველის ვერც მოსამართლესთან და ვერც ჯერონიმოსთან. დამატუსაღებენ, ჯერონიმოსაც დაატუსაღებენ... რასაკვირველია, მასაც, რადგან ოქრო ხომ მას აქვს.“

აზრები აურია კარლოს, ველარაფერი ვერ გაეგო, ერთი იცოდა მხოლოდ,—ის რომ, დიდის სიამოვნებით ჩაჯდებოდა სატუსაღოში მთელის წლით... გინდ ათის წლით, ოღონდ ჯერონიმოს გაეგო, რომ მის გულისათვის ჩაიდინა ქურდობა.

ერთბაშად ჯერონიმო შეჩერდა და კარლოც გააჩერა.

— რა ამბავია?—მწყრალად დაიძახა ჟანდარმმა.—გაიარეთ, გაიარეთ.

მაგრამ გაკვირვებულმა ჟანდარმმა დაინახა, რომ უსინათლოს გაუვარდა ხელიდამ გიტარა და ორსავე ხელით ეძებდა ძმის სახეს. შემდეგ ტუჩებით მიეკრა ძმის ტუჩებს და მინამ კარლო გონს მოვიდოდა, აკოცა.

— შეიშალებო?—ჰკითხა ჟანდარმმა.—გაიარეთ, გაიარეთ! ამ სიცხეში დგომა არაფერი სასიამოვნოა.

ჯერონიმომ უსიტყვოდ აიღო გიტარა. კარლომ ღრმად ამოისუნთქა და ისევ მოჰკიდა უსინათლოს ხელი. სახეზე ბედნიერების ღიმილმა შეუთამაშა.

— გაიარეთ! — ჰყვიროდა ჟანდარმი. — გაადგამთ ფეხს თუ არა, და ხელი ჰკრა კარლოს გვერდში.

და კარლო მაგრა ხელ ჩაკიდებული გაუდგა გზას; ეხლა უფრო ჩქარა მიდიოდა. ღიმილი არ შორდებოდა მის სახეს. ეხლა აღარაფრის შიში არ ჰქონდა, არც სასამართლოსი, არც მთელის ქვეყნისა. ეხლა ისევ ჰყავდა ძმა... არა, ეხლა პირველად პოვა ძმა.

ავ. ზუკნაბიშვილი

საქართველოს ეკლესია და მისი დასაწყისი

(იმერეთის ეპისკოპოსს ლეონიდს უძღვნის ავტორი).

III

ქართველთა მოქცევის ქრონოლოგია.

ახლა ვიკითხოთ: როდის „მოიქცენ“ ქართველები, ან უკეთ რომ ვთქვათ, როდის გამოაცხადეს ქართველთა შორის ქრისტიანობა ყველა ქვეშევრდომთათვის სავალდებულო სარწმუნოებად?

უეჭველია, ამ ფაქტის დასაწყისად ის დრო უნდა ჩაითვალოს, როცა იბერთა მეფემ, რუფინის მოწმობით, თვით მიიღო ქრისტიანობა, შეჰკრიბა ერი და წინადადება მისცა — ქრისტეს სარწმუნოება მიეღო. რაც შეეხება სამღვდლოების მოსვლას და ერთიერთ მეფის მონათვლას, — ეს მხოლოდ დამთავრება და დაგვირგვინება იყო ამ ფაქტისა და არა მისი დასაწყისი. მაგრამ, საქმეც ის არის, რომ სწორედ ვერც ერთ ამ ორი მომენტის ქრონოლოგიაში ვერ შეთანხმებულან ჩვენნი მკვლევარნი და ისტორიკოსნი.

დაუბუჯა, პლ. იოსელიანის თქმით, ქართველთა მოქცევას 276 წლის მახლობლათ დასდებს,¹⁰²⁾ **ბარბანიუსი**, დიმ. ბაქრაძის მოწმობით, 311-სა და 327 წელს,¹⁰³⁾ თვით **დიმ. ბაქრაძე** და **ვახუშტი** — 317 წელს,¹⁰⁴⁾ **პლ. ალექსიანი** — 318

¹⁰²⁾ ნახ. П. Л. Иселианъ, Кр. Ист. Гр. Церкви. გვ. 18 შენიშვ. 18.

¹⁰³⁾ დიმ. ბაქრაძე, ისტორია საქართველოსი, გვ. 144.

¹⁰⁴⁾ იქვე გვ. 144—147.

წელს,¹⁰⁵) თ. ჯორჯანია³²³ და 325 წლებს შუა,¹⁰⁶) მოსე ჯანაშიაძე—მეფის მოქცევას 323 წ., ხოლო ხალხის მონათვლას 324 წელს,¹⁰⁷) ან. ნატრაშიაძე—ერთსაც და მეორესაც—326 წელს,¹⁰⁸) ბრასსე—328 წელს,¹⁰⁹) ა. ხასანაშიაძე—332 წელს,¹¹⁰) ე. თაყაიშიაძე—332 ვვვ წელს,¹¹¹) მ. კალ. ცინცაძე—335 წელს¹¹²) და, უკანასკნელ, ივ. ჯანაშიაძე—„337 წლის ახლო ხანებში.“¹¹³)

რომ დიუბუას თარიღი შესაწყნარებელი არ არის, ეს იმიტით მტკიცდება, რომ ქართველთა მოქცევას თვით უუძველესი ბიზანტიური წყარო (რუფინის ისტორია) კონსტანტინეს იმპერატორობის ხანს მიაწერს, ხოლო, როგორც ცნობილია, კონსტანტინე სამეფო ტახტზე 306 წელს ავიდა. ესეც რომ არ იყოს, ჩვენ ვიცნობთ იმავე დიუბუას მეორე გამოთვლას, რომელიც ქართველთა მოქცევას 318 წელს მიაწერს,¹¹⁴)—მაშასმდამე 276 წელი უსაფუძვლოდ უნდა ჩითვალოს.

მაგრამ არც პლ. იოსელიანის 318 წელი შეგვიძლია მივიღოთ, რადგან როცა ამ წელს უჩვენებს, პატივცემული მკვლევარი შემდეგს, ანაქრონიზმებით სავსე წინადადებას ხმარობს: „Тогда же, въ 318 г. отъ Р. Х., отправилъ онъ (Миріанъ) въ новый Римъ (Константинополь) къ императору

¹⁰⁵) Кр. Ист. Груз. Церкви. გვ. 12.

¹⁰⁶) ქრონიკები I, გვ. 31-32, შენიშვ. 62.

¹⁰⁷) М. Джанашивили, Ист. Груз. Церкви. Кн. I, გვ. 47.

¹⁰⁸) А. Натроевъ, Мцхетъ и его соборъ Свѣти-Цховели. Тифлисъ. 1900 г. стр. 162.

¹⁰⁹) Histoire de la Georgie.—I, p. 128, n. 4.

¹¹⁰) Источники по введ. Хр. въ Грузіи. стр. 42.

¹¹¹) „ახალი ვარიანტი...“ გვ. XXV.

¹¹²) „ივერია“ 1893 წ. ივლისი 28. № 159 ფელეტონი: „რომელს წელს მიიღეს ქრისტიანობა ქართველებმა.“ გვ. 3, სერელი 5.

¹¹³) „მოამბე“ 1900 წ. VI, გვ. 38.

¹¹⁴) ნახ. აღ. ჯყონია, ისტორიული ნარკვევი. გვ. 334 (ამოდებულთა დიუბუას Voyage aut. du Caucase t. II).

Константипу, испрашивая епископа и священниковъ.“ ცხადია, ისტორიკოსს ხელთ არ ჰქონებია კონსტანტინოპოლის შესახები საისტორიო თხზულება, თორემ ხომ არც ამისთანა ისტორიულ წინა-უკუთქმას დაუშვებდა: 318 წელს არამც თუ „ახალი რომი (კონსტანტინოპოლი)“ არ არსებობდა, არამედ თვით კონსტანტინე ჯერ ისევ ძველ რომში იმყოფებოდა, აღმოსავლეთში კი წარმართობის მომხრე ლიკინი მბრძანებლობდა (323 წლამდე).¹¹⁵)

ამ მხრით ბატონიშვილი ვახუშტი უფრო მეტს ცოდნას იჩენს საზოგადო ისტორიისას, ვინემ პლ. იოსელიანი. თავის თარიღს, 317 წელს, ვახუშტი იმიანი ამართლებს, რომ, როცა ქართველები მოიქცენ, „ჯერეთ კონსტანტინოპოლი არ იყო აღშენებული, არამედ კონსტანტინე ჯერეთ რომსავე იყო“-ო.¹¹⁶) სრულიათ ვეთანხმებით მეცნიერ ბატონიშვილს, რომ ქართველთა მოქცევის დროს კონსტანტინოპოლი ჯერ კიდევ აშენებული არ იყო, მაგრამ მაინც ვერ შევიწყნარებთ მის თარიღს, 317 წელს, რადგან ძნელი დასაჯერებელია რომის იმპერიის ვასალს—მირიანს, ქრისტიანობის მიღებაზე თანხმობა გამოეცხადებოდა და რომში მოციქულები გაეგზავნოს მაშინ, როცა მის მეზობლად, აღმოსავლეთის პროვინციებში ჯერ ისევ წარმართი ლიკინი მბრძანებლობდა და სომხეთის მეფეც მოქცეული არ იყო; ყოველ შემთხვევაში, ჯერ კიდევ საბოლოოვით გადაწყვეტილი არ იყო, თუ ვის ერგებოდა პირველობა რომის იმპერიის აღმოსავლეთ ნაწილში—ქრისტიან-

¹¹⁵) ლიკინი დაამარცხა კონსტანტინემ 323 წელს, ხოლო კონსტანტინოპოლი ააშენა 328—330 წლებში. Lebeau Hist. du Bas. Emp. t I, p. 220 et 296. შეადარე Оск. Иегеръ. Всеобщая Исторія. т. I, стр. 574—575. Спб. 1894 года; აქაც კონსტანტინოპოლის აშენების დასაწყისად 328 წელია ნაჩვენები, ხოლო დასასრულად 11 მაისი 330 წელი.

¹¹⁶) ვახუშტი: ისტორია საქართველოსი. გამოც. დიმ. ბაქრაძისა, გვ. 67

ნობას და ქრისტიანს კონსტანტინეს, თუ წარმართობას და წარმართ ლიკინის.¹¹⁷⁾

ჩვენ აღარას ვიტყვიტ დიმ. ბაქრაძის შესახებ, რომლის თარიღიც იგივე 317 წელია, რადგან თვითონ იგი გადაჭრით არას ამბობს, მხოლოდ ჩვეულებრივის მეცნიერული სიბრთხილით შენიშნავს, რომ „ჯერ-ჯერობით საფუძვლიანადვე მიგვაჩნია ეს 317 წელიო.“¹¹⁸⁾

არას ვიტყვიტ არც ბბ. თ. ჟორდანისა, მ. ჯანაშვილისა და ან. ნატროშვილის თარიღებზე, რადგან, როგორც მკითხველი ქვემოთ დაინახავს, ჩვენ თვითონაც დაახლოვებით იმავე თარიღებსა ვსდებთ ქართველთა მოქცევის დროდ, რომელსაც ეს პირნი აღნიშნავენ, თუმცა სავსებით ვერ ვეთანხმებით ყველა იმ საფუძვლებს, რომელთაც იგინი ემყარებიან.

რაც შეეხება ბარონიუსის თარიღს—327 წელს გინა 311 წელს,—ჩვენ არ ვიცით, თუ რაზედ ამყარებს იგი ამ ქრონოლოგიას, ამიტომ ამ საგნის შესახებ მსჯელობა უბრალო წყლის ნაყვა იქნებოდა.

დაგვრჩა განსახილველი, მაშასადამე, ის თარიღები, რომელნიც ქართველთა მოქცევის დროს 327 წელს შემდეგ უჩვენებენ.

ამ თარიღებში პირველი ადგილი უკავია ბროსეს თარიღს, 328 წელს. ამ წელს დასდებს ბროსეს ქართველთა მოქცევის წლად თავის *Histoire de la Georgie*-ის, ე. ი. „ქართლის ცხოვრების“ ფრანგულ თარგმანის პირველ ნაწილში (p. 128. n. 4), რომელიც 1849 წელს გამოვიდა; ხოლო თავის „საქართველოს ისტორიაში“, რომელიც მას 1858 წელს, ე. ი. სრული ცხრა წლის შემდეგ დაუწერია,¹¹⁹⁾

¹¹⁷⁾ ანნანსკის გამოანგარიშებით სომეხთა მოქცევა 317—318 წელს უნდა მომხდარიყო (Ист. Арм. Церкв. გვ. 11).

¹¹⁸⁾ დ. ბაქრაძე, ისტორია საქართველოსი. გვ. 147 შენ. 1.

¹¹⁹⁾ მ. ბროსეს, საქართველოს ისტორია. ნაწ. I. რუსულიდამ ნათარგმნი სიმ. დოლობერიძის მიერ, თბილისი. 1895 წ. ნახეთ — „წინასიტყვაობა“ მთარგმნელისა.

იგი ამის შესახებ გადაჭრით აღარას ამბობს, მხოლოდ შენიშნავს, რომ ქართველთა მოქცევა დაახლოვებით იმ დროს ეკუთვნის, როდესაც იერუსალიმში ჯვარი-პატიოსანი აღმოაჩინესო. მოგვაქვს ეს ადგილი სიტყვა-სიტყვით.

რო გაათავებს ქართველთა მოქცევის ისტორიას, ქართულ, ბერძნულ და რომაულ წყაროების თანახმად, ბროსეს განაგრძობს: „რასაკვირელია, ჩვენ ვერ აღვნიშნავთ შეუწყვეელი სისწორით ქრონოლოგიას ზემო ნაამბობ შემთხვევათა, რომელთაც ზოგნი რამოდენიმე წლით ადრე უჩვენებენ და ზოგნი უფრო გვიან. ზოგიერთ წყაროებში ჩვენ ვპოვებთ იმისთანა ფაქტების დაწვრილებით ამბებს, რომელნიც სხვა მწერლებს არა აქვთ. ჩვენის აზრით ეს არ უნდა იყოს ისე შესამჩნევი, იმიტომ რომ როგორც აღმოსავლეთის, ისრე დასავლეთის ისტორიკოსები თანახმად აჩვენებენ დროს, უმთავრესთ მოქმედებათ და ღირს-შესანიშნავს გარამოებას. თანამედროვე მწერალი რუფინი, რომელმაც ლათინურ ენაზე დაწერა საეკლესიო ისტორია, ამბობს, რომ მან შეკრიბა თავისი ივერიაზედ მოთხრობა ნაამბობიდან ქართველის წარჩინებულის ბაკურისა, რომელიც თვით დამსწრე იყო ქრისტიანობის შემოღებისა საქართველოში და რომელიც მერე საბერძნეთში სამსახურში შესულიყო. ერთის სიტყვით, კრიტიკის მიერ დადგენილია, რომ იმპერატორის კონსტანტინე დიდის მეფობაში, დაახლოვებით იმ დროს, როდესაც ჯვარი პატიოსანი იპოვეს იერუსალიმში, ივერია მოიქცა ქრისტეს სჯულზე წმ. ნინოს ქადაგებით, რომელიც ერთ ხმით შერაცხილ არის წმიდად, ვითარცა ივერიის განმანათლებელი.“¹²⁰⁾

სავსებით ვეთანხმებით იმ აზრს, რომ საბერძნეთიდან **სამღვდელოების მოსვლა და ხალხის მონათვლა** დაახლოვებით იმ დროს უნდა მომხდარიყოს, როდესაც ელენე დედოფალმა იერუსალიმში ჯვარი პატიოსანი აღმოაჩინა. მაგრამ აქედან არ შეიძლება მაინც და მაინც ის დასკვნა გამოვი-

¹²⁰⁾ იქვე, გვ. 62.

ტანოთ, თითქოს თვით ქართველთა მეფის და მცხეთელების მოქცევაც წმ. ნინოს ქადაგებით 326 წლის, ე. ი. ჯვარი-პატიოსანის (ანუ, როგორც ქართული წყაროები უწოდებენ. „ძელი ქეშმარიტის“) აღმოჩენის შემდეგ ყოფილიყოს და არა იმაზე წინ.¹²¹⁾ ყოველ შემთხვევაში, ბროსეს დასკვნა, რომელიც, როგორც სჩანს, უმთავრეს მოქმედებათა და დირს-შესანიშნავ გარემოებათა კრიტიკულს შესწავლასა და მყარებული, უფრო საბუთიან დასკვნად უნდა ჩაითვალოს, ვინემ იმ მკვლევართა მოსაზრებანი, რომელნიც თავის დასკვნას უმთავრესათ „ქართლის“ მოქცევის ქრონიკისა და წმ. ნინოს „ცხოვრების“ წიგნებზე ამყარებენ.

მაგრამ ნუ-თუ შესაძლებელია „ქართლის მოქცევის“ გინა წმ. ნინოს „ცხოვრების“ წიგნებზე რაიმე საისტორიო დასკვნა დავაფუძნოთ, — იმ რიცხვებზე, რომელთა შესახებაც თვით იგივე მკვლევარნი სრულის მიუდგომლობით აღიარებენ, რომ „აქ, — ე. ი. იმ რიცხვებში, — ყველაფერი არეულია და დაბნეულია.“¹²²⁾ სავსებით ვეთანხმებით როგორც წმ. ნინოს „ცხოვრების“ შატბერდისეული ვარიანტის გამოქცემელს, ისე მამა კ. ცინცაძეს იმაზე, რომ, როდესაც „ქართლის მოქცევის“ ქრონიკა და წმ. ნინოს „ცხოვრება“ წელთაღრიცხვას „ქრისტეს ამაღლებიდან“ იწყებს, ჩვენ ყველგან ქრისტეს დაბადება უნდა ვიგულისხმოთ;¹²³⁾ ვეთანხმებით, აგრეთვე, იმაზედაც, რომ კონსტანტინეს მეფობის პირველი

¹²¹⁾ ბარონიუსის ანგარიშით, როგორც ჯვარი-პატიოსანის პოვნა, ისე ელენე დედოფლის გარდაცვალება 326 წელს უნდა მომხდარიყო (Lebeau, Hist. du B.-E. t. I. p. 274). — ელენე დედოფალი იერუსალიმში წავიდა 325 წელს, ხოლო ჯვარი პატიოსანი აღმოაჩინა 326 წელს. (M. Bouillet, Dictionnaire Universelle d' Hirt, et de Géographie. Paris. 1861. ნაწილი I, გვ. 800.)

¹²²⁾ ნახ. „ივერია“ 1893 წ. № 159, გვ. 2. სერ. 4 და გვ. 3, სერ. 2. ამასვე ამბობს ბ. ე. თაყაიშვილიც. ნახ. „ახალი ვარიანტი“, გვ. XVIII.

¹²³⁾ ე. თაყაიშვილი. ახალი ვარიანტი... გვ. XIX, შენიშვნ. 1. — შეადარე „ივერია“ 1893 წ. № 159, გვ. 3, სერ. 3.

ხნების „ღვაწლი ბრძოლისა მტერთაგან“, ძლევა მტერთა „ძალითა ჯვარისათა და მისითა სასოვებითა“ და ამ ღვაწლთან მჭიდროთ შეკავშირებული თქმულება კონსტანტინეს „მოქცევისა“ და „მონათვლის“ შესახებ, — რომელსაც **ქართლის მოქცევის** ქრონიკა და შატბერდისეული ვარიანტი მოიხსენებს, — მაქსენტისთან ბრძოლასა და მილანის ედიქტს (312 — 313 წ.) უნდა აღნიშნავდეს და არა კონსტანტინეს **მონათვლას**, რაიც, როგორც ისტორიიდან ვიცით, კონსტანტინეს სიკვდილის წინ მოხდა (337 წ.) და არა 310-სა წელსა, როგორც „ქართლის მოქცევის“ ქრონიკა ამბობს, და არც 311-სა წელსა, როგორც შატბერდისეულ ვარიანტს ჰგონია.¹²⁴) — ეს ადგილი „ქართლის მოქცევის“ ქრონიკაში იკითხება ასე: „და იყო ღღეთა კონსტანტინე მეფისათა, ქრისტეს ამალღებითგან **სამას და მეთესა წელსა**, იყო **ღვაწლი ბრძოლისა მტერთაგან** და ფრიად ერეოდეს მეფესა კონსტანტინეს, ძესა კოსტანსსა, და გულგდებულ იყო ურვათაგან კოსტანტი კეისარი. იყო ვინმე კაცი ეფესოით და წარმოთქვა წინაშე მეფისა ვითარმედ ქრისტიანენი იგი ჰრომნი და ყოველნი ჰინდონი და, ვისცა ვის აქვს უჯული იგი ახალი ქრისტეს წმიდისა, **ძალითა ჯვარისათა და მისითა სასოვებითა სძლევენ მტერთა ძლიერად**. მას ქამსა აღიძრა მეფე გუნდებითა და წარავლინა მოყვანებად ეპისკოპოსთა იერუსალიმით, ანტიოქიით, ჰრომით და ალექსანდრიით და **ნათელ-იღო მან თაგადმან და დედამან მისმან ბანაკითურთ**“.¹²⁵) ამ ადგილს მ. კალ. ცინცაძე ასე განმარტებს: „ჩვენ თუ დავაკვირდებით ზემო მოყვანილ ად-

¹²⁴) თუმცა თვისი სიყვარული ქრისტიანობისადმი კონსტანტინემ მრავალ გზის დამტკიცა მთელ თვის მეფობის განმავლობაში, მაგრამ მონათვლით კი უკანასკნელ წლამდე არ მონათლულა. 337 წელს სამოცდა ოთხი წლის მეფე მძიმეთ ავად გახდა ნიკომიდის სასახლეში, მოიწვია მღვდელ-მთავარნი და ნათელ-იღო. იმავე წელს 20 მაისს იგი გარდაიცვალა. ნახ. *Робертсонъ, Исторія хр. Церкви. т. I, стр. 198.*

¹²⁵) ქრონიკები I, გვ. 27. — შეად. ე. თაყაიშვილი, სამი ისტ. ხრონიკი. გვ. 12-13.

გილს ქართლის მოქცევისას, უეჭველად მივალოთ ამ დასკვნაზე, რომ აქ ჩვენი მემკვიდრე გვეუბნება კონსტანტინე დიდის მაქსენტისთან ბრძოლაზედ, რომელიც მოხდა 312 წელს. ამ წელს კონსტანტინე-დიდმა მართლაც რომ ნათელს იღო, ე. ი. ჰაერში სასწაულებრივი ჯვარის გამოცხადების შემდეგ საქმით დაამტკიცა, „რომ იგი არის სულით და გულით ქრისტიანი“.¹²⁶⁾

ამავე ფაქტს წმ. ნინოს „ცხოვრების“ შატერდისეული ვარიანტი ასე მოიხსენებს: „მოხედა უფალმან საბერძნეთსა და ჰრწმენა მეფესა კონსტანტინეს და ქრისტე აღიარა მან და დედამან მისმან, და ყოველმან პალატმან მათმან, დასაბამით-გან წელთა ხუთ-ათას ოთხას ორმოც და ოთხსა, ხოლო ქრისტეს ამალღებითგან სამას და ათერთმეტსა, და წარემართა ყოველი საბერძნეთი ქრისტიანობასა. და მეშვიდესა წელსა იყო წმიდაჲ კრებაჲ ნიკეას“.¹²⁷⁾

ამ ადგილსაც მ. კ. ცინცაძე ფრიად სარწმუნო განმარტებას აძლევს: „თვით ის გარემოებაო, — ამბობს იგი, — რომ ჭრწმენა მეფესა კონსტანტინეს არ იძლევა არავითარ განსაზღვრულ ცნობას. საიდან უნდა სცოდნიყო მემკვიდრეს, თუ როდის ჰრწმენა მეფესა კონსტანტინეს? ქრისტესადმი რწმენის ნაბერწკალი კონსტანტინეს მაშინაც კი უღვივოდა გულში, როცა მოაშორეს დედას და მძევლად გაგზავნეს დიოკლეტიანეს სასახლეში. მაგრამ როდის გადაექცა ეს ნაბერწკალი სულის და გულის განმატფობელ და განმანათლებელ ცეცხლად, — ეს, ვეჭობთ, სცოდნოდეს ანუ იცოდეს ვინმემ, მაშასადამე, თუ გვინდა გავიგოთ დედა-აზრი ამ ადგილისა, უნდა მოვძებნოთ ნიკეას კრებამდის კონსტანტინე დიდის ცხოვრებაში ისეთი საქმენი და შემთხვევანი, საიდანაც ცხადად სჩანდეს, რომ კონსტანტინეს ჭრწმენა ქრისტე და აღიარა იგი. ამგვარი შემთხვევა ჩვენ ერთი ზევით დავასახელოთ, —

¹²⁶⁾ ნახ. „ივერია“ 1893 წ. № 159, გვ. 2, სვრ. 3. — შეად. ე. თაყაიშვილი, ახალი ვარიანტი... გვ. XIX, შენ. 1.

¹²⁷⁾ „ახალი ვარიანტი...“ გვ. 13-14.

ეს ბრძოლა მაქსენტისთან, როდესაც კონსტანტინე დიდმა შექმნა ჯვარი ღროშად (labarum) თავის ლაშქრისა და თანამებრძოლის დამარცხების შემდეგ ბრძანა აღეგოთ მისთვის, კონსტანტინესთვის, ძეგლი რომს ჯვართ ხელში... ხოლო თუ მივაქცევთ ყურადღებას იმას, რომ მას შემდეგ, რაც კონსტანტინემ დედით და პალატიტურთ აღიარა ქრისტე, **წარემართა ეოგელი საბერძნეთი ქრისტიანობასა**, უნდა ვიფიქროთ, რომ აქ **ახალი განაჩტი გვეუბნება მილანის ედიქტზედ 313 წელსა**“. 128).

განმეორებით ვიტყვით, რომ, თუ გვსურს აღნიშნულ ადგილებში რაიმე ისტორიული აზრი ვნახოთ, მათ უსათუოთ ისეთი განმარტება უნდა მივცეთ, როგორსაც მამა კ. ცინცაძე იძლევა. მაგრამ დასკვნა, რომელიც აქედან თვით ამ ისტორიული წყაროების შემდენელთა გინდ რედაქტორთა შესახებ გამომდინარებს, სრულიად უმნიშვნელოდ და ისტორიისათვის გამოუსადეგრად ჰხდის ყველა იქ ნაჩვენებ **თარიღებს და წელთა რაოდენობას**. როგორც ვხედავთ, ამ წყაროთა ავტორებს (=რედაქტორებს) არ ცოდნიათ არც ის, თუ საიდან იწყებენ ბერძნები წელთა სათვალავს: ქრისტეს დაბადებიდან, თუ ამაღლებიდან, და არც ის, რომ „**მოქცევა**“ (=„რწმენა,“ „აღსარება“) და **მონათვლა** კონსტანტინესი სხვა და სხვა დროის ფაქტები იყო, რომელთაც მთელი 24 წელი აშორებს ერთმანეთს. მსგავსისავე უცოდინარობით უნდა აიხსნებოდეს ის გარემოებაც, რომ წმ. ნინოს „ცხოვრების“ შატბერდისეული ვარიანტი რიფსიმიანთა „სივლტოლას“ საბერძნეთიდან პირველი მსოფლიო კრების მეორე წელს დასდებს, ე. ი. ჩვეულებრივით თუ ვიანგარიშეთ, 325+1=326 წ., ხოლო თუ თვით „ცხოვრების“ თარიღებს მივყევით, 311+8=319 წელს. ბი თვით ეს ადგილი: „მეშვიდესა წელსა იყო წმიდა კრება ნიკეას, და მერვესა წელსა იყო სივლტოლა ჩვენი (ნინო ლაპარაკობს) საბერძნეთით, რიფსიმე დედოფალი და

128) „ივერია“ 1893 წ. № 159, გვ. 2, სტრ. 5 და გვ. 3, სტრ. 1.

გაიანე დედა-მძუძე და ორმეოცდაათი სული წარმოვემართენით თთვესა პირველსა, ათხუთმეტსა.“¹²⁹⁾ აქ, რასაკვირველია, ყველაზე უფრო საყურადღებო ის არის, რომ შატშერდისეული ვარიანტი რიფსიმიანთა საბერძნეთიდან გამოქცევას ისეთს დროს მიაწერს, როცა რომის საიმპერატორო ტახტზე ქრისტეს ტრფიალი და ქრისტიანთა მფარველი კონსტანტინე ბრწყინავდა, — რაც, ცხადია, აბსურდია, მით უმეტეს, რომ თვით სომხური წყაროები, საიდანაც აღნიშნულ ვარიანტში ეს თქმულებაა შემოტანილი, წმ. რიფსიმიანთა გამოქცევის მიზეზად დიოკლეთიანე მეფის დევნას აღიარებს და არა კონსტანტინეს მეფობას.¹³⁰⁾ ჩვენ უკვე ნათქვამი გვაქვს, რომ აღნიშნული თქმულება მერმინდელ ჩანამატს წარმოადგენს სწორეთ ისე, როგორც ნინოს მშობლების შესახები თქმულებაც მერმინდელი ჩანამატია. სამწუხაროთ, ეს ყალბი თქმულება „ქართლის მოქცევის“ ქრონიკაშიაც შეპარულა, თუმცა ისე მოხერხებულათ კი ვერა, როგორც წმ. ნინოს „ცხოვრების“ აღწერაში; მაგრამ ამ უხერხული შეპარვითაც ძლიერ გაურყვნია და აურევია წმინდა ადგილობრივი თქმულება ნინოს ვინაობისა და ქართლად მოსვლის მიზეზის შესახებ. როგორც რუფინის მოთხრობიდან ვიცით, თვით ქართველები წმ. ნინოს უყურებდნენ როგორც „mulier quaedam captiva“-ს, ე. ი. „ტყვე ვანძე დედაკაცს“ და, მაშასადამე, ქართლად მისი მოსვლის მიზეზადაც ტყვეობას სთვლიდნენ და არა სხვას რასმე. და „ქართლის მოქცევის“ ქრონიკაც არ უარპყოფს, რომ ქართველთა განმანათლებელი იყო „ტყუე ერთი დედაკაცი შევნიერი, სახელით ნინო,“ თუმცა ამ ცნობას ისეთნაირათ აქსოვს რიფსიმიანთა ლტოლვის ამბავს, რომ ერთის შეხედვით გაგიჭირდებათ გაიგოთ, თუ რა სურდა ქრონიკის შემდგენელს ამითი ეთქვა. მაგრამ, როცა ჩააკვირდებით და

¹²⁹⁾ ახალი ვარიანტი... გვ. 14.

¹³⁰⁾ ამაზე ვრცლათ იხ. ივ. ჯავახიშვილის წერილი. „ძოაძბე“ 1900 წ. VI, გვ. 24-26. აქვე აღნიშნულია თვით სომხურ წყაროთა თქმულების სიყალბეც რიფსიმიანთა ლტოლვის შესახებ.

გაითვალისწინებთ, რომ ყველა დანარჩენი სიტყვები, რომელნიც ამ ექვს სიტყვას აკრავს გარშემო, გვიანდელს. მონაყარ სილას წარმოადგენს, — მაშინ ნათლათ წარმოგიდგებათ თვით ამ ობოლი მარგალიტის აზრი და მნიშვნელობა. „ქართლის მოქცევა“ ამბობს:

„მით ჟამითგან, — ე. ი. ჩვენის განმარტებით 312—313 წლიდან, ხოლო თვით ქრონიკის თქმით 310 წლიდან, — მეთავეს წელსა წარვიდა ჰელენე იერუსალიმად ძიებად პატიოსნისა ჯვარისა და მეთათხმეტესა წელსა ივლტოდა დედაკაცი ვინმე ძეფეთა ევადაგი, სახელით რიფსიმე, რომლისამე მიზნისათვის, დედა-მძუძითურთ; და იყო მისთანა ტყვე ერთი დედაკაცი შუენაერი, სახელით ნინო, რომლისა საქმე მისი გამოიძია ჰელენე დედოფალმან..., და მოძღვრიდა მთავარსა მას რიფსიმეს. და ვითარცა წარმოვიღტოდა რიფსიმე ზღუად, გაიანე და ნინო და სხუანი ვინმე მათთანა გამოვიდეს არეთა სომხიზისათა, საყოფელსა თრდატ მეფისასა, და იგინი იმარტვილნეს მუნ; ხოლო ნინო დაშთა და წარმოემართა მათთა კერძო ჩრდილოჲსათა, და მოვიდა მდინარესა მტკუარსა, მოჰყვა და მოვიდა მცხეთად, ქალაქსა დიდსა, მეფეთა საჯდომელსა.“¹³¹⁾

საკმაგოა, ეს ადგილი რუფინის მიერ შენახულს უუძველეს ქართულ თქმულებას შევეუდაროთ, რომ გადაქრით გავიგოთ, თუ რას უნდა მიეწეროს, რომ ამ ნაწყვეტში წმ. ნინო „ტყვედაც“ არის წოდებული და რიფსიმეს მეგობარ-მასწავლებლადაც: ცხადზედ უცხადესია, რომ იმ პირველ ადგილობრივს თქმულებაში, რომელიც წინეთ „ქართლის მოქცევის“ ამ ადგილას ყოფილა მოთავსებული ან, უკეთ რომ ვთქვათ, რომლითაც აღნიშნული ადგილის შემდგენელს უსარგებლნია, წმ. ნინო მხოლოდ „ტყვედ“ ყოფილა ცნობილი; მაგრამ ქრონიკის შემდგენელს, თუ რედაქტორს, ხელში ჩავარდნია მერმინდელი სომხურ-ქართული

¹³¹⁾ ქრონიკები I, გვ. 27-29.

თქმულება წმ. ნინოსა და რიფსიმიანთა მეგობრობის შესახებ, — და აი დღეს ჩვენს წინ ძვეს ფრიად საგულისხმო ნიმუში იმისი, თუ რას ნიშნავს, როცა ადგილობრივს სარწმუნო გარდამოცემას სხვა ყალბ თქმულებას უკრიტიკოთ უერთებენ. როგორც ეტყობა, ქრონიკის შემდგენელს, თუ რედაქტორს, ვერ გაუბედნია უარყოფა იმ წმინდა ქართული თქმულებისა, რომელშიაც ნინო „ტყვედ“ ყოფილა წოდებული, მაგრამ, მეო რე მხრით, ნასესხები თქმულებაც სარწმუნოდ მიუღია და, რამდენათაც შეძლება ჰქონებია, ერთმანეთზე მიუწებებია, თუმცა იმდენათ უშნოთ და უხერხულათ კი, რომ მკვლევარი ძლიერ ადვილათ ხედება, თუ რა არის აქ პირვანდელ-ადგილობრივი და რა არის შემდგეში შეთხზულ-მინამატი.

მაგრამ, როგორც აღნიშნული ნაწყვეტის შინაარსი გვიჩვენებს, რომ ქრონიკის ავტორს ნინოს „ტყვეობის“ შესახები ადგილობრივი თქმულება, რიფსიმიანთა ყალბ ისტორიის გარდა, სხვა საეჭვო თქმულებიაც შეუზავებია, სახელდობრ იმ თქმულებით, თითქოს წმ. ნინო ელენე-დედოფალს საქართველოში მოსვლამდე გაცნობოდეს, რიფსიმე-დედოფალთან ყოფნის დროს. თუ გვსურს ამ თქმულების ნამდვილი მიზეზი და მიზანი გავიგოთ, საჭიროა „ქართლის მოქცევის“ ქრონიკაში ცოტა ქვევით დავიწიოთ და ის ადგილი მოვიგონოთ, სადაც ნათქვამია, რომ საბერძნეთიდან მობრუნებულმა ელჩებმა წმ. ნინოს ელენე დედოფლისაგან წერილი და ძელი-ქეშმარიტის ნაწილი მოუტანეს.¹³²⁾ საბუთი არა გვაქვს ამ უკანასკნელი თქმულების შესაძლებლობა და სინამდვილე უარვჰყოთ. პირიქით, თუ მართალია ის ამბავი, რომ უკვე წარმართობის დროს რომის იმპერატორები განსაკუთრებულის ყურადღებით ექცეოდნენ ზოგიერთ ქართველთა მეფეებს და დედოფლებს, უშენებდნენ მათ ციხე-სიმაგრეებს,¹³³⁾

¹³²⁾ ქრონიკები I, გვ. 31.

¹³³⁾ ნახე წარწერა ბერძნული 1867 წელს მცხეთის მახლობლათ ნაპოვნ ქვაზე. Патроевъ, Мцхетъ и его соборъ, Св.-Цховели. стт. 15-16.

ნებას აძლევდნენ რომის ტაძრებში მსხვერპლი შეეწირათ და იმავე ტაძრებში პატივის ნიშნად ძეგლს უდგამდნენ,¹³⁴⁾ არ ვფიქრობთ ნაკლების პატივით და აღტაცებით შეგებებოდნენ ქართველთა მოქცევის ამბავს ქრისტეს თაყვანისმცემელი იმპერატორი კონსტანტინე და მაღალი სათნოებით შემკული დედა-მისი, ელენე-დედოფალი. ამიტომ აღვილათ შესაძლოა, ქრონიკის შემდგენელს ხელთ ქონებოდეს წერილობით ან გარდამოცემით შენახული თქმულება იმაზე, რომ საბერძნეთიდან მობრუნებულმა ელჩებმა ქართველთა განმანათლებელს, სხვათა შორის, ელენე დედოფლის წერილიც მოუტანესო, მაგრამ, რომ ამ თქმულებისათვის უფრო მეტათ სარწმუნო ხასიათი მიეცა, მას საკიროდ დაუნახავს საქმე ისე წარმოედგინა, თითქოს ელენე დედოფალს წმ. ნინო საქართველოს გარეთაც ცნობებოდეს, სახელდობრ, რიფსიმეს სახლში. ამავე მიზნით უნდა აიხსნებოდეს, რა თქმა უნდა, ის გარემოებაც, რომ ჯვარი-პატიოსანის საძებნელათ ელენე-დედოფალს ქრონიკის ავტორი (=რედაქტორი) ძლიერ ადრე ამგზავრებს იერუსალიმში (320 ან 323 წელს) და ამას შემდეგაც ცოცხლად სთვლის მას მთელი 11 თუ 12 წლის განმავლობაში.¹³⁵⁾ ცხადია, ქრონიკის ავტორი (=რედაქტორი) ცდილობს იმ ისტორიულ ცნობებს და თქმულებებს, რომელთაც იგი თავის ქრონიკაში ათავსებს, შესაფერი თარიღები მოუძებნოს და თვის მოთხოვრებას მტკიცე ხასიათი მისცეს, მაგრამ თითქმის ყოველ ნაბიჯზე მარცხდება, რადგან მსოფლიო ისტორიის ფაქტთა თარიღების სწორი ცოდნა არ მოეპოვება. მიუხედავად ამისა, „ქართლის მოქცევის“ ქრონიკა დღეს ერთად-ერთი ისტორიული წყაროა, რომლის გარეშეც ყოველად შეუძლებელია ქართველთა მოქცევის ქრონოლოგიის დადგენა; საჭიროა ამ წყაროში მკვლევარი მხოლოდ იმ საისტორიო ცნობებს დაემყაროს, რომელსაც აღნიშნული ქრონიკა უშთა-

¹³⁴⁾ სახეში გვაქვს დიონ-კასიუსის თქმულება მეფე ფარსმანსა და იმის მეუღლეზე. Г а н з, Известія... I, стр. 173-174.

¹³⁵⁾ ქრონიკები I, გვ. 27-31.

ვრეს მოქმედებათა და ისტორიულ გარემოებათა შესახებ იძლევა, და სრულიად გვერდი აუხვიოს იმ ქრანოლოგიურ ცნობათა: თარიღებსა და წელთა რაოდენობას, რომელნიც, თვისი დანიშნულების მიხედვით, ისტორიულ ცნობების გარკვევას და შეგნებას უნდა აადვილებდენ, ნამდვილათ კი — უფრო მეტათ აზნელებენ მათ და გაუგებრად ჰხდიან. ეს უნდა ითქვას უმეტესათ იმ თარიღებზე, რომელნიც ისეთს დროს შეეხებიან, როცა წმ. ნინო საქართველოს გარეშე იმყოფებოდა, რადგან ეს ისეთი ხანაა, რომლის შესახებაც ჩვენ არავითარი სარწმუნო ისტორიული ცნობა არ მოგვეპოება. ერთ ამგვარ თარიღად უნდა ჩიითვალოს ის „ათოთხმეტი წელი“, რომელსაც, ქართლის მოქცევის ქრონიკით, ვითომც კონსტანტინე იმპერატორის „ბრძოლის ღვაწლსა“ და რიფსიმიანთა „სივლტოლას“ შორის უნდა გაეგლოს ($310 + 14 = 324$ წ.).

სრული სისწორით შენიშნავს ბ-ნი ე. თაყაიშვილი, რომ „ქართლის მოქცევის“ ქრონიკასა და წმ. ნინოს „ცხოვრების“ შატბერდისეულ ვარიანტში უმთავრესი ფაქტების ქრონოლოგია ნინოს საქართველოში შემოსვლაზეა დამყარებული, ხოლო ამ უკანასკნელის დროდ კი-წმ. ნინოსი და მის თანამგზავრთა, რიფსიმიანთა, საბერძნეთიდან სომხეთს წამოსვლაა აღსარებული, ესე იგი „ქართლის მოქცევის“ ქრონიკით $310 + 14 = 324$ წელი, ხოლო წმ. ნინოს „ცხოვრებით“ — $311 + 14 = 325$ წელი¹³⁶).

ამ წელს უმატებენ 4 წელს, რომელმაც, „ქართლის მოქცევით“, წმ. ნინოს მცხეთად მოსვლიდან ქადაგების დაწყებამდე განვლო, 137) და ღებულობენ ამ უკანასკნელის თარიღს: $(310 + 14) + 4 = 328$ ანუ $(411 + 14) + 4 = 329$ წ.; უმატებენ 6 წელს და ღებულობენ ნანა დედოფლის მოქცევის ქრონიკონს: $324 + 6 = 330$ ან $325 + 6 = 331$ წ.; უმატებენ 7 წელს და ღებულობენ მირიან მეფის მოქცევის წელიწადს:

¹³⁶) ნახ. „ახალი ვარიანტი წმ. ნინოს ცხოვრებისა“, წინასიტყვაობა, გვ. XVII—XIX და XXIII—XXV. შეად. იქვე გვ. 30.

¹³⁷) ნახ. ქრონიკები I, გვ. 29.

324+7=331 ან 325+7=332 წ; უკანასკნელ, უმატებენ ერთ წელსაც, რომელსაც სამღვდლოების მოსვლამდე უნდა გაევილია, და ლებულობენ ქართველთა მონათვლის თარიღს: 331+1=332 ან 332+1=334 წელს¹³⁸).

მაგრამ ჩვენ უკვე ვიცით, რომ ისტორია წმ. ნინოს ცხოვრებისა საქართველოს გარეშე ბნელით მოცულია და გაურკვეველი, რომ იგი ტყვედ იწოდება როგორც ლათინურსა და ბერძნულ წყაროებში, ისე თვით „ქართლის მოქცევის“ ქრონიკაში, და რომ ცნობა ამ უკანასკნელი წყაროსი რიფსიმიათა „სიგლტოლის“, შესახებ 310-წლითგან „მეთათობმეტესა წელსა“ ე. ი. 324 წელს, მერმინდელი ჩანამატია, ისე როგორც მერმინდელია რიფსიმეს სახლში წმ. ნინოსი და ელენე დედოფლის ერთმანეთთან გაცნობა. მაშასადამე, ყოვლად შეუძლებელია „ქართლის მოქცევის“ ავტორს თუნდ რედაქტორს მივხატოთ და ქართველთა მოქცევის ქრონოლოგია რიფსიმიათა **სიგლტოლის თარიღზე** დავამყაროთ, რომელიც ყველა თარიღებზე უფრო სუსტია და ნაკლებ სარწმუნო.

რაც შეეხება მ. კ. ცინცაძის სინქრონოლოგიურ დატებს ქართველთა მოქცევისა და წმ. ნინოს ცხოვრების შესახებ, იგინი თავისთავათ მეტად მწყობრად არიან ჩამოკინძულნი, მაგრამ, როგორც ამავე რიფსიმიათა „სიგლტოლის“ თარიღზე დამყარებულსა, აღძრული კითხვის განმარტებაში ვერავითარ სამსახურს ვერ გაგვიწევენ.¹³⁹) მამა კალ. ცინცაძის წერილი წარმოადგენს ბ-ნ ალ. ხახანაშვილის თარიღების შესწორებას, თუმცა საფუძველი ამ უკანასკნელისაც იგივეა, რაც პირველისა, სახელდობრ: **რიფსიმიათა სიგლტოლის თა-**

¹³⁸) ე. თაფაიშვილი: ახალთ ვარიანტი., გვ. XXV.

¹³⁹) „თუ შევკრებთ ერთად ყოველსავე ზემოდ თქმულს,—ამბობს მ. კ. ცინცაძე,—მაშინ წმ. ნინოს ცხოვრების მეორე ნახევრის ქრონოლოგია უნდა განვსაზღვროთ აშნირად: ლკოლვა წმიდასი საბერძნეთით მოხდა 326 წელს, მისვლა ქართლად 326 წელს, მოღვაწეობდა საქართველოში 13 წელს...“ და სხვ. ნახ. „ივერია“, 1893 წ. № 159, გვ. 3, სერ. 3-5.

რადღე დაქვარებული ქრონოლოგიური ცნობა „ქართლის მოქცევისა“ წმ. ნინოს გარდაცვალების შესახებ 140). ამიტომ, რაც ითქვა მ. კ. ცინცაძის ქრონოლოგიაზე, იგივე უნდა ითქვას ბ. აღ. ხახანაშვილის თარიღებზედაც.

„ქართლის მოქცევას“ რომ ზემოთ დასახელებული, შემდეგ ჩანამატი, ორი თქმულება გამოვაკლოთ და ყველა მის თარიღებზედაც ხელი ავიღოთ, — მაშინ ხელთ დაგვრჩება უმთავრეს ისტორიულ ფაქტთა და ღირსშესანიშნავ გარემოებათა შემდეგი საგულისხმო თანდათანობა:

ა) **ღვწლა ბრძოლისა** იმპერატორის კონსტანტინესი და ძღვევა „ჯვართა“ მტერთა ზედა, ე. ი. მაქსენტის დამარცხება 312 წელს;

ბ) შემდეგ, ამ ფაქტთან მჭიდროთ შეკავშირებული **მოქცევა** კონსტანტინესი ბანაკითურთ და ქვეშევრდომთა უმრავლესობით, ან, როგორც ნინოს „ცხოვრება“ ამბობს: „რწმენა მეფესა კოსტანტინეს... და წარემართა ყოველი საბერძნეთი ქრისტიანობასა“, ე. ი. მილანის ედიქტი 313 წელსა;

გ) დაახლოვებით იმავე დროს მცხეთაში **ტყვედ** მყოფის დედაკაცის ნინოს-მიერ ქადაგების დაწყება; რამოდენისამე ხნის შემდეგ დედოფლის განკურნება და რწმენა; შემდეგ კი — თვით მეფის მოქცევაც და ეკლესიის აშენება;

დ) უკანასკნელ, სამღვდელოების გამოსათხოვად კონსტანტინესთან მოციქულების გაგზავნა; მოსვლა სამღვდელოებისა, თან ელენე დედოფლის წერილისა და ძელი-ქეშმარიტის ნაწილების მოტანა; ნათლისღება მეფისა, დედოფლისა, სამეფო სახლისა და, ბოლოს, „ყოველი ქართლისაც“.

საკურადღებოა, რომ ამ გვარათ გაცხრილული ცნობები „ქართლის მოქცევისა“ სავსებით ეთანხმება როგორც მსოფლიო ისტორიის უმთავრეს ფაქტთა თანდათანობას, ისე რუფინისა და რამოდენათმე მოსე ქორენელის თქმულებათაც ივერთა მოქცევის შესახებ. აქედან კი თავისთავათ ცხადდება,

140) Источники... გვ. 42. შეად. „ივერია“ 1893 წ. № 159, გვ. 1, სვრ. 3 და სხვანი.

თუ რას უნდა დაემყაროს მკვლევარი ქართველთა მოქცევის ქრონოლოგიის დადგენის დროს: „ქართლის მოქცევის“ **დაცხვებს-თარღებს**, რომელიც ისე არეულნი არიან და ეწინააღმდეგებიან როგორც ერთი მეორეს, ისე მსოფლიო ისტორიის შიერ დადგენილ თარიღებს, თუ — იმავე წყაროში მოთავსებულ **ისტორიულ ცნობათა** კრიტიკულათ შესწავლისა და გაცხრილვას?..

ჩვენ დაგვრჩენია ახლა, ბ-ნ ივ. ჯავახიშვილის თარიღს შეევეხოთ.

როგორც ნათქვამი გვაქვს, ამ მკვლევარის აზრით, „ქართველების ერთმა ნმწილმა მეფის სახლობითურთ ქრისტიანობა 337 წლის ახლო ხანებში მიიღო“.¹⁴¹⁾ მაგრამ პატივცემული მკვლევარი გარკვევით არ ასახელებს, თუ **სახელდობრ რომელ წელში** მოხდა ეს ამბავი და არც იმ **საფუძველს** გვიჩვენებს, რომელზედაც მას ეს საზოგადო დასკვნა აქვს დამყარებული. მართალია, იმ ქართულ, სომხურ და ბერძნულ მასალებ შორის, რომელიც საქართველოში ქრისტიანობის შემოღებას შეეხება, იგი ყველაზე მაღლა „ქართლის მოქცევის“ **საისტორიო ცნობებს** აყენებს,¹⁴²⁾ მაგრამ იმავე წყაროს **თარღებს** შესახებ კი ფრიად სკეპტიკური შეხედულებისაა. მისი აზრით, არც წმ. ნინოს „ცხოვრების“ შატბერდისეულ ვარიანტის და არც „ქართლის მოქცევის“ თარიღებს „ისტორიისთვის არავითარი მნიშვნელობა არა აქვს“.¹⁴³⁾ ცხადია, ამ სიტყვების მთქმელი საკუთარი ქრონოლოგიის დადგენის დროს ამ თარიღებით აღარ იხელმძღვანელებდა, და ამიტომ ჩვენ არ ვიცით, თუ რამ აიძულა მკვლევარი ქართველთა მოქცევის თარიღი იმპ. კონსტანტინეს სიკვდილის წელზე (337 წ.) გადაეტანა. რუფინი და არც სხვა ბიზანტიელი მწერალნი ხომ ამის შესახებ არას ამბობენ?! პირიქით, მათი სიჩუმე კონსტანტინოპოლისა და ბერძნების შესახებ ნუ-

141) „მოამბე“ 1900 წ. № VI, გვ. 33.

142) იქვე გვ. 33.

143) „მოამბე“ 1900 წ. № V, გვ. 67 და 68.

თუ მცირეოდენათ მაინც არ ასაბუთებს იმ მოსაზრებას, რომ იმ პირს, სახელდებრ ბაკურ-მეფეს, რომლის ნათქვამზედაც ყველა მათი ცნობებია დამყარებული, გადაჭრით ვერაფერი უთქვამს, კონსტანტინოპოლში იყო უკვე გადმოსული იმპერატორი კონსტანტანე, როცა მას ქართველებმა მოციქული გაუგზავნეს, თუ სატახტო ქალაქად ჯერ ისევ რომი ჰქონდა.¹⁴⁴⁾ ამ აზრს არ არღვევს არც „ქართლის მოქცევის“ ქრონიკა, სადაც თუმცა საბერძნეთი ნახსენებია, მაგრამ კონსტანტინოპოლის შესახებ კი ერთი სიტყვაც არაა ნახმარი.¹⁴⁵⁾ ესევე უნდა ითქვას წმ. ნინოს შატბერდისეული „ცხოვრების“ შესახებ. მართალია, აქ ერთ ადგილას ნახსენებია კონსტანტინოპოლი, მაგრამ ეს სახელი ნახმარია მხოლოდ „ჰრომის პატრიაქისაგან“ წიგნის მიღების შემდეგ, ე. ი. გაცილებით უფრო გვიან ქართველთა მოქცევისა და საბერძნეთიდან სამღვდელთა მისვლისა; ამავე დროს თვით ეს ადგილიც ძლიერ საეჭვო ღირსების ცნობას წარმოადგენს, სახელდობრ ნინოს მამის მიერ მოქცეულ „ბრანჯთა“ მთავარ დიაკონზე მოგვითხრობს,¹⁴⁶⁾ — ე. ი. დაახლოვებით ისეთსავე ზღაპარს იმეორებს, როგორიც რიფსიმიანთა სივილტოლის ამბავია, რითაც თავისთავათ ცხადდება ამ ადგილის სიყალბე და მერმინდელი ჩამომავლობა. — არა ნაკლებ საყურადღებოა

¹⁴⁴⁾ ნახ. *Источники...* გვ. 6. 8. 10. 11. აქ ყველგან ნახმარია სიტყვები: რომის იმპერია („*Romano imperio*“), რომაელები, რომის მეფე (=კონსტანტინე), — და არც ერთგან — სიტყვა: ბერძენი, საბერძნეთი ან კონსტანტინოპოლი.

¹⁴⁵⁾ ქრონიკები I, გვ. 31.

¹⁴⁶⁾ „ახალი ვარიანტი...“ გვ. 54-55: „მათ ღღეთა შინა მოიწია წიგნები ჰრომით პატრიაქისაი ნეტარისა სინოისა და მირიან მეფისა და ყოვლისა ერისა ქართველისა და მოველინა ბრანჯი მთავარ-დიაკონი... და ჰქონდა წიგნები ბრანჯთა მეფისა ნეტარისა ნინოისა, რამეთუ მოენათლნეს იგინი მამასა მისსა ზაბილოვნს და ესე ყოველი მოსმენილ იყო მათა იერუსალიმით, ჰრომით და კოსტანტინოპოლით, ვითარმედ ქვეყანასა მას ჩრდილოისასა მიწვენილ არს მზე იგი სიმართლისაი, ნათელი მამისა მიერ. მოსრული ქრისტე.“ — შეადარე იქვე გვ. 43-44 და 50.

ის გარემოებაც, რომ სომხის ისტორიკოსი მოსე ქორენელი, ან. უკეთ რომ ვთქვათ, მისი სახელით ცნობილი „ისტორია სომხეთისა“, ქართველთა მოქცევას კონსტანტინოპოლის აშენებაზე გაცილებით უფრო ადრე მოიხსენებს.¹⁴⁷⁾ ნუთუ ყოველივე ეს მცირეოდენათ მაინც არ ამართლებს იმ ისტორიულ ჰიპოტეზას, რომ იმ დროს, როცა მირიანი მოიქცა და ქართველებმა კონსტანტინესაგან სამღვდელოება მიიღეს, კონსტანტინოპოლი ჯერ კიდევ აუშენებელი იყო, მაგრამ უმთავრესი რეზიდენცია კონსტანტინესი რომის იმპერატორის აღმოსავლეთის ნაწილში იყო გადმოტანილი, სადაც ბერძნული ელემენტი ქარბობდა. ამ რიგათ, ჩვენ თანდათან ვუახლოვდებით იმ წელს, როდესაც, „ქართლის მოქცევის“ **ისტორიული ცნობების** (და არა თარიღების) თანახმად, ქართველებს **სამღვდელეობა უნდა მიეღათ** იმპერატორის კონსტანტინესაგან. ლეგოს ანგარიშით, კონსტანტინემ ძველი რომი სამუდამოდ დასტოვა 326 წელს, ხოლო კონსტანტინოპოლის აშენებას შეუდგა 328 წელს და გაასრულა 330 წელს.¹⁴⁸⁾ ამავე თარიღებს სდებს კონსტანტინოპოლის აშენების დროდ ოსკარ იეგერიც.¹⁴⁹⁾ ხოლო ბროკგაუზის ლექსიკონით კონსტანტინეპოლის საფუძველი ჩაიყარა 20 ნოემბერს 326 წელს.¹⁵⁰⁾ ცხადია, მაშასადამე, რომ საბერძნეთიდან საქართველოში სამღვდელეობის მოსვლა 326 წლის 20 ნოემბერზე გვიან ვეღარ მოხდებოდა. და „ქართლის მოქცევა“ მოწმობს, რომ იმ დროს, როცა საბერძნეთიდან სამღვდელეობა მოვიდა, ჯვარი პატიოსანი აღმოჩენილი იყო (326 წ.) და ელენე დედოფალი კი ცოცხალიო: **„და მისცა მეფემან კონსტანტინემ იოვანე**

¹⁴⁷⁾ Исторія Арменіи Моис. Хоренскаго. Нов. пер. Эмина. 1893 г. შეად. გვერდები 132 და 135, ანუ §§ 86 და 88.

¹⁴⁸⁾ Hist. du Bas-Empire. I, p. 295-196.

¹⁴⁹⁾ Оск. Иегеръ, Всеобщ. Исторія. т. I. Спб. 1894 г. стр. 574-575.

¹⁵⁰⁾ ნახ. „Энциклопед. Словарь“ Брокг. и Ефрона. სიტყვა: „Константинополь“.

ეპისკოპოსი და ორნი მღვდელნი და ერთი დიაკონი, და წიგნი ელენე დედოფლისაჲ და ხატი მაცხოვრისაჲ და ძეღიწხოგრებისაჲ ნინოესთვის“.¹⁵¹⁾ მცირეოდენს დაბრკოლებას აქ მარტო იმაში ვპოვებთ, რომ ელენე დედოფლის გარდაცვალების თარიღი თვით მსოფლიო ისტორიაში ვერ არის ჯერ კიდევ საბოლოოვით დადგენილი. ბარონიუსი, ფლერი და Bouillet ჯვარი-პატიოსანის აღმოჩენის წლად ერთხმათ 326 წელს თვლიან,¹⁵²⁾ მაგრამ ესევე არ ითქმის ელენე დედოფლის გარდაცვალების ქრონოლოგიაზედაც. ბარონიუსით ელენე დედოფალი გარდაიცვალა იმავე წელს, როცა ჯვარი აღმოაჩინა, ე. ი. 326 წელს¹⁵³⁾, ბროკვაუზის ლექსიკონით ელენეს გარდაცვალება მოხდა 327 წელს,¹⁵⁴⁾ ხოლო Bouillet-ის „მსოფლიო ლექსიკონით“ ეს ფაქტი ეკუთვნის 328 წელს.¹⁵⁵⁾ ცხადია, ელენეს გარდაცვალების ქრონოლოგია 326 — 328 წლებ შუა ტრიალებს; და, ამიტომ, თუ გვსურს უკიდურეს შეცდომაში არ ჩავევარდეთ, საბერძნეთიდან საქართველოში სამღვდლოების მოსვლის წლად ის 326 წელი უნდა აღვიაროთ, რომლის ადრეც ელენე დედოფლის სიკვდილს არც ერთი ზემოთ დასახელებული წყარო არ იხსენიებს. ამავე წელს უნდა ეკუთვნოდეს მეფის, მისი სახლობისა და მცხეთელ ქართველების ნათლასდებაც.

ამას შემდეგ აღვილი გამოსაანგარიშებელია, თუ რომელ წელს უნდა მომხდარიყო მეფის **რწმენა** და ერის **მოქცევა**, ანუ თანხმობის გამოცხადება ახალი სარწმუნოების მიღებაზე, რომელსაც ქართული და ბიზანტიური წყაროები ერთნაირათ მოგვითხრობენ. რუფინისა და „ქართლის მოქცევის“ მოწმო-

¹⁵¹⁾ ქრონიკები. I, ვვ. 31.

¹⁵²⁾ Lebeau, loc. cit. I, p. 274; Натроевъ, Мцхетъ и его соборъ Свети-Цховели. стр, 160; Bouillet, „Dictionnaire universelle...“ Paris. 1861. ნაწილი I, გვ. 800.

¹⁵³⁾ ნახ. Lebeau, Hist. du B.-Empire. t. I, p. 274, არშიაზე.

¹⁵⁴⁾ ნახ. სიტყვა „Елена“.

¹⁵⁵⁾ Diction. Univers.“ t. I, p. 800.

ბით, ქართველთა მეფემ მოციქული კონსტანტინესთან მხოლოდ ეკლესიის აშენებას შემდეგ გაგზავნა,¹⁵⁶) ხოლო ეკლესიის აშენებას, როგორც რუფინი გადმოგვცემს, წინ-ურბოლა ერას „მოქცევაჲ“ წმ. ნინოსა და მეფე-დედოფლის ქადაგებით და ჩაგონებით.¹⁵⁷) უკეთუ ამ ორს ფრიად მნიშვნელოვან საქმეს (ერის ჩაგონებას და ეკლესიის აშენებას) სულ მცირე ორ-წელიწადნახევარს მაინც დაუთმობთ, მაშინ აღმოჩნდება, რომ მირიანის მოქცევა 323 წლის მეორე ნახევარში უნდა მომხდარიყო; მაშასადამე მეფე-დედოფლისა და ნინოს ჩაგონებით ერის მხრივ თანახმობის გამოცხადება არა უადრეს 324 წლის პირველი ნახევარისა, ხოლო ეკლესიის აშენება — არა უადრეს 325 წლის დამლევისა ან 326 წლის დამლევისა, რადგან, თუ რუფინს დავუჯერეთ, ეკლესია უბრალო არ უნდა ყოფილიყო: იგი შენდებოდა „ტყვის“ მიერ ნაჩვენები გეგმის თანხმად და „დიდებულათაო“ — „magnifice“.¹⁵⁸)

საყურადღებოა, რომ ჩვენმიერ ნაჩვენები თარიღი მირიან მეფის მოქცევისა (323 წლის მეორე ნახევარი) ძლიერ უახლოვდება იმ, აღბათ, გარდამოცემით შენახულს ცნობას, რომ მირიანის თვალთ-დაბნელება ნადირობის დროს, — რომელსაც ბიზანტიური და ქართული წყაროები თითქმის ერთნაირათ გადმოგვცემენ, — იგლისას თვის 20 რაცხვს, დღით შაბათს მოხდაო.¹⁵⁹) ოც ივლისს შაბათი 316—330 წლებ შუა მხოლოდ 323 წელს მოხვდებოდა.¹⁶⁰) — მსგავსადვე ყურადღების ღირსია მეორე სინქრონოზიული ცნობაც, სახელდობრ ის, რომ საჯვარე ხის მოკვეთა, რომლის ისტორიასაც, ქართულ წყაროებთან ერთათ, გაკვირთ მოსე ქორე-

156) შუად. Источники... стр. 6; ქრონიკები I, გვ. 31.

157) Источники... стр. 5.

158) ნახ. Источники... стр. 5, стр. 25 და стр. 6, стр. 2.

159) შუად. ქ.-ცხოვრება I, გვ. 117; „ახალი ვარიანტი...“ გვ. 40; აგრეთვე საქელესიო მუზეუმის ხელნაწერი № 160 გვ. 87, სტრიქ. 5-8 და გვ. 274, სტრიქ. 11-13.

160) ნახ. თ. ყორღანია, „ქრონიკები“ I, გვ. 30, შენიშვნა 62.

ნელიც მოგვითხრობს,¹⁶¹⁾ წმ. ნინოს „ცხოვრების“ შატ-ბერდისეული ვარიანტის თქმით, **მარტის თვის 25-დღეს, პარასკევს, მოხდა**.¹⁶²⁾ აღნიშნული წყაროების მოწმობით, საჯვარე ხის მოჭრა და ჯვრის აღმართვა იმ ადგილას, სადაც დღეს ეგრეთ წოდებული ჯვარის მონასტერია (არაგვის გაღმა, მცხეთის პირდაპირ, მთაზე), მირიან მეფისა და მცხეთელთა მონათვლის შემდეგ მოხდა,¹⁶³⁾ ე. ი. ჩვენის ანგარიშით იმავე 326 წელს. და ქრონოლოგიური ტაბელებიც ემოწმება, რომ 25 მარტი, 323 და 330 წლებ შუა, პარასკევს მხოლოდ 326 წელს მოდიოდა.¹⁶⁴⁾

ჩვენ პირადათ მაინც და მაინც დიდს მნიშვნელობას არ ვაძლევთ ამ სინქროლოგიურ ცნობათ წმ. ნინოს „ცხოვრებისას,“ რადგან თავისთავათ იგინი არაფერს არ ამტკიცებენ, და, თუ აქ ამაზე მაინც შევჩერდით, ეს მხოლოდ იმის გამო, რომ ზოგიერთი ჩვენი მკვლევარის ნაწერებში შეგვხვდა ისეთი ადგილი, სადაც იმავე სინქროლოგიური ცნობის ძალით (20 ივლისი, შაბათი) მირიანისმოქცევა 334 წელს არის დადებული, ხოლო ქართველთა მოქცევა კი 335 წელს.¹⁶⁵⁾ ჩვენ გვსურდა გვეჩვენებია, რომ აღნიშნული ცნობები ჩვენს თარიღებსაც ისეთისავე (თუ არა უფრო მეტის) სისწორით ეთანხმება, როგორც იმ ავტორებისას, თუმცა თავისთავად კი, ვგონებთ, არავითარი ისტორიული მნიშვნელობა არ უნ-

¹⁶¹⁾ ახალი ვარიანტი... გვ. 56-57; ქართლ.-ცხოვრება I, გვ. 128-129; შეად. *Исторія Арменіи Моис. Хоренскаго*, стр. 133.

¹⁶²⁾ ახალი ვარიანტი... გვ. 56: „და ესე (ზე) მოკვეთეს თვესა მარტსა კე-სა, დღესა პარასკევსა“.

¹⁶³⁾ უკვე ნაჩვენებ წყაროებს გარდა შეადარე კიდევ „მოქცევაი ქართლისაი“: „და ვითარცა მოვიდეს (ეპისკოპოსი და მღვდლები საბერძნეთით), ნათელი მოიღო მირიან მეფემან და დედოფალმან და ყოველმან სახლმან მათმან. ითხოვეს ზე, რათა შექმნან ჯვარი...“ (ქრონიკები I, გვ. 31).

¹⁶⁴⁾ თ. ეორდანია, ქრონიკები I, გვ. 30, შენიშვნ. 62.

¹⁶⁵⁾ ნახ. მ. კალ. ცინცაძის წერილის ბოლო. „ივერია“ 1893 წ. № 159, გვ. 3, სვრ. 5.

და ჰქონდესთ.¹⁶⁶) ამიტომ აღნიშნულ კითხვის გადაწყვეტაში ერთათ-ერთ გამოსადეგ ცნობად ჩვენ „ქართლის მოქცევის“ ის ადგილი მიგვაჩნია, რომელიც საბერძნეთიდან სამღვდლოების მოსვლას ჯვარი-პატიოსანის აღმოჩენის წელს მიაწერს, ე. ი. 326 წელს. მართალია, „ქართლის ცხოვრება,“ ეგრეთ წოდებული „სომხური ქრონიკა“ და წმ. ნინოს „ცხოვრების“ ზოგიერთი ვარიანტები „ძელი-ჭეშმარიტის“ ნაწილთა მოტანას საბერძნეთიდან სამღვდლოების მოსვლისა და მცხეთელთა მონათვლის შემდეგ მოიხსენებს;¹⁶⁷) მაგრამ რადგან აღნიშნული წყაროები ყველანი „ქართლის მოქცევის“ შემდეგ არიან ზოგნი შევსებულნი და ზოგნი კი შემუშავებულნი, ამის გამო ჯერ-ჯერობით ისევ იმ უუძველეს პირველ წყაროს უნდა დავემყაროთ, რომლის ცნობებიც, თვით უუსასტიკესის მკვლევარის ბ-ნ ივ. ჯავახვიშვილის სამართლიანი შენიშვნით, „საუკეთესოდ“ უნდა ჩაითვალოს საზოგადოდ ყველა იმ მასალებ შორის, რომელიც ჩვენ ქართულად, სომხურად და ლათინურად საქართველოში ქრისტიანობის გავრცელების და ნინოს შესახებ მოგვებობა.

ახლა ვიკითხოთ: რა პასუხის გამოტანა შეგვიძლია ყოვლისავე ზემო თქმულებიდან იმ კითხვის შესახებ, რომლითაც ეს თავი დავიწყეთ, სახელდობრ, როდის იქნა ქრისტიანობა გამოცხადებული ჩვენს ქვეყანაში მთავრობის მიერ ნებადართულ და სავალდებულო სარწმუნოებად?

166) როცა ამას ვამბობთ, სახეში გვაქვს პროფ. ბოლოტოვის აზრი ჩვენი წელთაღრიცხვის შესახებ. ნახ. Христ.-чтение, за 1898 г. апрѣль. Журн. Совѣта, стр. 256-257.

167) ქართლ.-ცხ. I, გვ. 126; Brosset, Addition. et éclaircis. p. 28; საეკლესიო მუზეუმის ხელნაწერი № 160, გვ. 127-128: „და ესე უკვე საცნაურ არს, რომელ იოანე კვალადცა წარგზავნეს წინაშე მეფისა კონსტანტინესა, ჭეშმარიტისა ძელისათვის... რომელიცა უკვე თვით მებრ მასოდენ ეაშა გამოიჩინა ღვთის მოყვარესა დელოფალსა ელენესა.“ — ბ. თ. ყორდანიას მოწმობით, ამასვე ამბობს შიო მღვიმის ხელნაწერი (ქრონიკები I, გვ. 30. შენიშვნა).

ამ კითხვის დაახლოვებითი პასუხი ასეთია: ეს მოხდა მაშინ, როცა ქართველთა მეფემ, მირიანმა, ქრისტე კეშმარიტ ღმერთად აღიარა, შემდეგ, რუფინის მოწმობით, შეჰყარა ერი და წინადადება მისცა, ქრისტეს რჯული მიეღო, ე. ი., ჩვენის ანგარიშით, **323 წლის მეორე ნახევარში.**

მაგრამ, რადგან, მართლმადიდებლობითი სწავლის მიხედვით, ეკლესია მხოლოდ მაშინ იწყებს კანონიერს არსებობას, როცა მას იერარქია უჩნდება, ამიტომ აღმოსავლეთის საქართველოს ეკლესიის დასაწყისად ჩვენ უნდა ჩავთვალოთ არა 323 წელი, არამედ 326 წელი, როდესაც ქართლში საბერძნეთიდან პირველი სამღვდელოება, მოვიდა და ხალხის მონათვლას შეუდგა. დასავლეთის ქართველთა შორის კი, როგორც უკვე ნათქვამი გვაქვს, ქრისტიანობის დასაწყისი მოციქულთა დრომდე აღწევს.

ს. გარგაძე.

(დასასრული იქნება)

ახალი მიხნიერული გამოკვლევათა სტატიის შესახებ

ხოლერის შესახებაც ისევე ითქმის, რაც ქლექის და ზოგიერთ სხვა გადამდებ სენის შესახებ, რომლის მიკრობი აღმოჩენილი იქმნა ამა თუ იმ მეცნიერის მიერ.

ასე, მაგალითათ, როდესაც კოხმა ქლექის მიკრობი აღმოაჩინა, და ამ გვარად გამოიკვა მიზეზი ამ სენისა, ყველა შიშმა შეიპყრო, ეხლა ყველანი იმ აზრისა იყვნენ, რომ საკმარისია აღამიანმა შეისუნთქოს ჰაერთან ერთად საკმარისი რიცხვი ქლექის ბაცილებისა, რომ ფილტვები მოეწამლოს, შეიქმნეს ქლექით ავითო. აქედგან წარმოსდგა შიში როგორც ამ ბაცილებისა, ისე ქლექით ავითყოფისა. სამწუხაროდ, ზოგიერთ ადგილას ეს შიში იმ ზომამდინ მიდის, რომ ქლექიანებს სრულებით უპატრონოდსტოვებენ, რადგან ეშინიათ მათი სიახლოვე.

შემდეგ კი აღმოჩნდა, რომ ეს ბაცილები არც ისე საშიში ყოფილა, რომ თითქმის ყოველ საღ აღამიანის სასულეში შეგიძლიანთ ჰპოვოთ სხვა და სხვა გვარი ბაცილები, რომლებთა შორის ძლიერ შხამიანებიცაა, უფრო ხშირად კი ქლექის ბაცილები, ხოლო აღამიანი კი უვნებელი რჩება. ასეთმა გამოკვლევამ ამ ბოლოს დროს შესცვალა წარმოდგენა ქლექის შესახებ და ძლიერ შეამცირა წინანდელი შიში ქლექისა და ქლექიანების შესახებ.

ესეთივეა ხოლერის ისტორიაც.

1883 წ. მეცნიერი კოხი მთელი ექსპედიციით გაგზავნილი იქმნა ეგვიპტეში და ინდოეთში ხოლერის შესასწავლათ და გამოსაკვლავათ. კოხმა ხოლერით ავადყოფთა გა-

ნავალში აღმოაჩინა ერთ გვარი ბაცილა, რომელიც თავის მოყვანილობით მოგვაგონებს ნიშანს მძიმეს *Kommabaelle*. ეს ბაცილა მოკლეა ქლექის ბაცილაზე, ხოლო კი უფრო მსხვილი და ნიშან მძიმესავით მოღუნულია.

ხელოვნურად შესაძლოა მათი გამრავლება ზოგიერთ მასაზრდოვებელ ნივთიერებაზედ მხოლოდ $+25^{\circ}\text{C}$ — $+40^{\circ}\text{C}$ სითბოში, ხოლო, თუ სითბო $+16^{\circ}\text{C}$ ნაკლებია, მათი ზრდა-გამრავლება ჩერდება, დახოცვით კი -0°C ნაკლებ სიცივეშიაც არ იხოცება.

კოხის აღმოჩენილი ხოლერის ბაცილა ბოლოს ნამდვილად დამტკიცდა და ყველა მეცნიერთა მიერ მიღებულ იქმნა. ყველა ხოლერიან ნაწლევებში შევიძლიანთ აღმოაჩინოთ ეს ბაცილა, ხოლო საღ ადამიანის ნაწლევებში კი სრულებით არ იპოვება.

მაშ თუ ყოველ ხოლერიან ავთმყოფის ნაწლევებში ნავალში უხამიანი ხოლერის ბაცილები ყოფილა, სჩანს, რომ ხოლერა საღ ადამიანს ხოლერით ავადმყოფისაგან გადაეღება. აქედგან კი ის დასკვნა გამოდის, რომ ხოლერით ავთმყოფი სწიში და მოსარიდებელია, მაშასადამე, ყოველი ღონისძიება უნდა მივიღოთ, რომ როგორმე ხოლერით ავთმყოფს ახლო არ მივეკაროთ, განსაკუთრებით კი ყურადღება მიექცეს ასეთ ავთმყოფის განავალს, რადგან მასშია ხოლერის უხამი—ცოცხალი უხამიანი ბაცილები.

აი, ასეთი წარმოდგენაა დღესაც ხოლერაზე და ხოლერით ავთმყოფზე. ასეთი აზრი მეფობს საზოგადოებაში და თვით მეცნიერთა უმეტეს ნაწილშიაც!

ჯერ კიდევ ამ ოცდა ათი წლის წინად სახელოვანთქმული მეცნიერი პეტენკოფერი იმ აზრისა იყო, რომ ხოლერა ხოლერით ავადმყოფებისაგან არა ვრცელდება, რომ ხოლერით ავადმყოფი არ არის ისეთი საშიში, როგორც, მაგალითად, ყვავილიანი, ხუნაგანი და სხვა ამ გვარი ავთმყოფი, რადგან ხოლერით ავადმყოფის განავალში მყოფი ხოლერის ბაცილები იმდენად სუსტია, რომ საღ ადამიანის მოწამვლა არ ძალუძს.

ამასავე ამტკიცებდა ცნობილი მეცნიერი ერისმანი თავის სამეცნიერო თხზულებაში, რომელიც მან გამოსცა 1893 წელს,

ამ ბოლოს დროს მრავალი ახალი გამოკვლევანი გამოაქვეყნეს მეცნიერებმა, რომლებიც ნათელს ჰფენენ ამ კითხვას და რომლებითაც მტკიცება ამ ზემოდასახელებულ მეცნიერთა აზრი.

მრავალი ცდა ლაბორატორიაში მოხდენილი უარჰყოფს იმ აზრს, რომ ვითომ განავალში მყოფ ხოლერის ბაცილებს ისეთი შხამი ჰქონდეს, რომ შეეძლოს საღი ადამიანის მოწამვლა.

თვით კობმა მრავალჯერ სცადა მოეწამლა ხოლერით ავადმყოფის განავალით ძაღლი, თაგვი, ქათამი, მაგრამ ამაოდ.

მარსელის ნაციონალური სამედიცინო კომისია, ხანგრძლივი მსჯელობის შემდეგ, ბოლოს იმ დასკვნას დაადგა, რომ ხოლერით ავადმყოფის კუჭში და ნაწლევებში არ არსებობს ისეთი შხამი, რომლითაც შესაძლო იყოს საღი ადამიანის მოწამვლა.

1884 წ. ხოლერობის დროს პარიზში Kochetonatine-მა გადაყლაპა აბები, ხოლერით ავადმყოფის განავალისაგან მომზადებული, ხოლო სრულებით უვნებელი დარჩა.

Hueppe-ს მოჰყავს შემდეგი ფრიად საინტერესო შემთხვევა: ერთმა ბავშვმა სულ მთლად შესჭამა ხოლერით ავადმყოფის განავალი, თურმე ფაფა ჰგონებია, შესჭამა, მაგრამ ავად მაინც არ გამხდარა.

არც მეცნიერი Klein-ი გამხდარა ხოლერით ავად, რომელმაც ბომბეიაში ისეთი სითხე დალია, რომელიც მოწამლული იყო ხოლერის ბაცილებით.

Pettenkofer-მა და Emwrich-მა საცდელათ რამდენიმე მილიარდი ხოლერის ბაცილები გადაყლაპეს; ეს ბაცილები, ხოლერით ავადმყოფის განავალიდგან მიღებული, ხელოვნურად მოაშენეს ლაბორატორიაში; თუმცა თვითყელმა, ვიმეორებთ, მილიარდები გადაყლაპეს, ხოლერით მაინც ავად არ დახდნენ.

პროფ. ერისმანს თავის თხზულებაში შემდეგი ამბავი მოჰყავს: ევროპის ერთ ქალაქის სატუსალოში გაჩნდა ხოლერა, ტუსაღთა რიცხვის შესამცირებლათ მთავრობამ გადაწყვიტა ზოგიერთ მათგანის განთავისუფლება და შინ დათხოვნა. ამ გამოშვებულთ შორის იყო ერთი ხოლერიანიც; თუმცა ავადმყოფი ცუდად გრძობდა თავს, მაგრამ გზას მაინც გაუდგა: ხან ფეხით მიჩანჩალებდა, ხან-კი, თუ შემთხვევა ნებას მისცემდა, მიდიოდა ეტლით. რაღა თქმა უნდა, რომ სადაც მან გაიარა, ყველგან დასტოვა თავის განავალი, მაშასადამე, მოსალოდნელიც იყო, რომ ყველა გავლილ სოფლებში ხოლერა უნდა გაჩენილიყო, ხოლო ნამდვილად აღმოჩნდა, რომ არსად იმ ადგილებში ხოლერით არავინ ავად არ გამხდარა.

თუ მართლა ხოლერით ავადმყოფი საშიშია და მოსარიდებელია, თუ მართლა მის ნაწლევებში და განავალში ნამდვილი ხოლერის შხამია, რომელსაც შეუძლიან საღი ადამიანი მოსწამლოს, მაშ ყველაზე ადვილად ვის უნდა შეეყაროს ხოლერა? ექიმებს, ფერშლებს და სხვა იმ პირთ, რომლებიც სწამლობენ და უვლიან ხოლერით ავადმყოფებს, იმათ, ერთი სიტყვით, რომლებსაც ყველაზე უფრო მეტი სიახლოვე აქვთ ხოლერით ავადმყოფებთან.

მართლაც გაიხსენეთ სხვა გადამდები სენი — ხუნაგი, სახადი, წითელა, მაშინვე მოგაგონდებათ, თუ რამდენი ექიმები და სამედიცინო პერსონალის პირნი იღაუპება, ნამეტურ უფრო მეტი სახადით იწამლება, რადგან ეს სენი ყველაზე უფრო გადამდებია.

ყოველ ომის დროს ჯარის უმეტესი ნაწილი იხოცება სხვა და სხვა გადამდებ სენით, უმეტესად კი სახადით და სწორედ ამ დროს ექიმები და საავადმყოფოს სხვა პირნიც შეიქმნებიან მსხვერპლათ და იხოცებიან.

ეხლა ხოლერობის დროს რას ვხედავთ?

ძლიერ იშვიათი შემთხვევაა, რომ ხოლერობის დროს

ექიმები და საექიმო პერსონალის სხვა პირნი ხოლერით ავით გამხდარიყვნენ. ასე, მაგალითად, პროფ. ერისმანს ძლიერ საგულისხმიეროდ მიაჩნია ის ფაქტი, რომ მიუნხენის საავთმყოფოში, სადაც რამდენიმე ათასი ხოლერიანი იწვა, არც ერთი ექიმი და საავადპყოფოს მსახური ხოლერით ავით არ გამხდარა.

1892 წ. ხოლერობის დროს მთელ რუსეთში მხოლოდ რამდენიმე ექიმი გახდა ხოლერით ავით.

პროფ. ერისმანს მოჰყავს შინაარსი ბაქოს ქალაქის თავის ტელეგრამისა. ამ ტელეგრამაში ნათქვამია, რომ არც ერთი მიწვეულ ექიმი ავით არ გამხდარა ხოლერით, თუმცა კი, როგორც მკითხველს ახსოვს, ხოლერა მაშინ ბაქოში ძლიერ მძინვარებდა.

ეს და სხვა მრავალი ფაქტი ნათლად მოწმობენ, რომ ხოლერით ავთამყოფი არ არის საშიში, ხოლერა ხოლერით ავთამყოფისაგან საღ ადამიანზე არ გადადის. ხოლერით ავთამყოფის განავალში მყოფი ხოლერის ბაცილები იმდენად სუსტია და მოკლებულა შხამს, რომ არ ძალსუძს საღი ადამიანის სხეულის მოწამლვა.

სულ უკანასკნელი გამოკვლევანი Emmerich-ის და pemünd-ისა საფეხებით ეთანხმება პეტენკოფერის და ერისმანის მიერ გამოთქმულ აზრს ხოლერის ბაცილების შესახებ.

ამ შემო დასახელებულ მეცნიერთა გამოკვლევადგან სჩანს, რომ ხოლერის ბაცილები მხოლოდ მაშინ ხდებიან შხამიანები, როდესაც იგინი ხოლერით ავთამყოფის განავალთან ერთათ მოხვდებიან შესაფერ მიწის ნიადაგს: აი აქ, მიწაში, თუ გარემოებანი, რომლებზედაც ჩვენ ქვემოდ გექნება ბაასი, ხელს შეუწყობენ, იწყებენ გამრავლებას, იძენენ მეტს ძალას და თავიანთ ნამდვილ შხამს.

ყოველ გვარ მიწის ნიადაგში როდი შეუძლიანთ მათ გაცოცხლება; ამისათვის საჭიროა ნიადაგი ფხვიერი, მხოლოდ ოდნავ ნესტიანი, მდიდარი გახრწნილ ორგანიულ ნივთიერებით. ხოლერის ბაცილებისთვის სრულებით უვარგისია თიხ-

ნარი და კლდიანი ნიადაგი. საუკეთესო დრო ბაცილების გამრავლებისათვის არის ზაფხულის ცხელი დღეები, როდესაც ნიადაგის ზემო პირი გახურებული და მშრალია.

თუ რომ მიწის ნაჩვრეტები იმდენად ნესტიანია, რომ მათში ჰაერს ადგილი აღარა აქვს, ბაცილების გამრავლება ჩერდება.

როდესაც მიწა მშრალია, სითბოც მეტი აქვს, რაც ბაცილების გამრავლებისათვის აუცილებელ საჭიროებას შეადგენს, ხოლო ნესტიანი კი უფრო ცივია. ასე, მაგალითად, ნიადაგის ერთ გოჯის სიღრმეზე ზაფხულის თვეში $+20^{\circ}\text{C}$ — $+30^{\circ}\text{C}$ -სითბოა. აი ასეთი სითბოა საჭირო მათთვის. გარდა ამისა ასეთ მშრალ ნიადაგში, როდესაც ზემოდგან მზურვალე ზაფხულის მზე აცხუნებს, იხოცება მრავალი სხვა გვარის მიკრობები, რომლებიც ხელს უშლიან ხოლერის ბაცილების გამრავლებას, არსებობისათვის ბრძოლით გამოწვეული.

ამავე მეცნიერთა გამოკვლევებიდან სჩანს, რომ ხანგრძლივი წვიმის შემდეგ ხოლერით ავადმყოფთა რიცხვი მცირდება. გარდა იმისა, რომ წვიმის დროს მიწის ნიადაგის ნაჩვრეტები ივსება წყლით, მაშასადამე, იქ ჰაერი აღარ რჩება, წვიმის წყალი რეცხავს ნაჩვრეტებს და ქვემოლ ჩააქვს ყოველგვარი ორგანიული ნივთიერება, რომლითაც საზრდოებს ხოლერის ბაცილები. აქვე ისიც უნდა გავიხსენოთ, რომ წვიმების დროს ნოტიო მიწას აკლდება სითბო.

ჩვენ ზემოდ ვსთქვით, რომ ხოლერის ბაცილებს უყვარს გამრავლება იმ ნიადაგში, სადაც უფრო მეტი უსუფთაობაა, სადაც ნიადაგი მდიდარია ორგანიულ ნივთიერებით. ამას დიდი პრაქტიკული მნიშვნელობა აქვს ჩვენთვის: სჩანს რადიდი მნიშვნელობა აქვს სისუფთავეს ეზოებისას, ქუჩებისას, საზოგადოდ ყოველ გვარ სანიტარულ ღონისძიებას.

მიწაში გამრავლებული და გაცოცხლებული ხოლერის ბაცილები ეხლა კი ადამიანისთვის საშიშია, სწორედ ეხლაა, რომ ადამიანი მოიწამლება მათი შხამით და გახდება ხოლერით ავად.

რა გზით და საშუალებით მოიწამლება ადამიანი?

მიწიდგან ხოლერის შხამი გადააქვთ სხვა და სხვა სულიერ არსებათ: თავგებს, ბუზებს, კიან ჭველებს, კია-ლუებს და სხვებს, ესენი სწამლავენ სანოვავეს, რომლითაც იწამლება ადამიანი. ძლიერ დიდი მორიდებაა საჭირო ბუზების მხრივ, საჭიროა ხოლერობის დროს სასმელ-საქმელი დახურული იყოს ბუზებისაგან.

იქ, სადაც სისუფთავეა, ნიადაგი მიწისა სუფთაა ნაგვისაგან და სხვა გვარ უსუფთაობისაგან, სადაც ყურადღებაა მიქცეული, რომ ხოლერით ავთმყოფის განავალით არ მოიწამლოს ნიადაგი, იქ ხოლერა არ გაჩნდება, მოარულის ხასიათს მაინც მოკლებული იქნება, გავიხსენოთ ლონდონი: წინად, ხოლერა გაჩნდებოდა თუ არა, საშინლად მოედებოდა ყველა უბნებს, ხოლო მას შემდეგ, რაც გაიწმინდა ქალაქი, დასუფთავდა უბნები, ხოლერამ სრულებით დაივიწყა ეს ქალაქი.


ასევეა ბაქოშიაც: 1892 წ. ხოლერა ძლიერ მოედო ბაქოს, მრავალი ხალხი გახდა ხოლერით ავთ; ეხლა კი, ამ ხოლერობის დროს, როდესაც ყოველი სანიტარული ღონისძიება იყო მიღებული, ხოლერით თითო-ორჯოა ადამიანი ხდებოდა ავთ.

მაშასადამე, ახალი გამოკვლევანი გვიჩვენებენ, რომ ხოლერით ავთმყოფი არ არის საშიში, მისგან საღ ადამიანს არ გადაედება ეს სენი, მხოლოდ საშიშია ის ადგილი, სადაც ხოლერით ხდებიან ავთ, რადგან იქ ნიადაგი მოწამლულია ხოლერის შხამით.

ამ დღეებში მქონდა შემთხვევა ბაასისა ცნობილ ბაქტერიოლოგ გამალეისთან, რომელიც დიდ მნიშვნელობას აწერს მიწის ნიადაგს ხოლერის გავრცელებაში; ეს მეცნიერი დიდ მნიშვნელობას აძლევს ხოლერის გავრცელებაში დასაღვეს წყალს: იქ, სადაც მიწის ნიადაგი მოწამლულია ხოლერის შხამით, წყალიც მოწამლულია, ამიტომ ყველასთვის საჭიროა ადუღებული წყლის ხმარება დასაღვეათო.

პრივატ-დოცენტი ზლატოგორევი დაბრუნდა თავრიზი-
დგან, სადაც მან რამდენსამე ათასს კაცს აუცრა ხოლერის
წინამლდევ ახლად გამოგონილ სითხით. თვით ეს მეცნიერი
დიდ განმკურნავ თვისებას აწერს ამ სითხეს და ამტკიცებს, რომ
ვისაც დროზედ აუცრიან, იმას ხოლერა აღარ შეხვდებაო. ამ
აქრას კიდევ ხანგრძლივი დაკვირვება სჭირია.

ექიმი ბადრაძე.



ნ ა რ მ ე ბ ი

1) ბაქტერიოლოგია სკოლაში.—2) ახალი შაქრიანი მცენარე.—3) ნერვების აშლა.—4) საიდან მიეცეს გლებ-კაცს მისთვის საჭირო მიწა?—5) ხალხის განვითარება და ხარჯის სამართლიანობა.—6) ინგლისური სახელმწიფო წესწყობილება.—7) ალექსანდრე პირველის კონსტიტუცია.—8) შილერის სახსოვრად.

ბაქტერიოლოგია სკოლაში. ჩიკაგოელი დოქტორი მანვარინგი ამტკიცებს, საზოგადოება რომ ოდნავ მაინც იცნობდეს ბაცილებების ყოფა-ცხოვრებას, მრავალი ავადმყოფობა შეუმსუბუქდებოდა კაცობრიობას და მეტადრე სიკვლეკოვის არ გინახავთ ქლეკი, რომელიც არავითარ ღონისძიებას არ ხმარობს, რომ თავისი სენი თავისიანებსაც არ შეჰყაროს. ავკაცობით კი არ მოსდის ეს გაუფთხილებლობა, უცოდინარობით, რადგან სრულიად არა იცის რა ამ საშინელი სენულების გადადებისა და დაწყებისა. დოქტორი მანვარინგი და მასთან ერთად თანამედროვე ჰიგიენისტები იმ აზრისანი არიან, რომ ბაქტერიოლოგიის გაცნობა ისე შეამცირებს სიკვლეკეს, რომ იშვიათად გახდის სიკვლეკით ავადმყოფობას; ამისთვის საჭიროა საშუალო სასწავლებელში და სახალხო უნივერსიტეტში ბაქტერიოლოგიის დასაწყისს ასწავლიდნენ, ანბანს ამ მეცნიერებისას, სულ უბრალო ხარჯი დასკირდება ჭურჭლის შეძენას, რომლის წყალობით ბაქტერიების გამრავლებას აჩვენებენ მოსწავლეთ ჰაერში, წყალში, რძეში, წვენიში და აგრეთვე გავლენას სითბო-სიცივისას, მზის სხივისას და სხვა და სხვა წამლებისას ბაქტერიებზედ; უმთავრესი ყუ-

რადღება, რასაკვირველია, მიქცეული იქნება გაფთხილებაზედ, რომ ადვილად აიკლინოს კაცმა ყოველი გადამდები სენი.

**

ახალი შაქრისა მცენარე აღმოჩნდა სამხრეთ ამერიკაში და აქამდე ცნობილ ყველა მცენარეზედ (ლერწამი, ჯარხალი) სამჯერ მეტი სიტკბოება აქვს. ბალახია, 10 ვერშოკის სიმაღლე. მეცნიერული სახელი ამ მცენარისა არის *Eupatorium rebaudianum*. ამ ახლო მომავალში გამოიკვვევა მისი მრეწველობითი გამოყენება და, თუ შაქრის გასაკეთებლად ივარგა, მეტად უნდა გაუდვილოს ღარიბ ხალხს შაქრის ხმარება საქმელ-სასმელში.

**

ნერვების აშლა. დოქტორი ჰოზერი ამტკიცებს, საშინლად იმატა ამ უკინასკნელ ხანს ნერვებით ავადმყოფობაო. ნერვების სნეულებანი წინადაც არსებობდნენ, მაგრამ ამდენ ნაირი კი არა, რაც დღეს არსებობს. საფრანგეთში, მაგალითებრ, 1861 წლის პირველ იანვრისთვის ირიცხებოდა 35 ათასი შეშლილი; ათი წლის შემდეგ—39 ათასი; ათი წლის შემდეგ 47558. იდიოტების და კრეტინების რიცხვი 1883 წელს 38 ათასი იყო, შვიდი წლის შემდეგ 65937. განსაკვირებელ სისწრაფით იზრდება ლოთობისაგან გამოწვეული სიგიჟე; ინგლისში 1866 წელს 35 ათასი კაცი იყო არყისაგან გაგიჟებული, 1897 წელს 99 ათასი. არყის გარდა მორფინიც სწეწავს ადამიანის ნერვებს. საფრანგეთში გაცილებით ნაკლებსა სმენ არაყს, ვიდრე ინგლისში, მაგრამ ზოგან სულზე 18 ჩარეჟი იხარჯება წელიწადში, ზოგან 16 ჩრდილოეთით; სამხრეთისკენ ნელ-ნელა მცირდება რაოდენობა დაღეული არყისა: ნიცცაში სულზედ 4 ჩარეჟს ანგარიშობენ და მონპელიეში სამს.

**

საიდგან ქაეცეს გლეხ-კაცს მისთვის საჭირო მანა? ძველის-ძველი კითხვაა, რომელმაც არა ერთი ხალხისთვის თავდადებული ვრაჟი იმსხვერპლა, მაგრამ დღესაც ისეთივე

ახალი და მწვავია, როგორადაც უწინ იყო. ამერიკელი ეკონომისტი ანრი ჟორჟი ასეთ პასუხს გვაძლევს ამ კითხვაზე:

საკუთრება წმინდა და ხელშეუხებელი. ადამიანი რომ თევზს დაიჭერს, ვაშლის ხეს გაზრდის, სახლს აიშენებს, ტანსაცმელს შეიკერავს, **საკუთრებად აქვს თავისი შრომის ნაყოფს** და მასთან ერთად უფლებას, ვისაც უნდა იმას აჩუქოს, მიჰყიდოს, ან უანდერძოს თავისი საკუთრება. დედამიწა კი ჩვენი შრომის ნაყოფი არ არის და მაშასადამე არავის შეუძლიან დაისაკუთროს იგი; დედამიწა ღვთის გაჩენილია და თანასწორად ეკუთვნის ყველა ადამიანს, დროებით, რასაკვირველია, რადგან წუთი სოფლის სტუმრები ვართ. ყველა ადამიანს აქვს მაშასადამე უფლება მოითხოვოს თავისი წილი მამული და, რადგან საზოგადოებრივ ცხოვრებას თავისი ხარჯი აქვს (სკოლები, გზები და სხვ.), ამ მამულის ხვედრი ხარჯიც გაიღოს.

სახლს რომ ვადებთ ხარჯს, თანხას, ქარხანას, მანქანებს, ჩვენ ვარღვევთ უფლებას საზოგადოების წევრებისას, რადგან ეს სახლი, თანხა, ქარხანა მათი საკუთრებაა და სხვის საკუთრებას არ უნდა ვეხებოდეთ. მიწას რომ ვადებთ ხარჯს, საზოგადოების წევრს ქირას ვახდევინებთ საზოგადოებრივ საკუთრების ესე იგი მამულის ხმარებისას. ამიტომ, საცა სამართალია, ყველა ხარჯი უნდა მოისპოს და დაწესდეს ერთდერთი ხარჯი მამულზე.

წარმოვიდგინოთ, რომ ერთს ქვეყანაში ორს მემამულეს ეკუთვნის მთელი მიწა; ერთი მეტად მდიდარია და პარიზში ქეიფობს; მეორე თავის მამულში ცხოვრობს და მუშაობს; იქვე ცხოვრობს ასი კომლი გლეხკაცი და უმამულო ხელოსნები, ვაჭრები და მოხელეები. დარწმუნდა ეს ხალხი, რომ მიწა საზოგადო კუთვნილებაა და ამისდაკვალად უნდათ მოაწყონ ცხოვრება.

მაგრამ როგორ?

რომ წაართვან, ვისაც რა უჭირავს, და გამოაცხადონ— დაიჭირეთ, ვისაც რა მოგწონთო!— არ ივარგებს, რადგან

კარგ მიწებს მრავალი მსურველი აღმოუჩნდება და უსიამოვნობა ჩამოვარდება. შეერთდნენ და ერთად ხნან, ერთად სთესონ, და მერმე მოსავალი გაიყონ? ძნელია, რადგან ზოგს საქონელი ჰყავს, ზოგს არა, ზოგი შრომის კაცი, ზოგი არა, და წაიჩხუბებიან. იმდენ ნაჭრად რომ გაჰყონ, რამდენნიც არიან, ვერ შორიგდებიან, რადგან ზოგს კარგი მამული შეხვდება, ზოგს მწირი, და, გარდა ამისა, არ შეიძლება სახნავიც იყოს ერთ ალაგას, სათიბიც, ტყეც. ცალ-ცალკე დაურიგონ ყველას სახნავი ცალკე, სათიბი ცალკე? ერთი დღისა რომ აქ ერგოს, ერთი დღისა სამის დღის სავალზე შეხვდება.

რადგან ეგ მოუხერხებელია, ვისაც რა სჭირია, იმასვე უტოვებენ, ოღონდ საზოგადოებრივ ცხოვრების ყოველ ხარჯსაც იმასვე ადებენ. ამ გვარად საზოგადოებრივს მთელ ხარჯს იხდის ის, ვინც მამულს მფლობელობს; სხვანი აღარავითარ ხარჯს არ იხდიან.

გაუჭირდება პარიზში მოქციეფე მემამულეს ხარჯის გაღება და გამოაცხადებს: ოღონდ ხარჯი მომაშორეთ, ისარგებლეთ ჩემი მამულით, მე თუნდა ნურათფერს მომცემთო. მეორე მემამულეც აგრეთვე იზამს, თუ იმაზედ მეტი მამული აქვს, ვიდრე თითონ შეიმუშავებს. და მათგან თავისუფლად გამოცხადებულს მამულს გლეხი კაცი დაუწყებს მოვლას, თითონაც იცხოვრებს და საზოგადოებრივ ხარჯსაც გადაიხდის. გლეხიკაცი უკეთ მოუვლის, რადგან უყვარს და იცის კიდევ მიწის ყადრი; საზოგადოებაც არას წააგებს, რადგან მრავალს, ყოვლად უსამართლო ხარჯისაგან გათავისუფლდება.

**

ხალხის განვითარება და ხარჯის სამართლიანობა. საცა იმდენად განვითარდა ხალხი, რომ თავისი მოთხოვნილება გამოაცხადა, — რაკი ხარჯს ვიხდი, ანგარიშიც მაჩვენეთ, რაზედ ხარჯავთ ჩემს ფულსაო? — გადასახადიც შესამჩნევად შემცირებულია და სამართლიანიცაა. ჩვენში კი, — ფული! ფული! უყვირის ხალხს ბიუროკრატია და მუხრუქს უჭერს, რომ რაც შეიძლება მეტი გაჰოალებინოს. რამდენს ართმევს, ან რის-

თვის, რაზედ ხარჯავს, ეგ თითონ იცის: ფული მომეცით და ანგარიში კი თქვენი საქმე არ არისო! ბელგიაში ხალხი თავის შემოსავლისას ასზედ ექვსს იხდის ხარჯად; ინგლისში 7—8; ჩვენს კურთხეულ სახელმწიფოში ასზედ—ოცს.

1903 წელს სახელმწიფო ხაზინას ჰქონდა შემოსავალი 2.203 მილიონი მანეთი; აქედან 542 მილიონი არყისა გახლდათ და 453 მილიონი რკინის გზებისა.

პირდაპირი ხარჯი სულზედ 98 კაპ. იყო და ფარული 5 მანეთი და სამი შაური, პოშლინების გარდა. ფარულ ხარჯში უმთავრესი ადგილი უჭირავს აქციზს, სულზედ 4 მანეთი და 43 კაპ. (სასმელები, ნავთი, თამბაქო, შაქარი, ასანთი და სხ.) აქციზი რომ არ სდებოდა, გაცილებით იაფი იქნებოდა ნავთიც და შაქარიც.

ჩაიზედ დამოქნის ბაჟი შემოვიდა 44 მილიონი მანეთი, ესე იგი 1903 წ. განმავლობაში დახარჯული ჩაი რუსეთს 44 მილიონით ძვირად დაუსვეს, ვიდრე ღირდა. რამდენად აძვირებს ჩაის ეს ბაჟი, იქიდან სჩანს, რომ 1897 წელს გირვანქა ჩაიზედ რუსეთი იღებდა 79 კაპეიკს, ინგლისი კი 17 კ. ამიტომ გირვანქა ჩაი ღირდა რუსეთში მანეთ-ნახევარი, ინგლისში კი ათი შაური. ამის პირდაპირი შედეგი ის იყო, რომ თითო სულზედ იხარჯებოდა ჩაი რუსეთში წელიწადში 86 მისხალი, ინგლისში კი 643.

ინგლისური სახელმწიფო წესწყობილება. „ხელმწიფობა“ ინგლისში ეკუთვნის მეფეს, ლორდთა კრებას და ხალხის წარმომადგენელთა კრებას. მეფის უფლება სასტიკად არის განსაძღვრული კონსტიტუციით. მეფეს თავისად არაფრის უფლება არა აქვს; თავის უფლებების განხორციელებას მეფე მიანდობს მინისტრთა კრებულს; მინისტრები პასუხის მგებელნი არიან ხალხის წარმომადგენელთა კრების წინაშე. ამგვარად მეფე მეფობს, მაგრამ სახელმწიფო საქმეებში კი არ ერევა და არას განაგებს. მეფეს შეუძლიან მოიწონოს, ან დაიწუნოს რაი მეკანონი, ორივე კრების მიერ მოწონებული, მაგრამ ამ შემთხვე-

ვაშიც იგი უნდა დაემორჩილოს მინისტრთა კრებულს და მის თავმჯდომარეს, რომელთაც ხალხის წარმომადგენელთა კრების უმრავლესობა ჰყავს თანამოაზრედ. მეფეს უფლება აქვს აგრეთვე თავის ნებით დაითხოვოს მინისტრთა კრებული, მაგრამ ეგ უფლება ცარიელი სიტყვაა და საქმით კი მეფე იძულებულია დაემორჩილოს ხალხის წარმომადგენელთა კრების იმ პარტიას, რომელიც უმრავლესობას შეადგენს და მხარს აძლევს მინისტრებს.

კონსტიტუციის ძალით ორივე კრებას (ლორდებისას და ხალხის წარმომადგენლებისას) აქვს შინიჭებული კანონმდებლობითი უფლება, ოღონდ ერთი უპირატესობა აქვს ხალხის წარმომადგენელთა კრებას: სახელმწიფო შემოსავალ-გასავლის აღრიცხვა, ახალი ხარკის შემოღება, ან ძველის შეცვლა ეკუთვნის მარტო ქვემო პალატას (ხალხის წარმომადგენელთა კრება,) რომელიც უკვე შედგენილს, მზამზარეულს უგზავნის თავის მოაზრებას ზემოპალატას (ლორდების კრებას); ზემო პალატას ნება აქვს მიიღოს იგი, ან არა, მაგრამ შეცვლით კი არაფრის შეცვლის უფლება არა აქვს. ამ მხრივ ზემო პალატა ქვემო პალატას ემორჩილება და კარგსაც შვრება, რადგან სახელმწიფო შემოსავალ-გასავლისა და ხარკის საქმე ისე კარგად არის მოწყობილი, რომ ინგლისს შენატრის განათლებული კაცობრიობა.

მეცნიერება ამტკიცებს, სახელმწიფომ ხარჯი მარტო იმათ უნდა ახდევინოს, რომელთაც საცხოვრებლად საჭირო ზედ მეტი შემოსავალი აქვთო. შემოსავალზედ დადებული სახელმწიფო ხარჯი ინგლისში სწორედ ამ პრინციპზედ არის დამყარებული და ვისაც წელიწადში შემოსავალი ას.სამოცი თუმანი აქვს, ან ნაკლები, არავითარ ხარჯს არ იხდის, რადგან ასსამოცი თუმანი არის დადებული საცხოვრებლად საჭირო უმცირეს ნორმად. ვისაც მეტი აქვს შემოსავალი, სახელმწიფო ხაზინის სასარგებლოდ იხდის ასზედ ხუთს. რაოდენობა ამ ხარჯისა დამოკიდებულია ხაზინის მდგომარეობაზედ: ვიდრე ბურებთან ომი ატყდებოდა, ასზედ $3\frac{3}{4}$ იხდიდნენ; ბურებ-

თან ომის დროს $6\frac{1}{4}$, და ამ ასი წლის წინად ნაპოლეონ-თან ომის დროს 10.

იგივე მეცნიერება ამტკიცებს, ათასი თუმნის პატრონი უფრო ადვილად გაიღებს მეათედს თავის ქონებისას, ვიდრე ასი თუმნის პატრონი, რადგან იმას ცხრაასი თუმანი დარჩება და ცხოვრება არ გაუჭირდება, ასი თუმნის პატრონს კი 90-ლა დარჩება და ღარიბი უარესს სიღატაკეში ჩავარდებაო. ამ მხრივ კი სრულიად ვერ განუხორციელებია ჯერ-ჯერობით ინგლისის სასურველი პრინციპი და 1600-დგან 7000 მანეთამდე ასზედ უფრო ნაკლები გადასახადია დადებული, ვიდრე 7000 მან. ზევით, თუმცა აქ კი განსხვავება აღარ არის და 7000 მ. ექნება კაცს შემოსავალი, თუ ასჯერ მეტი, მაინც თანაბარ ხარჯს იხდის.

დიდი ხარჯი ადევს მემკვიდრეობას: ადამიანი რომ მემკვიდრეობას მიიღებს, სრულიად დაუმსახურებელ ჯილდოს იღებს და მაშასადამე ხაზინამაც უნდა ისარგებლოსო, რამდენადაც მეტია მემკვიდრეობა, იმდენად მეტია ხარჯი: 1000 მანეთის მემკვიდრეობიდან 10 მან. იხდის მემკვიდრე 5000-დგან 100 მან., 10000-დგინ 300 და ასი მილიონიდან 8 მილიონს.

სახაზინო სახარჯო კითხვების გარდა სხვა ყოველი უფლებით ერთნაირად სარგებლობს ორივე პალატა. ზემო პალატას ნება აქვს სრულიად დაიწუნოს ქვემო პალატის დადგენილება, შეასწოროს იგი, ან თავისი ინიციატივა გამოიჩინოს კანონმდებლობაში. ამ უფლებებით ხშირად სარგებლობს ზემო პალატა და ხალხის წარმომადგენელთა, ესე იგი ხალხის სურვილის განხორციელებას აბრკოლებს. ზემო პალატის წევრები არ არიან ხალხის ამორჩეულნი და მის სურვილის გამომთქმელნი; ზემო პალატის წევრობა მემკვიდრეობით ხვდება უფროსს შვილს თავადისას, გრაფისას, მარკიზისას, ლორდისისას; მათ გარდა ზემო პალატაში ბრძანდებიან ყველა ეპისკოპოსები. ზემო პალატაში ნ9მ წევრია და ეს პალატა ინგლისის წარმომადგენელი კი არა, მდიდარ თავად-აზნაურ-

თა წარმომადგენელი და მათი ინტერესების დამცველია. ამიტომ არის, რომ დიდებულთა ინტერესების დამრღვევ რაიმე კანონს, თუნდა ერთხმითაც მიიღოს იგი ქვემო პალატამ, ზემო პალატა უარჰყოფს და დიდიხნით აჩერებს.

ამ შემთხვევაში მეფეს შეუძლიან დიდი დახმარება გაუწიოს ქვემო პალატას და სასურველ კანონის განხორციელებას: მეფეს უფლება აქვს მიანიჭოს, ვისაც უნდა, ლორდის ღირსება; თუ გაჯიუტდა ზემო პალატა და არ დააკანონა ქვემო პალატის მიერ მიღებული რაიმე დადგენილება, მეფე ცარიელი მუქარით სჯობნის ლორდებს: არ გნებავთ? მაშ იმდენს კაცს ვუბოძებ ლორდობას, რომ ზემო პალატაში უმრავლესობა კანონის მომხრე გამოდგესო. ამ მუქარის გამართლებისა ძალიან ეშინიანთ ლორდებს, რადგან ახალი ლორდები ხალხის მომხრენი იქნებიან, რასაკვირველია, და დიდებულ ლორდთა ღირსებასაც დაამცირებენ — რა რომ ტურფა გაიაფდესო, ხომ გახსოვთ? — და ემორჩილებიან მეფეს და ქვემო პალატის დადგენილებას. მაგრამ, რადა მეფემ თავის სასარგებლოდ არ გამოიყენოს ეს უფლება, საქმე ისეა მოწყობილი, რომ მეფე ლორდობას მარტო მინისტრთა კრებულის თავჯდომარის თანხმობით აძლევს.

ქვემო პალატის წევრებს ირჩევს ხალხი. ყოველ სრულწლოვანს კაცს, რომელსაც სახლი უჭირავს და ქირას ათ თუმანზედ ნაკლებს არ იხდის, საარჩევნო უფლება ეძლევა, თუ-კი 12 თვეა უკვე, რაც ამა თუ იმ საარჩევნო ოლქში ცხოვრობს. მაგრამ რადგან მუშა კაცი ხშირად იცვლის ბინას და საცა საქმეს იშოვნის, ბინასაც იქ იღებს, 12 თვეს ერთს ალაგას იშვიათად ჩერდება და საარჩევნო უფლებას ჰკარგავს; გარდა ამისა მრავალი მუშა ცხოვრობს თავის დედ-მამასთან, ნათესავებთან და სახლის ქირას 10 თუმანს არ იხდის; ისინიც ჰკარგავენ საარჩევნო უფლებას. წარსულ 1904 წელს სრულ წლოვანი კაცი ირიცხებოდა ინგლისში 10 მილიონი და საარჩევნო უფლებით აღჭურვილი-კი სულ 7 მილ. იყო; დანარჩენთ დაეკარგათ თავიანთი უფლება დეპუტატების ამორჩევისა.

ამ დაბრკოლების გარდა, სხვაც არის ხალხისთვის დადებული, სახელდობრ: ხალხის წარმომადგენელს ჯამაგირი არა აქვს და მაშასადამე ღირსეულს, მაგრამ ლარიბ კაცს ხალხი ვერ ამოიჩინებს, რადგან დეპუტატს დიდი შეძლება უნდა, რომ ლონდონში ღირსეულად იცხოვროს. ამ დაბრკოლების ასაცილებლად საჭიროა ხალხის მიერ ფულის გამოღება დეპუტატის დასაჯილდოვებლად, მაგრამ ჯერჯერობით მარტო ტრედუნიონის წევრ მუშებს აქვთ საკუთარი კასები. ორ მილიონამდე მუშა ითვლება ამ საზოგადოებათა წევრებად და მარტო იმათა ჰყავთ საკუთარი თავიანთი წარმომადგენელი, ესე იგი მუშა ხალხის შვილნი და მუშა ხალხის ინტერესების დამცველნი. ქვემო პალატაში 670 წევრი არის და შვიდი წლის ვადით არიან არჩეულნი.

**

ალექსანდრე ბარგელის კონსტიტუცია. სიყმაწვილეში ალექსანდრე I დიდად თანაუგრძნობდა პოლონელებს და თავის მეგობარ ადამ ჩარტორიჟსკისთან ერთად პოლონეთის აღდგენას ოცნებობდა. უმთავრესი ნაწილი პოლონეთისა, ეგრედ წოდებული ვარშავის საგერცოგო, რუსეთს 1815 წ. დარჩა. ამ საგერცოგოს კონსტიტუციის ძალით რუსეთის ხელმწიფეს უნდა მიეღო წოდება „პოლონეთის მეფისა“; პოლონელთ უნდა ჰქონოდათ „ეროვნული დაწესებულებანი“ და ხალხის მიერ არჩეულ წარმომადგენელთა პარლამენტი. ამისა გამო ალექსანდრე პირველმა კონსტიტუცია მისცა პოლონელთ. პოლონელ დიდებულთაგან შედგენილი კონსტიტუცია არ მოიწონა იმპერატორმა, — მეტად არისტოკრატიული არისო, — და განსაკუთრებულ კომისიას მიანდო მის შედგენა გრ. ოსტროვსკის თავმჯდომარეობით.

ამ კონსტიტუციის ძალით პოლონეთის სამეფოს მართვა-გამგეობაში მეფეს, ესე იგი იმპერატორს რუსეთისას, ეკუთვნოდა აღმასრულებელი ძალა, მართვა ხაზინისა, ჯარისა, მოხელეთა მიღება, დამნაშავეთა პატიება და სხ. კანონმდებელი ძალა კი მეფესთან ერთად ეკუთვნოდა აგრეთვე სეიმსაც.

სეიმი ორ ნაწილად იყო გაყოფილი: ქვემო პალატა, ესე იგი დეპუტატების, ხალხის წარმომადგენლების კამერა, და ზემო პალატა, ესე იგი სენატი. „პოლონელ ხალხს უკუნითი უკუნისამდე ეყოლება სეიმში თავისი წარმომადგენელი“—ეწერა კონსტიტუციაში. წარმომადგენელთა კამერას შეადგენდა 128 კაცი: 77 თავადაზნაურთაგანი და 51 დანარჩენ წოდებისანი. საარჩევნო უფლება ჰქონდა ყველა 21 წლის კაცს; ამორჩევითკი მარტო იმის ამორჩევა შეიძლებოდა დეპუტატად, ვინც 30 წლისა იყო უკვე და ხარჯს იხდიდა არა ნაკლებ 15 მანეთისა წელიწადში. ხალხი მარტო დეპუტატებს ირჩევდა. სენატორებს მეფე ნიშნავდა იმათგან, ვინც 35 წლისა იყო და წელიწადში ხარჯს იხდიდა არა ნაკლებ 300 მანეთისა. სეიმი უნდა შეკრებილიყო ყოველ ორ წელიწადში ერთხელ, 30 დღით. რომელიმე კანონის მიღების უფლება არა ჰქონდა, მაგრამ სურვილის გამოცხადება კი შეეძლო. როდესაც რაიმე წინადადება მოწონებული იყო ორივე პალატისგან, მეფეს წარუდგენდნენ დასამტკიცებლად; და პირიქით მეფეს, რუსეთის ხელმწიფეს, უფლება არა ჰქონდა დაეკანონებინა რამე, თუ მას დაიწუნებდა ზემო ან ქვემო პალატა.

კონსტიტუცია აკანონებდა და უზრუნველ ჰყოფდა თავისუფლებას მწერლობისას, პიროვნებისას. სეიმის წევრნი სხდომის განმავლობაში ხელშეუხებელი იყვნენ.

პირველი სეიმი მოწვეულ იქმნა 1818 წ. ვარშავაში და თვით იმპერატორმა გუხსნა ფრანგულად წარმოთქმულ სიტყვით: „წარმომადგენელნო პოლონეთის სამეფოისავს! თქვენს ქვეყანაში არსებულმა წესწყობილებამ შემადგებინა დაუყოვნებლივ მომენიჭებინა თქვენთვის კანონიერ თავისუფალი დაწესებულებანი, რომელნიც დიდი ხანია ჩემს ოცნებად ქმნილან და რომელთა მადლიან გავლენას, თუ ღმერთი შემეწია, იმედი მაქვს მთელს ჩემს სამფლობელოს მოვფენ. ამგვარად თქვენ მომეცით საშუალება მიმენიჭებინა ჩემი სამშობლოსთვის ეს განძი, რომელსაც დიდი ხანია ვუმზადებ. დაუმტკიცეთ თანამედროვეთ, რომ თავისუფლებაზე

დამყარებულნი დაწესებულებანი გამანათლებელი და გამაუმჯობესებელია ხალხის ცხოვრებისა, და არა მის გამრყენელი და დამრღვევი! დაუმტკიცეთ, რომ თავისუფლება ხალხისა საშიში ოცნება არ არის, არამედ ერთად ერთი საშუალებაა ხალხის განვითარების და წინსვლისა; ჩაუნერგეთ თქვენს თანამედროვეთ დიდებული მნიშვნელობა ამ ცდისა, და მე — რწმენა, რომ ყოვლად უშიშრად მივანიჭო სხვებსაც ის თვითმართველობა, რომელიც თქვენ მოგართვით“.

სეიმმა მართებლობის მიერ წარდგენილი მარტო ერთი კანონი დაიწუნა. როდესაც ერთის თვის შემდეგ ალექსანდრემ დახურა სეიმის სხდომები, ამ სიტყვით მიმართა პოლონელთ: „თქვენდამი წარმოდგენილ კანონთაგანი უარჰყავით მარტო ერთი. თქვენი რწმენა ეწინააღმდეგებოდა მას და ამიტომ მოიქეცით ასე. მე ეს გარემოება ძალიან მასიამოვნებს, რადგან თქვენთა რწმენათა დამოუკიდებლობას ვხედავ. თავისუფლად არჩეულთ უნდა იცოდნენ თავისუფალი აზრის გამოთქმა... პოლონელნო! მე დიდს მნიშვნელობას ვაძლევ ჩემი აღთქმის ასრულებას...“

ხეზოდ მოყვანილი სიტყვა და აგრეთვე ის დიდი მნიშვნელობა, რომელსაც ხელმწიფე აძლევდა თავის „აღთქმის ასრულებას“, ამტკიცებს, რომ ალექსანდრე პირველს სურდა რუსეთისთვის კონსტიტუციური მართებლობა მიენიჭებინა და უბრძანა კიდევ ნოვოსილცოვს, შეედგინა პროექტი რუსეთის კონსტიტუციისა. ნოვოსილცოვს ამ საქმეში შევლოდა ფრანგი დეშანი; რუსულად სთარგმნა პროექტი თ. ვიაზემსკიმ. ნაყოფი მათი შრომისა მზად იყო 1818 წ. და ეწოდებოდა „Государственная Уставная Грамота Российской Имперіи“. აი შინაარსი ამ კონსტიტუციისა:

საფუძველნი ხელმწიფის უფლებისა და მის მოქმედებისა განმარტულ არიან ამ დებულებით, რომელსაც საუკუნოდ ვანიჭებთ ჩვენთ ერთგულ ქვეშევრდომთ. სახელმწიფო უფლება განუყოფელია; იგი ეკუთვნის ხელმწიფეს, რომელიც არის ერთად ერთი წყარო იმპერიის სამოქალაქო, სამხედრო, სა-

კანონმდებლო და საპოლიტიკო გამგეობისა; ხელმწიფეს ეკუთვნის უფლება ომის და ზავისა, მორიგების ხელშეკრულებისა, წინამძღოლობა სამხედრო და საზღვაო ჯარებისა, დანიშვნა ელჩებისა, დანიშვნა მოხელეებისა, დამნაშავეთა პატიება და სხ... მაგრამ ხელმწიფის საკანონმდებლო უფლებას ეხმარება ამ დებულების ძალით დაარსებული სეიმი. ხელმწიფე განაგებს სახელმწიფო შემოსავალს დამტკიცებულ ხარჯთაღრიცხვის დაკვალად. საზოგადო კანონებს შემოიღებს ხელმწიფე სახელმწიფო საზოგადო სეიმის დახმარებით და კერძო, ადგილობრივ კანონებს—ხელმწიფის ნაცვალი ადგილობრივ სეიმთა დახმარებით.

ცალკე თავში არის აღნიშნული დაურღვევლობა იმპერატორის მიერ ამ დებულებისა.

სახელმწიფო სარწმუნოებად მართლმადიდებლობა არის აღიარებული, მაგრამ ქრისტიანულ სხვა სარწმუნოების მიმდევართაც იგივე პოლიტიკური და მოქალაქობრივი უფლებანი აქვთ მინიჭებული. კანონი მფარველობას უწევს ერთნაირად ყველა მოქალაქეს განურჩევლად მის სარწმუნოებისა. თვითნებობით ვისიმე დაჭერა ისჯება სისხლის სამართლით. დაჭერის დაუყოვნებლივ უნდა გამოეცხადოს მიზეზი მის დაჭერისა. დასჯილი მარტო კანონით უნდა იყოს დამნაშავე, და ამასთან იმ კანონით, რომელიც მის დანაშაულამდე არსებობდა. მწერლობას თავისუფლება ეძლევა. „ჰყავდეს რუსეთის ხალხს თავისი წარმომადგენელნი ამიერიდან უკუნითი უკუნი-სამდე“. ხალხის წარმომადგენელნი სახელმწიფო სეიმს შეადგენენ, რომელიც უესდგება ხელმწიფისა და ორ პალატისგან.

რუსეთი განიყოფება სხვა და სხვა ოლქებად და ყოველ ოლქში ხელმწიფის ნაცვალთან ერთად არსებობს საოლქო სეიმი. ესე იგი ის, რასაც დღეს ავტონომიას უწოდებენ.

საზოგადო სახელმწიფო სეიმს ეკუთვნის სახელმწიფო კანონმდებლობა, ხარჯის რაოდენობის და შეცვლის დადგენა, შემოსავალ-გასავლის აღრიცხვა საოლქო სეიმთაგან წარმოდგენილ საოლქო სმეტების შესაფერად. ერთი პალატისგან

მიღებულს პროექტს მეორე პალატა ვერ შესცვლის: მან უნდა მიიღოს უცვლელად, ან მთლად უარჰყოს. ორივე პალატისაგან მიღებული პროექტი ხელმწიფეს უნდა წარედგინოს დასამტკიცებლად, რომელსაც შეუძლიან უარჰყოს მის გაკანონება...


რა მოუვიდა ამ კონსტიტუციას? 1819 წ. გრ. ვიაზემსკი ხელმწიფესთან იყო დაბარებული; იმპერატორმა ჯერ კრაკოვის ამბები ჰკითხა და ერთობ პოლონეთისა; ბრძანა, — ეკატერინე მეტად უდიერად მოექცა პოლონელებს, მე მინდა დაცულ იქმნას პოლონური ეროვნება და ამიტომ მივანიჭე კონსტიტუციური მართებლობაო... — აქედან რუსეთზედ გადავიდა, სთქვა, — თქვენი პროექტი მომწონს და უთუოდ შემოვიღებ რუსეთში ახალს წესწყობილებას, მაგრამ ხაზინის ქესატობა მიშლის ჯერ-ჯერობით... ამას გარდა დიდს წინააღმდეგობას გაგვიწვევენ ამ წმინდა საქმის განხორციელებაში ბნელის თაყვანისმცემელნი და უვიცნი, რომელთა რიცხვი ერთობ დიდია იმპერიაშიო...

მაგრამ ვერ განახორციელა ალექსანდრემ „წმინდა საქმე“. 1830 წ. პოლონელთა ამბოხება მოხდა. პოლონეთის დროებითმა მართებლობამ ნოვოსილცოვის ქალაქებში იპოვნა პროექტი რუსეთის კონსტიტუციისა და დაბეჭდა. ამ გარემოებამ მეტად აღაშფოთა იმპერატორი ნიკოლოზი. პასკევიჩმა რომ ვარშავი აიღო, ხელმწიფისაგან კონსტიტუციის შესახებაც მიიღო ბრძანება: „ძალიან მეწყინა ამ ქალაქის დაბეჭდვა; ჩვენმა ოფიცრებმა ასმა რომ წაიკითხოს; ოთხმოცდა ათი ვერას გაიგებს, მაგრამ ათი კი დაიხსომებს, განსჯის და, უმთავრესიც ეს არის — ადარ დაიფიქვებს. ყველაზე მეტად მე ეს მაწუხებს“. დაიარეთ ყველა მალაზიები და იყიდეთ, რამდენიც უნდა იყოსო. ამ ბრძანებისამებრ მოგროვილ იქმნა 1578 ცალი „რუსეთის კონსტიტუციისა“ და მოსკოვს იქმნა გაგზავნილი, სადაც იმ დროს იმყოფებოდა ნიკოლოზი; იქვე მიართვეს თვით ხელნაწერიც კონსტიტუციისა... გენერალი ადლერბერგი სწერდა მოსკოვის კომენდანტს, — უმაღლესი

ბრძანებისამებრ მე და თქვენ უნდა დავესწრათ ერთი წიგნის, „რომლის გავრცელება მის შინაარსისა გამო შეუძლებელ არს“, — 1578 ცალის დაწვას... იმდენად საშინელი იყო ეს წიგნი, რომ მის სახელის ხსენებასაც კი ვერა ბედავდა მისი აღმატებულება. უმაღლეს თავის მოხსენებაში კი გაბედა და „ორი დაბეჭდილი ყუთი, რომელში 1578 ცალი ეგრედ წოდებული რუსეთის კონსტიტუციისა ელაგა“ თქვენის ბრძანებისამებრ დავწვი არსენალის ეზოშიო, სწერდა.

**

შილლერას სახსოვრად. ამ ასის წლის წინად, 27 აპრილს 1905, გარდაიცვალა შილლერი (1759—1805), ავტორი ღონ კარლოსისა, ფიესკოს შეთქმულებისა, ორღეანელ ქალისა, ვილჰელმ ტელისა, მარიამ სტიუარტისა და სხვ. შილლერი ცნობილია „კაცობრიობის მეგობრად“ და „თავისუფლების მგონად.“ საფრანგეთის კანონმდებელმა კრებამ 1792 წ. შილლერს მიანიჭა წოდება „საფრანგეთის მოქალაქისა“, რადგან იგი თავისი თხზულებებით, თუმცა გერმანულად დაწერილებით, ემსახურებოდა იმავე პრინციპებს, რომლის განხორციელებას კდილობდა საფრანგეთის დიდი რევოლიუცია. პოლიტიკურად თავისუფალ ერთათვის შილლერს იქნება კიდევ დაჰკარგოდეს მნიშვნელობა; მაგრამ იმ ერისთვის, რომელიც დამონებულია და ჩაგრული, შილლერი უკვდავია თავის ღალადით—თავისუფალია პიროვნება, აზრი, სინიღისიო! ადამიანი თავისუფალი იბადება და თავისუფალი რჩებაო...



უინაური მიმთხოვნა

ნაციონალურ-პროგრესიული პარტია რუსეთში.—რეფორმა
შინაგან საქმეთა სამინისტროში.—სარწმუნოებრივი თავის-
უფლება.

ხალხისაგან არჩეულ წარმომადგენლების მოქმედება სახელმწიფო საქმეების მართვა-გამგეობაში, რა თქმა უნდა, ყოვლის უწინარეს საკანონმდებლო უფლების აღსრულებას შეეხება. მაგრამ წარმომადგენლობითი სისტემა მმართველობის მართა კანონმდებლობის სარბიელზე არ აჩნევს თავის კვალს, პირიქით, ეს სისტემა ძირიან-ფესვიანად სცვლის მთელს ცხოვრებას და ყველგან ახალი სხივი, ახალი აზროვნება და ინტერესები შეაქვს. ხალხი ესე იგი სახელმწიფოს მკვიდრნი, რომელნიც ბიუროკრატიულ მმართველობის დროს ჩვეულებრივ თითქოს გულგრილად, ეპყრობიან სახელმწიფოებრივს და საზოგადოებრივს ინტერესებს, წარმომადგენლობით მმართველობის შემოღებისათანავე საჩქაროდ იცვლიან ქერქს, ივიწყებენ კულანდელს ინდიფფერენტისმს და მთელის თავის სულიერის სიძლიერით ეკიდებიან ამის შემდეგ საზოგადო საქმეებს. ადამიანის ბუნების განცხოველება, თითქმის მკვდრეთით აღდგომა, ამ ძირითადის რეფომისაგან გამოწვეული, არც თუ ძნელი გასაგები და ასახსნელია: წინად ადამიანი თავის თავს სხვათა მოქმედების ობიექტად სცნობდა, თავისი საკუთარი ბედ-იღბალი ბიუროკრატიის ხელში სათამაშო ბურთად მიაჩნდა, შემდეგ კი ადამიანი ჰგრძნობს, რომ იგი

სუბიექტად არის გადაქცეული, რომ წინანდელის ნივთისაგან იგი უკვე პიროვნებად არის გარდაქმნილი; ადამიანი ჰხედავს, რომ ეხლა იგი თითონ არის თავის ცხოვრების ჩარხის დამატრიალებელი და, რასაკვირველია, არაფერს არა ჰზოგავს, არც მეცადინეობას, არც მუყაითობას და არც არა სხვას, ოღონდ კი ეს ჩარხი ისე დაატრიალოს, როგორც იმის ინტერესებს და იდეალებს შეეფერება. რადგან საზოგადოებრივი ცხოვრება სხვა-და-სხვა ჯგუფების, კლასების და აზრების თანხმობას ანუ ჰარმონიას კი არა, პირიქით, ინტერესთა წინააღმდეგობას და შეუთანხმებლობას წარმოადგენს, ამიტომ წარმომადგენლობით მმართველობასთანავე სახელმწიფოში სჩნდება განცხოველებული ბრძოლა სხვა-და-სხვა მიმართულებებისა, სხვა-და-სხვა მოწინააღმდეგე ინტერესებისა. თითოეულის რიგის ინტერესების დამცველნი ანუ თითოეულ იდეალის მატარებელნი გროვდებიან ერთად, უახლოვდებიან ერთმანეთს და ნაყოფიერის მოქმედებისთვის ჰქმნიან თავიანთთვის განსაზღვრულს ორგანიზაციას ანუ შეთანხმებულის და ერთსულოვანის მოქმედების წესებს. ამ გვარად წარმომადგენლობითის სახელმწიფოში აუცილებლად სჩნდება პარტია, რომელიც ერთისა და იმავე იდეალის განსახორციელებლად, ერთისა და იმავე ინტერესების დასაცველად ფართო გეგმით ჰმოქმედობს სახელმწიფოს მთელს ტერიტორიაზე და საზოგადოებრივ ცხოვრების ყველა სფეროებში. იმ სახელმწიფოებში, სადაც სისტემა წარმომადგენლობითის მმართველობისა დაახლოვებული და მჭიდროდ დაკავშირებულია ხალხთან, ე. ი. სადაც წარმომადგენლების არჩევანში მთელს ხალხს შეუძლიან მიიღოს მონაწილეობა (საყოველთაო, პირდაპირი და თანასწორი არჩევნები), იქ საკანონმდებლო დაწესებულებას იმდენად არსებითი მნიშვნელობა არა აქვს, რამდენადაც ფორმალური. ვიდრე პარლამენტი თავის უკანასკნელს სიტყვას იტყვის, სხვა და სხვა პარტიების მოქმედებით და მეცადინეობით ხალხს ყველა თვალსაჩინო საქმის შესახებ უკვე განსაზღვრული აზრი აქვს შედგენილი და გამოთქმული ყრილობებზე მიღებულის რე-

ზოლიუციებით: თითოეულის პარტიის პოზიცია ამ ყრილობებზედღე ირკვევა, აქვე ირკვევა, რა აზრს ადგია ხალხის უმრავლესობა და პარლამენტის საბოლოო სიტყვა მომეტებულ ნაწილად წინასწარ გადაწყვეტილია. პარტია საპარლამენტო სახელმწიფოში იმ ორგანიზაციას წარმოადგენს, რომელიც ჰქმნის და არკვევს კავშირს საკანონმდებლო დაწესებულებებისა და ხალხის უმრავლესობის მისწრაფებათა შორის. პარტია აუცილებელი პირობაა პარლამენტის მოქმედების ნაყოფიერებისთვის და უფრო კი იმისთვის, რომ ეს მოქმედება შეთანხმებული იყოს ხალხის უმრავლესობის სურვილთან.

წარმომადგენლობით დაწესებულებისა და პარტიის შუა იმდენად მჭიდრო და ბუნებრივი კავშირი არსებობს, რომ რუსეთში, რომელიც უკანასკნელს ხანებში სერიოზულად ემზადება ახალ წესწყობილებისთვის, ეხლავე შეუდგნენ პარტიების შექმნას. პარტიები, როგორც მკითხველს უკვე ეცოდინება, რუსეთში წინადაც არსებობდნენ, მაგრამ ამ პარტიებს დღემდე ისეთი თვალსაჩინო და ძლიერი გავლენა არა ჰქონდათ სახელმწიფო საქმეებზე, როგორც ახლის წესწყობილების დამყარების შემდეგ ექმნებათ. გარდა ამისა წინანდელი პარტიები, რამდენადაც ამ პარტიებს პოლიტიკური პროგრამა ჰქონდათ, იმდენად ისინი აუცილებლად სარეგულიაციო პარტიები იყვნენ; საპოლიტიკო პარტიები კი იმ აზრით, როგორც ეს სიტყვა საპარლამენტო ქვეყნებში ესმით, რუსეთში სრულიად არ არსებობდა. მხოლოდ 18 თებერვლის შემდეგ, როდესაც გამოცხადდა ცნობილი უმაღლესი რესკრიპტი, დაიბადა რუსეთში ნიადაგი საპარლამენტო პარტიებისთვის. უეჭველია, უკვე არსებული პარტიები რუსეთის მომავალს წარმომადგენლობითს საკანონმდებლო დაწესებულებაში საპატიო ადგილს დაიჭერენ, ძალას გაიორკეცებენ და გაიათკეცებენ, მაგრამ ჩვენ მკითხველის ყურადღება ეხლა იმ პარტიაზე გვინდა მივაქციოთ, რომელიც ახლადა სდგება და რომელიც თავის თავს „ნაციონალურ პროგრესიულ“ პარტიას უწოდებს. პირველი ნასახი ამ პარტიისა

გამოჩნდა წარსულის წლის ნოემბერში, საერობო მოღვაწეთა კერძო კრებაზე. ამ კრებამ თავის რეზოლიუციების მეათე მუხლში აუცილებელ საჭიროებად აღიარა „დამყარება და დაცვა მუდამ მჭიდრო და ცხოველის კავშირისა და ურთიერთობისა სახელმწიფო უფლებისა საზოგადოებასთან“. ეს აზრი კრებაზე ერთხმად იყო მიღებული, შემდეგ კი საერობო მოღვაწეებმა სხვა და სხვა ნაირად განმარტეს იგი კონკრეტულად. უმრავლესობა (71 კაცი) საჭიროდ სცნობდა „ხალხისაგან არჩეულ წარმომადგენლების წესიერ მონაწილეობას საკანონმდებლო უფლების განხორციელებაში, სახელმწიფო შემოსავლისა და გასავლის შედგენაში და ადმინისტრაციის მოქმედებისთვის კანონიერების მხრივ კონტროლის გაწევაში;“ უმცირესობა ასე შორს არ მიდიოდა (17 კაცი) და დაკმაყოფილდა „წესიერის მონაწილეობით სახალხო წარმომადგენლობისა, როგორც ცალკე საარჩევნო დაწესებულებებისა, კანონმდებლობაში.“ ნოემბერში ეს განსხვავება აზრებისადიდ განხეთქილებას არა ჰქმნიდა, მაგრამ თანდათან, გამოიჩინა რა, რომ წარმომადგენლობითი მმართველობა ისე შორს აღარ იყო რუსეთზე, როგორც წინად ჰფიქრობდნენ, აზრთა სხვადასხვაობამ, ერობის წარმომადგენელნი ორს მოპირისპირე ბანაკად დაჰყო. უმცირესობამ ბ. შიპოვის მეთაურობით თანდათან გამოარკვია თავისი პროგრამა და გადაიქცა იმ ბუდედ, რომელშიაც იზრდება ნაციონალურ-პროგრესიული პარტია.

ამ ახალის პარტიის მთავარი აზრი რამდენადმე უკვე ნოემბერშივე ცხადი იყო. ბ. შიპოვი და იმისი თანამოაზრენი წინააღმდეგნი იყვნენ, რომ ნათლად და გარკვევით ყოფილიყო აღიარებული ხალხის პოლიტიკური უფლებები. მაგრამ იმავე დროს თხოულობდნენ, რომ წარმომადგენლობითს დაწესებულებას მონაწილეობა მიეღო კანონმდებლობაში. ამ აზროვნებას ორის მხრიდამ აეხადა შემდეგში ფარდა. პირველი სიტყვა ამის შესახებ გამოითქვა მოსკოვში მომხდარ თავდაზნაურთა წინამძღოლების ყრილობაზე. ამ ყრილობას წარედგინა განსაკუთრებული მოხსენება პოლიტიკურ მდგომარეო-

ბის შესახებ, რომელიც იმდენად საინტერესოა, ჩვენს თავს ნებას მივცემთ, მოვიყვანოთ იქილამ მთავარი ადგილები.

„ომმა გამოამყლანა უკარგისობა ჩვენის სახელმწიფოს შეურნეობისაო, — ამბობს მოხსენება, — და არეულობამ კი ჩვენი სულიერი სამოქალაქო მოუწყობლობა. არსებულის წესწყობილების და საერთო წესრიგის დაგმობის ხანამ გაიარა. ეხლა ყველა რუსები უნდა შევერთდეთ შემოქმედებითის მუშაობით და ამით უნდა მივკვებოთ მეფის მოწოდებას. მაგრამ არ უნდა დავივიწყაო, რომ ჩვენ მართო შრომა კი არა, ბრძოლაც მოგველის. საზოგადო მოღვაწეთა წრეში ფრიად თვალსაჩინო, ძლიერა და გაერთიანებული ჯგუფია ისეთის პირებისა, რომელნიც მომხრენი არიან დასავლეთ ევროპის თეორიებისა კონსტიტუციონალურ მმართველობის შესახებ. უეჭველია, ეს ჯგუფი საზოგადოებრივს ყრილობებზე თავის აზრებს გაატარებს და ყოველს ღონეს იხმარს, რომ მომავალ სახელმწიფოებრივს რეფორმებს წმინდა კონსტიტუციონალური ხასიათი მიეცეს. ამის წინააღმდეგ ჩვენ საჭიროდ მიგვაჩნია ბრძოლა და განმტკიცება საზოგადოებაში იმ აზრისა, რომ საჭიროება მოითხოვს შეერთებას 18 თებერვლის რესკრიპტის ნიადაგზე, რომლითაც გამოითქვა აზრი ჩვენის სამშობლოს აღორძინებისა თვითმპყრობელობის საფუძველზე და ხალხის წარმომადგენლების მოწოდებით. დასავლეთ ევროპის კონსტიტუციონალისმის თეორიებით ბევრია გატაცებული, რადგან იგი მზამზარეულია და, როგორც ვითომდა კარგად ნაცადი რეცეპტი, უფრო ხელსაყრელ საშუალებად მიაჩნიათ ჩვენის სახელმწიფო სენის მოჭარჩენადაც. ჩვენ კი ვფიქრობთ, რომ დასავლეთ ევროპის სახელმწიფოებრივი ფორმები არ ამტკიცებენ, რომ სხვა ფორმა სახელმწიფოებრივობისა შესაძლო არ იყოს, რადგან არა გვეონია, საფუძვლიანი იყოს აზრი, რომ ხალხთა პოლიტიკურს შემოქმედებას უკვე ნათქვამი ჰქონდეს თავისი უკანასკნელი სიტყვა სახელმწიფო წყობილების საქმეში. ჩვენ ვაღიარებთ, რომ მთელის ქვეყნის უდიდესს სახელმწიფოს ძალუძს შექმნას და კიდევ უნდა შექმნას თავისებური ფორმა მმართვე-

ლობისა, რომელიც ორგანიულად იქნება დაკავშირებული იმის სულიერს, გეოგრაფიულს და სხვა პირობებთან...

„18 თებერვლის რესკრიპტში ნაჩვენებმა სახალხო წარმომადგენლობამ უნდა შეუწყოს ხელი პირდაპირს დაახლოვებას ხელმწიფესთან ხალხის აზრისას და საზოგადოების შეხედულებისას. იგი არ უნდა ჰზღუდავდეს თვითმპყრობელობას, როგორც საკონსტიტუციო დაწესებულება; იმან უნდა მოსპოს თვითნებობა მოხელეებისა და დროით უნდა აცნობებდეს ხელმწიფეს ხალხისა და ქვეყნის საჭიროებას; იგი უნდა შესდგებოდეს არჩეულ პირთაგან; გარდა ყველა კანონ-პროექტის განხილვისა, იმას უნდა მიენიჭოს უფლება, აღძრას ხოლმე საკითხი ახალის კანონების გამოცემისა ან ძველების შეცვლის შესახებ; რათა აღმასრულებელ უფლების მოხელეებს არ შეეძლოთ წარყენა კანონებისა და რათა დაცულ იქმნას თავისუფლება სინილისის, პიროვნების და სიტყვისა, იმას უნდა მიეცეს უფლება, შეეკითხოს ხოლმე მინისტრებს, რომელნიც ხელმწიფის წანაშე იქმნებიან კულანდებურად პასუხისმგებელნი; იმას უნდა მიეცეს უფლება სახელმწიფო ხარჯთ-აღრიცხვის განხილვისა და შესრულებულის ბიუჯეტის კონტროლისა.“

თავად-აზნაურთა წინამძღოლების ყრილობამ მიიღო ეს მოხსენება, რომელიც ნაციონალურ-პროგრესიულ პარტიის თეორიულ დასაბუთებას წარმოადგენს. ამ პარტიას თავისებური სახელმწიფოებრივი ფორმა ჰსურს გამოიგონოს. ამგვარი მიმართულება აზრისა რუსეთის ცხოვრებაში ახალი რამ მოვლენა არ არის, პირიქით, არც ერთს ისტორიულს მომენტს არ გაუვლია ამ ქვეყანაში ისე, რომ ეგრედ წოდებულ „სლავიანოფილებს“ აუცილებლად წინ რუსეთის ხალხის და ქვეყნის თავისებურება არ წამოეყენებინათ, დასავლეთ-ევროპის წინააღმდეგ არ გაელაშქრნათ და წმინდა ეროვნული, ნაციონალური დაწესებულებები არ მოეთხოვნათ რუსის ხალხის თავისებურობის სახელით. თეორია ახალის პარტიისა იგივე სლავიანოფილობაა: ეს პარტია ევროპის სახელმწიფო ფორ-

შებს ჰგომბს და სხვა უკეთეს თავისებურ ფორმების გამოგონებას აპირობს. რუსეთის ისტორიამ მრავალჯერ დაამტკიცა, რომ სლავიანოფილების მისწრაფება თავისებურობისადმი უბრალო კონსერვატორობაა, არც მეტი, არც ნაკლები! ბევრჯელ დაამარცხა წინმსვლელობის ტალღამ ეს თავისებურობა, მაგრამ სლავიანოფილები მაინც თავისას არ იშლიან: უეჭველია, აქ იმდენად სლავიანოფილების მოძღვრება და თეორია არა ჰმოქმედობს, რამდენადაც ის რეალური პირობები, რომლებიც რუსეთშია და სხვაგანაც ერთნაირად ჰქმნიან კონსერვატიულს მიმართულებას.

ნაციონალურ-პროგრესიული პარტია არ არის კმაყოფილი დღევანდელის წესწყობილებით, ის აშკარად აცხადებს, რომ ომმა დაამტკიცა უვარგისობა რუსეთის ბუროკრატიისათვის. ამ მხრივ ეს პარტია სწორედ იმასვე ამბობს, რასაც ყველა რადიკალური მიმართულება, მაგრამ ამის შემდეგ კი იგი თავისებურს გზას ადგება; ახალს პარტიას არ მოსწონს უფლებრივი დაკანონება ხალხის მონაწილეობისა მმართველობაში, იგი თავის იმედებს რეალურს ურთიერთობის ძალაზე ამყარებს, მაგრამ დღეს ყველას შეგნებული აქვს, რომ კანონი მხოლოდ რეალურ ურთიერთობის გამომხატავია და ამიტომ უცნაურია, რომ ეს ახალი პარტია რეალურად კონსტიტუციონალურ წესის შემოღებას აპირებს, მაგრამ დაწერილს კონსტიტუციას კი ჰგომბს.

რუსეთის პრესაში ზოგიერთმა რადიკალურ მიმართულების ორგანომ ის აზრი გამოსთქვა, რომ ნაციონალურ-პროგრესიული პარტია ნამდვილად დემოკრატიულ ნიადაგზე დგას, რადგან მომხრეა იმ აზრისა, რომ კანონმდებლობა ხალხის სურვილების თანახმად მიმდინარეობდესო, და მხოლოდ აშკარად არ აცხადებს თავის კონსტიტუციონალისტობას, განძრავს ჰუარავს თავის მისწრაფების ჭეშმარიტს საგანსაო. პირველის შეხედვით, ასეთი შეხედულება კაცს მართალი ეგონება. ახალს პარტიას ახალი და თავისებური ანუ თავისებობრივად არაფერი არ შეუთხზავს: კანონ-პროექტების გან-

ხილვა, ბიუჯეტის შედგენა და კანტროლი მინისტრების მოქმედებისა აუცილებლად ყველა კონსტიტუციაშია შეტანილი; თვითმპყრობელობა პრაქტიკულად შეუძლებელია შეურიგდეს წარმომადგენლობითს დაწესებულებას; თუნდაც კონსტიტუცია არ დაიწეროს და სახელით თვითმპყრობელობა ისევ დარჩეს, მაინც წარმომადგენელთა კრებული რეალურად შემზღუდველი იქნება იმისი, ასე რომ ამ მხრივ პროგრამმა ამ პარტიისა აუცილებლად კონსტიტუციონალურის ხასიათისაა, თუმცა კი პარტიის მეთაურნი დიდს წინააღმდეგობას აცხადებენ დასავლეთ ევროპის სახელმწიფო წყობილების გადმონერგვაზე რუსეთში. რეალურად რომ ნაციონალურ-პროგრესიული პარტია კონსტიტუციონალური პარტია არის, ეს უეჭველია, მაგრამ იმისი კონსტიტუციონალისმი მაინც თვალსაჩინოდ განსხვავდების ლიბერალების კონსტიტუციონალისმისაგანაც კი.

ბ-ნის შიპოვის მეთაურობით ნაციონალურ-პროგრესიულმა პარტიამ შეიმუშავა რამდენიმე მთავარი მუხლი იმ წესწყობილებისა, რომლის დამყარებასაც ესწრაფვის პარტიადღემდე გაზეთებში გამოქვეყნებულის ცნობებით, პარტიის დამახასიათებელ ნიშანდობლივ თვისებად უნდა ჩაითვალოს მისგან განზრახული სისტემა წარმომადგენლების არჩევანისა. „სახალხო წარმომადგენლობა საყოველთაო და პირდაპირ არჩევნებზე არ უნდა იყოს აშენებული; იმის საფუძვლად უნდა გახდეს რეორგანიზაცია წარმომადგენლობისა ადგილობრივს თვითმართველობაში, რომელიც უნდა გავრცელდეს, რამდენადაც კი ეს მოსახერხებელია, რუსეთის იმპერიის ყველა ნაწილებზე“—აცხადებს შიპოვის პარტია და სწორედ აქ უნდა მოიძებნოს ამ პარტიის სული და გული. თუმცა გარკვევით და ნათლად არ არის ნათქვამი როგორა აქვს პარტიას წარმოდგენილი მომავალი არჩევნები, მაგრამ ცხადია, ეს არჩევნები ისე უნდა მოეწყოს, რომ მხოლოდ რუსეთის ხალხის და საზოგადოების ერთმა პატარა ნაწილმა მიიღოს მონაწილეობა და მაშასადამე მხოლოდ ამ

პატარა ნაწილისთვის ჰსურს პარტიას წარმომადგენლობის შემოღება. ის ბედნიერი ნაწილი რუსეთის ხალხისა, რომლისთვისაც შიპოვის პარტია წარმომადგენლობას იმეტებს, ის ნაწილი სრულიადაც არა ჰსაქიროებს, რომ მათს ხმას აუცილებლად, კანონის ძალით, მიენიჭოს გადამწყვეტი მნიშვნელობა; იმისთვის რჩევის ხმა და გადამწყვეტი ხმა — ორივე ერთი იქნება. როგორც დღემდე ახერხებდა უმაღლესი ნაწილი რუსეთის ხალხისა თავის სურვილზე ქვეყნის ბედის დატრიალებას, ისე ამის შემდეგ ჰსურს შიპოვის პარტიას აწარმოვოს საქმეები. თუ ამასთანავე მოვიგონებთ, რომ ნაციონალურ-პროგრესიულ პარტიის წევრები უდიდესი და უძლიერესი თავად-ახნაურები არიან, ჩვენთვის სრულიად ცხადი იქნება, რომ ეს ახალი პარტია დემოკრატიული კი არა, ლიბერალურიც კი არ არის. მომავალში ეს პარტია წარმომადგენელთა საკრებულოს მარჯვენა მხარეზე დაიქერს ადგილს და დარაჯად დაუდგება ბრწყინვალე წოდებისა და მდიდარ, მსხვილ ბურჟუების ინტერესს, რამდენადაც კი ამ ორის კლასის ინტერესი ერთმანეთს არ ეწინააღმდეგება.

მაისის მეორე ნახევარში, შემდეგ რუსის ფლოტის დაღუპვისა იპონიასთან ბრძოლაში 14—16 მაისს, მინისტრთა საბჭო ბეჯითად შეუდგა შინაგან საქმეთა მინისტრის ბუღიგინისაგან შედგენილ გეგმის განხილვას მომავალ წარმომადგენლობით დაწესებულებისას. როგორც დეპეშებიდან ვიცით, ამ გეგმით განზრახულია არა საყოველთაო და არა პირდაპირ არჩევნები, არამედ არჩევნები საქალაქო და საერობო თვითმმართველობის დაწესებულებებში; გარდა ამისა, წარმომადგენლობას ექნება მხოლოდ რჩევის ხმა, და არა გადამწყვეტი ხმის უფლება. საფიქრებელია, რომ რეფორმა შეიძლება მართლა ასე განხორციელდეს და მაშინ ბ. შიპოვის ნაციონალურ-პროგრესიული პარტია შეიქნება სრული ბატონი რუსეთის სახალხო წარმომადგენლობისა.

როგორც ზემოდ ვთქვით, მინისტრთა საბჭო შეუდგა შინაგან საქმეთა მინისტრისაგან შედგენილის გეგმის განხილვას, რომელიც 18 თებერვლის რესკრიპტის ძალით საფუძვლად უნდა დაედოს სახელმწიფოებრივ წესწყობილების რეფორმას. 18 თებერვალს უმაღლესად აღიარებული იყო აუცილებელი საჭიროება ბიუროკრატიულ სისტემის შეცვლისა სახალხო წარმომადგენლობით. რამდენადაც უნდა შეკვეცილი ჰქონდეს ფრთა სახალხო წარმომადგენლობას, იგი მაინც და მაინც აუცილებლად მოასწავებს პიროვნების, აზრის, სიტყვის, კრების, ყრილობების და სხვათა თავისუფლებას. ამიტომ სწორედ ესაა, როდესაც რეფორმის განსახორციელებლად მინისტრთა საბჭო გაცხარებულს მუშაობაშია, სრულიად მოსალოდნელი არ იყო, რომ მმართველობა მოისურვებდა ბიუროკრატიულ მოხელეების უფლებათა გაფართოვებას ხალხის თავისუფალ აზრისა და მოქმედების ასაღამავად, მაგრამ ეს მოულოდნელი ამბავი დღეს უკვე ფაქტია: შინაგან საქმეთა მინისტრის ამხანაგს ახალი საპოლიციო უფლებები მიენიჭა უმთავრესად პოლიტიკურ ხასიათის მოძრაობის ჩასაქრობად და ამასთანავე იგი მთელის იმპერიის საპოლიციო მოქმედების ცენტრალურ ორგანოდ, პოლიციის უფროსად დაინიშნა, რომელსაც შეუძლიან სხვათა შორის ხელმწიფე იმპერატორთან პირდაპირ წარადგინოს ხოლმე მოხსენებები და ითხოვოს ნება-რთვა ისეთი მოქმედებისთვის, რომლის უფლებაც კანონით იმას მინიჭებული არა აქვს, გარდა ამისა, შინაგან საქმეთა მინისტრის ამხანაგს, როგორც პოლიციის უფროსს, მიენიჭა უფლება: დახუროს, როგორც არსებულ კანონის ძალით შინაგან საქმეთა სამინისტროს მიერ, აგრეთვე სხვა დაწესებულებებისაგანაც ნება დართული სიეზდები, თუ მათს მიმართულებას იგი მანებლად სცნობს სახელმწიფო წესწყობილებისა და საზოგადოებრივ მყუდროებისთვის, დახუროს აგრეთვე დროებით, ერთი წლის ვადამდე, ყოველგვარი საზოგადოებანი, კრებები, კავშირები და სხვა ამგვარი დაწესებულებანი, რა გზითაც უნდა იყვნენ გახსნილი და რაც გინდა დაწესებულებას ექვე-

მდებარებოდნენ იგინი. ამ რიგად ამ ახალის საკანონმდებლო აქტის შემდეგ, რომელიც გამოიცა რუსეთის აღორძინების ხანაში, საპოლიციო ნაწილი თითქმის განსაკუთრებულ სამინისტროს უწყებად გადაიქცა.

შინაგან საქმეთა სამინისტროს რუსეთში აუარებელი საქმე აქვს, იმისი ფარგალი მეტად განიერია და დიდი. ამ სამინისტროს უწყებას ეკუთვნის ყოველივე საქმე, რომელიც კი პირდაპირ სხვა რომელიმე სამინისტროს არა აქვს მიკუთვნილი კანონით. შინაური საქმეები ყოველს სახელმწიფოში საზოგადოებრივ ძალების და საზოგადო მოღვაწეობის ნაყოფია; რუსეთში ბიუროკრატია საჭიროდ სცნობდა და დღესაც საჭიროდ სცნობს, რომ საზოგადოების მოქმედება აუცილებლად სახელმწიფო მოხელეების კანტროლის ქვეშ იმყოფებოდეს. ბიუროკრატია უნდობლად ექცევა საზოგადოებრივ ძალებს, ყველგან სახელმწიფო ინტერესების ღალატს და არსებულის წესწყობილების საწინააღმდეგო მოქმედებას ელის და ამიტომ იპას საჭიროდ მიაჩნია, დიდის სიფრთხილით ეჭიროს თავი და ყოველი ნაბიჯი საზოგადო მოღვაწეობისა ოპიკის ქვეშ იყოლიოს. აქედამ წარმოსდგება ის გარემოება, რომ რუსეთში შინაგან საქმეთა სამინისტროს უწყება იზრდება პარალელურად საზოგადოებრივობის გრძობის გამტკიცებასთან და საზოგადო მოღვაწეობის გაფართოებასთან. შინაგან საქმეთა სამინისტრო, რომელიც თავის დანიშნულებით ხელს უნდა უწყობდეს საზოგადოებრივ ძალთა განვითარებას, თანდათან გადაიქცა ისეთს დაწესებულებათა სისტემად, რომელნიც იმდენად თავის პირდაპირ დანიშნულებას არ ემსახურებიან, რამდენადაც საზოგადო მოღვაწეობის კონტროლს. ამ კონტროლმა, ამ ოპიკამ იმ გვარი ხასიათი მისცა სამინისტროს, რომ იგი თანდათან საპოლიციო მოქმედების ორგანოდ გადაიქცა. ისეთი უბრალო საქმეც კი, როგორც არის, მაგალითად, სასოფლო საამხანაგო ბანკის დაარსება, შინაგან საქმეთა სამინისტროს ნებართვით თუ არა, სხვაფრივ არ იქნება განხორციელდეს. საზოგადო მოღვაწეობის კანტროლმა თანდათან დაჩრ-

დილა შინაგან საქმეთა სამინისტროს პირდაპირი დანიშნულება და გადააქცია იგი ორგანოდ ყოფა-ქცევის ზედამხედველობისა. სამინისტროში გაიზარდა საპოლიციო ნაწილი და შეიბოროკა სხვა ნაწილები. ასეთ პირობებში საჭიროება დიად მოითხოვს, რომ ამ სამინისტროს საპოლიციო ფუნქციები სრულიად განჰშორდეს და ამ გვარად ეს უწყება ისევ დაუახლოვდეს თავის დანიშნულებას. ამ მხრივ პოლიციის უფროსის თანამდებობის შექმნა და შინაგან საქმეთა სამინისტროდამ საპოლიციო ნაწილის გამოცალკეება სრულიად ეთანხმება მომწიფებულს საჭიროებას. მაგრამ ამ რეფორმას ორ გვარი ხასიათი, ორ გვარი მიმართულება შეეძლო მიეღო. თუ მთავრობა საყოველთაოდ საადმინისტრაციო ოპეკის გაუქმებას განიზრახავდა, მაშინ პოლიციის უფროსს ჩაჰბარდებოდა მარტოდენ მზრუნველობა მშვიდობიანობის დასაცველად, ესე იგი, იგი იმოქმედებდა მხოლოდ მაშინ, როდესაც ან რაიმე არეულობა, ან რაიმე უწყსოება იჩენდა სდმე თავს. პირიქით, თუ მთავრობა წინანდელ ოპეკის სისტემაზე უარს არ იტყოდა, პოლიციის უფროსისთვის აუცილებლად უნდა მიენიჭებინა უფლება, ზედამხედველობა გაეწია ხალხის ყოველგვარის მოქმედებისთვის, თუნდაც ეს მოქმედება არც ეხლა არღვევდეს წესიერებას და არც შემდეგში ჰქონდეს მიზნად წესიერების დარღვევა. ახალის კანონით, შინაგან საქმეთა მინისტრის ამხანაგს, როგორც პოლიციის უფროსს, მიენიჭა უფლება ისეთი კრებები, ყრილობები, კავშირები და საზოგადოებათა მოქმედებაც კი აკრძალოს, რომელნიც ნება დართულნი არინ შინაგან საქმეთა ან სხვა რომელიმე სამინისტროსაგან. ეს ცვლილება საადმინისტრაციო ოპეკის უმწვერვალეს განვითარებას აღნიშნავს, ამაზე შორს წასვლა აღარ შეიძლება. პოლიციის უფროსი ეხლა ყველა სამინისტროზე ძლიერია, პოლიციის უფროსს შეუძლიან ყველა სამინისტროს დადგენილება, რომელიც კი საზოგადო მოღვაწეობას ე. ი. საზოგადოებრივ ძალთა მოქმედებას შეეხება, გააუქმოს ან დროებით შეაჩეროს. პოლიცია ამ გვარად მოექცა ბიუროკრატიულ დაწესე-

ბულებათა სათავეში: ეს პირდაპირი ნაყოფია იმ პრინციპისა, რომელზედაც არის აშენებული რუსეთში სისტემა ბიუროკრატიულ დაწესებულებისა; ოპეის და საადმინისტრაციო მზრუნველობის პრინციპი იმდენად განვითარდა, რომ ეხლა პოლიციის უფროსი სამინისტროების მოქმედებასაც კი ზედამხედველობას უწევს.

რადგან კავკასია, შემდეგ ნამესტნიკობის აღდგენისა, როგორც ადმინისტრატიული ერთეული მართვა-გამგეობის მხრივ სრულიად გამოყოფილია იმპერიიდან, ამიტომ კავკასიისთვის პოლიციის უფროსიც ცალკე დაინიშნა; ჯერ-ჯერობით ვიცით მხოლოდ ის, რომ კავკასიის პოლიციის უფროსს წელიწადში ასი ათასი მანეთი მიეცემა საიღუმლო ხარჯების დასაფარავად, დაწვრილებით კი იმის თანამდებობის ფუნქციებს მაშინ შეეიტყობთ, როდესაც გამოცხადდება კავკასიის მმართველობის ახალი დებულება.

წელს აღდგომის დღესასწაული აღინიშნა უმაღლესის მანიფესტით სარწმუნოებრივის თავისუფლების შესახებ. ამ ჟამად არა გვეგონია საჭირო იყოს იმაზე ლაპარაკი, თუ რაოდენად ეთანხმება ამ მანიფესტის შინაარსი ხალხის სურვილს. საკმარისია მოვიგონოთ, რომ რუსეთში მრავალი სარწმუნოებრივი სექტა არსებობს, რომელთაც დღემდე კანონი არა სცნობდა და რომლის მიმდევართაც ბევრად თუ ცოტად სდევნიდა. რამდენიმე წლის წინად სარწმუნოებისთვის გადმოსახლეს რუსეთიდან მრავალი დუხობორი კავკასიაში საცხოვრებლად, ეს სასჯელი იყო დუხობორებისთვის! მაგრამ აქაც არ მოასვენეს და აიძულეს ამერიკაში გახიზნულიყვნენ; გადასახლების წინ მთელი თავისი ნაამაგარი ქონება დუხობორებმა ძალაუნებურად მიატოვეს ან გროშის ფასად გაჰყიდეს და შიშველ-ტიტველნი ესტუმრნენ უცხო ქვეყანას, სადაც საშინელი გაჭირვება გამოიარეს, ვიდრე ფებს მოიკიდებდნენ. ეს მხოლოდ ერთ-ერთი მაგალითია, ნამდვილად კი რუსეთის ისტორია, განსაკუთრებით უკანასკნელის ხანებისა, სავსეა ასე-

თის მაგალითებით. ჩვენთვის, ქართველებისთვის, სარწმუნოებრივს საკითხს განსაკუთრებითი ხასიათი აქვს. ქართველების მომეტებული ნაწილი მართლმადიდებელია, ესე იგი გაბატონებულს სარწმუნოებას აღიარებს, მაგრამ სარწმუნოებრივი საქმე, როგორც ერთ-ერთი გამოხატულება სინიღისისა, მხოლოდ მაშინ არის დაყენებული საკაცობრიო ნიადაგზე, როდესაც იმისთვის არავითარი კანონი, არავითარი ძალდატანება, არავითარი რეგლამენტაცია არ არსებობს და მთლად ჰრამიანის სურვილზეა დამყარებული. რუსის ბიუროკრატია კი საგანს დღიდან საქართველოს შეერთებისა რუსეთთან სულ სხვანაირად შეჰხედა: იმან განიზრახა სარწმუნოებრივი ერთობა ქართველებისა რუსებთან გამოეყენებინა როგორც იარაღი ქართველების გარუსებისთვის. ამ აზრით მოსპო საქართველოს ეკკლესიის საკუთარი მართვა-გამგეობა, რომელიც ქართველ მეფეების დროს არჩევნების სისტემაზე იყო დამყარებული; დაუმორჩილა ეკკლესია მართვა-გამგეობის საერთო სისტემას, შეიტანა ეკკლესიაში რუსული ენა, აკრძალა ქართული ენა სასუსულიერო სასწავლებლებში და სხვა. პოლიტიკის გამეფებას ქართულს ეკკლესიაში ბუნებრივად მოჰყვა სარწმუნოებრივი ინდიფერენტისმი ერთის მხრივ და სამღვდლოების სრული გამატერიალისტება და გაკარიერისტება—მეორე მხრივ. ამნიადაგზე მღვდლებსა და მრევლს შორის გაჩნდა უკმაყოფილება, რომელიც წლითი-წლობით იზრდებოდა და ბოლოს სრულს განხეთქილებად გადაიქცა. ამ ჟამად სამღვდლოება იძულებული შეიქნა გონიერების თვალით შეჰხედოს თავის მდგომარეობას, გამოიკვლიოს ნამდვილი მიზეზები ხალხთან განხეთქილებისა და იღონოს რამე თავის მდგომარეობის გამოსაკეთებლად.

ქართული ეკკლესია მეცხრამეტე საუკუნის განმავლობაში მძიმე-მძიმედ ამზადებდა ეხლანდელს არეულობას და ამისათვის რუსის სასულიერო ბიუროკრატია ქართულის ეკკლესიის მართლმადიდებლობას ჰხმბრობდა იარაღად. უმაღლესის მანიფესტის ძალით 17 აპრილის შემდეგ მთელის რუსეთის

იმპერიის მცხოვრებთ სარწმუნოებრივი თავისუფლება მიენიჭათ, მაგრამ ქართულის ეკკლესიის მდგომარეობას იგი იოტის ოდნავაც კი არა სცვლის. პირიქით, თუ აქამდე ქართველები ზოგიერთის მხრივ ისევე იყვნენ შევიწროვებულნი სარწმუნოების საქმეში, როგორც სხვა ხალხი, დღეის შემდეგ სარწმუნოებრივი შევიწროება მართო ოდენ ქართველის ხალხისთვის-ღა იქნება. 17 აპრილის მანიფესტის მე-14-ე მუხლით ყველა სასწავლებლებში სამღვთო სჯულის სარწმუნოებრივი სწავლა ბავშვების სამშობლო ენაზე უნდა სწარმოებდეს, მაგრამ მანიფესტს მხედველობაში მხოლოდ არა მართმადიდებელთა სარწმუნოება აქვს, ასე რომ ქართველი ბავშვები ისევე კულანდებურად რუსულს ენაზე უნდა სწავლობდნენ სამღვთო სჯულს. ყველა ეროვნებას, სომეხს, თათარს, პოლონელს, გერმანელს და სხვას 17 აპრილის შემდეგ სასწავლებლებში სამშობლო ენაზე ასწავლიან სამღვთო სჯულს, მხოლოდ ქართველებს კი უცხო ენაზე, და ამისი ერთად-ერთი მიზეზი ის არის, რომ ქართველების სარწმუნოება მართლმადიდებლობაა, რომელიც გაბატონებულ სარწმუნოებად ითვლება. პოლიტიკამ ისე წაიყვანა საქმე, რომ გაბატონებულ ეკკლესიის ერთს შტოს უფრო ნაკლები უფლებები აქვს, ვიდრე არა გაბატონებულს სარწმუნოებებს. ეს ანორმალური მდგომარეობა პირდაპირი ნაცოფია ქართულის ეკკლესიის გარუსების იარაღად გადაქცევისა.

რუსეთის იმპერია

რუსეთ-იაპონიის ომი*)

სრული თექვსმეტი თვეა უნგარიშო სისხლი იღვრება შორე ადმოსავლეთში ხმელეთსა, თუ ზღვაზე. ამ ხნის განმავლობაში რუსის ჯარს ერთხელაც არ გაუღიმა ბედმა: დამარცხებას მოდევს დამარცხება სასტაკი, ხანდახან სამარცხვინოც. უზარმაზარი რუსეთი იძულებულია ქედი იხაროს, გზა დაუთმოს შედარებით პატარა იაპონიას. მიზეზი?

რუსეთის იმპერიის ბიუროკრატიული წესწყობილებამ, გვეუბნებიან პასუხად ამ კითხვაზე. როგორც სამოქალაქო სფერაში, ისე სამხედროშიაც სრული უსუსურობა და მოუმზადებლობა გამოიჩინა თანამედროე წესწყობილებამ; საზოგადოებრივი კანტროლი არ იყო და ის უამრავი ფული, რომელიც რუსეთის იმპერიის სამხედრო მომზადებას უნდა მოხმარებოდა, გაიჟღანგა და შეიქაშა; საზოგადოებრივი კანტროლი არ იყო და გარეშე საქმეთა სამინისტრო კანცელარიის წესით უძღვებოდა უზარ-მაზარ იმპერიის გარეშე პოლიტიკას; ამიტომაც მოხდა, რომ იაპონიის გაზრდა, მისი ძალა და მნიშვნელობა გამოეპარათ და მოუფრქვებლად, მოუსაზრებლად გააბეს რუსეთი საბედისწერო ომიანობაში.

ყველაფერი ეს მართალია; რუსეთის ბიუროკრატიას ესა და უარესი დანაშაულიც მიუძღვის იმპერიის წინაშე, მაგრამ მარტო ბიუროკრატიული წესწყობილებით ვერ ავხსნით ასეთ საშინელ, თითქმის უმაგალითო დამარცხებას უზარ-მაზარ იმპერიისას.

*) რადგან ამ ნომერში ყურნალისამ დაიგვიანა, ეს „სტატია“ დაიწერა ივნისში.

მოვიგონოთ ნაპოლეონ პირველის ისტორია: შეუღლებელი გენიოსი სარდალი და მისი საუკეთესო ჯარი, მღერტებელი თავის სარდლისა და გამარჯვებებს შეჩვეული, ბოლოს სასტიკად დამარცხდნენ და მერე ვისგან? ბიუროკრატიის წარმომადგენელი პრუსიელი გენერალი ბლიუხერი შეიქნა ომის ღმერთის ნაპოლეონ პირველის დამარცხებელი! და ეს იმიტომ კი არ მოხდა, რომ იმ დროინდელი პრუსია ან რუსეთი საფრანგეთზე მაღლა იდგა კულტურით და განათლებით ან იმიტომ კი არა, რომ პრუსიელი ჯარის კაცი უკეთ მომზადებული იყო. ნაპოლეონ პირველის დამარცხების მთავარი მიზეზი ის იყო, რომ თავის ჯარს შეუძლებელი, აუსრულებელი საქმე აკისრა. ჯარი პოლიტიკის იარაღია. ომი უბრალო ხოცვა-ჟლეტა როდია; ომი ხოცვა-ჟლეტაა, მაგრამ განსაზღვრულ პოლიტიკურ მიზნის მისაღწევად. „ჯარი სახელმწიფოს პოლიტიკის იარაღია“, მიგრამ პოლიტიკაც არის და პოლიტიკაც: თუ ეს პოლიტიკა შეუძლებელი და აუსრულებელია, რაც არ უნდა გაწვრთნილი და მომზადებული იყოს ჯარი, საბოლოოდ ვერ გაიმარჯვებს; ჯარი ვერ გახდება ყოველ პოლიტიკის იარაღად.

წარმოვიდგინოთ, რომ ბიუროკრატია არ მოჰკიდებია ასე დედინაცვლურად იმპერიის სამხედრო ძალას, ისიც წარმოვიდგინოთ, რომ გენერალი კუროპატკინი არ იყო ისე უთავო მეთაური რუსის ჯარისა, როგორც ეს აღმოჩნდა. ასეთ პირობებშიც კი რუსეთ-იაპონიის შეტაკება არ გათავდებოდა რუსეთის სასარგებლოდ, რადგან თვით ის „პოლიტიკა“, რომლის სასამსახუროდაც აამოძრავა რუსეთის ბიუროკრატია ამოდენა სამხედრო ძალა, სრულიად უნიადაგო და აუსრულებელია. „ნოვოე ვრემია“ სწერდა შარშან გაზაფხულზე: „რუსეთში 130 მილიონი ხალხია, მაგრამ იმ რუსეთში, რომელიც წყნარ ოკეანეს კარებთანაა, ერთი მილიონიც არ არის; მტერს კი იქ 50 მილიონი ჰყავს; ეს არ უნდა დაივიწყოთ“. უფრო მარტივად და სამართლიანად რომ ვსთქვათ, წყნარ ოკეანეს კარებთან სრულიად არ მოიძებნება რუსეთი და მისი

ინტერესები. „სად არის პორტ-არტური? ტოკიო? პეტერ-ბურგი? შეხედათ რუსეთს და ადვილად მიხვდებით, რატომ ვმარცხდებითო,“ სწერს ერთი რუსი პუბლიცისტი.

ბრმა „პატრიოტების“ წინააღმდეგ, რომელნიც შორე-აღმოსავლეთის დღევანდელ ომს ეროვნულ ომს ეძახიან, ზოგი რუსი და უცხოელი პუბლიცისტებიც ამტკიცებენ, რომ ეს ომი საახალშენო ომი არისო, მაგრამ ეს აზრიც ყოვლად უნიადაგოა: იაპონიისთან შეტაკებას საახელშენო ომიანობის ელფერს მხოლოდ ის აძლევს, რომ შორს არი და რუსეთის ტერიტორიას არ ეხება. საახალშენო ომს ეწევა მრეწველობა-განვითარებული სახელმწიფო ქარბ საქონლის გასასაღებლად. რუსეთს არა თუ ქარბი საქონელი, რაც საქიროა საკუთრად მისთვის, იმის მცირე ნაწილიც არ მოეპოვება და საახალშენო ომი რად დასჭირდება? გარდა ამისა იაპონელი „არც ზუღუსია, არც ჰერერო, არც ინელი და, წარმოიდგინეთ, არც ბური: იაპონია პირველ-ხარისხოვანი სამხედრო და საზღვაო სახელმწიფოა.“ დღევანდელ ომიანობის უბედურება რუსეთისათვის ის კი არ არის, რომ ბიუროკრატია ვერ მოამზადა ქვეყანა და მისი სამხედრო ძალა ომისათვის, არამედ ის, რომ ბიუროკრატია თავის პოლიტიკით მოამზადა ომი და ჯარს თავს მოახვია აუსრულებელი საქმე“. რუსის ჯარი რომ უკეთ ყოფილიყო მომზადებული, ეხლანდელთან შედარებით ის განსხვავება იქნებოდა, რომ დამარცხებას არ ექნებოდა ასეთი დამამცირებელი ხასიათი. ეს დამცირებაა, რომ სავსებით აიხსნება საარაკო მოუმზადებლობითა და სამხედრო წინდაუხედავობით. ამ დამცირების უსაშინელესი და უმნიშვნელოვანესი ეპიზოდი კუნძულ კუსიმასთან მომხდარი საზღვაო ბრძოლაა, რუსეთის ფლოტი განადგურდა, იაპონიისას კი ისე მცირე ზარალი მოუვიდა, რომ სათვალავში ჩასაგდება არც კი არის. რუსეთის უზარ-მაზარი იმპერია დღეს უფლოტოდ დარჩა და ბევრი დრო და ფული იქნება საქირო, სანამ ახალს შეიძენდეს.

რუსეთის ფლოტის განადგურებას მეტად მძიმე შედეგი მოჰყვება ჩვენის მდგომარეობისათვისო, სწერს ერთი სამხე-

დრო მიმომხილველი (ს. ო. № 81). „მართალია, ცუსიმასთან მომხდარ ბრძოლის შემდეგ იაპონელებს არ შეუძენიათ იმაზე მეტი ბატონობა ზღვაზე, რამდენიც ამ ბრძოლამდე ჰქონდათ, მაგრამ რუსეთის ფლოტის მეორე ნახევრის მოსპობით მოსპვეს სავსებით ჩვენი საზღვაო ძლიერება: ეხლა იაპონელებს შეუძლიათ სრულიად არაფრად მიიჩნიონ რუსეთი, როგორც საზღვაო სახელმწიფო და თუ ამ გარემოებას რა მნიშვნელობა აქვს, კუნძულ სახალინის ეხლანდელ მდგომარეობიდანაც სჩანს. გავგზავნიდით როჟესტვენსკის ესკადრას თუ არ გავგზავნიდით, სახალინს მაინც დავკარგავდით, მაგრამ მეორე შემთხვევაში (ე. ი. თუ ფლოტს არ გავგზავნიდით) ამ კუნძულის დათმობა იქნებოდა ძვირფასი პირობა ზავზე მოლაპარაკების დროს; ეხლა კი ამ დათმობას არავითარი მნიშვნელობა არ ექნება, რადგან ეს კუნძული ფაქტიურად უკვე ეკუთვნის იაპონიას... სახალინის მდგომარეობაშია კამჩატკა და წყნარ ოკეანეს მთელი ნაპირები...

ბალტიის ზღვის ნაპირები დღეს სრულიად დიაა და შეუძლებელია, რომ ამ გარემოებამ დიდი გავლენა არ იქონიოს ჩვენ სტრატეგიულ მდგომარეობაზე...

ეჭვს გარეშეა, რომ უკანასკნელი დიდი გამარჯვება იაპონიისა ყოველმხრივ მაღლა ასწევს იაპონიის კრედიტს; ისიც ეჭვს გარეშეა, რომ რამდენად ამაღლდება იაპონიის კრედიტი, იმდენად დაეცემა რუსეთის იმპერიის კრედიტი“...

„როჟესტვენსკიმ უკვე ხელი მოაწერა ზავის პირობებს კუნძულ ცუსიმასთან“, სწერს როსლავლევი „რაზსვეტ“-ში და ეს ეგრეც არის. კუნძულ ცუსიმასთან როჟესტვენსკის დამარცხება ბევრად უარესია კუროპატკინის მუკდენტან დამარცხებაზე. სანამ ფლოტი ჰყავდა რუსეთს, კიდევ იყო ილლიუზია, რომ ხმელეთის ჯარი გაიმარჯვებდა; დღეს კი ეს ილლიუზიაც გაჰქრა და რუსეთი იძულებული იქნება ზავის ჩამოგდებას ეცადოს.

მაგრამ ზავიც და არის ზავიც. რუსეთის პატრიოტებს ვერ წარმოუდგენიათ, რომ დიდი რუსეთი სამხედრო კონტრი-

ბუციას გადაუხდის პატარა იაპონიას და ამტკიცებენ, რომ იაპონიას უფლებაც არ აქვს მოითხოვოს ეს კონტრიბუციაო: ოიამას რომ ციმბირის ნაწილი ჰქონდეს დაქერილი, კიდევ გვესმის კონტრიბუციის მოთხოვნა, თორემ დღეს, როცა რუსეთის ტერიტორიაზე ფეხიც არ შემოუდგამთ იაპონელებს, ეს შეუძლებელი არისო. იაპონელები კი თავის მხრივ ამბობენ— ომი ჩვენ არ გვინდოდა, გვაიძულეს იარაღისთვის ხელი მოგვეკიდა, დიდი ხარჯები მოგვივიდა და დამარცხებულმა რუსეთმა, რომელმაც ეს ომი გამოიწვია, კიდევ უნდა გვიზღოს ეს ზარალიო.

რა შედეგი მოჰყვება შორე აღმოსავლეთის ომიანობას საერთაშორისო პოლიტიკურ მდგომარეობაში, ამაზე არა ერთხელ გვექნება ლაპარაკი შემდეგშიაც, მაგრამ ერთი დიდი ცვლილება ეხლავე უნდა აღვნიშნოთ: რუსეთის დამარცხებამ დიდი გავლენა იქონია როგორც საფრანკეთის, ისე გერმანიის მდგომარეობაზედაც.

რუსეთმა მთელი თავისი ძალ-ღონე შორე-აღმოსავლეთის ომიანობას შეაღწია: დღეს რუსეთს აღარ ჰყავს სამხედრო ფლოტი, გარდა შავი ზღვის სამხედრო ფლოტისა, რომელიც რუსეთის საერთაშორისო მდგომარეობისათვის ანგარიშში მისაღები არ არის; რუსეთის ბალტიის ზღვის სანაპიროები ღიაა გარეშე მტრებისათვის. რუსეთის ფინანსიური მდგომარეობა უკიდურესია: გადატაკებულ ხალხს აღარ შეუძლია აიტანოს უზარმაზარ იმპერიის უზარმაზარი ბიუჯეტი; სუსხის აღებასკირს, რადგან უცხოელი კაპიტალისტები და ბანკები უნდოთვალით უცქერიან რუსეთის ფინანსებს. ერთის სიტყვით რუსეთის იმპერია აღარ არის ის პირველ ხარისხოვანი დიდ-სახელმწიფო, რომელიც შორე აღმოსავლეთის ომამდე უდიდესი ფაქტორი იყო საერთაშორისო პოლიტიკაში— უფლოტო და ღონე-გამოღებული გაუნათლებელი სახელმწიფო, შინაურ არეულობით და სარევოლიუციო მოძრაობით ხელფეხ შეკრული, დიდხანს იქნება ხმასა და გავლენას მოკლებული საერთაშორისო „კონცერტში“. რუსეთის ასეთი დასუსტება პირ-

ველად ყოვლისა მისმა მოკავშირემ საფრანგეთმა იგრძნო: რაკი ძლიერად მიჩნეული რუსეთის იმპერია მეტად სუსტი აღმოჩნდა, ორთა კავშირის ძალა აღარაფერი შეიქნა ევროპაში. საფრანგეთი ისევ განმარტოებული დარჩა ევროპაში. ამით ისარგებლა გერმანიის დიპლომატიამ, ენერგიულად შეუდგა საფრანგეთის წინააღმდეგ მოქმედებას და პარიზი, რომელიც ამ უკანასკნელ ხუთის წლის განმავლობაში ცენტრი იყო საერთაშორისო პოლიტიკისა, იძულებული გახდა პირველობა ისევ ბერლინისათვის დაეთმო. საფრანგეთს რომ ინგლისთან დაახლოება არ მოესწრო ომიანობის დაწყებამდე, მისი საერთაშორისო მდგომარეობა ისეთივე გაჭირვებული იქნებოდა, როგორც იყო პრუსია-საფრანგეთის ომიანობიდან გასულ საუკუნის ოთხმოცდა ათიან წლებამდე — განმარტოებული და გავლენას სრულიად მოკლებული.

კიდევ კარგი, რომ უარესი არ დაგვემართა რუსეთთან დაკავშირებითო, ამბობენ დღეს ფრანგები: რუსეთის ძლიერების მოიმედვე საფრანგეთს ადვილად შეეძლო რუსეთთან ერთად რამე საერთო საქმე დაეწყო, მაგალითად, რომელიმე სახელმწიფოსათვის ომი გამოეცხადებია, და მაშინ ხომ სულ დავიღუპებოდით, რადგან რუსეთის ძლიერება სულ ყალბი, მოჩვენებითი ყოფილაო; მაღლობელი უნდა ვიყოთ იაპონიისა, რომ სინამდვილე დაგვანახვა და დიდ ხიფათს გადაგვარჩინაო.

ერთის მხრივ იზარალა კიდევ საფრანგეთმა რუსეთთან დაკავშირებით: როჟესტვენსკის ესკადრა რომ შორე-აღმოსავლეთისაკენ მიდიოდა, საფრანგეთის ნავთსადგურებში ისვენებდა, ნახშირს უღებდა და სამხედრო მასალას იგებდა; საფრანგეთმა რუსეთის გულისათვის ნეიტრალიტეტი დაარღვია და იაპონია მტრად გადაიკიდა, რაც საფრანგეთისათვის ძალიან საშიშია: საფრანგეთის დიდი და მდიდარი ახალშენი ინდოჩინეთი შორს არ არის იაპონიისაგან და, როცა დრო მოიტანს, იაპონიას სრული შეძლება ექნება სამაგიერო ერთი-ათად გადაუხადოს საფრანგეთს.

საფრანგეთის მოწინავე დემოკრატია იმ თავითვე იყო მიმხვდარი, თუ რა ფასი ჰქონდა რუსეთთან კავშირს და ამიტომაც დიდი ხანია მოწადინებული იყო ინგლისთან დაახლოებას. დემოკრატიის გავლენის ზრდასთან ერთად სუსტდებოდა რუსეთთან კავშირი და უმჯობესდებოდა დამოკიდებულება ინგლისთან. დღეს რუსეთ-იაპონიის ომის ზედ-გავლენით, გერმანიის იმპერიის პირისპირ დაარჩენილი საფრანგეთი უთუოდ უფრო მტკიცე კავშირს დაიჭერს ინგლისთან, რომელიც თავის კულტურითა და პოლიტიკურ განვითარებით საფრანგეთის ახლობელია, და ამ გვარად მოისპობა მხოლოდ რუსეთისათვის ხელსაყრელი ზუნების წინააღმდეგი კავშირი დემოკრატიულ რესპუბლიკისა აღმოსავლეთურ თვითმპყრობელობასთან.

შორე აღმოსავლეთში რომ საზარელი სისხლის ღვრა ხდებოდა, ამ დროს ევროპის ჩრდილოეთ ნაწილში სკანდინავიის ნახევარ კუნძულზე მშვიდობიანი რევოლიუცია მოხდა: ნორვეგია მოშორდა შვეციას.

ნორვეგია და შვეცია შეადგენენ ერთ სამეფოს 1815 წლიდან.

ნაპოლეონ პარველმა ერთი თავისი გენერალთაგანი ბერნადოტი შვეციის მეფედ დასვა. უმადურმა ბერნადოტმა უღალატა ნაპოლეონს, როცა მის წინააღმდეგ ევროპის სახელმწიფოთა კოალიცია შესდგა, და აი ამ ღალატისთვის ვენის კონგრესმა ნორვეგია უწყალობა შვეციის მეფეს. მაგრამ ნორვეგიის ხალხი თავისუფლების მოყვარე იყო იმ თავითვე და ამიტომ შვეციის უბრალო ქვეშევრდომობას ვერ დასთანხმდებოდა. შვეციისა და ნორვეგიის შეერთება მოხდა ეგრედ წოდებულ „რეალურ უნიის“ საფუძველზე: ნორვეგიაცა და შვეციაც თავის შინაურ საქმეებში დამოუკიდებელი იყვნენ ერთი მეორისაგან; საერთო ჰქონდათ გარეშე პოლიტიკა, სამხედრო წესწყობილება და ჰყავდათ ერთი მეფე.

მართალია, ასეთი თანასწორუფლებიანობა შვეცია-ნორვეგიისა თანდათან დაირღვა შვეციის სასარგებლოდ, მაგრამ

იმ დროისათვის ასეთი წესწყობილება შეეფერებოდა ნორვეგიის ხალხის კულტურასა და ეკონომიურ მდგომარეობას. შვეცია ბევრით მაღლა იდგა ნორვეგიაზე როგორც განათლებით, ისე ეკონომიურ განვითარებითაც. ნორვეგია „ლარბ მეთეგზეთა“ ქვეყანა იყო და ადვილად ურიგდებოდა შვეციის უპირატესობრივ მდგომარეობას. მაგრამ დრონი იცვალნენ. ამ ოთხმოცდა-ათის წლის განმავლობაში ნორვეგია არა თუ გაუსწორდა შვეციას, გაუსწრო კიდევ. დღეს ნორვეგია მეტად განათლებული და ყოველმხრივ დაწინაურებული ქვეყანაა. სულ ორ მილიონამდე ხალხია მთელს ნორვეგიაში; მაგრამ ამ პატარა ერს ისეთი ლიტერატურა შეუქმნია, რომ ევროპის მწერლობაზე დიდი გავლენა შეუქმნია. ვის არ გაუგონია, იბსენისა და ბიორნსონის სახელი? ვის არ უნახავს სცენაზე „ნორა“ და „ხალხის მტერი“?

ნორვეგიის სავაჭრო ფლოტს დღეს მეოთხე ადგილი უჭირავს ინგლისის, ამერიკის და გერმანიის შემდეგ.

ასე დაწინაურებული ერი ველარ შეურიგდებოდა მეორე ხარისხოვან მდგომარეობას სახელმწიფოში და მოითხოვა სრული თანასწორობა შვეციასთან: საკუთარი ჯარი, საკუთარი მინისტრი გარეშე საქმეებისა და საკუთარი კონსულები; საერთო შვეციასთან მარტო მეფე უნდოდათ. შვეცია, რასაკვირველია, წინააღმდეგა ნორვეგიელების ასეთ მისწრაფებას და უკანასკნელ დრომდე განუწყვეტელი უთანხმოება და შეტაკება იყო სამეფოს ორ ნაწილს შუა. შვეცია-ნორვეგიის მეფესაც შვეციის მხარი ეჭირა. რაკი ნორვეგის ხალხმა ნებაყოფლობით ვერ მიიღო, რაც სწადა, სხვა გზა არჩია: ნორვეგიის ხალხის წარმომადგენლებმა გადაყენებულად გამოაცხადეს ნორვეგიის მეფე და დროებითი მთავრობა დააწესეს, სანამ საბოლოო ფორმას მისცემენ ახალ წესწყობილებას.

შვეცია და შვეციის მეფე იძულებული იქნებიან შეურიგდნენ ამ მშვიდობიან რევოლიუციას, რადგან იარაღისა და ჯარის საშუალებით თავისუფლების მოყვარე ნორვეგიელებთან ვერას გახდებიან.

ვენის კონგრესი (1815) იყო გამარჯვება ევროპის ყველა რეაქციონულ ძალებისა; ვენის კონგრესის დადგენილებანი გაჟღენთილი იყო იმ მიზნით, რომ ყოველი ახალი ცოცხალი ძალა მოესპოთ და დახვესებული ცხოვრება უცვლელად დაეტოვებიათ. რასაკვირველია, ცხოვრების ტალღებმა სულ ერთიან წალეკეს მთელი ეს მეცადინეობა ევროპის ბნელ ძალებისა. არც ერთი დადგენილება ვენის კონგრესისა აღარ დარჩენილა ძალაში, ყველა მოისპო. უკანასკნელი იყო შვეიცია-ნორვეგიის რეალური უნია; და თუ ეს უნია აქამდე სცოცხლობდა, მხოლოდ იმიტომ, რომ იგი არ ყოფილა იმ დროს ისე წინააღმდეგი ბუნებისა, როგორც დანარჩენი დადგენილებანი იმ კონგრესისა.

ხელის მოწერა 1905 წლისათვის.

ყოველ დღიური გაზეთი

წელიწადი

„ცნობის ფურცელი“

მ. ე. თ. ე.

სურათებიანი დამატებით.

ფასი გაზეთისა გაგზავნით:

კავკასიაში და რუსეთში ერთი წლით 6 მან.	წლიური ფასის განაწილება: ხელის მოწერისათანავე 4 მან. და დანარჩენიც პირველ მარტამდე.	საზღვარ გარედ ერთი წლით 9 მან.
----------------------------------------	-------------------------------------------------------------------------------------	--------------------------------

ყოველ თვიური ჟურნალი **„მოამბე“** წელიწადი მეთორმეტე

ფასი ჟურნალისა გაგზავნით:

კავკასიაში და რუსეთში 1 წ. 10 მან. ცალკე 1 მან.	ვინც „მოამბე“-ს მთელს წლით გამოიწერს, სურათებიანი დამატებანი და „ცნობის ფურცელი“	საზღვარ გარედ 1 წლით 13 მან. ცალკე 1 მ. 20 კ.
-------------------------------------------------	----------------------------------------------------------------------------------	-----------------------------------------------

◆ უფასოდ გაგზავნება ◆

მხოლოდ ქალაქ გარედასახელებს ფოსტის ხარჯისათვის უნდა დაუმატონ 1 მანეთი, რომელიც ხელის მოწერისათანავე უნდა იქნას შემოტანილი.

წლიური ფასის განაწილება: პირველად—8 მან. ქალაქ გარედ მცხოვრებთათვის და 5 მანეთი ტფილისელთათვის, 1-ლ მარტამდე—8 მან., 1-ლ აგვისტომდე—დანარჩენი.

(გარკვევით უნდა დაიწეროს სახელი გამოცემისა, რომელსაც იწერთ) როგორც ცნობის ფურცლისა, ისე „მოამბისა“ მხოლოდ წლიურ ხელის მომწერთ გაეგზავნებათ თხზულება გამოჩენილ ესპანელ მწერლის სერვანტესის

დ. რ. ე. **— ღონ-პისოტი —** სურათებით

ეს თხზულება ნათარგმნია ნიკოლოზ ავალიშვილის მიერ და შედარებულია ვიარდოს ფრანგულ თარგმანთან ალექსანდრე სარაჯიშვილის დახმარებით. ორი ტომი შეიცავს 1700 გვერდს (300 სურათით) პრემიად დარიგებულ

უაზბეგის ნაწერების ფორმატისას.

1905 წ. ხელის მომწერთ დაურიგდებათ პირველი ცომი, ხოლო მეორე ცომი გაეგზავნებათ 1906 წლის ხელის მომწერთ.

ვინც 1906 წ. არ ისურვებს ჟურნალ-გაზეთზე ხელის მოწერის გაგრძობას, მას შეუძლიან 1906 წლის დამდეგს მიიღოს მეორე ტომი, რისთვისაც დაუმატებს 2 მან. 50 კაპ. ტფილისში მცხოვრები და 3 მან. 20 კ. ტფილისს გარედ მცხოვრებელ აგრედვე 1906 წ. ახალი ხელის მომწერი მიიღებს პირველ ტომს ამავე პირობით.

პრემიის გასაგზავნად ტფილისს გარედ ხელის მომწერლებმა უნდა დაუმატონ 70 კაპ. წლიურ ფასის გარდა.

გარდა ამისა „მოამბისა“ წლიურ ხელის მომწერთ გაეგზავნებათ

მასალაზე სემპრთემლოს ისტორიისათვის

ბაკონიშვილის დავით გიორგის ძისა და მის ძმებისა. ეს წიგნი ახლად ნაპოვნ ხელთ ნაწერიდან იბეჭდება და შეიცავს 300 გვერდს „მოამბის“ ფორმატისას.

რედაქციის კანკარის ადრესი: ვანქის ღიდი ქუჩა, ქართ. ამხ. სადგომში. ფოსტის ადრესი: Тифлисъ. Редакция „Моамбе“-„Циоხისъ Пурцელი“.

ყოველ დღიურს საყოლიოთ და სალიბერალურს ბაზეთი

„ი ვ ე რ ი ა“

1905 წლის განმავლობაში რედაქცია დაურიგებს ხელის
მომწერლებს

პრემიალ 12 წიგნს

საერთო სათაურით: „ივერიის ბიბლიოთეკა“, რომელ-
შიაც მოთავსებული იქნება: ბელეტრსტული და სამეცნიერო
თხზულებანი და წერილები ქართველ და უცხო მწერალთა.

გაზეთში და საპრემიო წიგნებში იქნება მოთავსებული
სურათები და ილუსტრაციები.

გაზეთის ფასი: 15 თებერვლიდან წლის დამლევამდის 8 მან.
50 კაპ., რომლის გადახდა ნაწილ-ნაწილადაც შეიძლება.

ცალკე ნომერი გაზეთისა ღირს 3 კაპ.

რედაქცია იმყოფება პუშკინის ქუჩაზე, № 11, საკრედიტო საზოგა-
დოების სახლში (მესამე სართულში).

საფოსტო აღრესი: Тифлисъ, Редакция газ. „ИВЕРІА“

დრ. რედაქტორი ფ. გოგინაიშვილი.

ათასედ პლატინზაფისას ჩაჰყრიან, წყალმბადგადაჟანგი ასეთ პირობაში სწრაფად იწყებს ქიმიურად დაშლას ასეთის ენერჯიის წარმოშობით, რომ საცადი მილი საგრძნობლად გახურდება, დაშლილ წყალმბადგადაჟანგისაგან სჩნდება წყალი და მჟავმბადი: პირველი ე. ი. წყალი, რალა თქმა უნდა, საცად მილშივე დარჩება, მჟავმბადი კი მილიდგან მალლა მიისწრაფვის და მისი გამოცნობა ადვილი არის ბეუტავ ნაფოტის შემწეობით. რადგან წყალმბადგადაჟანგი ოზონსავით არა მკიდრო, ადვილად დასაშლელი ნივთიერება არის და ქიმიურად დაშლის დროს ანთავისუფლებს მჟავმბადის ატომებს ამიტომ მას შეუძლიან აკტიურ მჟავმბადსავით იმოქმედოს სხვა და სხვა ნივთიერებებზედ და საზოგადოდ გაჟანგვის, დამჟავების პროცესებში მოახდინოს. მართლდაც წყალმბადგადაჟანგი ძალიან ადვილად უერთებს თავის მჟავმბადის ატომებს მჟავმბადით ღარიბ ჟანგეულობებებს და მათ მჟავმბადით მდიდარ ჟანგეულობებებად გარდაქცევს ხოლმე. მაგალითად, ცნობილი არის ერთგვარი ჟანგეული ლითონ ტიტანუმისა ესრედ წოდებული ტიტანუმის ორჟანგი შემდგვის მოლეკულიარულ ფორმულისა TiO_2 , რომელიც წმინდა გოგირდის სიმჟავეში წითელ-მაცხეთალო ფერათ იხსნება. ასეთი ხსნილი ოდნავის წყალმბადგადაჟანგის ზედგავლენით სწრაფად ჰკარგავს თავის ფერს და ლიმონის მზგავს ღია ყვითელ ფერს იღებს. ასეთ პირობაში ხსნილის ფერის გამოცვლა იმით აიხსნება, რომ ტიტანუმის ორჟანგი ადვილად აერთებს წყალმბადგადაჟანგის მჟავმბადს და ტიტანუმის სამჟანგად იქცევა ე. ი. TiO_3 ამ უკანასკნელ რეაქციის შემწეობით წყალში სულ ცოტაოდენ წყალმბადგადაჟანგის აღმოჩენა შეიძლება. მეორე ეფექტიური გაჟანგვის რეაქცია, რომლის შემწეობითაც ძალიან ადვილი არის წყალში ან საზოგადოდ რაიმე სხვა ხსნილში წყალმბადგადაჟანგის აღმოჩენა, მდგომარეობს ხრომის სიმჟავის მჟავმბადით უფრო ძლიერად დაწვა-დაჟანგვაში. ხრომის სიმჟავის ანლიდრიდი ერთ ატომ ხრომზედ მჟავმბადის სამ ატომს შეიცავს, ასე რომ მისი ქიმიური ფორმულა იქნება CrO_3 . ერთ მოლეკულ წყლის შეთვისებით ეს ანლიდრიდი შესაფერ ხრომას სიმჟავის

$\text{CrO}_3 + \text{H}_2\text{O} = \text{CrO} + \frac{1}{2}\text{H}_2$. ამ სიმყავის მარილებს. ყვითელი ფერი აქვთ, წყალში ყვითელის ფერით იხსნებიან და გახსნილ მდგომარეობაში სულ ცოტაოდენ წყალმზადგადაქანგის ზედგავლენით სწრაფად ლილისფერს იღებენ ხოლმე, რადგან გადაქანგის მყავმზადის შეთვისებით ანლიდრიდი (CrO_3) მყავმზადით უფრო მდიდარ ქანგეულად (Cr_2O_7)-ად იქცევა. უკანასკნელი ქანგეული ლილისფერისა არის და ამით აიხსნება ის გარემოება, რომ ხრომის სიმყავის მარილის ყვითელი ხსნილი წყალმზადგადაქანგის ზედმოქმედებით ლილისფრად იღებება. თუ ლილისფრად შეღებულ სითხეს ცოტაოდენ ეთერს მიღმატებთ და ასეთ ნარევს კარგად შევანჯღვლევთ, ეთერი ადვილად გახსნის ხრომის ლილისფერ ქანგეულს Cr_2O_7 -ს, წყალს ზევით მოიყრის თავს და ასეთ პირობებში უკი უფრო ადვილად დავრწმუნდებით წყალმზადგადაქანგის მოქმედებაში. ამ მიზნისათვის ეთერის ხმარება განსაკუთრებით საჭირო არის, როცა რომელიმე ხსნილში მოსალოდნელია მეტის-მეტად ცოტა წყალმზადგადაქანგი, იმდენად ცოტა, რომ უეთეროთ სითხე, ვსთქვათ, სულ არ იღებება ლილისფრად. ყველაზედ უფრო საყურადღებო წყალმზადგადაქანგის ქიმიურ თვისებებებიდან არის, ესრედ წოდებული ქანგეულობების გამოქანგვა ანუ, უფრო გასაგებად რომ ვსთქვათ, გაქანგულ ელემენტთა უფრო ნაკლებად გაქანგულ და ხანაც სულ წმინდა ელემენტებად გარდაქმნა. წყალმზად გადაქანგის აზგვარი თვისება იმითი არის მეტად საყურადღებო, რომ თვით ეს ნივთიერება მეტად მღრღარი არის მყავმზადით და სხვა მყავმზადოვან ნივთიერებებზედ ზედმოქმედებით ზოგიერთ შემთხვევებში უფრო გაქანგვის მაგივრად მათ პირაქვეთ მყავმზადს ართმევს და მყავმზადით უფრო ღარიბ ნივთიერებებად აქცევს ხოლმე. როგორც ზემოდაც ვსთქვით, არის შემთხვევები, როცა აზგვარი მყავმზადის წართმევა იმდენად ძლიერია, რომ ესა თუ ის გაქანგული ელემენტი წმინდა ელემენტად იქცევა. მაგალითად, თუ ჩვენ წყალში გახსნილ წყალმზადგადაქანგში შავ ვერცხლის ვადაქანგს Ag_2O -ს ჩავყრით, დავინახავთ, რომ წყალმზადგადაქანგი სწრაფად წყლად და თავისუფ-

ფალ მჟავმბადად გარდაქცევას იწყებს. უკანასკნელი კი თავის ორ მიწხიდველოვან მჟავმბადის ატომებით თან წარიტაკებს ორ ერთ მიწხიდველოვან ვერცხლის ატომებთან შეერთებულ მჟავმბადის ატომებს, მათთან ერთად მჟავმბადის მოლეკულებად გარდაიქცევა და თავისუფალ, გაზოვან მდგომარეობაში მალისაკენ იწყებს დენას. განთავისუფლებული ვერცხლი წმინდა ლითონიურ მდგომარეობაში გამოსაცდელად აღებულ ჭიქის ჭურჭლის ძირზედ და კედელზედ დარჩება.

ეს თავისებური რეაქცია წყალმბადგადაქანგის ამრიგად დაშლა-დარღვევის ვერცხლის ქანგის ზედგავლენით ამრიგად უნდა აღინიშნოს. $H_2O_2 + Ag_2O = H_2O + 2Ag + O_2$. მეორე ამგვარივე რეაქცია მდგომარეობს ქამელონის ანუ მანგანუმის სიმჟავის კალლიუმ მარილის ქიმიურად დაშლა-დარღვევაში წყალმბადგადაქანგის ზედგავლენით. როგორც ოზონის შესწავლის დროს დავინახეთ, ქამელონის მოლეკული შესდგება ერთ ატომ ლითონ კალიუმისაგან, ოთხ ატომ მჟავმბადისაგან და ერთ ატომ მანგანუმისაგან. $KMnO_4$. ეს რთული ნივთიერება. რომელიც წყალში ლურჯ-მოწითალო ფერით იხსნება წყალმბადგადაქანგის ზედგავლენით ადვილად იშლება ქიმიურად, ადვილად იქცევა მჟავმბადით უფრო ღარიბ და უფერულ რთულ ნივთიერებებად, ეს საყურადღებო რეაქცია ძალიან ადვილად და ეფექტიურად მიმდინარეობს, თუ წყალმბადგადაქანგის ხსნილს ცოტაოდენ გოგირდის სიმჟავეს მიუმატებენ, რომელიც რეაქციის დროს გაჩენილ კალიუმის და მანგანუმის უფერულ ქანგეულობებს ადვილად უერთდება და მათთან ერთად შესაფერ, უფერულსავე და წყალში ადვილად გასახსნელ მარილებს აჩენს. რეაქციის დროს განთავისუფლებულ წყალმბადგადაქანგის და გოგირდის სიმჟავის წყალმბადის ატომები უერთდებიან ქამელონის და წყალმბადგადაქანგისაგან განთავისუფლებულ მჟავმბადის ატომებს წყლის გასაჩენად; წყლის გაჩენის შემდეგ გადარჩენილი მჟავმბადის მოლეკულები რეაქციის შემდეგ თავისუფალ მდგომარეობაში მალლა ჰაერისაკენ მიისწრაფვიან ხოლმე. ამ რეაქციის პრაქტიკულად განსახორციე-

ლებლად ქამელეონს საცად მიღში გახსნიან ხოლმე და ასეთ ხსნილს ცოტაოდენ გოგირდის სიმჟავეს მიუმატებენ; შემდეგ ამ ნარევს ნელ-ნელა წყალმზადგადაქანგის ხსნილში ჩაასხავენ და ამრიგად დარწმუნდებიან, რომ რეაქციისა და მიხედვით ქამელეონის ლურჯ-მოწითანო ფერი სწრაფად ჰქრება და საცად მილიდგანაც ბევრი თავისუფალი მჟავმზადი ამოდის. ეს რთული რეაქცია მჟავმზადით მდიდარ ქამელეონის ქიმიურად დაშლისა და მისაგან ახალ, უფერულ ნივთიერებათა გაჩენისა ამრიგად უნდა აღინიშნოს: $2\text{KMnO}_4 + 3\text{H}_2\text{SO}_4 + 5\text{H}_2\text{O}_2 = \text{K}_2\text{SO}_4 + 2\text{MnSO}_4 + 8\text{H}_2\text{O} + 5\text{O}_2$. წყალმზადგადაქანგის თვისებების გაცნობის შემდეგ ჩვენ ადვილად გავიგებთ ამ რთულ ნივთიერების მოლეკულის ელემენტარულ და ატომიურ შედგენილების დამამტკიცებელ საბუთებსაც. ამ მხრით მეტად საყურადღებო არის ამ ნივთიერების აღმომჩენის ტენარდის გამოკვლევები. წყალმზადგადაქანგის ანალიზისათვის ტენარდმა აიღო ვერცხლის წყლით სავსე ჭიქის მასრა, უკანასკნელი ღია ბოლოთი ვერცხლის წყლიანსავე ჯამში ჩაუშვა და ამავე ღია ბოლოდგან ჭიქის მასრაში პაწაწა ჭიქის ჭურჭელში მოთავსებული განსაზღვრულ რაოდენობის წყალმზადგადაქანგი შეუშვა. შემდეგ შესაფერ საშუალებით ეს პაწაწა ჭიქის ჭურჭელი მასრაშივე გასტეხა და ამრიგად მასრაში ვერცხლის წყლის ზევით მოგროვილ წყალმზადგადაქანგში ცოტაოდენი მანგანუმის გადაქანგის შავი მტვერი შეიტანა. უკანასკნელმა თავის კატალიტიურ ზედ მოქმედებით წყალმზადგადაქანგი ქიმიურად დაშალა, წყლად და მჟავმზადად გარდაქცია, ასე რომ განსაზღვრულ რაოდენობის წყალმზადგადაქანგის მაგივრად ეხლა ჭიქის მასრაში შესაფერო რაოდენობის წყალი და მჟავმზადი არის მოთავსებული. ტენარდმა მიღებულ ფაქტებისა და მიხედვით დაამტკიცა, რომ წონით 17 ნაწილ წყალმზადგადაქანგისაგან ყოველთვის მჟავმზადის 8 ნაწილი სჩნდება. აქედგან მან ადვილად დასკვნა, რომ ერთ ატომ მჟავმზადის წონითი რაოდენობა ე. ი. მჟავმზადის 16 ნაწილი უნდა გასჩნდეს 34 ნაწილგადაქანგისაგან; იმ წყლის რაოდენობა კი, რომელიც დაშლის დროს უნდა წარმოშოს

წყალმზადგადაქანგის 34-მა ნაწილმა, აშკარაა, უნდა უდრიდეს (34—16) ანუ 18 ნაწილს. ასეთ გამოკვლევებისა და მიხედვით წყალმზადგადაქანგის მოლეკული უნდა შეიცავდეს წყლის ერთ მოლეკულს H_2O -ს, რომელიც იწონის 18-ს და ერთ ატომ მჟავმზადისაგან, რომლის წონაც უდრის 16-ს ანუ სულ უმცირეს ერთ ატომ მჟავმზადისაგან და ერთ ატომ წყალმზადისაგან ამრიგად H_2O , საზოგადოთ კი ამ რთულ ნივთიერების მოლეკულისათვის შესაძლო უნდა ყოფილიყოს ზოგადი ფორმულა $(HO)_n$ ე. ი. (HO) ორჯერ, სამჯერ, ოთხჯერ და საზოგადოდ n ჯერ, რადგან ყოველ ამ ფორმულაში ერთ ნაწილ წყალმზადზედ მჟავმზადის 16 ნაწილი მოუდის. ამ კითხვის გამორკვევისათვის აშკარაა საჭირო იყო წყალმზადგადაქანგის მოლეკულიარულ წონის გამოანგარიშებაც, მისი სიმჭირხნისა და მიხედვით. სხვა და სხვა გამოკვლევებმა ამ მხრით დაამტკიცეს, რომ წყალმზადგადაქანგის მოლეკულიარული წონა უნდა უდრიდეს 34-ს. და მაშასადამე ამ ნივთიერების მოლეკულში (HO) უნდა შედიოდეს მხოლოდ ორჯერ, ამრიგად წყალმზადგადაქანგის მოლეკულის აღნიშვნა ერთ მიმზიდველოვან წყალმზადის და ორმიმზიდველოვან მჟავმზადის ატომებისა და მიხედვით შეიძლება მხოლოდ ამრიგად $H-O-O=H$ ან $H-O-O-H$, ბოლოსაც სულ უბალოდ H_2O_2 . როგორც ამ მოლეკულის მიმზიდველობითი აღნიშვნადგან სჩანს, წყალმზადგადაქანგის პაწაწა ნაწილებშიაც, ისე როგორც ოზონის მოლეკულებში, მჟავმზადის ატომები თითაეულ მიმზიდველობით არიან ერთიერთმანეთთან შეერთებულნი და აი სწორედ ამით აიხსნება ამ გადაქანგის ოზონსავეთ ენერგიული დეწვადაქანგის და საზოგადოდ სხვა და სხვა ქიმიურ მოქმედების პროცესები. რეაქციის დროს წყალმზადგადაქანგის მოლეკულიდგან მჟავმზადის ერთი ატომი სრულეებით განთავისუფლდება, მისი მეორე ატომი კი წყალმზადის ორ ატომს უერთდება და ამრიგად წყლის მოლეკულს აჩენს. თუ წყალმზადგადაქანგის და წყლის მოლეკულთა მიმზიდველობითი ფორმულებს ერთი მეორეს შევადარებთ, დავინახავთ, რომ ეს ორ წყალმზადმჟავმზად-

ლებლად ქამელეონს საცად მიღში გახსნიან ხოლმე და ასეთ ხსნილს ცოტაოდენ გოგირდის სიმჟავეს მიუმატებენ; შემდეგ ამ ნარევის ნელ-ნელა წყალმზადგადაქანვის ხსნილში ჩაასხამენ და ამრიგად დარწმუნდებიან, რომ რეაქციისა და მიხედვით ქამელეონის ლურჯ-მოწითანო ფერი სწრაფად ჰქრება და საცად მილიდგანაც ბევრი თავისუფალი მჟავმზადი ამოდის. ეს რთული რეაქცია მჟავმზადით მდიდარ ქამელეონის ქიმიურად დაშლისა და მისაგან ახალ, უფერულ ნივთიერებათა გჩენისა ამრიგად უნდა აღინიშნოს: $2\text{KMnO}_4 + 3\text{H}_2\text{SO}_4 + 5\text{H}_2\text{O}_2 = \text{K}_2\text{SO}_4 + 2\text{MnSO}_4 + 8\text{H}_2\text{O} + 5\text{O}_2$. წყალმზადგადაქანვის თვისებების გაცნობის შემდეგ ჩვენ ადვილად გავიგებთ ამ რთულ ნივთიერების მოლეკულის ელემენტარულ და ატომიურ შედგენილების დამამტკიცებელ საბუთებსაც. ამ მხრით მეტად საყურადღებო არის ამ ნივთიერების აღმომჩენის ტენარდის გამოკვლევები. წყალმზადგადაქანვის ანალიზისათვის ტენარდმა აიღო ვერცხლის წყლით სავსე ჭიქის მასრა, უკანასკნელი ღია ბოლოთი ვერცხლის წყლიანსავე ჯამში ჩაუშვა და ამავე ღია ბოლოდგან ჭიქის მასრაში პაწაწა ჭიქის კურკელში მოთავსებული განსაზღვრულ რაოდენობის წყალმზადგადაქანგი შეუშვა. შემდეგ შესაფერ საშუალებით ეს პაწაწა ჭიქის კურკელი მასრაშივე გასტეხა და ამრიგად მასრაში ვერცხლის წყლის ზევით მოგროვილ წყალმზადგადაქანგში ცოტაოდენი მანგანუმის გადაქანვის შავი მტვერი შეიტანა. უკანასკნელმა თავის კატალიტიურ ზედ მოქმედებით წყალმზადგადაქანგი ქიმიურად დაშალა, წყლად და მჟავმზადად გარდააქცია, ასე რომ განსაზღვრულ რაოდენობის წყალმზადგადაქანვის მაგივრად ეხლა ჭიქის მასრაში შესაფერი რაოდენობის წყალი და მჟავმზადი არის მოთავსებული. ტენარდმა მიღებულ ფაქტებისა და მიხედვით დაამტკიცა, რომ წონით 17 ნაწილ წყალმზადგადაქანვისაგან ყოველთვის მჟავმზადის 8 ნაწილი სჩნდება. აქედგან მან ადვილად დასკვნა, რომ ერთ ატომ მჟავმზადის წონითი რაოდენობა ე. ი. მჟავმზადის 16 ნაწილი უნდა გასჩნდეს 34 ნაწილგადაქანვისაგან; იმ წყლის რაოდენობა კი, რომელიც დაშლის დროს უნდა წარმოშოს

წყალმბადგადაქანგის 34-მა ნაწილმა, აშკარაა, უნდა უდრიდეს (34—16) ანუ 18 ნაწილს. ასეთ გამოკვლევებისა და მიხედვით წყალმბადგადაქანგის მოლეკული უნდა შეიცავდეს წყლის ერთ მოლეკულს H_2O -ს, რომელიც იწონის 18-ს და ერთ ატომ მჟავმბადისაგან, რომლის წონაც უდრის 16-ს ანუ სულ უმცირეს ერთ ატომ მჟავმბადისაგან და ერთ ატომ წყალმბადისაგან ამრიგად HO , საზოგადოთ კი ამ რთულ ნივთიერების მოლეკულისათვის შესაძლო უნდა ყოფილიყოს ზოგადი ფორმულა $(HO)_n$ ე. ი. (HO) ორჯერ, სამჯერ, ოთხჯერ და საზოგადოდ n ჯერ, რადგან ყოველ ამ ფორმულაში ერთ ნაწილ წყალმბადზედ მჟავმბადის 16 ნაწილი მოუდის. ამ კითხვის გამორკვევისათვის აშკარაა საჭირო იყო წყალმბადგადაქანგის მოლეკულიარულ წონის გამოანგარიშებაც, მისი სიმჭირხნისა დი მიხედვით. სხვა და სხვა გამოკვლევებმა ამ მხრით დაამტკიცეს, რომ წყალმბადგადაქანგის მოლეკულიარული წონა უნდა უდრიდეს 34-ს, და მაშასადამე ამ ნივთიერებას მოლეკულში (HO) უნდა შედიოდეს მხოლოდ ორჯერ, ამრიგად წყალმბადგადაქანგის მოლეკულის აღნიშვნა ერთ მიმზიდველოვან წყალმბადის და ორმიმზიდველოვან მჟავმბადის ატომებისა და მიხედვით შეიძლება მხოლოდ ამრიგად $H-O-O=H$ ან $H-O-O-H$, ბოლოსაც სულ უბალოდ H_2O_2 . როგორც ამ მოლეკულას მიმზიდველობითი აღნიშვნიდგან სჩანს, წყალმბადგადაქანგის პაწაწა ნაწილებშიაც, ისე როგორც ოზონის მოლეკულებში, მჟავმბადის ატომები თითოეულ მიმზიდველობით არიან ერთიერთმანეთთან შეერთებულნი და აი სწორედ ამით აიხსნება ამ გადაქანგის ოზონსავით ენერგიული დეჰვადაქანგის და საზოგადოდ სხვა და სხვა ქიმიურ მოქმედების პროცესები. რეაქციის დროს წყალმბადგადაქანგის მოლეკულიდგან მჟავმბადის ერთი ატომი სრულეებით განთავისუფლდება, მისი მეორე ატომი კი წყალმბადის ორ ატომს უერთდება და ამრიგად წყლის მოლეკულს აჩენს. თუ წყალმბადგადაქანგის და წყლის მოლეკულთა მიმზიდველობითი ფორმულებს ერთი მეორეს შევადარებთ, დავინახავთ, რომ ეს ორ წყალმბადმჟავმბა-


დოვანი რთული ნივთიერებანი ერთი მეორისაგან განსხვავდებიან ესრედ წოდებულ ლიდროქსილურ ჯგუფთა რაოდენობით თავიანთ მოლეკულებში. ლიდროქსილს ქიმიაში უწოდებენ ლიპოტეტიურ ჯგუფს, რომელიც შესდგება ერთ ატომ წყალმბადისაგან და ერთსავე ატომ მეავმბადისაგან და რომელიც რეალურად, თავისუფალ მდგომარეობაში არ არსებობს. ასეთ ჯგუფში HO -ში მეავმბადის ერთი ატომი მხოლოდ თავის ერთ მიმზიდველობით არის შეერთებული წყალმბადის ერთ ატომთან. მეორე მიმზიდველობა კი მას თავისუფალი აქვს, რასე რომ სხვა და სხვა მოლეკულებში ასეთ გვარ ჯგუფს ერთ მიმზიდველობა ატომის ან ატომის ერთ მიმზიდველობის ადგილის დაქვრა შეუძლიან. ამისადა მიხედვით შეგვიძლიან ვსთქვათ, რომ წყალი წარმოადგენს წყალმბადის მოლეკულს, რომელიც წყალმბადის ერთი ატომის მაგივრად ლიდროქსილის ერთი ჯგუფი იმყოფება ე. ი. OH ამრიგად $\text{H}-(\text{O}-\text{H})$, წყალმბადგადაქანგი კი იგივე წყალმბადის მოლეკულად შეიძლება ჩაითვალოს, მხოლოდ მასში ორთავე წყალმბადის ატომთა მაგივრად ორი ლიდროქსილის ჯგუფია ერთი მეორესთან შეერთებული ამრიგად $(\text{H}-\text{O})-\text{O}-\text{H}$. ასეთ გვარ ლიპოტეტიურ ჯგუფებს, რომლებიც სხვა და სხვა მოლეკულებში ატომთა როლს თამაშობენ, შემდეგში ჩვენ ძალიან ხშირად შევხვდებით; მათის შემწეობით ბევრ ქიმიურ პროცესებს ჩვენ მეტის მეტად ადვილად წარმოვიდგენთ, გავიგებთ და ამიტომაც კარგი იქნება, რაც შეიძლება, კარგად ჩაუკვირდეთ უკანასკნელ მოკლე განმარტებას ლიდროქსილთა შესახებ.

გალოგენება ანუ მარილმბადა ელემენტება.

ქლორი $\text{Cl}=35,45$. $\text{Cl}=71,9$. (აღმოაჩინა შვედთა ქიმიკოსმა შეელემ 1774 წ.) გალოგენების სახელს უწოდებენ ოთხ ქიმიურ ელემენტს, რომლებიც თავის თვისებებებით ძალიან წააგავენ ერთი ერთმანეთს და რომლებიც პირდაპირ უერთდებიან ლითონებს საქმელ-მარილის დაგვარ რთულ ნივ-

თიერებების წარმოშობით. ასეთ გვარ ზედმოქმედებს გამო-
 ლითონებზე და მათთან ერთად მარილისებურ რთულ ნივთი-
 ერებების წარმოშობისათვის ამ ელემენტებს უწოდეს სახელად
 გალოგენები, რაც ნიშნავ მარილმზადებს. ამ ელემენტების გა-
 ცნობას ჩვენ დავიწყებთ ყველაზედ უფრო გავრცელებულ ელემ-
 ენტ ქლორისაგან, რომელსაც გაკვრით ვეხებოდით სპეცია-
 ლურ ნაწილის შესავალში მოლექულებზედ ლაპარაკის დროს.
 ელემენტი ქლორი თავისუფალ მდგომარეობაში ზუნებაში სუ-
 ლაც არ მოიპოვება, რადგან ის ძალიან ადვილად უერთდება
 სხვა და სხვა ელემენტებს და მათთან ერთად აჩენს სხვა და
 სხვასავე ქლორიან რთულ ნივთიერებებს. უკანასკნელ ნივ-
 თიერებათა შორის ყველაზედ უფრო გავრცელებული არის
 ესრედ წოდებული საქმელი მარილი ანუ ქლორნატრიუმი,
 რომლის მოლექული, როგორც ქვეით დავინახავთ, შესდგება
 ერთ ატომ ქლორისაგან და ერთ ატომ ლითონ ნატრიუმისაგან.
 ქლორნატრიუმი ანუ საქმელი მარილი განსაკუთრებით ბევრი
 იმყოფება ზღვის და ლიქანების ე. ი. ზღვისაგან მოწყვეტილ,
 მოშორებულ ტბების წყლებში და აგრეთვე მიწაშიაც მდნე-
 ულ მდგომარეობაში. როგორც უკვე ვიცით, მარილის მიღება
 ზღვის და საზოგადოდ მარილიან წყლიდან ადვილი არის
 წყლის აორთქლების შეწყობით. ასეთ პირობაში მარილიან
 წყლიდან წყალი ორთქლად წავა ხოლმე; მარილი კი, რო-
 გორც მაგარი, მეტად ძნელად ასაორთქლებელი ნივთიერება,
 თავისუფალ და მშრალ მდგომარეობაში დარჩება. მარილი აგ-
 რეთვე იმყოფება, ხოლო კი მეტად ნაკლებ რაოდენობით, მცე-
 ნარე და ცხოველ აგებულებებშიაც, რომლებიც დანაც დაწვის
 შემწეობით ადვილად შეიძლება მისი მიღება დარჩენილ ნაც-
 რის შესაფერ საშუალებით გაწმენდა-დამუშავებით. ასეა თუ
 ისე წმინდა მარილს რამდენიც გვინდა, იმდენს ვიშოვით ზუნე-
 ბაში და, რაღა თქმა უნდა, ეს გარემოება მეტად ხელსაყრე-
 ლია წმინდა ელემენტ ქლორის მიღებისათვისაც. ქლორის მი-
 საღებად თავდაპირველად საჭირო არის წმინდა ქლორ-წყალმ-
 ბადის ანუ მარილის სიმკვების მიღება საქმელ-მარილისაგან. ამი-

სათვის საკმარისია ქლორნატრიუმს წმინდა გოგირდის სიმკვავე დავასხათ როგორცე ქიქის კოლბაში და უკანასკნელი ნელ-ნელა ცეცხლზედ გავახუროთ. ასეთ პირობებში გოგირდის სიმკვავის მოლეკულში ე. ი. SO_4H_2 -ში წყალმბადის ორ ერთ მიმზიდველოვან ატომთა ადგილს ქლორნატრიუმის ერთმიმზიდველოვან ლითონ ნატრიუმის ატომები იჭერენ და ამრიგად გოგირდის სიმკვავის ნატრიუმ მარილის მოლეკულებს აჩენენ, განთავისუფლებული ერთ მიმზიდველოვანი წყალმბადის და ქლორის ატომები კი ერთი მეორეს უერთდებიან და ქლორწყალმბადის მოლეკულებს წარმოშობენ. ასეთ რეაქციის დროს წარმოშობილი გაზოვანი მარილის სიმკვავე გაზის გამყვან ქიქის მილის შემწეობით კოლბიდგან შეგვიძლიან წმინდა წყალში ჩავუშვათ და ამრიგად დავამზადოთ მაგარი ქლორ-წყალმბადის ხსნილი ქლორის მისადებად. გოგირდის სიმკვავის ქლორნატრიუმზედ მოქმედებრს რეაქციის აღსანიშნავად ერთ მოლეკულ გოგირდის სიმკვავეზედ ქლორნატრიუმის ორი მოლეკული უნდა ავიღოთ, რადგან თითოეულ მარილის მოლეკულში თითო ერთ მიმზიდველოვანი ნატრიუმის ატომი იმყოფება, მაშინ როდესაც გოგირდის სიმკვავის მოლეკულში წყალმბადის ატომებრ უნდა შეიცვალოს ნატრიუმის ატომებზედ გოგირდის სიმკვავის ნატრიუმ მარილის მოლეკულების გასაჩენად. ამისა და მიხედვით ზევით აღნიშნული ქიმიური რეაქცია ამნაირად უნდა დაიწეროს:



რასაკვირველია ამავე რეაქციის განსახორციელებლად შეგვიძლიან აგრეთვე გოგირდის სიმკვავის ერთ მოლეკულზედ ქლორნატრიუმის ერთივე მოლეკული ავიღოთ, ხოლო ასეთ პირობაში ორჯერ უფრო ნაკლები იქნება ქლორწყალმბადის სიმკვავის გამოსავალი, რადგან გოგირდის სიმკვავეში ე. ი. მის მოლეკულში მხოლოდ წყალმბადის ერთი ატომი შეიცვლება ნატრიუმის ერთ ატომზედ და ერთსავე ქლორის ატომთან შე-

ერთებით ის მხოლოდ ერთ მოლეკულ მარილის სიმჟავეს წარმოშობს. ერთ მოლეკულ ქლორნატრიუმისადა მიხედვით ზევით მოყვანილი ქიმიური თანასწორობაც ამ ნაირად უნდა შეიცვალოს: $\text{NaCl} + \text{SO}_4\text{H}_2 = \text{NaHSO}_4 + \text{HCl}$

გოგირდის სიმჟავის ნატრიუმ-მჟავე მარილის მოლეკული.

ასე თუ ისე დამზადებულ ქლორ წყალმზადის სიმჟავიდგან წმინდა ქლორის მისაღებად აშკარა არის მის მოლეკულებს წყალმზადის ატომები სულაც უნდა მოვაშოროთ.

უკანასკნელ მიზნის განსახორციელებლად ხმარობენ მჟავმზადს *in statu nascendi*-ის ე. ი. წარმოშობის მდგომარეობაში. ასეთ მდგომარეობაში მჟავმზადის ატომები თავიანთ თავისუფალ ორ მიმზიდველობით მეტად ენერგიულად მოქმედნი არიან და ძალიან ადვილად უერთებან მარილის სიმჟავის წყალმზადის ატომებს წყლის მოლეკულების გასაჩენად დამზადებულს და უკვე გაზომეტრში დაწყდელ მჟავმზადს კი არ შეუძლიან ამკვარად იმოქმედოს მარილის სიმჟავის მოლეკულებზედ, რადგან ის მოლეკულიარულ მდგომარეობაში არის და მის მოლეკულებში მჟავმზადის ატომები თავიანთ ორმიმზიდველობებით ურთაერთშორის მკიდროდ შეერთებულნი არიან. ენერგიულად მოქმედ თავისუფალ მჟავმზადს ატომთა მიღება ადვილი არის მანგანუმის გადაჟანგზედ MnO_2 -ზედ გოგირდის ან სხვა რამ სიმჟავეების ზედმოქმედებით. გოგირდის სიმჟავე მანგანუმის გადაჟანგზედ ზედმოქმედების დროს თავის მოლეკულში ერთ-მიმზიდველოვან წყალმზადის ატომებს ლათონ მანგანუმის ორ-მიმზიდველოვან ატომზედ სცკლის და ამრიგად გოგირდის სიმჟავის მანგანუმ მარილს აჩენს, განთავისუფლებულ წყალმზადის და მჟავმზადის ორ-ორი ატომები კი ერთად უნდა შეერთდნენ და წყალმზადგადაჟანგის მოლეკულები უნდა წარმოშონ. მაგრამ უკანასკნელი რთული ნივთიერება, როგორც ვიცით, ოდნავ მანგანუმის გადაჟანგის ზედვაფლენითაც ადვილად იშლება ქიმიურად წყლის მოლეკულების და თავისუფალ ორმიმზი-

დველოვან მჟავმბადის ატომების წარმოშობით; ასე რომ მანგანუმის გადაჟანგის და გოგირდის სიმჟავის ურთიერთშორის ზედმოქმედებას სავსებით აღსანიშნავად ამნაირი ქიმიური თანასწორობა უნდა დაიწყოს: $MnO_2 + SO_4H_2 = SO_4Mn + H_2O + O$. პრაქტიკულად ქლორწყალმბადის მიღების რეაქცია და ამ სიმჟავის ქლორად გარდაქცევა ერთსა და იგივე კოლბაში უნდა მოხდეს. ქიქის კოლბაში ჩაჰყრიან კარგად დანაყულს ქლორნატრიუმს, მას შესაფერ რაოდენობის მანგანუმის გადაჟანგს მიუმატებენ, შემდეგ კოლბაში შესაფერ რაოდენობისავე გოგირდის სიმჟავეს ჩაასხავენ და ასეთ ნარევეს ცეცხლის შემწეობით ნელ-ნელ გაახურებენ. ასეთ პირობებში გოგირდის სიმჟავე ქლორნატრიუმზედ ზედმოქმედებით მარილეს სამჟავეს აჩენს, მანგანუმის გადაჟანგი კი გოგირდის სიმჟავისავე ზედგავლენით თავისუფალ მჟავმბადის ატომებს წარმოშობს, რომლებიც კოლბაშივე მყოფ მარილის სიმჟავეს წყალმბადის ატომებს ართმევენ წყლის მოლეკულების გასაჩენად და ამრიგად ქლორის ატომებს სულაც ანთავისუფლებენ. ქლორწყალმბადის და თავისუფალ მჟავმბადის ატომთა შორის ქიმიური ზედმოქმედება ამნაირად უნდა აღინიშნოს: $2 HCl + O = H_2O + Cl_2$. ამ რეაქციის აღსანიშნავად ჩვენ ავიღეთ ქლორწყალმბადის ორი მოლეკული, რადგან თითოეულ მჟავმბადის ატომს წყლის მოლეკულების გასაჩენად სჭირდება წყალმბადის ორ-ორი ერთ მიმზიდველოვანი ატომები.

თავის თავად იგულისხმება, რომ თავისუფალ მჟავმბადის ატომების მიღება შეიძლება აგრეთვე პირდაპირ ქლორწყალმბადის ზედმოქმედებით მანგანუმის გადაჟანგზედ; ასე რომ შეგვიძლიან კოლბაში ჩავეყროთ მანგანუმის გადაჟანგი, ზევიდგან მას ცოტაოდენი წყალნარევი მარილის სიმჟავე დავასხათ და ამრიგად სიმჟავით დასველებული გადაჟანგი ნელ-ნელ ცეცხლზედ გავახუროთ. უკანასკნელ რეაქციის დროსაც მარილის სიმჟავის მოლეკულებში წყალმბადის ატომთა ადგილს ლითონ მანგანუმის ატომები დაიკერენ ქლორმანგანუმის მოლეკულთა გასაჩენად, განთავისუფლებული წყალმბადის და მჟავმბადის ორ-ორი ატომები ერთი ერთმანეთს უერთდებიან წყალმბად გადა-

ჟანგის გასაჩენად; ბოლოსაც მანგანუმის გადაჟანგისავე კონტა-
კტიურ მოქმედებით წყალმზადგადაჟანგი გაჩენისთანავე წყლად
და თავისუფალ, ორმომზიდველოვან მჟავმზადის ატომებად იქ-
ცევა, რომლებიც (ე. ი. თავისუფალი მჟავმზადის ატომები)
ზევით აღნიშნულ თანასწორობით ზედ მეტ ქლორწყალმზადის
მოლეკულებზედ მოქმედებენ და წყალმზადის ატომთა წარმე-
ვით მათ წმინდა ქლორად გარდააქცევენ.

რეაქცია ქლორწყალმზადის და მანგანუმის გადაჟანგის შო-
რის ამნაირად უნდა აღნიშნოს: I $2 \text{HCl} + \text{MnO}_2 = \text{MnCl}_2 + \text{H}_2\text{O} + \text{O}$; და II $2 \text{HCl} + \text{O} = \text{H}_2\text{O} + \text{Cl}_2$, ან ერთად:



თუ თქვენ აქ აღწერილ საშუალებეებით წმინდა ქლორს
დავამზადებთ და გაზის გამყვან ქიქის მილის შემწეობით მას
კოლბიდგან რაიმე ქიქისავე ქურქელში მოვაგროვებთ, დავი-
ნახავთ, რომ ეს გაზოვანი ელემენტი სრულებით არა ჰგავს
აქამდე გაცნობილ გაზებს: წყალმზადს და მჟავმზადს. ეს გა-
ზოვანი ელემენტი მეტად გლახა, არა სასიამოვნო სუნისაა და
ყვითელ-მოწვანო ფერით არის შეღებილი, რის გამოც უწო-
დეს მას ბერძნული სახელი ქლორი. ქლორი ძალიან მძიმე, მე-
ტად დიდი სიმკირხნის გაზოვან ნივთიერებას წარმოადგენს:
მისი სიმკირხნე ჰაერთან შედარებით უდრის 2,45-ს (ჰაერის =
1), წყალმზადთან შედარებით კი 35,45-ს ასეთ დიდ სიმკირ-
ხნის გამო ქლორის მოსაგროვებლად შეგვიძლიან თავლია ქურ-
ქელი ვიხმაროთ, ხოლო კი ქურქელის ღია თავი ზევითკენ უნ-
და იყვეს ამართული, რადგან ჰაერზედ უფრო მძიმე გაზოვანი
ქლორი ძირისაკენ ეშვება და ქურქელში მყოფ ჰაერის ად-
გილს იჭერს. ჩვეულებრივ ჰაერის ზედდაწოლის მიხედვით ქლო-
რი ადვილად იქცევა ყვითელ სითხეთ, თუ კი მას (-34)°-ამდე
გავაცივებთ. (-102)°-გრადუსამდე გაცივებით კი ქლორი მა-
გარ მდგომარეობსაც იძენს და ყვითელ კრისტალებად იქცე-
ვა. ქლორი იხსნება წყალში და ამრიგად დამზადებულ ხსნილს

უწოდებენ სახელად ქლორიან წყალს. უკანასკნელში ტანით ერთ ნაწილ წყალზედ მოუდის დაახლოვებით გაზოვან ქლორის ორი ნაწილი ე. ი. ტანით ერთ ნაწილ წყალს შეუძლიან გახსნას - ქლორის ორი ამხელავე ტანი. თუ ჩვენ ქლორიან წყალს 00-მდე გავაცივებთ, მივიღებთ მაგარ კრისტალურ ნივთიერებას ესრედ წოდებულ ქლორის დიჯრატს ანუ წყლიან ქლორს, რომლის მოლეკულში ორ ატომ ქლორზედ წყლის რვა მოლეკული მოუდის შემდეგის ფორმულით Cl_2, H_2O . ამ ნივთიერების შემწეობით ფარადემ ადვილად დაამზადა სითხე ქცეული ქლორი. მან ჩაჰყარა ეს ნივთიერება ასო ინივით მოხრილ და ერთის მხრით შეკავშირებულ ჭიქის მილში, შემდეგ მილის მეორე ბოლოც გერმეტიულად შეკავშირა, კრისტალებიანი ბოლო თბილი წყლის შემწეობით 30-მდე გაახურა და ამავე დროსვე მეორე ბოლო დანაყულ ყინულით გაცივა (იხილე სურათი). ასეთ პირობებში წყლიანი ქლორი წმინდა გაზოვან ქლორად და წყლად გარდიქცა, უკანასკნელი ჭიქის მილის გამთბარ ბოლოშივე დარჩა, ქლორი კი გაზიურს მდგომარეობაში თავისავე გავრცნის ძალის ზედგავლენით სითხეთ იქცა და მეორე გაცივებულ ბოლოში მოგროვდა. ჭიქის მილის ყინულიდგან ამოღებისთანავე ამგვარად დამზადებული სითხე ქცეული ქლორი ისევ გაზიურ მდგომარეობას იღებს და ისევ ისე იხსნება წყალში. ქლორს და საზოგადოდ ყველა გაზიურ ნივთიერებებს თავიანთი ესრედ წოდებული კრიტიკული სითხეთ ქცევის ტემპერატურა და კრიტიკული შემკუშენელი ძალა აქვთ, კრიტიკული ტემპერატურა იმას ნიშნავს, რომ ყოველივე გაზი შეიძლება სითხეთ იქცეს მხოლოდ განსაზღვრულ მაქსიმალურ ტემპერატურამდე. გაზის ამ მაქსიმალურ ტემპერატურაზედ უფრო მაღლა გახურების შემდეგ შეუძლებელია მისი სითხედ გარდაქცევა მიუხედავად იმისა, თუ როგორი ძლიერიც უნდა იყვეს მასზედ ზედდაწოლის ანუ მისი შემკუშენელი ძალა. ამნაირადვე მოქმედებს კრიტიკული ტემპერატურა სითხეებზედაც ე. ი. მიუხედავად იმისა, თუ რა ძლიერიც უნდა იყვეს სითხეზედ მომქმედი ზედდაწოლის ძალა.

კრიტიკულ ტემპერატურამდე გახურებული სითხე სულ ერთი-ანად ორთქლად იქცევა. გაზოვან და სითხეულ მდგომარეობის ნივთიერებათა ასეთ მაქსიმალურ ტემპერატურამდე გახურებას უწოდებენ სახელად კრიტიკულ მდგომარეობაში ჩაყენებას. ასეთ კრიტიკულ ტემპერატურამდე გახურების დროს ჭურჭელში დაწყვედულ გაზებს განსაზღვრულივე მაქსიმალური გავრცენის ძალაც აქვთ, რომელსაც უწოდებენ სახელად კრიტიკულ გავრცენის ძალას. ასეთ კრიტიკულ გავრცენის მდგომარეობაში საკმარისია გაზის კრიტიკული ტემპერატურა თუნდაც ოდნავად შევამციროთ, რომ ამ გაზმა ტემპერატურის შემცირებისა და მიხედვით მაშინვე შესაფერის რაოდენობით სითხეთი ქცევა იწყოს. გაზების იმ ტანის რაოდენობას, რომელსაც ისინი იღებენ კრიტიკულ ტემპერატურის და კრიტიკულ გავრცენის თანაბარ, გარეგან ზედდაწოლის ძალის პირობებში უწოდებენ სახელად კრიტიკულ ტანს. ქლორის კრიტიკული ტემპერატურა უდრის—146⁰-ს.

ჩვეულებრივ ოთახის ტემპერატურაში ქლორი ადვილად უერთდება ბევრ სხვა და სხვა ელემენტებს და მათთან ერთად აჩენს სხვა და სხვა ქიმიურ რთულ ნივთიერებებს. როგორც შესავალშიაც დავინახეთ, ქლორი უბრალო მზის სხივების ზედგავლენითაც კი უერთდება წყალმზადს და მასთან ერთად აჩენს ქლორ წყალმზადის ანუ მარილის სიმჟავეს. ასეთ გვარ გამოცდილების განსახორციელებლად ბნელ ოთახში აურევენ ხოლმე ერთად ტანით ერთ ნაწილ წმინდა ქლორისას და ამხელავე ტანის ელემენტ წყალმზადისას. ამ რიგად შერეულ გაზებს ბნელ ოთახიდგან ხის ან სხვა რამ ბნელ კოლოფის შემწვობით მზის სხივებზედ გამოიტანენ ხოლმე და შესაფერ საშუალებით კოლოფში მოთავსებულ ჭიქის ჭურჭელს სწრაფად მზის სხივებს დაუპირდაპირებენ. ასეთ პირობებში ქლორწყალმზადის ნარევი, რომელიც ქლორის ფრად შეღებილი არის, მზის სხივების ზედგავლენით სწრაფადვე და ძლიერად იფეთქებს ხოლმე და უფერულ გაზოვანსავე მარილის სიმჟავედ იქცევა. ჩვეულებრივ ოთახის ტემპერატურაშივე ქლორი მეტად ეფექ-

ტიურად უერთდება აგრეთვე ლითონ ანტიმონიუმს არსენიკუმს. საკმარისია კოლბაში მოგროვილ წმინდა ქლორში მტერად ქცეული არსენიკუმი ჩაეყაროს, რომ ეს უკანასკნელი ლამაზ ნაპერწკლების წარმოშობით შეუერთდეს გალოგენს და მასთან ერთად ქლორიანი არსენიკუმი წარმოშოს. სხვათა შორის, ეს და სხვა ამგვარივე რეაქციები იმითი არიან საყურადღებო, რომ ისინი უფრო ფართო წარმოდგენას გვაძლევენ ესრედ წოდებულ დაწვის პროცესებზედ. ყოველდღიურ ცხოვრებაში დაწვას უწოდებენ ხოლმე ნივთიერებათა მკვამბადთან სწრაფ შეერთებასა, მაშინ როდესაც დაწვა ნაპერწკლების და საზოგადოდ ცეცხლის წარმოშობით შეიძლება აგრეთვე უმკვამბადოდაც სხვა და სხვა ქიმიურ რეაქციების შემწეობით. ასე რომ დაწვის პროცესების და საზოგადოდ დაწვის სახელი შეგვიძლიან ვუწოდოთ ყოველ ქიმიურ რეაქციას, რომლის დროსაც კი ნაპერწკლები ან ალია სჩნდება.

ქლორი ადვილად უერთდება აგრეთვე ლითონ ნატრიუმს გამღვალ მდგომარეობაში და მასთან ერთად აჩენს საქმელ მარილს, ქლორ ნატრიუმს. მარილის სინტეტიურად ელემენტებისაგან მისაღებად მოგროძო და შუა-ადგილას ბურთივით გამობერილ ქიქის მილში ცოტაოდენ ნატრიუმის ნატებს ჩასდებენ; ამავე დროსვე მილის ერთ ბოლოდგან წმინდა ქლორს შეუშვებენ და ცეცხლის შემწეობით მილში მოთავსებულ ლითონ ნატრიუმს ნელ-ნელ გააღვებენ. ასეთ პირობებში გამღვალნი ნატრიუმი ეფექტიურის ალის წარმოშობით შეუერთდება ქლორს და ამრიგად გაჩენილი ქლორ ნატრიუმი მილის კედლებზედ თეთრად დაილგება-დაჯდება.

ქლორი უერთდება აგრეთვე, — ხოლო კი უფრო ხანგრძლივის ზედგავლენით — ლითონ სპილენძს, ოქროს, ვერცხლს და სხვებსაც. არალითონებიდგან კი ყველაზედ უფრო ადვილად ქლორს მეტალოიდი ფოსფორი უერთდება, რომელიც მასთან ერთად ყვითელ ალას წარმოშობით აჩენს ახალ რთულ ნივთიერება ქლოროფოსფორს. ქლორას ქიმიურ თვისებებიდგან ყველაზედ უფრო საყურადღებო არის მისი ოზონის და წყალმ-

ზადგადაქანგის დაგვარი გადაქანგის რეაქცია. ქლორი ადვილად უკარგავს ფერს სხვა და სხვა საღებავებს, როგორც არაან, მაგალითად, ლაკმუსი, ინდიგო და სხვები; საზოგადოდ ეს გაზოვანი მარტივი ნივთიერება ადვილად ქანგავს სხვა-და-სხვა რთულ ნივთიერებებს, ადვილად სწვავს და სპობს მავნე ღობის ანუ გახრწნის თვალით უხილავ ჰაწაწა არსებებს ესრედ წოდებულ მიაზმებს. საყურადღებო ასეთ დაწვა-დაქანგვაში ის არის, რომ სრულებით მშრალ, წყალ-შოკლ ბულ ნივთიერებებზედ ქლორი ამ მხრით სულაც ვერ მოქმედობს; ასე რომ მის გაქანგვის თვისებას ადგილი აქვს მხოლოდ წყლის თანადასწრებით. ასეთ შემთხვევებში ე. ი. ნივთიერებათა ქლორის ზედგავლენით დაწვა-დაქანგვაშიაც წყლის თანადასწრებით მოქმედობს იგივე მუქებადის, თავისუფლად ატომები, რომლებშიც ადვილად სწნდებიან ქლორის წყალზედ ზედმოქმედებით. გამოცდილება გვიჩვენებს, რომ ქლორის წყალი ე. ი. ისეთი წყალა, რომელშიაც ქლორი არის გახსნილი, მზის სხივების ზედგავლენით ძალიან ადვილად და შესამჩნევად ანთავისუფლებს თავის მუქებადს; მისი წყალმბადი კი ელემენტ ქლორს უერთდება და მასთან ერთად ქლორწყალმბადის სიმუქავს აჩენს, რეაქცია ქლორის წყალზედ ზედმოქმედების ამრიგად უნდა აღინიშნოს: $Cl_2 + H_2O = 2 HCl + O$. ამნაირად ქლორის ოზონისებური ზედმოქმედება სხვა-და-სხვა ნივთიერებებზედ აიხსნება მხოლოდ მისის შუამავლობითი მოქმედებით: ქანგვის პროცესებს ახდენს მის შემწეობით წყლისაგან განთავისუფლებული მუქებადის ატომები. რადგან ჰაერში მყოფი ნივთიერება ყოველთვის შეიცავს ცოტაოდენ წყალს, ამისათვის გასაკვირალიც არ არის, როს მათზედ ქლორი აზონის და წყალმზადგადაქანგისავით მოქმედობს.

მარილის სიმუქავე $HCl = -36$,

ქლორწყალმბადის სიმუქავე თავისუფალ მდგომარეობაში ზუნებაშიაც მოიპოვება, მაგალითად, ზოგიერთ ვულკანების გა-

ზებში. ეს სიმჟავე თავისუფალსავე მდგომარეობაში ადამიანის და საზოგადოდ ცხოველთა სტომაქის კანში სჩნდება და ასეთ მდგომარეობაში მას მეტად დიდი მნიშვნელობა აქვს საქმლის მონელებისათვის.

ამ სიმჟავის სინტეტიურად მიღება, როგორც ვიცით, შეიძლება პირდაპირ ქლორის და წყალმბადის შეერთებით მზის სხივების შემწეობით. მარილის სიმჟავის სინტეზისათვის შეიძლება აგრეთვე ქლორწყალმბადის ნარევი ჰიქის ცილინდრში მოვათავსოთ და ცილინდრის ღია ბოლოდგან სწრაფად ცეცხლის შემწეობით ავაფეთქოთ; *) ამავე მიზნისათვის შეიძლება წყალმბადი დავსწვათ ქლორში ან ქლორი წყალმბადში. უკანასკნელ სინტეზის განსახორციელებლად ჰიქის მილის შემწეობით გაზომეტრიდგან წინდაწინვე დამზადებულ მშრალ წყალმბადს გამოუშვებენ ნელ-ნელა; გამომავალ გაზს ცეცხლს წაუკიდებენ და მილის ალიან ბოლოს ქლორით სავსე ჰიქის ცილინდრში ჩაუშვებენ. ასეთ პირობებში წყალმბადი ქლორში იწვის ხოლმე და მასთან შეერთებით გაზოვანსავე, უფერულ რთულ ნივთიერებად, ქლორწყალმბადად იქცევა; უკანასკნელი ჰაერში მყოფ წყლის ორთქლთან შეხვედრით ნისლსავით ბნელს ფერს იღებს და ნელ-ნელა, მძიმედ ჰაერისავე გაზებს ერევა- (იხ. სურ. (ა) მარილის, სიმჟავის სწორედ ამგვარივე დაწვითი

*) ცილინდრს სხვა-და-სხვა გაზების აფეთქების დროს სოველ ნაქერს შემოახვევენ ხოლმე, რადგან შესაძლოა აფეთქების დროს ცილინდრი დაინსხვრეს და ჰიქის ნატეხებმა რაიმე ზიანი მოიტანოს.

VII — **შინაური მიმოხილვა**. — ნაციონალური პროგრესიული პარტია რუსეთში. — რეფორმი შინაგან საქმეთა სამინისტროში. — სარწმუნოებრივი თავისუფლება. 49

VIII — **უცხოეთის მიმოხილვა** — რუსეთ-იაპონიის ომი 62

დამატება:

IX — **მინერალური ძივია**. — ა. კლდაიაშვილისა 81—96



მთაბეე

წელიწადი მეთორმეტე

გამოდის ყოველ თვე

ფასი ჟურნალ „მოამბისა“ გაგზავნით:

რუსეთის და კავკასიის ქალაქებში:	სახლვარ-გარედ:
ერთის წლის 10 მან.	ერთის წლით 13 მან.
ექვსი თვით 6 მან.	ექვსის თვიო 7 მან.
სამი თვით 4 მან.	სამი თვით 5 მან.

მინც „მოამბისა“ გამოიწვიოს, „ცნობის უზრცელი“ კვირაში წარის სურათებიანის დამატებით უფასოდ დაეთმოება

ფასის განაწილება შეიძლება ასე: პირველად 5 მან. 1-ლ მარტამდე—3 მან, და 1-ლ აგვისტომდე—2 მან.

ხელის-მოწერა მიიღება ტფილისში, ჟურნალ „მოამბისა“ რედაქციაში რომელიც იმყოფება ვანქის დიდ ქუჩაზე № 27.

ქალაქს გარეშე ხელის-მომწერება **მართი** მანეთი უნდა წარმოადგინოს **დამატებითა** გასაგზავნად.

ქალაქს გარეშე მცხოვრებთათვის ადრესი: **Тифлисъ, Редакция „Моамбе“**

ჟურნალში დასაბუთებულ მიღებულ წერილებს, თუ საჭიროება მოითხოვს, რედაქცია შეასწორებს და შეამოკლებს. ხელნაწერები, რომლებიც ალ დაიბეჭდება, პატრონებმა რედაქციაში უნდა მოიკითხონ ერთის თვის განმავლობაში,—მერმე ვეღარ მოსთხოვენ რედაქციას; არავითარ მიწერ-მოწერას დაუბეჭდავ ხელნაწერების შესახებ რედაქცია არა კისრულობს.

დასაბუთებულ წარმოგზავნილ თარგმანზე აღნიშნული უნდა იყოს უეჭველად ყველა ის წყაროები, საიდანაც არის თარგმნილი ხელ-ნაწერი.

ყურთმელ ავტორსაც ან გამომცემელს ჰსურს, რომ ახალი წიგნის შესახებ ნაღმა თავისი აზრი წარმოსთქვას; ორ-ორი ეგზეკლიარი უნდა გამოუგზავნოს რედაქციას.

პირ-სპირ მოლაპარაკება რედაქციათან შეიძლება ყოველ დღე, კვირათუგამეცა ვაროა, უუდლიდან ნაშუადღევის ორ საათამდინ.

რედაქცია უმცარჩილისადა სთხოვს ყველა ხელის მომწერთ, რომელთაც კი ჟურნალის ნომერი არ მიუვიათ, განცხადებასთან ერთად რედაქციას წარმოუგზავნონ აგრედვე მოწმობა იმ ფოსტის კანტორისა, რომლიდანაც იღებენ ნომრებს, რომ ამ კანტორას ესა და ეს ნომერი არ მიუღია: წინააღმდეგ შემთხვევაში ხელ-მეორედ ნომერი არავის გაეგზავნება.

რედაქტორი	გამომცემელი
ა. დ. ჭეცხელია	ა. დ. ჯანადაძე